

ROGERI WIDDRINGTONI,  
CATHOLICI ANGLI AD  
Sanctissimum Dominum PAVLVM  
QVINTVN, Pontificem Max.  
humillima Supplicatio.


cui

Adiungitur *Appendix*, in quo plurimæ calumniæ  
cum insigni fraude, & maledicentia coniunctæ, quas *Adolphus*  
*Schulckenius* Doctor Theologus eidem *Widdringtono* ad  
eius hæreseos accusandum falsò, summamq; perinuri-  
am imposuit, perspicuè deteguntur,

ET

*Idem Schulckenius* iustus vocatur, atq; in manifesta calumnie  
iudicium a *Widdringtono* adducitur.

Quod iustum est indicare, Nulla erit distantia personarum: Ita  
paruum audietis, ut magnum, nec accipietis cuiusquam per-  
sonam, quia Dei iudicium est. *Deuterom. cap. i.*



ALBIONOPOLI  
Apud Ratum Lipsiam, 1616.

Y  
X

Sa

if

Por

D

ex

Sac

un

ad

un

an

ti

go

an

L

ri





Sanctissimo, atq; Bea-  
 tissimo Patri PAULO Quinto  
 Pontifici Maximo ROGERVS WID-  
 DRINGTONVS Catholicus An-  
 glus perpetuam foelicitatem  
 precatur.



*Annus iam integer, &  
 ferme medius (Beatissi-  
 me Pater) elapsus est,  
 ex quo Purgationem meam, quam  
 Sacra Illustrissimorum Cardinali-  
 um Congregatio mihi iniunxit,  
 ad vestram Beatitudinem per mo-  
 dum supplicis libelli transmitten-  
 dam esse curauerim. In eo libello tria  
 tantissimum continebantur, pro quibus  
 ego, illorum librorum Author, qui ex  
 mandato vestrae Sanctitatis male pro-  
 pter dubio per quosdam informati pro-  
 scripti sunt, obsequentissimus Eccle-  
 siæ*

siæ Catholicæ Romanæ, et vestra  
 Beatitudinis in spiritualibus filius, et  
 simul fidelissimus Regni Angliæ,  
 Regisque nostri Serenissimi Iacobi  
 in temporalibus subditus ante supremum  
 vestræ Sanctitatis tribunal, ut me  
 purgare, vocatus, ad pedes vestræ Sā  
 ctitatis pronolatus, vestræ Beatitu  
 dini per tremendam Dei supremi om  
 nium Iudicis Maiestatem humillime  
 supplicauit.

2 Primum erat, ut quod iustum est iu  
 dicaretis, et rectum iudiciū mihi facere  
 tis, neq. solis illorum, qui mihi in ha  
 cūsa Aduersarij sunt, et verba mea  
 cōtra sensum a me intentum turpiter  
 deprauarunt, informationibus fidei  
 adhibere, sed causam meā, quæ etiam  
 non mea tātū, sed quorumcūq. Chri  
 sti fidelium tam subditorum, quam  
 Regum communis est, ex certa vestra  
 scientia iudicare velletis

3 Alterum, ut quoniā Sacra il  
 lorum Congregatio mihi sub penis grauissi  
 mis, Cēsuris nepe, alijsq. penis Eccle  
 siasticis

strastisticis de me quamprimū purgando  
 us, et preceptum imposuit nec tamen crimē  
 glig. aliquod vel speciatim, vel etiam gene-  
 cob. ratim, a quo me purgarē, mihi indica-  
 emū. ui! (qui nouus, inauditus, & prae-  
 t me omne, cuiuscūq; tribunalis morē pro-  
 Sā. cedēdi mod⁹ permultis quidē scādali,  
 titu. et plerisque admirandī ansam dedit)  
 i om. Sanctitas vestra pro paterna illa,  
 illi. quā munus Pastorale vobis impo-  
 q. ia. suit, quorumcūque Christi fidelium  
 cere. solitudine, me de illis omnibus, aut  
 n ha. saltem aliquibus, quae in libris illis  
 me. aut fidei, aut bonis moribus repugnā-  
 bite. tia esse certò constat, & a quo crimine  
 gden. me purgare deberem, certiozem red-  
 tian. dere dignaretur; nam quae in illis  
 chr. corrigenda sunt corrigere, quae pur-  
 uat. ganda sunt purgare, quae explicanda  
 est. sunt explicare, & quae retractāda sunt  
 retractare paratissimum me fore ex  
 animo professus sum.

a. il. 4 Tertium erat, ut Sanctitas ve-  
 anj. stra, si de me, meisq; scriptis, post debi-  
 ccl. tā coram examinationem, se male per-

quosdam informatā esse, neq; aliquid,  
 quod à doctrina Catholica dissentit,  
 in illis reperiri, prout quidā fortassis  
 vestræ Beatitudini suggererunt. de-  
 prehenderit, illam Sacræ Congre-  
 gationis sententiā contra me, meosq;  
 libros ex mala informatione, importu-  
 na quorundam sollicitatione, malouē  
 verborum meorum intellectu latam  
 revocare, bonæque mei nominis ex-  
 istimationi omni meliori modo,  
 quo vestra prudentiæ, charitati, at-  
 que iustitiæ magis consentaneum vi-  
 deretur, consulere, meque pro Catho-  
 lico, atque Ecclesiæ Catholicæ filio ha-  
 bere vellet. Quod enim alibi <sup>a</sup> scripsi,  
 tunc denuo repetij, & nunc iterum re-  
 peto: Catholicus sum, & Ecclesiæ Ca-  
 tholicæ Romanæ filius, et si aliquis cu-  
 iuscunque dignitatis fuerit, mihi no-  
 tam hæreses per iniuriam incurrere  
 voluerit, pro certo habeat, me, Deo pro-  
 tegente, ijs omnibus modis, quibus De-  
 us, et natura innocenti se defendendi  
 facultatem concedunt, donec Ecclesiæ,  
 de

a In Disp.  
 Theolog. in  
 namor. ad  
 Lectore nu. 9.

de mea opinione plenè informata, eam  
clarè et particulatim, (neque enim er-  
rores reuocare quis poterit, nisi quinā  
sint speciatim cognoscat) condemnau-  
erit, ab illius calumnijs me pro virili  
vindicturum.

5. Hec sunt precipua, pro quibus  
ego in illa Purgatione, ( præter id  
quod antea <sup>b</sup> in alia Petitione à ve-  
stra Beatitudine deprecatus sū ) à vo-  
bis humilline supplicavi, quæq; facilli-  
mè a charitate vestra me impetratu-  
rum, cum tam iusta, tam rationabilia,  
et absq; omni exceptione sint, quæ po-  
stulo, plurimum confisus sum. Sed mē-  
ses iam septēdecim excursi sunt, neq;  
quodnam sit vestræ Beatitudinis be-  
neplacitum, hætenus noui, neq; bonæ  
mei nominis existimationi adhuc ullo  
modo cōsultum esse perspicio, dum qui-  
dam etiā nunc, indiscreto sanè, (ama-  
ritudinis, et vindictæ, an charitatis,  
zelo, iudicet Deus) occasione partim ex  
decreto illo, quo libri mei prohibiti  
sunt, partim ex Breui vestro Apo-  
stolico,

<sup>b</sup> In Epist. ad  
vestram Sanct.  
ante Disp.  
Theolog. nu.  
11.

solico, in quo Sanctitas vestra multa in iuramento contineri, quæ fidei & salutis aperte aduersantur, palam declarauit, arrepta, me cõuictis indicies iacessere, & tanquam hæreticū, Sedisq; Apostolicæ aduersarium, atquē rebellem, apud imperitum vulgus traducere non pertimescunt: Atquē idcirco eandem petitionem meam denno iterare, eamque vestris auribus iterum suggerere, me, meāq; famam, atque innocentiam tuendi necessitate planè compulsus sum.

6 Neque unquam profectò vestram Beatitudinem deprecandi, & per eum, qui vos, vniuersalem gregis sui Pastorem, atquē Instruēlorem constituit, quique proinde excēt. Ssimā in tremēdo iudicij die pro qualibet etiam ouicula rationem a vobis exposcet, obtestandi finem faciam, donec Sanctitas vestra nos Anglos Catholicos, quænam sint illa multa, aut vnam saltem è multis, quæ in dicto iuramēto, fidei, aut salutis adeo aperte repugnantia esse

esse suis Breuibus declarauit, edocere,  
 et prædictum II<sup>INCILII</sup> Cardinalium  
 decretum, quo libri mei prohibentur,  
 et mihi me purgandi, sed nescio a quo  
 crimine, præceptum imponitur, vel re-  
 uocare, vel quanam sint illa, quæ in li-  
 bris meis aut fidei, aut bonis moribus  
 aduersantur, ut ea aut expurgare, aut  
 ab ijs me purgare possim, mihi pate-  
 facere, bonaque mei nominis existima-  
 tioni prospicere utcumque dignata  
 fuerit: Nequæ enim caducum aliquid  
 in terris bonum, sint diuinit<sup>æ</sup>, honor,  
 libertas, sanitas, aut ipsa et etiam  
 vita, pluris quàm bonum mei nomi-  
 nis existimationem, in crimine præ-  
 sertim, quod hæresim sepius, facio, a  
 qua vix licitis, iureque natura conces-  
 si: defenacnda, nullus sanè hominis  
 timor, nullaque censurarum, quæ, nisi  
 iustæ sunt, parum plus nihilo va-  
 lent, <sup>c</sup> nequæ in cōscientia obligāt,  
<sup>d</sup> comminatio me unquam detererūt.

7 Et tamen si optime nouerim, me  
 in hac controuersia grauissima, quæ ad  
 de-

<sup>c</sup> Nauar in  
 Euchirid cap.

27. nu. 3.

<sup>d</sup> Suarez De  
 Censur. Disp.

4 sec. 7. nu. 2. 4.  
 23. & seq.

debitam Deo & Cæsari, Principi  
 spirituali, & temporali obedientiam  
 iure diuino præstandam spectat, per-  
 tractanda, lupum, ut in prouerbio est,  
 auribus tenere, (qua sane cogitatio  
 conscientiam meam, ut alias <sup>c</sup> admo-  
 nui, quando primum quæstionem hæc  
 examinare in animum induxi meum,  
 valde perplexam reddidit) cum in al-  
 terum extremorū delabi, et vel Sum-  
 mi Pontificis, vel Principis tempo-  
 ralis auctoritatem nimium efferre,  
 nimiumnè deprimere facillimum esse  
 perspiciā, adeo ut nisi rectissima planè  
 via, & non magis ad dexteram, quàm  
 ad sinistram deflectens, incedam, utri-  
 usq; indignationem effugere nullate-  
 nus possim, cum uterque auidus sui  
 iuris relator sit, neq; eo per quempiam  
 spoliari certè absque stomacho ferre  
 queat; Attamen, dum ex altera parte  
 mecum perpendo, me causam hanc pe-  
 riculosam, quæ et corpora, et animas in  
 tam apertum discrimen conijcit, non  
 adulandi animo, aut contradicendi li-  
 bidine,

<sup>c</sup> In Prefat. ad  
 Apolog. pro  
 Iure Princi-  
 pum, vide in-  
 fra in Append.  
 §. 19.



*bidine, Deus mihi testis est, sed gratia tantum per discendi, quæ Dei sint, quæ Cæsaris, ut quod suum est, utriq; reddere possimus, discutiendam in me susceperim, magna spe afficior, neque vestram Sanctitatem, neque Regiâ Maiestati, quarum prudentiæ, et benignitati plurimum confido, vlla prorsus contra me. pro utriusque iuribus, nostraque obedientia, quæ illis respondet, peruestigandis humiliter disputantem, neque proteruè aliquid statuentem, sed utriusque iram, quantum possibile est, et illius præsertim, qui & Deo, & Cæsari quæ suæ sūt, reddere præcepit, offensam effugere cupientem, indignatione commotas iri.*

8 Etenim, quando Principes isti supremi, supremi inquam, nam uterq; in gradu suo supremus est, neque alterius iuri, in ijs rebus, in quibus principatū tenet, subiectus, de iuribus suis inter se decertant, quando vnus suam Iurisdictionē alterum usurpare, gladiumque suum è manibus eripere, & falcem

*falcem in messem suam immittere contendit, nequè vlla omnino istius litis componende spes est, cum vnus alteri cedere, donec controuersia hac auctoritate legitima decisa fuerit, nullatenus velit, quid nos infelices subditi in his angustijs positi agere, quo pacto nos gerere, cui parere, quem sequi in hac contentione debemus, res est procul dubio tum propter iram, tum propter conscientiam periculi plena. Princeps enim temporalis terribilem vite, ac necis gladium exerit, illumque in nos vibrat, et carceris, exilij, egestatis, mortis deniq; nisi eum sequamur, minas intendit: Spiritualis autem horrendam Excommunicationis, que, teste S. Augustino,<sup>f</sup> morte corporali grauior est, mucronem extrahit, illumque nobis, nisi illi obsequamur, minatur. Sed hec vtiq; leuiora essent, neq; tantum nobis terrorem incuterent, dummodò conscientia salua maneret, et siue huic, siue illi obtemperando alterius indignationem*

*f Lib. r. contra  
aduers. leg. &  
prohp. cap. 17.*

*nationem incurreremus, illius Principis iram, qui vite et mortis Author est, et qui non tantum corpus occidendi, sed animã & corpus ita Principum, quam subditorũ in gehennã mittendi potestatem habet, absq; ullo prorsus periculo declinare possemus.*

9 *Sed undique profectò peccandi, & diuinam legem violandi timor obrepit. Nam si summo Pontifici, qui Reges deponendi potestatem sibi vendicat, subditos a fidelitate Regi aliquin debita absoluenti non obtemperemus, in spiritualis inobedientie periculum incidere, illiusque iram, qui Deo que Dei sunt reddere precepit, in nos concitare videmur: Sin autem Regi nostro Serenissimo, qui talem Summi Pontificis deponendi Principes potestatem non veram, sed fictitiã, usurpatam, non a Christo datam esse contendit, rebelles fuerimus, in læsæ Maiestatis discrimen precipites ruere, eiusque indignationem incurrere videmur, qui non solum*

*solùm quæ Dei sunt Deo, sed & quæ Cæsaris sunt Cæsari reddere, nos oportere totidem planè verbis sepiùs inculcauit: adeo ut neque Pastori spiritali obedientiam spiritualem, neque Principi temporali obedientiam temporalem denegare absque læsa conscientia, atque diuina etiam Maiestate quisquam possit.*

10 *Atque hæ sunt angustie, Beatissime Pater, quæ nos miseros subditos (Anglos præsertim Catholicos, quos tibi hac de potestate vestra in Principes plus premit quàm ceteros) qui & vestræ Sanctitati in spiritalibus, & Regi nostro in temporalibus obedire tenemur, undique circumdant, dum Sanctitas vestra cū Regibus, & Reges cum Sanctitate vestra de iuribus suis, spiritualia, an temporalia sint pariter dimicatis: et nos interim infelices subditi, quæ Dei sint, quæ Cæsaris, quæ obedientia spiritalis, quæ temporalis dicenda sit, ut utrique quod verè suum est,*

est, reddere possimus, penitus ignoramus.

II In hunc igitur finem, ut scilicet debitum nostrum Deo, & Cæsari obsequium addiscere, quos terminos potestati spirituali, & temporali Christus constituit, deprehendere, et ita tandem quæ obedientia spiritualis sit, quæ civilis, ac proinde quoniam iuramentum spirituale, quod temporale dici debeat, intelligere clarè possemus, plures iam libros in lucem edidi, vnumque ex illis Beatitudini vestræ dedicaui, vestram Sanctitatem instantissimè deprecans, ut quoniam in eo fidelitatis iuramento, quod Rex noster Serenissimus temporale tantum, ac planè civile esse contendit, multa contineri, quæ fidei, & salutis apertè aduersantur, Apostolicis suis literis iam palam declarauit, neque nos (tametsi iuramentum illud, et singulas eius partes, & quæ utrinquè obijci solent, iterum atque iterum diligentissimè, prout par erat, expendimus)

*derimus aliquid prorsus in eo comprehendendi, quod fidei, aut saluti repugnans est, aut civilis obedientie, quam civilem esse, & non spirituales plures viri eruditi semper existimarunt, limites transcendit, perspicere adhuc valemus, Sanctitas vestra pro Pastoralis, quo fungimini officio, nos Anglos Catholicos, quanam sint illa multa, vel unum saltem è multis, quod in illo, iuxta certa, & indubitata Catholica fidei principia (neque enim iam quid Card. Bellarminus, qui nobis in hac causa Aduersarius est, aut alius quicumque priuatus Doctor, qui fallere potest & falli, sentiat inquirimus) fidei, aut saluti aduersatur, palam, perspicuè, & absque ullis verborum integumentis edocere dignaretur.*

*12 Sed heu nos infelices, qui panem vite a Patre spirituali, doctrina pabulum à Pastore animarum humillimè petuimus, & ipse, proh dolor, lapidem dedit nobis, qui instructionem*

structionem a communi fidelium omnium Magistro obnixè postulauimus, & ipse supplicationem nostram despexit, reiecit, condemnauit, nobisque etiam, nisi ab ea quamprimum purgaremus, nec tamen quid in ea purgandum esset, nobis significare voluit, Censuras Ecclesiasticas cōminatur. O tempora, ò mores, An non videt Sanctitas vestra quā scandalosa hæc sint, quàm extranea, atq; Apostolorū, veterumque Pontificum praxi quā maximè dissentanea?

13 An forsā Romanæ Curiaē maiestatem tantūmodo iam decet (sic enim quosdam inuissitantes audiui) ut leges condant, præcepta imponant, penas intendant, Censuras fulminet, & non etiam, ut ijs qui ignorant, & errant condoleat, eos doceat, erudiat, & in spiritu lenitatis instruat, atque difficultatibus, quæ circa leges, præcepta, penasque quas imponit occurrunt satisfaciat, & conscientias, quas leges ab ea latas Breuia

*ab ea ad nos missa perplexas reddunt, suis instructionibus pacatas faciat? Absit hæc cogitatio a Sanctitate vestra, a charitate vestra, a iustitia vestra, ab humilitate vestra, a Vicario Christi, a Successore Petri, & a Seruo seruorum Dei. Talia meditentur Reges, & Principes qui dominantur terræ, vos autem, qui non dominantes in cleris, sed forma facti gregis, non sic.*

*14. Magnam sanè Pastoris spiritualis dignitatem, & potestatem esse, Sancti Patres conclamant, tantoque maiorem, & digniorem, quanto anima corpori, terrena cælestibus dignitate anteccedunt. Habēt enim terrestres Principes vinculi potestatem, verū corporum solū. Id autē quod dico Sacerdotum vinculum ipsam etiam animam contingit, atque ad cælos vsque peruadit. Sed nihilominus alium pascendi modum in Pastore, alium regendi in Rege seruandum esse, neque tantam*



*tam esse in utrisque auctoritatem ydem Sancti Patres affirmant. Nam exteri quidem Iudices, cum facinorosos homines leges transgressos fuisse deprehenderint, magna se præditos auctoritate, ac potestate ostendunt, eosdemque vel inuitos suos ipsorum mores mutare cogunt, hic vero non vim adferre, sed suadere tantum oportet, atque hac ratione meliorem efficere, quem emendandum susceperis. Neque enim nobis facultas tanta a legibus data ad delinquentes coercendos.*<sup>h.</sup>

*h. Chrysost. lib. 2. de Sacerdotio cap. 3.*

*15 Quod si quis dixerit, vestram Sanctitatem non Pastorem tantum spirituale, sed Principem etiam esse temporalem, cum notum sit, ut ait Papa Innocentius, i Romanos Pontifices & Summi Pontificis auctoritatem exequi, & in B. Petri patrimonio Summi Principis exequi potestatem, Non abnuo. Sed tamen si eadem persona sit Pastoris, et Prin-*

*i in cap. per venerabilem,*

cipis, diuersa tamen sunt utriusque munia, diuersa potestates, diuersa leges, quas ex Christi lege uterque seruare debet; Et si persona Pontificis aliorum consilijs adharens, aliorum informationibus confidens, innocentes iniuste opprimat, Christi legem violet, potestatem, & Maiestatem quæ illi ex Christi lege non competit, iniquè usurpet, quid in extremo iudicij die, ubi nulla erit acceptio personarum, <sup>k</sup> sed quicumque, siue Princeps sit, siue subditus, siue Pontifex siue Clericus, timet Deum, & operatur iustitiam acceptus erit illi, <sup>l</sup> fiet de persona Principis, cogitare perhorresco.

† Rom. 2.

l Act. 10.

16 Verum ego ad supremum vestræ Curie tribunal, non quæ Princeps estis, sed quæ Pastor, me fisco, ad vestram Sanctitatem malè de me, meisq; libris informatam melius informandam, non quæ Constantino in regimine temporale, sed quæ Petro in munere Pastoralis succeditis

ceditis, prouoco, atque ad vestram Beatitudinem aduersus eos, qui male vos informarunt, quique vestra prudentia, iustitia, & charitate turpiter abusi sunt, de iniusta mea oppressione, librorum condemnatione, atque de iniuncta mihi contra legis natura praescriptum, & cuiuscunque tribunalis morem, purgatione, ( crimine, à quo me purgare debeam, celato ) iam queritans, appello.

17 Dicam liberè, Beatissime Pater, quod sentio; iam enim veritatem liberè, palamq<sup>ue</sup>, fateri meam famam, meamque innocentiam tuendi necessitas me cogit. Credo equidem, et firmiter mihi persuadeo, vestrâ Beatitudinem tam singulari, sanctitate, iustitia, charitate, prudentia exornatam esse, ut innocentes opprimere, suppressis Principibus ius suum eripere, auctoritatē ullâ, quam Christus vobis non concessit, usurpare, aliudue committere, quod vel Christianis

*scandalum, vel Sedi Apostolicę opprobrium esse posset, sciens, ac volens nequaquam vellet. Ideoque si quid iniustum, si quid scandalosum, si quid à paterna vestra charitate, atq; prudentia alienum ex mandato vestro procedere cōtigerit, hoc nō vestre sanctitati, iustitię, charitati, prudentiæ, sed illis, qui vobis à consilijs sunt, qui que vel proprias opiniones sequuti, vel proprijs affectionibus abducti malè vos informant, tribuendū esse cēseo.*

18 *Inter hos, qui vestram Sanctitatem de me meisquē libris, atque de nupero fidelitatis Iuramento sinistrè informarunt, quique Beatitudinem vestram ad Brevia sua huc mittenda, in quibus Iuramentum illud plura in se complecti, que fidei aperte repugnant, declaratur, atque ad illud Sacrę Congregationis decretum, (in quo duo libri a me compositi condemnantur, et mihi quoque, ut me quamprimum purgem, nullo tamē crimine, a quo me purgare debeam, indica-*

*indicato, præceptum imponitur) vestra auctoritate confirmandum sollicitarunt, primum, ac præcipuum, non ego tantum, sed plures alij tum nostrates, tū exteri pro certo habemus, fuisse Illustrissimum Card. Bellarminum, qui & vestra Sanctitati in Sacra illa Congregatione a consilijs, & à secretis est, et mihi quoque præcipuus in hac causa Aduerlarius, utpote quæ solū in mea pro Iure principū Apologia, et quem potissimum in Disputatione mea Theologica consutandam suscepi, quique in causa mea, atq; etiam sua, et Accusator, et Testis, et Iudex esse voluit. Nam et librum aduersus meam Apologiam, tametsi nō proprio, sed alterius, nempe Adolphi Schulckenij nomine, ut fama publica est, evulgatum conscripsit, in quo me hæreseus, ut alia eius conuitia iam mittam, falso, et per iniuriam accusauit, & ad id comprobandum nudam suimet ipsius assertionem absque sufficienti probatione, ut*

*m* In Appen-  
dice.

*Sanctitas vestra infra<sup>m</sup> videbit, pro testimonio adduxit, & tandem in Sacra illa Congregatione, in qua ipse primas tenet, præfatam condemnationis sententiam aduersum me, meosque libros, nullo crimine, ob quod condemnantur, expresso, proferre non dubitauit.*

*19 Sed aduertat, obsecro, prudentia vestra, quàm scandalosè informatores isti vestra charitate, atque iustitia abutuntur, vestramque Beatitudinem, adeoque ipsam Apostolicam Sedem Principibus populoque Christiano, odiosam, quantum in ipsis est, reddere student, dum noua sua dogmata, quæ Regalia Principum iura euertunt, ipsamque Maiestatem Regiam conculcant, pro fide, scilicet, Catholica ab omnibus necessario credenda Principibus, populoque Christiano obtrudere nituntur, & cum ea firmis rationibus stabilire, suosque Aduersarios argumentis euincere*

*cere non valeant, ea sophisticis quibusdam ratiunculis confirmare tentant, suosque Aduersarios Censuris, minis, terroribus, & tandem librorum prohibitione, ne eorum fraudes & Sophismata detegantur, vestra interposita auctoritate superare se posse confidunt.*

20 *Ecce enim, Beatissime Pater, quàm scandalosa sit hæc librorum, qui Regalia iura, inter vestram Sanctitatem, & supremos Principes, controuersa sincerè tractant, prohibitio, vestra præsertim auctoritate facta, quàmq; iniuriosa sit Principibus, Subditis periculosa, atque ipsi Catholicæ fidei quàm maxime perniciofa. Etenim si inter vestrâ Sanctitatem, & Principem aliquẽ Christianum de alicuius Regni, quod Princeps ille legitime possidet, dominio lis vlla, controuersia, altercatio esset (ut etiam nunc de vtriusque Regni Siciliæ, quod Reges Catholici possident, iuribus inter Romanos Põtifices, et ipsos*

n In Apologia  
pro Responſ.  
ſua ad librum  
Jacobi magnæ  
Britan. Regis  
cap. 3.

o In Contro-  
uerſia Anglic.  
cap. 4 q. 9.

*ipſos concertatio eſt, Card. Bellar-  
minus n Martinus Becanus, ° &  
quidam alij infirmiſſimis rationi-  
bus ducti, etiam Reges Angliæ Ro-  
mani Pontificis feudatorios eſſe,  
affirmare non dubitant ) an non  
maximam Principi illi, eiſque ſub-  
ditis iniuriam fieri quivis exiſtimare  
merito poſſet, ſi Sanctitas veſtra  
illis ſtriçtè & ſub grauiſſimis penis,  
Cenſuris nempe Eccleſiaſticis, præ-  
ciperet, ut eas tantum Scripturas,  
libroſque, qui veſtræ Sanctitatis iu-  
ra, titulumque confirmant, euolueret,  
neque eas Scripturas, libroſue, qui  
Principis illius iura, titulumque cor-  
roborant, quique uniuerſa argumen-  
ta, que pro iure tituloque veſtro ſta-  
biliendo afferri ſolent, infirma, falla-  
cia, ſophiſtica, & vix ullius planè ro-  
boris eſſe perſpicuè oſtendunt, ullo  
modo perlegerent, aut apud ſe detine-  
rent, ſed eos vel veſtræ Sāctitati, vel  
ijs, quos Sanctitas veſtra designaret,  
ſtatim exhiberent.*



21 *Quid Princeps ille, quid populus illi subiectus, quique illi temporalem obedientiam ex Christi lege prestare debet, quid ceteri Principes, et subditi omnes Christiani, quibus eadem prorsus causa esse potest, de tã iniusto precepto concipere iure possent, et quale premium, seu quam potius penam, illi, qui à vobis a Consilijs sunt, quique sinistris informationibus, atque importunis sollicitationibus vestrâ Sanctitatē quasi volentē nolentē ad tale mandatū, quod in gravē Sedis Apostolicæ ignominia, in summam Supremi illius Principis iniuriam, atque in non leuem Censuratum Ecclesiasticarum contemptum vergeret, promulgandum compellerent, a vestra Beatitudine expectare mererentur, et utrum Princeps ille, populusque illi subditus, tali decreto, talibusque Censuris, qua nisi iusta sint, iustumque supponant preceptum, in conscientia non obligant, parere tenerentur,*

*tum*

*tum vestra prudentia, tum viris quibuscunque eruditis iudicandum relinquo.*

22 *Atque ita planè in presenti hac de potestate vestra in Reges controversia res se habet, dum Sacra illa Congregatio libros meos, qui Regalia Principum iura, que inter ipsos, eorumque subditos, atque Romanos Pontifices verè controversa sunt, confirmant, & supremam Principum auctoritatem contra pre-tensam Summi Pontificis eos deponendi potestatem propugnant, prohibendos, & a nemine legendos aut detinendos, sed Inquisitoribus, aut locorum Ordinarijs statim tradendos esse decreto publico ex mādato vestre Sanctitatis declaravit. Et enim si Sanctitati vestre precedentium seculorum ad hac usque tempora annales recolere, resque gestas Summorum Pontificum, ac Regum et Imperatorum perlegere, tempus ac otium esset, clarissimè perspiceret, magnam fuisse*

fuisse ſēper, *vt recte ſcripſit Ioannes Azorius, p nempē a Gregorij Papa 7. temporibus hucusque, inter imperatores, Regesq; ex vna parte, et ex altera parte inter Romanos Pōtiffices controuerſiam, an certis in cauſis fitius, & poteſtas Summo Pontifici priuādi Reges regno ſuo.*

p Tom. 2. Inſtit. lib. 12. cap. 5. q. 8.

23 *Nequē enim veſtram ſanctitatem latere poteſt, totam hanc de Chriſtianis Principibus authoritate Papali deponendis inter ipſos, eorumque ſubditos, atque Romanos Pontiffices contentionem ab vno Gregorij Papa ſeptimi factō, atque exemplo, quod a quamplurimis cuiuſcunque gradus ac conditionis tunc temporis Catholicis improbatum, atque a Sigeberto, vt alios nunc taceam, viro ſanē perdocto, pio, ac religioſo, atque de Eccleſia Catholica benemerito, verequē Catholico, & non Schiſmatico, quicquid Card. Baronius, ac Bellarminus dicant, vt contra ipſos alias <sup>q</sup> probaui, infami nouitatis, ne dicam*

q In conſul. Tho. Fitz. part. 1. cap.

*dicam hereseus (sunt enim Sigeberti verba) nota iniustum, atque ab eo validis Patrum argumentis confutatum fuit, originem traxisse.*

7 lib. 4. de varia creat. de Rom. Pont.  
f In verbo Onuphrius Panuv.

24. Nam ut Onuphrij Panuui-  
nij, <sup>r</sup> qui a Paulo Manutio, teste  
Posseuino, <sup>f</sup> Historiarum Helluo  
appellatur, verba referam, etsi ante  
Romani Pontifices, tanquam reli-  
gionis Christianæ capita, Christi-  
que Vicarij, & Petri successores co-  
lerentur, non tamen eorum autho-  
ritas ultra protendebatur, quam in  
fidei dogmatibus vel asserendis,  
vel tuendis. Ceterum Imperatoribus  
suberant, ad eorum nutum omnia  
fiebant, ab eis creabantur, de ijs iu-  
dicare, vel quicquam decernere  
non audebat Papa Romanus. Pri-  
mus omnium Romanorum Ponti-  
ficum *Gregorius* septimus armis  
*Nortmanorum* fretus, opibus Co-  
mitissæ *Mathildis*, mulieris per Ita-  
liam potentissimæ, confisus, discor-  
diaque *Germanorum Principum* bel-  
lo

lo ciuili laborantiū inflammatus, prætermaiorum morem, contempta *Imperatoris* autoritate, & potestate, cum summum *Pontificatum* obtinuisset, *Casarem* ipsum, a quo, si non electus, saltem confirmatus fuerat, non dico excommunicare, sed etiam Regno, Imperioq; priuare ausus est. Res ante ea secula inaudita; Nam fabulas, quæ de *Arcadio*, *Anastasio*, & *Leone Iconomacho* circūteruntur, nihil moror.

25 *Atque ex hoc Gregorij factō, re ante ea secula inaudita, & quod ipse prius executioni mandauit, & postea, ne ob rei nouitatem amici eius ab eo deficerent, et Imperatori adhererēt, quæcumque poterat argumenta, quibus Sigebertus validis Patrum argumentis se respondisse affirmat, ad id defendendum conegssit, tota lis hæc, B.<sup>m</sup> pater, quæ de potestate Papali Principes deponendi, inter Summos Pontifices, & Principes temporales, adeoquē inter subditos etiam*  
quā

quæ spirituales, & temporales sunt,  
ab eo tempore ad hodiernum vsq; diē  
perdurauit, initium sumpsit, quæque  
tantos tumultus, tot schismata, tam a-  
troles hominum cades, tamq; acerbā  
inter Regnum, & Sacerdotium  
discordiam in Republica Christiana,  
proh dolor, excitauit.

z in Apologia  
pro iure prin-  
cipum num.  
455.

u Lib. 6. hist.  
cap. 36.

x In Chron.  
Monast. Hir-  
sang. in anno  
1444.

26 Quanta enim mala, ut quæ a  
libi<sup>t</sup> scripsi referam, quot bella, bello-  
rumque discrimina, quæ schismata,  
quot animarum, corporumque pericu-  
la subsecuta sunt, primam omnium  
Imperatorum, nempe Henrici quarti  
depositionem Otho Frisingensis  
narrat. Et de Friderici secundi depo-  
sitione Ioannes Trithemius<sup>x</sup> ita  
scribit, Intrauit Fridericus post de-  
positionem sui in Italiam, & tantis  
malis Papam, subiectosque illi po-  
pulos afflixit, ut Pontificem viuere  
tēderet, voluissetque se nunquam  
depositionem illius cogitauisse. Et  
quanta incommoda, opprobria, calami-  
tates Bonifacius octauus perpeffus  
est,

est, qui Philippum Pulchrum Christianissimum Francorum Regem deponere, ipsumque, & Francia regnum sibi in temporalibus subycere ausus est, illudque ad sedem Apostolicam propter Philippi inobedientiam deuolutum esse delarauit, & contrarium sentientes haeticos reputauit, plures historici satis lugubri narratione describunt. Atque ut ceteras depositiones taceam, quam innumeras strages ac calamitates in Ecclesiam inuexerit praeiensa haec Summi Pontificis auctoritas Reges per sententiam, regnandi iure priuandi, tantaque ut tum scriptis, tum factis propugnata, (quae tamen raro aut nunquam effectum sortita est) nimis clarum, sed non satis laudandum Anglia nostra praebet testimonium.

27 Et certe praedicta haec virium imbecillitas, quam in Romanis Pontificibus ad Reges, per eorum sententiam regnandi iure priuatos, actu, et cum effectu deponendos semper fuisse

*experēcia docet, sufficiens meo iudicio  
 argumentum est, ut alia argumenta  
 nunc mittam, Christum Dominum  
 re quidem vera talem potestatem Prin-  
 cipes supremos per sententiam depri-  
 uandi Summo Pontifici nequaquam  
 concessisse. Nam si Christus Dominus  
 talem Summo Pontifici Principes  
 per sententiā abdicandi auctoritatem  
 concessisset, verisimile prescripto est, eū  
 quoq<sup>3</sup> vires sufficientes, mediag<sup>3</sup>, &  
 auxilia necessaria, siue naturalia, siue  
 supernaturalia ad talem sententiam  
 executioni mandandam tribuere etiā  
 voluisse, cum talis sententię executio  
 ad bonum spirituale promouendum,  
 ad Ecclesiam defendendam, ad Prin-  
 cipes iniquos coercendos ac corrigen-  
 dos, atq<sup>3</sup> ad animas in Paradisum actu  
 perducendas (ob quę talis auctoritas  
 Principes per sententiam deponendi  
 Summo Pontifici concessa esse fin-  
 gitur) magis necessaria est quā ver-  
 balis tantum per sententiam depriua-  
 tio, quę nisi executioni mandetur, eam  
 magis*



*magis obesse, quā prodesse, et Principes malos potius ad indignationē incitare, quā ad bonum inflectere, et a vitijs retrahere omnes norūt. Si enim Rex aliquis, aut Princeps temporalis castris alicuius, aut territorij, quod alter possidet, dominiū alicui ex domesticis largiretur, cum quoq; vires sufficientes, et auxilia necessaria ad castrum illud, aut territorium possidendum, et alterum e possessione excludendum eidem concedere voluisse meritò præsumi debet. Et si hoc de Principe terreno præsumere rationi consonum est, nunquid idem potiori ratione de Deo Opt. Max. qui nunquam deficit in necessarijs, & si dat esse, dat etiam consequentia ad esse, iudicandum esse quisquam dubitare potest.*

28 *Errant igitur procul dubio informatores isti, Beatissime Pater, & quantum in ipsis est, vestram etiam Sanctitatem in errorem trahere ten-*

*tant, dum ueſtra Beatitudinitam  
 multis occupationibus diſtenta, ut  
 veritatē in hac quaſtione grauiffima  
 ſedulo examinare, & libros, qui eam  
 accuratē tractant, diligenter expen-  
 dere vix tempus, & otium ſit, ſedeo-  
 rum doctrina, ſinceritati, atq; infor-  
 mationi conſiſſe perſuadere nituntur,  
 non eſſe vllam apud Catholicos con-  
 trouerſiam, ſed eſſe rem certam, atq;  
 de fide tenendam, & contrariam  
 doctrinam ab omnibus verē Catho-  
 licis pro heretica habendam, poſſe  
 Summum Pontificem in ordine ad  
 bonum ſpirituale Principes ſupremos  
 ſuis Regnis, atq; dominijs temporali-  
 bus preparare, eoſque penis quibuſcun-  
 que temporalibus coercitiuē caſtigare:  
 Cum magna ſēper fuerit inter Ro-  
 manos Pontifices ex vna parte, &  
 inter Imperatores, Regesq; ex al-  
 tera, & conſequenter inter eorum e-  
 tiam ſubditos de hac re controuer-  
 ſia, ut dixit Ioannes Azorius. Cum  
 de hac re certent Scholaſtici, & ad-  
 huc*

huc sub Iudice lis sit, an Papa possit Imperatorem deponere, *ut ait* Ioannes Trithemius.<sup>2</sup>

<sup>2</sup> In Chron. Monast. Hir-  
sant. ad annū,  
1106.

29 *Cum* Excōmunicatio, vel alia similis pæna spiritualis sit vltima, quam Iudex Ecclesiasticus inferre potest; Nā licet Iudex Ecclesiasticus habeat homines in Deū reducere, et à peccato retrahere, hoc tamē nō habet, nisi secūdum viā a Deo sibi datam, quæ est separando a Sacramentis, & participatione fidelīū, *ut inquit* Ioannes Parisiēsis:

<sup>a</sup> De potest.  
Regia & Pap,  
cap. 14.

<sup>a</sup> *Cum* de ratione potestatis Laicæ sit, posse pænam ciuilem infligere, ut sunt mors, exiliū, bonorū priuatio &c. sed nullam talē pænam ex institutione diuina infligere potest potestas Ecclesiastica, immò nec incarcerare, ut plerisq; Doctoribus placet, sed ad solam pænam spiritua-  
lē extenditur, ut puta Excōmuni-  
cationē, reliquæ autē pænæ, quibus  
vritur, ex iure purè positiuo sūt, *ut*  
*asserit* Iacobus Almain<sup>3</sup>: <sup>b</sup> *Similia*

<sup>b</sup> In lib. de do-  
minio natura-  
li, ciuili, & ec-  
clesiæ, in probat,  
2, conclus.

*habet Ioannes Gerson in tract. de potest. Eccles. considerat. 4. Sunt, inquit, qui dicunt, pœnam hanc excommunicationis esse vltimam quam infligere possit potestas Ecclesiastica ex institutione Christi sola primaria, sic quod non extenditur ad incarcerationem, nec vt aliquis adiudicetur morti, vel flagello corporali, sed facit hoc Ecclesiasticus dum facit ex concessione Principum &c.*

30 *Cum Albericus Roxiatus, vir Catholicus et Legum pertissimus quatuor Summorum Pontificũ Decretales, quæ tẽporalium in Principes potestati fauent, è quibus una est celebris illa, toties ab Aduersarijs inculcata depositionis sententia aduersus Fridericũ Imperatorẽ ab Innocentio quarto in Concilio Lugdunẽsi lata, non iuri consonas esse, sed esse proditas contra iura, & libertates Imperij, & Pastores Ecclesię in ijs condendis falcẽ in messem*

sem alienam mittere existimauerit.

<sup>c</sup> *Cum* Regnū Franciæ, *ut ait* Petrus Pithæus, <sup>d</sup> vir, *teste* Posseuinus

<sup>c</sup> In *Dictionario* in verbo *electio*.

<sup>e</sup> verè eruditus, et antiquitatis sedulus perquisitor, sēper pro certo

<sup>d</sup> In *Codice* libertatū Eccles. Gallic. auctoritate *Parliamēti Parisiensis* in lucem edito, añ 1594.

tenuerit, non posse *Papam Regem*

<sup>e</sup> In verbo *Petrus Pithæus*.

Franciæ regno priuare, et non obstantibus quibuscunq; monitionibus, excommunicationibus, vel interdiciis, quę per *Papam* ferri possunt, Subditos tamē ad obedientiā

pro tēporalibus debitam *Regi* prestandam obligatos esse, neq; in ea per *Papam* dispensari, aut absolui

posse. *Cum* tot nationis Gallicanæ Catholicæ ( *ut ex nuperis* Parisiensis

Parliamēti decretis aduersus Cardinalis Bellarmini, Adolphi Schulkenij, Frāncisci Suarez aliorūq; doctrinā, quę Papalē hāc Principes deponendi potestatem propugnat, editis, perspicuū est, atq; ex illius tamenti formula, quod tanquam legē fundamentalē stabiliscendum esse, tertia pars

Ordinū Frāciæ, quos etiā Catholicos

esse

f In oratione  
sua coram ipsis  
habita.

fuisse Ill<sup>mus</sup> Cardinalis de Peron  
agnoscit, et ex ducentis Deputatis,  
qui ibi aderant, sex tantum Prote-  
stantes fuisse scriptis publicis testa-  
tum habemus, a Rege Christianissi-  
mo instantissimè supplicarunt, ma-  
nifeste constat) doctrinam hanc, qua  
Summæ Pontifici potestatem Prin-  
cipes supremos deponendi, & penas  
temporales coercitivè infligendi conce-  
dit, tanquam scādalosam, seditiosā,  
damnabilem & perniciosam, iura  
Principū illis à Deo concessa euer-  
tētem, & subditos ad rebelliones,  
& Regicidia incitantē condemnare  
non dubitauerint.

g In confuta-  
tione Thomæ  
Fitz-herberti  
part. 1. cap.

31 Cū tot nostra magnæ Britāniæ  
Catholici, viri p̄y ac eruditi, quos ali-  
as nominatim recensui qui hāc cōtro-  
uersiā, et omnia s̄ argumēta qua in v-  
trāq; partē ob̄yici solent, diligentissimè  
examinarunt, quiq; pro fide Catholica  
adversa quaq; perpeti, vitāque ipsā a-  
mittere, si opus esset, parati sunt, Pa-  
palem hanc Principes deponendi, &  
penas

*penas tēporales coercitiuè infligendi potestātē denegare non pertimescant:*

*Cū deniq̃, ut alias authoritates à me alibi<sup>h</sup> relatas, neque a D. Schulcke-*

*nio, seu Card. Bellarmino sufficiēter*

*impugnatas nunc taceā, doctrina hac*

*nullo Sacrae scripturae testimonio, nulla*

*traditione Apostolica, nullo Concilio-*

*rum, aut Summorum Pontificum de-*

*creto ab Ecclesia Catholica approbato,*

*nullaque demonstratione Theologica*

*prædictis innixa (que sola argumenta*

*ad rem fidei certò comprobandam va-*

*lēt) efficaciter confirmari possit: Adeo*

*ut, his omnibus rite perpensis, mirum*

*sit, qua fronte informatores isti doctri-*

*nam hanc certam esse, indubitatam*

*esse, de fide Catholica tenendam esse*

*tanta cum confidentia affirmare, ausi*

*fuerint.*

32 *Et profectò, si doctrina hac pro*

*potestate Summi Pontificis Principes*

*deponendi tam certa est, tamque*

*indubitata, fideque Catholica tenēda,*

*atq̃, ex Scripturis sacris adeo eviden-*

*ter*

*h In Apologia  
pro Iure Prin-  
cipum nu. 4.  
& seq.*

ter deduci potest, ut isti informatores  
 pratendunt, mirum est, et observatio-  
 ne dignum, quomodo Sancti Ecclesia  
 Catholica Doctores, columna, ac fun-  
 damenta, Patres antiqui, qui fidei Ca-  
 tholica vera crant lumina, vigilesq;  
 custodes, & acerrimi defensores, atq;  
 in Sacris literis eruditi, & in Ecclesie  
 regimine clari, neque magis in Prin-  
 cipes terrenos, quam in Pontifices  
 Romanos propensi, sed omnes ab odio,  
 amicitia inimicitia vacui, & neque  
 in hanc partem magis quam in aliam  
 protendentes (quod utinam de Testi-  
 bus a Card. Bellarmino adductis dici  
 similiter posset) hanc fidē Catholicam  
 ignorarunt, neque eam ex Christi  
 Domini verbis, Pasce oves meas,  
 Quodcunque solueris &c. aut ex  
 alijs sacra Scriptura locis, ex quibus  
 noui isti Ecclesia Catholica Patres, et  
 Doctores, eam clarissime deduci posse  
 imaginantur, colligere potuerūt; quin  
 potius voce concordi, et unanimi con-  
 sensu pronunciare non dubitarunt,  
 Reges,



Reges, & Principes supremos soli Deo in tēporalib<sup>9</sup> esse subiectos, neq<sup>3</sup> ab aliquo praterquā a Deo solo, utpote a Deo secūdos, et solo Deo minores panis tēporalib<sup>9</sup> castigādos esse.

33 Neque illud etiam, B<sup>mc</sup> Pater, Late ranensis Concilij sub Innocentio 3<sup>o</sup> celebrati decretum, quod nunc Card. Bellarminus paucis tantum ab hinc annis tā magni aestimauit (nam illud in suis Controuersis, ubi tamen de hac questione copiosè disputauit, silentio prateriuit, & exemplū duntaxat eiusdem Innocētij Othonem quartum deponentis pro sententia sua confirmanda adduxit, & quod notatū dignum est, vix quispiā ante eū Theologus, qui controuersiam hanc de industria pertractauit, decretum illud, tametsi iā per totos trecentos annos in Corpore Iuris Canonici registratū fuerit, ad hanc doctrinā cōprobandā urget) ad potestātē hanc Summi Pōtificis Principes deponendi, ut rē de fide certā euincendā vllius planè momēti est,

*est, cum clarum sit, in materia odiosa, ex qua praesertim magnae in Republica Christiana perturbationes oriri possunt, Reges & Principes supremos nominibus generalibus, uti Dominorum, siue principalium, siue principales non habentium, de quibus tantum decretum illud loquitur, nequaquam comprehendi. Notum enim est, ait Andreas Duuallius, Doctor Sorbonicus, & in Academia Parisiensis Regius Theologiae Professor, nomine clericorum in materia odiosa non venire Episcopos, nec interdum nomine monachorum in eadem materia religiosos, neque similiter nomine Dominorum Reges propter dignitatis Regiae sublimitatem, & maiestatem. Dicam amplius nomine Regum in materia odiosa non venire fortè Reges Galliae, propter singulares, quibus ceteris Regibus praecellit prerogatiuas.*

i In Disput.  
de suprema  
Rom. Pont. in  
Ecclesiam potestate part. 2.  
quæst. 4. pag.  
264.

34 *Sed decretum istud, eiusque*  
autho-

*authoritatem nos breui aduersus Leonardum Lessij, discussionem nomine D. Singletoni enalгатam copiosius, Deo dante, discutiemus. Interim si Sanctitas vestra decretum illud, & singula illius verba sedulo examinare, & cum simili Friderici secundi Imperatoris decreto conferre voluerit, clarè perspiciet, neq; decretum illud contra Reges, & Principes supremos, sed tantum contra quosdā principales Dominos, ac Magistratus supremis Principibus subiectos ex supremorum Principum consensu sancitum esse, neq; de potestate Summi Pontificis subditos a fidelitate talibus Dominis, ac Magistratibus debita verè absoluendi, sed absolutos esse solum declarandi, \* que questio longè diuersa est, & diuersis omnino fundamentis nititur, (ut alibi ostendamus) in eo decreto sermonem esse, nec deniq; in eo decreto ullum prorsus clausulam contineri ex ijs, quæ iuxta communem Theologorum sententiam*

*h In Confutat. Resp. Thomæ Fitzh. part. 3. c. 9. & seq. qui totam illam discussionem tuam sumpsit & in sua responsione fere ad verbum collocauit.*

\* Quare verba illa Concilij Lateranensis, Si Dominus impiorum, non rectè Gallicè vertuntur, Si quelque Prince, neq; illa, ut extunc ipse Vasallos ab eius fidelitate denunciaret absolutos, rectè vertuntur, a fine quæ in absolute subiectis auferre ab

ab ipsomet etiam Bellarmino approbatam ad rem fidei definiendam necessariò requiruntur : adeo ut mirum non sit, quòd doctrina hæc pro potestate Papali Principes deponendi, vel propter præfatum Conciliij Lateranensis, vel alterius Concilij decretum ab antiquioribus Theologis tanquam fides Catholica, aut contraria ut hæretica minimè reputata fuerit.

35 Fateor equidem, Bonifacium octauum, ut Historici tradunt, Philippum Pulchrum Christianissimum Francorum Regem illi in temporalibus subiectum esse literis ad eum decretis affirmasse, & contrarium credentes hæreticos reputasse, Regnumque Francie ob Philippi contumaciam ad Romanam Ecclesiam deuolutum esse declarasse: Sed scio etiam Bonifacium eo nomine male a quamplurimis audiuisse, & insigni arrogantia, temeritate, superbia a Scriptori-  
bus

bus Catholicis \* notatum esse. Scio etiam Marsilium Paduanum, qui a plurisq; Doctoribus hereticus reputatur, & in prima classe Indicis expurgatorij collocatur, idq; meritò, si hereses suas cum pertinacia docuerit, hanc Summi Pontificis Principes deponendi potestatem acriter impugnasse: Sed quod Marsilius hereticus habitus fuerit, aut in prima classe dicti Indicis nominatim repositus, quòd hanc Summi Pontificis potestatem impugnaverit, hoc certè nulla ratione efficaci comprobari potest. Et propterea Authores illi qui de hæresibus scribunt, & Marsilij errores particulatim recensent, ut Castro, Præteolus, Sanderus, & alij nullā prorsus nouæ huius, et eorum temporibus, hoc nempe sæculo incognita hærese mentionem faciunt. Adeo ut Sanctitas vestra clarè perspicere possit, nouam hanc Catholicam fidem in orbem Christianum a paucis quibusdam, præsertim Iesuitis, qui vestram auctoritatem

\* Platina in vita Bonetacij  
Joan Tillius in Chronico  
ad annū 1302.  
Gaguinus lib. 7  
Hist. in Philip.  
10 pulchro Vi-  
guerus ad an-  
num 1301.

*ritatem in magnum fidei Catholica  
scandalum nimis exaltare student,  
paucis ab hinc annis inuectam esse.  
Nam tametsi ipsemet Card. Bellar-  
minus pro hac noua sua fide Catholica  
confirmanda septuaginta Authores  
proferat, e quibus nemo Gregorio  
Papa septimo antiquior, (quod euident  
sanè iudicium est quàm parū Catho-  
lica hec doctrina sit) et plurimi ex  
illis non ipsius sententiæ de indirecto  
Summi Pontificis in temporalibus  
dominio fauent, sed directam eius  
temporalem Monarchiam propugnāt,  
paucissimam tamen ex illis reperientur,  
qui tametsi doctrinam hanc Principes  
deponendi accerrimè tueantur, eam  
tamen pro fide Catholica amplex-  
tendam, & contrariam ut hæreti-  
cam reputandam esse affirmarunt.*

36 Sed attendat, obsecro, Sancti-  
tas vestra, quàm parum æquè potesta-  
tis vestra propagatores in re tā graui  
procedant, quasi parum referre arbi-  
trentur, quod auctoritas Ecclesiæ,  
aut

ant Principum Christianorum de-  
 primatur, dummodo potestas vestra  
 dilatetur, cum tamen Christus Do-  
 minus & Deo, & Cæsari, & uni-  
 cuiq; quod suum est, reddendum esse  
 disertissimis verbis pronunciet. No-  
 tum est, quàm clarè, quàmq; apertè ce-  
 leberrimum illud Constantiense  
 Concilium declarauerit, & praxi etiã  
 confirmauerit (nam Angelum de  
 Corario dictum antea Gregorium  
 duodecimum, Cardinalem, & Sedis  
 Apostolicæ in Marchia Anconitana  
 Legatum de latere, & Vicarium inui-  
 olabiliter permansurum creauit) Cõ-  
 cilium Oecumenicum legitimè ce-  
 lebratum superius esse Sũmo Pon-  
 tifice, in ipsumq; potestatem habere  
 tam cogentem, quàm dirigentẽ; hanc  
 tamen declarationẽ, qua vix ulla cla-  
 rior inueniri poterit, et quã Doctores  
 Theologi, qui Concilio interfuerunt,  
 eiusq; mentem optimè norunt, in eo  
 proprio, et stricto sensu, ut verba so-  
 nant, intellexere, posteriores potestatis

*Pontificia amplificanda patroni, eo quòd auctoritatē Summi Pontificis, quam ipsi totis viribus dilatare student, deprimere, & extenuare videatur, in controuersiam vocare non dubitarunt, atq; ad hanc tam claram definitionem enervandam plura effugia excogitarunt, ut quòd a Summo Pōtifice confirmata non fuerit, aut de solis Pontificibus tempore Schismatis intelligi debeat, et his similia.*

37 *Et nihilominus iam, cum de potestate Summi Pontificis Principes deponendi, & pœnas quas cunq; temporales coercitiuè infligendi agitur, atq; de temporali fidelitate, quam fideles quiq; subditi Principibus suis ex lege Christi exhibere debent, tractatur, et isti potestatis Pōtificia propugnatores, quedam sacra Scriptura testimonia a Sanctis Patribus nequam in eo sensu, quem ipsi effingunt, intellecta, ad suam sententiam confirmandam proferunt, & nullam Ecclesie, seu Conciliū Oecumenici definitionem,*



nitionem, sed quorundam Romano-  
 rum Pontificum facta, quæ tametsi  
 a Principibus, populoque Christiano  
 improbata fuere, Ecclesie Catholice  
 praxim appellare non dubitant, ad  
 eam comprobendam producunt (ut  
 sophistica eorum argumenta ex sub-  
 ordinatione potestatis temporalis ad  
 spiritualem, ex necessitate Ecclesiam  
 defendendi, bonum spirituale promo-  
 uendi, Principes iniquos castigandi  
 & petita nunc breuitatis causa taceam)  
 hanc tamen potestatem Principibus  
 adeo iniuriosam, et subditorum consci-  
 entijs periculosam, tamq. infirmis fū-  
 damentis nixam, in disputationē ve-  
 nire non sinent, sed pro ea, qua in cu-  
 ria Romana præditi sunt authorita-  
 te, quoscunq. libros, qui tam nouam,  
 tamque periculosam doctrinam sin-  
 cerè examinant, eorumque fraudes  
 apertè detegunt, et sophistica eorum  
 argumēta manifestè dissoluūt, prohib-  
 bent, proscribunt, damnant, eorumq;  
 Authores in hereseos barathrum de-

trudere, et non tam argumētis, quàm contumelijs superare tentant, et unū Lateranēsis Concilij decretum, quod neque de Principibus supremis loquitur, nec decretū est fidei sed reformationis tātū, nec verba continet aperta, sed ambigua, quæ, in varios sensus trahi possunt; ad finē huic controuersie imponendum adeo sufficiens esse volunt, ut decretum illud, seu potius illam Decreti expositionē, quam ipsi ex verbis contra apertum, et genuinū eorum sensum extorserūt, examinare, aut in dubium vocare nefas esse putent, et nihilominus Concilium Lateranense, Conciliū Lateranense ingeminare non desinunt, cum tamen reuera non Concilij decretum, sed priuatum suum spiritum, sicut plarique Nouatores sacras scripturas conclamitare solent, seu verba Concilij priuato suo spiritu intellecta pro ipso Concilio Christiano orbi obtrudere studeant.

38 An æquum sit, B<sup>mc</sup> Pater,  
decre-

*decretum fidei Concilij Constantiensis clarum, apertum, indubitatum, eo quòd potestati amplissima, quam Summus Pontifex super totam Ecclesiam simul congregatam habere prætendit, aduersetur. secus quàm verba propriè, et generaliter accepta significant, & quàm Doctores Theologi, qui Concilio interfuere, sensum decreti esse intellexerunt, interpretari, & iniquū sit, decretum, non fidei, sed reformationis tantum Concilij Lateranensis obscurum, dubium, inuolutum, & fortasse non ipsius Concilij, sed Innocentij decretū in Concilio (cum multa venere tū quidē in consultationem, nec decerni tamē quicquā apertè potuit, ait Platina, & Conciliū illud generale, quod*

*In vita Innocentij tertij.*

*m* In Ioanne  
Rege anno  
1215.

*n* In historia  
minore ut re-  
fertur in Anti-  
quit. Britan. in  
vita Stephani  
Langtoni.

nim cum iam nihil geri in tāto ne-  
gotio cernerent &c. *qua ob reuerē-  
tiā taceo, ut Matthæus Parisiēsis, <sup>m</sup>  
& Idem alibi, <sup>n</sup> Recitata fuere in  
pleno Concilio capitula sexagin-  
ta, quæ alijs placabilia, alijs vide-  
bantur onerosa, et tamen in Concilio  
iam edito septuaginta capitula reperi-  
untur) eo quod ad temporalem Summi  
Pontificis in Principes supremos Po-  
testatem confirmandam detorqueri  
posset, an inquam iniquum sit illud de-  
cretum iuxta verborum proprietatē,  
& regulas iuri humano & naturali  
consonas explicare, et nō tā decretum  
ipsum, quā illā Decreti expositionē,  
quā paucissimi quidam Theologi (cū  
iam omnia eorum argumenta ad pote-  
statē Summi Pontificis Principes de-  
ponendi, ut rem fidei certò compro-  
bandam penitus euerfa esse perspex-  
issent) ad eam utcunque confirman-  
dam contra clara, & aperta Decreti  
verba, iuxta prædictas regulas intel-  
lecta, adinuenerunt, in controuersiam*

vocare

vocare, apud vestram prudentiam, & viros quoscunque eruditos iudicium esto.

39 Verum enim uero si Sanctitas vestra vniuersa huius doctrinae fundamenta examinare in animo habuerit, atque haec, quae subiiciam, capita obseruare voluerit, nempe discrimen inter Ecclesiam Romanam & Catholicam: inter Ecclesiam firmiter credentem aut definientem, & probabiliter tantum opinantem: inter facta aut decreta Summorum Pontificum, quae à Principibus, populoque Christiano improbata fuisse, & praxim Ecclesiae, quae nisi ab Ecclesia approbata fuerit, Ecclesiae praxis dici non debet: inter decreta Summorum Pontificum, aut etiam Concilii generalis, quae ab ipsis lata sunt, quatenus auctoritate spirituali ex Christi institutione pollent, atque eorundem, quatenus temporalem Iurisdictionem ex Principum priuilegiis, & consensu

D 4                      sibi

*sibi communicatam habent : inter facta, aut decreta Summorum Pontificum Principes per sententiam deponentium, aut subditos a fidelitate absoluentium, atque eorundem Principes depositos, aut a Republica deponendos esse, aut subditos a fidelitate absolutos esse opinantium : inter potestatem, quae Ecclesiae competit, quatenus Ecclesia pro orbe Christiano ex temporali & spirituali potestate conflato accipitur, et quatenus Ecclesia pro spirituali tantum Christi Regno ex sola spirituali potestate composito usurpatur : inter potestatem extraordinariam patrandi miracula, & facta illi respondentia, quae Apostolis, atque etiam Prophetis, qui Sacerdotes non fuere, saepe concessa est, et potestatem ordinariam et facta illi respondentia, gubernandi Ecclesiam, quae itidem in eisdem Apostolis, eorumque Successoribus communicata est : inter potestatem absolutam, & omnimodam, Ecclesiam defendendi, bonum spirituale promouendi, animas*

*in paradysum perducendi, Principes iniquos corrigendi &c. atque potestatem sufficientem, quantum est ex parte potestatis, eadem faciendi, limitatam, & spiritualis Reipublicæ, prout a Christo instituta est, conditioni accommodatam: quomodo potestas temporalis, & spiritualis actibus, officiis, dignitatibus distinguantur, atque in suo ordine supremae sint, neque ab inuicem dependentes, neque finis vnus finem alterius per se & ex natura sua, sed solum per accidens ex intentione referentis respiciat: & denique, in quo cardo huius controuersie vertitur, aliud esse imperare, dirigere, ordinare temporalia, seu quomodo ordinanda sint, declarare, penasque temporales per modum precepti, seu directionis imponere; et aliud, disponere de temporalibus, ut gladio temporalis, & penas temporales per modum coercionis, et vi non tantum directiua, sed etiam coactiua, ut loquuntur, infligere; si inquam Sanc-*  
*titas*

titas vestra hac capita, ad quæ potissima omnia argumenta, quæ pro potestate Papali, Principes deponendi afferrî solent, reuocantur, obseruare voluerit, clarissimè perspiciet, Doctrinam hanc, si à multitudine Doctôrum abstrahamus, vix aliquo probabili fundamento nixam esse.

40 Sed neque mirandum est, B<sup>me</sup> Pater, si præsertim natura humana imbecillitatem inspiciamus, quòd tã multi Authores, minis potius deteriti, præmissæ allecçi, aut aliorum exemplo & authoritate ducti, tanquã oues alię alias, quæ præcedunt sine iudicio sequentes, velut aues, quæ vnã volantẽ aliæ omnes sequuntur, magis, quàm solida ratione persuasi, doctrinam istam amplectantur, cum libros quoscũq. qui eã aut impugnant, aut etiam in disputationem vocant, statim condēnetis, eorumq. Authores maledictis, opprobrijs, contumelijs proscindi, atq. ut hæreticos, Sedisque Aposto.



*Apostolica hostes traduci permittatis,  
 & penas etiam, atq; Censuras Ecclesi-  
 asticas illis, nisi quamprimum se pur-  
 gent, nullum tamen crimen, à quo se  
 purgare debeant, indicantes, decretis  
 publicis comminemi, cum etiam,  
 ut verbis utar Ioannis Maioris, <sup>P</sup>  
 Papa det dignitates Ecclesiasti-  
 cas, & sic homines ei blandiuntur  
 dicentes, quòd solus potest omnia  
 quadrare rotunda, et rotundare  
 quadrata tã in spiritualibus, quàm  
 in tēporalibus. Atq; hoc ipsū Nunciū  
 vestri Apostolici in Belgia commo-  
 rantis literæ magis cōfirmāt, qui iam  
 nuper (ut quidā apud nos hic ferūt) ad  
 quēdā huc scripsit, idcirco Antonium  
 Champneū, Doctore Sorbonicum in  
 Archipræsbyterum electū nō fuisse,  
 quòd illā fidelitatis professionē, de qua  
 ego non semel mentionem feci, quæq;  
 ut alias \* ostēdi, supponit, non esse in  
 Sūmo Pontifice potestatem Principes  
 deponēdi, olim unā cū duodecim alijs  
 Anglis Sacerdotib<sup>9</sup> viris pijs, atq;  
 eruditjs*

*p* In Disput.  
 de authorit.  
 Eccles. in fine.

\* In Appen-  
 dice ad Dispu-  
 tationem  
 Theologicam  
 aduersus Frā-  
 ciscum Suarez  
 part. 2. sec. 4.  
 nu. 17. & seq.  
 & in Confuta-  
 tione Thomæ  
 Fitz-herberti  
 part. 1. cap. 5.

*creditis Regina Elizabethæ fecerat.*

41 *Sed caueat Sanctitas vestra, ne iste authoritatem vestram vi magis, quàm ratione dilatandi, Regiamq; Maiestatem deprimendi modus, (præter scandalū, quod Religioni Catholica afferre, et periculum, quod anima vestra creare potest,) etiam Principes Christianos tandem euigilare faciat, qui si iisdem modis, medijs, ac vijs ad iura sua propugnanda uterentur, donec Ecclesia controuersiam inter Romanos Pontifices, & ipsos dimisisset. quibus vestram Sanctitatem, vestraq; Sanctitatis Ministros ad ea oppugnanda uti quotidiano experimento videmus, statim profecto Doctorum torrens conuerteretur retrorsum, & neq; rigidi isti librorum Censores decreta sua Censoria tam facile promulgarent, neq; prætense huius potestatis propugnatores de multitudine Authorum, qui secum in ea defendenda conspirant, amplius gloriantur.*

*andi occasionem proculdubio haberent. Sed neq; in Scholastica Disputatione, ait Melchior Canus,*<sup>q</sup> *plurium autoritas obruere Theologum debet, sed si paucos viros modo graues secum haber, poterit sanè aduersus plurimos stare.*

*q* Lib. 8. de  
locis cap. 4.

42 *Cum igitur satis constet, causam hanc inter Principes supremos, & Romanos Pontifices de potestate, quam isti vendicant illos deponendi, et de eorum regnis disponendi, verè apud Catholicos controuersam esse, & de ea re certare Scholasticos, et adhuc sub Iudice litem esse (atq; hoc ipsum etiam plerosq; ex Patribus Iesuitis ex animo sentire mihi persuasissimum est, quomocunq; exterius vel honoris sui, vel alterius emolumentis, aut humani respectus intuitu cum vestra praesertim Sanctitate se gerant, quãdoquidem, ut alias rationes, quae illud mihi certò persuadent, nunc misas faciam, vix quempiam apud nos alicuius notae, aut nominis, ex tot Anglis*

glis Catholicis, qui Patres illos suos  
 Directores, Instructores, et spiritua-  
 les Pastores habent, illud fidelitatis  
 iuramentum, in quo potestas Summi  
 Pontificis Principes deponēdi ver-  
 bis disertissimis abnegatur, quando  
 illis a Magistratu ministrari conti-  
 gerit, respuere fatis compertum sit)  
 perpendat obsecro prudentia vestra,  
 quam authoritatem habeat Sanctitas  
 vestra Principibus, populoque Chri-  
 stiano precipiēdi, ut lite hac pen-  
 dente, eos tantum libros, scriptu-  
 rasque euoluant, qui iura vestra, &  
 authoritatem illam, quam Sanctitas  
 vestra in eos habere pretendit, corro-  
 berant, neque eos libros, scripturasque  
 qui iura sua, et immunitatē suam su-  
 premam illis ex lege Christi, et natu-  
 ra debitā confirmant, et testimonia,  
 que in contrarium afferrī solent, euer-  
 tunt, vllatenus perlegere presumant:  
 et quo iure, quāne potius iniuria Sa-  
 cra illa Congregatio libros meos,  
 qui controuersiam hanc circa Princi-  
 pum,

pum, Pontificumque iura, nostramque obedientiam, quæ illis respondet, sincerè examinant, hac eadem lite etiam pendente, condemnauerit, eosque in Indice librorum prohibitorum, nullo prorsus crimine, siue speciatim siue generatim, ob quod in illo Indice reponi debent, indicato, collocari mandauerit.

43 Sed vereor, B.<sup>mc</sup> Pater, ne talia tam iniusta decreta, tales tam iniuste librorum, qui Summorum Pontificum, & Principum supremorum iura, illamque obedientiam, quam vtrisque ex lege Christi debemus, fideliter pertractant, quamdiu is hæc sub Indice existit, condemnationes, quantumvis sub prætextu religionis Catholice, & potestatis Pontificie propugnande autoritate etiam Apostolica factæ, auctoritatem Apostolicam labefactent, non foueant, euertant, non firment, ipsamque Apostolicam Sedem tum Principibus, tum etiam subditis Christianis  
tem-

temporis progressu despiciatam red-  
dent. Hoc scio, et affirmare non dubi-  
to, talia tam iniusta decreta, atq; viris  
verè Catholicis, quiq; pro fide Catho-  
lica sanguinem suum, si opus esset nō  
minus parati sunt, quam ipsimet  
Cardinales, pace eorum dixerim,  
qui ea condiderunt, prefundere, adeo  
iniuriosa, iustā ipsdem Catholicis, se,  
suamq; famam, ac innocentia tuendi  
causa, occasionem præbere diligentius,  
quàm antea examinandi, \* quantum  
vim habeat Index ille expurgatorius  
obligandi fideles, ut ab eorum libro-  
rum, qui in eo collocantur, lectione  
abstineant, eosq; libros, qui ibidem ut  
heretici vel erronei reponuntur, verè  
hereticos, et erroneos esse, existimare  
debeant.

\* Vide etiam  
infra in Appen-  
dice § 6. nu. 8.  
& seq. circa In-  
dicem expur-  
gatorium.

44 Si enim causam inquirere quis  
velit, ab quam mea pro Iure Prin-  
cipum Apologia (qua uniuersa Card  
Bellarmini argumenta, quibus de-  
monstrare prætendit, certum esse, et  
de fide, posse Romanū Pontificem  
Principes

Principes supremos suis Regnis priuare, funditus euertit, & non tam demonstratiua, quàm vix probabilia esse ex ipsiusmet Bellarmini principis perspicuè cōmonstrat) in Indice librorum prohibitorum ex decreto Sacrae Cōgregationis collocari debeat, hanc solā, aut potissimam inueniet, quia nimirum Cardinales illi, & Theologi Romani in ea sunt opinione, quòd certum sit, & de fide, esse in Romano Pontifice ex Christi institutione potestatem Principes supremos suis Regnis, atq; dominijs priuandi. Verùm hanc fidei Catholica regulam, (nēpè paucos quosdam Theologos Romanos, qui priuata, atq; fallibili opinione hanc, vel illam doctrinam, aut Catholicam, aut non Catholicam esse pronuntiant) nequē Antiqui Ecclesiae Catholicae Patres, & Doctores, agnouerūt, nec quispiam alius Catholicus semper sequi tutā conscientia potest, cum Thologi illi vel propriis opinionibus moti, vel propriis affectionibus abducti fallere possint,

Lib 8 de lo  
cis cap. 4.

possint, & falli, eosq; libros et Authores, qui alioquin commendandi essent condemnare, et qui improbandi essent, approbare queant. Nobis<sup>r</sup> quidē, inquit Melchior Canus ex Tullio, schola nostra magnā licentiam dat, ut quodcunq; maximē probabile occurrat, id nostro iure liceat defendere, sed non licet tamen eos, qui nobis sunt aduersi temerē, ac leuiter condemnare.

45 Si quis itidē causā scrutari velit, ob quā mea de iuramēto fidelitatis Disputatio in libris, qui in eodē Indice prohibiti sunt, ex eodē Sacrae Cōgregationis decreto annumerari debeat, hanc solā, vel potissimam esse statim reperiet, vel quia Cardinales illi, et Theologi Romani in ea sunt opinione, quod Iuramentū illud plura in se contineat, quā fidei, et salutis apertē aduersātur quā eorū opinionem vel planē falsā esse, vel ad summum apud quosdā Theologos controuersam disputatio illa perspicuē cōmonstrat, vel quia eadē Disputatio apertissi-



ostendit, Breuia vestra Apostolica  
ad Catholicos Anglos directa, in quib<sup>9</sup>  
iuramentū illud multa in se cōplecti,  
quæ fidei et salutis aperte aduersantia  
sunt, declaratur, aut ex falsis eorundē  
Cardinaliū, atq<sup>ue</sup> Theologorū infor-  
mationibus exarata esse, aut in proba-  
bili tantū vestra, eorundēq<sup>ue</sup> Theologo-  
rū opinione fundata, quæq<sup>ue</sup> proinde nō  
magis obligant fideles, quā ipsamet  
opinio, cui innituntur, obligare queat,  
et ibidem ex Francisci Suarez doc-  
trina manifestissimè comprobauit. <sup>f</sup>.

f cap. 1. sec. 4.  
& cap. 10. sec.  
2. num. 41. &  
seq.

46 Verū quā in iuste hæ, et plane  
insufficiētes libros Catholicorum, qui  
Regalia Principum iura, quæ inter  
ipsos, et Romanos Pontifices con-  
trouersa sunt, veritatis in re tam gra-  
ui perdiscende studio sincerè tractant,  
prohibendi, eorūq<sup>ue</sup> Authores, ut ca-  
pitales Sedis Apostolica hostes tradu-  
cendicausa sint, neque vestram San-  
ctitatem, neque alium quemuis The-  
ologie peritum latere potest. Superio-  
rum quidem iussa sequi, eorumque  
mandatis simplici oculo, & absque

\* Vide infra  
in Appendice  
§. 15. quomo-  
do in dubio  
parendum sit  
Superiori.

ullo prorsus examine obtemperare,  
quando eis obsequendo alterius supre-  
mi superioris legem transgredi nul-  
lum periculum est, rem sanè licitam,  
laudeque dignam esse nemo inficias  
ibit, atque in hoc casu, obedientia,  
quam cæcam vocant, plurimum lan-  
danda, & commendanda est; attamen  
cum questio est, \*an talis obedientia,  
quam terrestris Superior, etiam Sū-  
mus Pontifex a nobis exigit, sit ve-  
ra in temporalem Principem, cui tem-  
poralem obedientiam ex lege Christi,  
& nature debemus, rebellio, atq; tem-  
poralis perduellio, rem totam ( cum  
oporteat nos Deo magis quam homi-  
nibus obedire, & tum Deo, tum Cæ-  
sari que sua sunt reddere teneamur ) di-  
ligenter examinandā esse, & an talis  
obedientia spiritalis, vel tēporalis,  
Deo vel Cæsari, Pastori spiritali,  
vel Principi tēporali debita, studiose  
expendendum esse, atque in hoc casu  
obedientiam cæcam non laudan-  
dam, sed condemnandam esse, ut pote  
ignorantia crassa, culpabili, affectata

*innixam, nemo, qui Theologiam vel primoribus labris degustauit, dubitare potest.*

47 Cū igitur iam quæstio sit inter Regem nostrum Serenissimū, eiusque subditos Catholicos ex una parte, & inter vestram Sanctitatem ex altera, an Breuia vestra Apostolica, quæ recens fidelitatis Iuramentum, ut multa in se complectens, quæ fidei, & salutis apertè aduersantur, prohibent, spirituales obedientiam, vel temporalem inobedientiam precipiant, seu quod idem est, an Iuramentum illud sit vera temporalis obedientiæ professio, vel expressa, aut tacita spiritualis obedientiæ abiuratio; Cum iam quæstio sit, an Romanus Pontifex sit legitimus Principis nostri Serenissimi in tēporalibus Iudex, ita ut et ipsum deponere, & panis quibuscumq; tēporalibus afficere, et de regnis eius, atq; dominijs tēporalibus disponere in ordine ad bonū spirituale possit, vel an Rex noster, utpote supremus noster in tēporalibus

Dominus, & à Deo secundus, & solo Deo minor, nullum omnino Iudicem aut Superiorem, cuius auctoritate, dominijs suis priuari, aut penis temporalibus coercitiuè castigari sub cuiuscunq; boni etiam spiritualis pretextu possit, in terris habeat; an nefas sit nobis Anglis Catholicis controuersiam hanc grauissimam, quæ nos, Regemq; nostrum, nostrasq; conscientias tam intimè attingit, diligenter expèdere, et an Breuia vestra Apostolica, vel in falsa informatione, vel in probabili tantum opinione, quam nemo sequi ex debito tenetur, vel in definitione aliqua, aut suppositione infallibili, quam omnes amplecti debent, fundentur, reuerenter discutere, & quam vim obligandi habeant cum debita submissione fidelibus proponere, & an æquum, ac licitum sit libros illos qui grauissimam hanc controuersiam non pertinaci animo, aut contradicendi libidine, sed veritatis tantum peruestiganda gratia planè, ac sincerè tractant, quam-

quamdin hic hac sub Iudice est, prohibere, eorumque Authores quibuscunque maledictis insectari, tum vestra prudentia, charitati, iustitia, tū toti Christiano orbi indicandum relinquo.

48 Neque enim Sanctitas vestra, uti opinor, imaginari potest, aut non posse Romanos Pontifices, vel ex mala informatione, vel ex fallibili sua, & aliorum opinione in suis Breuibz errare, falsamq; doctrinam, & verbo Dei repugnātem, pro vera supponere, (nam contrarium Apostolica Nicolai primi, Celestini tertij, Iōannis Vigecimi secundij, & Bonifacij octavi Summorum Pontificum littera, Breuia, & decretales manifestè cōprobant) aut teneri Catholicos declaratiuo vestra Sanctitatis precepto magis obedire, quā opinionē illā, et rationē cui innititur, approbare teneantur, cū legis declaratiuæ obligationē ex ratione ob quā actio precipitur, aut prohibetur, siue ex obligatione prioris precepti, quod lex illa declaratiua

t Ut videre licet in Disputat mea Theolog. cap. 10. sec. 2. nu. 47. & seq.

*supponit, solummodò pendere, apud Theologia peritos manifestissimū sit.*

49 *Et si Romani Pontifices in Apostolicis suis literis, decretis, Breuibʹ sue conficiendis eo modo, quo diximus, falli possint et fallere, an forsā nefas est existimare, Cardinales illos, & Theologos Romanos in Indice librorum prohibitorum componendo errare similiter posse, et vel proprias opiniones, quæ forsā re quidem vera falsæ sunt, sequutos, vel etiam mala informatione, aut humana aliqua vindicta, invidia, iracundia affectione abductos, cum ipsi homines sint, et humanis infirmitatibus obnoxij ut ceteri, libros aliquos in illo Indice collocare, qui alioquin tam rigidam Censuram nullatenus demercentur; Quin etiam eorundemmet Cardinalium libri, si vehemens aliquis directæ Summi Pontificis in temporalibus monarchia propugnator, illorū Censor esset, expurgatorium Indicem nequaquam effugerent; & quàm graui censura istorum Censorum libri*

*libri ob scandalosam, seditiosam, damnabilem & perniciosam doctrinam quam tradunt, in Senatu Parisiensi iam sapiens notati fuerint, tam notum est, ut illud de nouo repetere superuacaneum esse reor.*

50 *Verum si Sanctitas vestra fidem Catholicam tam infirmis niti fundamentis sinat, si incertas opiniones, quæ potestatem vestram dilatant, pro fide Catholica Christiano orbi quasi per vim obtrudi permittat, si paucos tantum Cardinales, & Theologos Romanos, qui vestram auctoritatem amplificare student, pro fidei Catholicæ regula habendos esse sustineat, & quos libros ipsi, aut incertas opiniones sequuti, aut proprijs affectionibus dediti, permittunt permittendos, quos prohibent prohibendos, quos ut hereticos condemnant, condemnandos esse quamdiu lis sub Iudice est, patiatur, eosque Catholicos, qui nouam suam, Patribusque antiquis incognitam Catholicam fidem in controuersiam vocare*

*vocare audent, maledictis, opprobrijs, atque Censuris exagitari, & tanquam hostes Pontificia potestatis, Sedisque Apostolica traduci impune ferat, qualis in Ecclesia Catholica fidei Catholica confusio tandem fiet, dum quibusdam, pro ea qua in Curia Romana auctoritate cum pari eruditione coniuncta praeceteris pollent, liberum erit incertas suas opiniones, quae praesertim potestati Pontificiae fauent, profide Catholica venditare, & quam aperta haec & plana ad infidelitatem, & Atheismum in orbem Christianum inducendam via sit, experientia, proh dolor, cito comprobabit.*

51 *Si quis iam Bartholus, aut alij illi similes directae Summi Pontificis in temporalibus Monarchiae acerriimi defensores tanta in Curia Romana auctoritate, quanta Card. Bellarminus nunc fulget, emerent, eiusque, & ceterorum Iesuitarum liberos, qui talem Summi Pontificis Monarchiam vehementer impugnant,*



condemnandos, atq; in Indice librorum prohibitorum ex decreto Sacrae Congregationis, & mandato vestrae Sanctitatis reponendos esse, priusquam Ecclesia litem diremisset, procurarent, atq; ut haereticos, Sedisque Apostolicae auctoritatem infringentes apud orbem Christianum traducerent (hac enim, & similia Epitheta quosdam Canonistas eiusmodi libris apponere solitos esse notum est) quid Patres Iesuitae, doctiq; omnes de talibus decretis sentirent, et quantum roboris tales prohibitiones etiam ex mandato vestrae Sanctitatis, et sub praetextu religionis Catholicae promouendae, et Pontificiae dignitatis amplificandae factas habituras esse existimaret, et utrum tales Censuras, quoadiu lis sub Indice esset, plane iniustas esse plenis faucibus proclamare pertimesceret, viris eruditis, et qui cum Patribus illis vel parum versati sunt, indicandum relinquo.

52 Verum modus ille, B<sup>mc</sup> Pater, quem Cardinales illi in libris meis condemnandis tenuerunt, magis exorbitans

*bitans est, eoq; periculosior, quo causa  
gravior, et maiorem Supremis Prin-  
cipibus iniuriã afferre dignoscitur;  
Canonistę enim cum Card. Bellar-  
mino de modo tantum certant, quo  
Reges coronis suis exui per Papam  
possint, sed quod exui possint, ambo  
consentiunt, & propterea non maius  
damnum Reges accipiunt, quantum  
ad depositionis effectum, siue hoc, siue  
illo modo, siue directè, siue indirectè  
purpura exuantur, utroq; enim modo  
nudi manent, Regnisq; spoliati. Sed  
controuersia inter me, & Card. Bel-  
larminum non est de modo, quo Papa  
possit, sed de re ipsa an possit Princi-  
pes deponere. Et propterea quàm gra-  
uem Principibus iniuriam, et ani-  
mabus etiam periculum afferant tales  
librorum prohibitiones in controuer-  
sia, quę ad debitam Deo & Cæsari  
obidientiam iure diuino præstandam  
spectat, Sanctitas vestra ignorare  
non potest.*

53 *Si enim Christus Dominus S.  
Petro, eiusq; successoribus talē Prin-  
cipes*

*cipes deponendi potestatem re quidē  
vera non concesserit, sed Romani  
Pontifices a tempore Gregorij  
Papæ septimi sophisticis quibusdam  
ratiunculis moti eam contra Christi  
Domini præceptum usurpauerint, an  
non existimat Sanctitas vestra, Ro-  
manos Pontifices Christi legem  
violasse, Principes supremos summa  
iniuria affecisse, subditorum consci-  
entias sub specioso religionis prætextu  
illaqueasse, & fidelium animas in  
æternæ salutis discrimen (pro quo  
ipsi, et vos etiam, si eorum vestigia  
absque debito examine sequamini,  
exactâ in tremendo iudicii die rationē  
reddituri estis) adduxisse, dum eos  
ab illa obedientia, quam ex Christi  
lege suis Principibus exhibere tene-  
bantur, decretis, Censuris, aliisque  
terroribus, lite adhuc pendente, ano-  
care studuerant? Atquē hoc ipsum,  
B.<sup>m</sup> Pater, inter Reges, et Princi-  
pes, eorumq; subditos ex una parte,  
et inter Romanos Pontifices ex al-  
tera iā certatur, et adhuc sub Iudice  
lis*

lis est, an Papa possit Principes depone-  
 nere. Et non permittet Sanctitas ve-  
 stra, utriusq; iura examinari, sed li-  
 bros scripturas, testimonia illa, que  
 ius vestrum confirmant, tantum ap-  
 probabit, & que Regis nostri Sere-  
 nissimi, aliorumq; omnium Principū  
 Regalia iura corroborant, condemna-  
 bit, & ab ijs, ad quos spectat, nullate-  
 nus perlegi permittet? Considerate,  
 queso, quid agitis, in qua discrimi-  
 na, illi qui vobis a Consilijs sunt,  
 tum vestram Sanctitatem, tum  
 totam Christi Ecclesiam vestro re-  
 gimini commissam ex tam indebi-  
 to auctoritatem vestram exaltandi  
 modo coniungere student, ex quo non  
 leue aterna salutis periculum tum  
 vobis ipsis, tum ceteris Christi fide-  
 litus circari, Romana Ecclesia, Sedisq;  
 Apostolica auctoritatem labefactari,  
 & Censuras Ecclesiasticas contempti-  
 biles reddi necesse est.

54 Aliud praterea considera-  
 tione dignissimum vestra pruden-  
 tia proponendum esse duxi, nempe  
 ius

ius istud, seu potestatem Principes deponendi, quam Romani Pontifices sibi a Christi concessam esse prætendunt, quamdiu in controuersia est, esse purum titulum sine re, neque unquam executioni absq; læsa Maiestate Regia mandari posse, cum iuxta approbata iuris humani, ac nature principia notum sit, neminem e possessione illius rei, quam legitimè possidet, quamdiu lis sub Iudice existit, excludendum esse. Nam semper in causa dubia, siue controuersa melior, & potior est conditio possidentis. \* Et propterea lite hac de iure, seu potestate Principes deponendi inter ipsos, et Summos Pontifices pendente, non possunt e Regnis suis, quæ legitimè possident absq; apertissima iniuria exturbari.

v Deregulis iuris in 6. regula, in pari, & F. de regulis iuris, in pari causa.

55 Neq; valet, quod Card. Bellarminus in suo Schulckenio respondet, \* nempe illā regulam Iuris pro Pōtifice facere, qui est in possessione a multis annorū cēturijs Principes sæculi præsertim in causa fidei

x Pag. 614.

fidei, iudicandi, & deponēdi. Nam  
ad hoc ut aliquis ius, seu potestatem  
in alterum acquirere, aut possiden-  
dicatur, oportet iuxta notam Theo-  
logorum, ac iurisprudentium doctri-  
nam, ut illo altero sciente, et non con-  
tradiciente ius, seu potestatem in illis  
exerceat, (alioquin si Princeps ali-  
quis Christianus iurisdictionem spi-  
ritualem in Clericos habere praten-  
deret, et hanc, eis reclamantibus, in  
eos exerceret, spiritualem illam iuris-  
dictionem ex tali facto acquirere, et  
possideri dici posset) at Principes Se-  
culi huic iuri, seu potestati, quam Sū-  
mus Pontifex super eos habere pra-  
tendit, semper contra-dixisse, et  
tum scriptis, tum factis in faciem  
restituisse, Romanos Pontifices cum  
non exiguo animi more, et gravi  
nonnunquam corporis, ac fortunarum  
discrimine expertos esse nimis mani-  
festum est: Et propterea tamen si Sū-  
mi Pontifices a multis annorum  
centuriis, nempe a Gregorij Pape  
Septimi temporibus, hoc ius, seu po-  
testatem

testatem Principes deponendi sibi arrogauerint, attamen vel exiguo quidem temporis momento eos hoc ius, seu potestatem possedisse, cum Principes semper reclamasse notum sit, dici profecto non potest.

56 Deinde, Principes Seculi non solum a multis annorum, non dico ceterarijs, sed millenarijs, sunt in possessione sui iuris, ac Regiæ prerogatiuæ, non posse nimirum inuitos suis regnis priuari, aut ab aliquo in temporalibus indicari, & pœnis temporalibus coercitiuè castigari (cum, si delinquant, soli Deo peccent, hoc est, a solo Deo, ut Patres antiqui y voce consona pronunciant, a quo secundi sunt, eo- que solo minores, pœnis temporalibus coerceri possint) sed etiã in legitima semper suorum Regnorum, quæ propriè possideri dicuntur, & de quibus potissimum regula illa iuris intelligenda est, possessione fuerunt: atque ex hac parte regula illa Regibus tantummodò fauet, neque Summo Pō-  
 F quid

y Vide infra  
 in Appendice  
 § 17. num. 14.

*quid Card. Bellarminus per illa verba, in causa præsertim fidei, intelligat, dubiū est, nisi omnes causas ad fidē causā detorquere velit, cū satis cōstet, paucissimos Reges, nempe Henricū 8. et Elizabetham Principes nostros, ob causā fidei, nisi valde improprie loqui velimus, per sententiā Summi Pontificis totis viribus repugnantēs, depositos fuisse.*

⁂ In Apologia  
num. 471. & infra in  
Apendice § 19. num. 9.

⁂ 57 Atq; hinc apparet, verissimū esse quod aliās ⁂ observavi, nempe, quicūq; ille est, siue Papa, siue Princeps, siue alius quicūq; extraneus, qui Principē etiā hereticū e Regni sui possessione eijcere contenderet, lite hac de Principū depositione sub Iudice existente, apertissimā cōtra iustitiæ regulas iniuriā illi irrogaret. Atq; a fortiori, nō potest a manifesta perduellione excusari subditus, quācūq; opinionē circū potestati Pōtificis tēporalē speculatiuē tueatur, qui practicē, sub prætextu forsan deuotionis erga Sedē Apostolicā, nō aquē etiā perpendens debitū suæ seruitutis erga Maiestati Regiam



giã obsequium, Principem suum legitimum, non obstante quacunq; excommunicatione, aut deprivatione Papali e Regni sui possessione expellere niteatur.

58 Atq; ex his omnibus satis perspicuum est, quàm manifesta eorum censorum calumnia sit, qui affirmare non dubitant, eos Catholicos, qui vestram potestatem Principes deponendi in controversiam vocant, nō esse deuotos Ecclesie Catholicae, Sed s; Apostolica filios iudicandos, neque eam, ea, qua par est, reuerentia suspicere, atq; venerari, cum potius ob deuotionem erga Ecclesiam Catholicam, Sedēque Apostolicam talem potestatem in disputationem vocent, ne dogmata non Catholica pro Catholicis, in maximum Ecclesie Catholicae scandalum, fidei populo oberudantur, et ne Sedes Apostolica ex hac doctrina, que nisi vera, et Catholica sit, Regiæ Maiestati plurimum derogat, Christianis Principibus tēporis progressu contemptibilis fiat. Neq; enim Sedi Apostolicę

*maio rem aucto ritatē tribuere, quā  
Christus Dominus illi concessit, de  
uotio, aut reuerentia erga Sedē Apo  
stolicam censenda est; neq; ille, qui  
aut plus aut minus Sedi Apostolicę  
re quidem vera per ignorantiam tri  
buit, quā Christus illi communica  
uit (dummodo zelo et desiderio totum  
illud Sedi Apostolicę tribuendi,  
quod Christus illi tribuit, flagraue  
rit, et si fortasse eum errare cōtigerit,  
corrigi, ac emendari paratus fuerit)  
vel minimā quidem erga Sedē Apo  
stolicam irreuerentiā notari debet.*

59 *Quis enim Catholicus S. Ber  
nardū, Sanctumq; Thomam, quos  
erga B. Virginē deuotissimos esse om  
nes norunt, vel minima erga illam ir  
reuerentię accusare audeat, quod eam  
in peccato originali conceptam fuisse  
asserere non pertimescant? Quis item  
Catholicus (paucis quibusdam Ca  
nonistis sacrarū literarum ignaris,  
quiq; propterea ingenti temeritate ab  
alijs Catholicis notantur) Card. Bel  
larminū, ceterosq; Theologos in dini  
nis*

*a Solus in 4.  
dist. 18. q. 1. ar.  
1. & Victoria  
Relect. 1. de  
potest. Eccles.  
sec. 6. in fine  
propof. 2.*

*nis scripturis, Sanctisq; Patribus exercitatissimos, qui directā Sedis Apostolicæ in tēporalib<sup>9</sup> Monarchiā totis viribus impugnant, tāquā parū denotos Ecclesiæ Catholice, Sedisq; Apostolicę filios increpare audet?*

60 Recordetur, obsecro, Sanctitas Vestra singularem illam Prædecessoris vestri *fel. mem.* Clementis Papæ octavi diligentiam, qui in nupera illa controuersia, de auxilijs diuinę gratiæ, inter Patres Dominicanos, et Iesuitas exorta, (quæque tametsi ignoretur, nō magnum aut Principibus, aut populo fideli, vel temporalis, vel sempiternę salutis detrimentum affert) examinanda tot annos etiam cū maximo corpore a suę salutis dispēdio insumpsit, quique neque horum, aut illorum informationibus, cum partes essent, fidem adhibere, sed rem totam, et omnia, quæ utrinque obijci possent argumenta, ipsemet proprijs auribus audire, et utriusque partis obiectiones coram examinare voluit. Res sanè Patre, Pastore, Iudice, atq; aquo rerū

*spiritualium aestimatore dignissima.*  
 61 Quis igitur ullatenus dubitare potest, quin Sanctitas vestra tam recte, tamq. laudandū Prædecessoris vestri exemplum recolens ad hanc controuersiam grauissimam, quæ, de Regibus, auctoritate vestra deponendis, inter Summos Pontifices, Principesq. supremos, & præsertim Regē nostrum Serenissimum iam existit, quæque ad debitam Deo, & Cæsari obedientiam iure diuino exhibendam spectat, & cuius ignoratio tum corpora, tum animas tot mille millium Christi fidelium in apertum discrimē adducit) examinandam aliquas saltem horas e serijs vestris occupationibus eripere, neque vnius tantum partis informationibus fidem adhibere, sed quæ utrinque obijci possant, non ex aliorum relationibus, sed ex propria vestra scientia utriusque partis libros legens, atque expendens examinare omnino velit?

62 Meminerit etiam, quæso, Sanctitas vestra, nequaquam se  
 apud

apud supremum omnium Iudicem  
 Christum in extremo iudicii die  
 excusatam fore, quod Prædecesso-  
 rum suorum Summorum Ponti-  
 ficum vestigijs inharens eorum  
 facta, atque doctrinam circa hanc  
 Summi Pontificis potestatem Prin-  
 cipes deponendi iam apud Catholicos  
 controuersam (quam, nisi vera sit, &  
 supremorum Principum iuribus de-  
 rogare, & subditorum conscientijs la-  
 queum iniicere nimis manifestum est)  
 totis viribus propugnauerit, nisi etiā  
 quo iure, et non tantum quo zelo, cum  
 zelus sæpenumero non secundum sciē-  
 tiam sit, talem doctrinam in orbem  
 Christianum, præter morem maio-  
 rum, atq; antiquorum Patrum, et Ec-  
 clesie primitiue praxim inuexere,  
 diligenter examinauerit. Nam si  
 Sanctitas vestra Aluari Pelagij  
 acerrimi alioquin directæ Summi  
 Pontificis in temporalibus Mona-  
 rchie propugnatoris Planctum Ec-  
 clesie<sup>b</sup> perlegere dignata fuerit,  
 clarissimè perspiciet, Romanos

<sup>b</sup> Lib. 2. de  
 Planctu Eccle-  
 siæ ar. 5. in  
 fine.

Pontifices *quorundam* Prædecesso-  
rū suorum facta, atq; exēpla per multa  
simul secula imitatos esse, quos non  
propterea laudandos, sed magis deplo-  
randos esse nemo ignorare potest.

63 Quem Aluarij planctum si  
Sāctitas vestra enoluere voluerit, ibi  
inueniet, hoc neq; latere, neq; late-  
re oportere Dominum nostrū Pa-  
pā, quia in toto mūdo nō est homo  
in tanto periculo, quanto ipse, quia  
de vita & doctrina, de solitudi-  
ne & labore habet respondere de  
toto mundo illi *Christo*, cuius ipse  
est vniuersalis Vicarius super ter-  
ram. Et cum post multos annorum  
centenarios ab Apostolorum, cæ-  
terorumque Ecclesiæ primitiue  
Pontificum temporibus vsque ad  
hæc tempora infælica multi fue-  
rint *Romani Pontifices* sanctam Dei  
Ecclesiam numero, & merito fide-  
lium ampliantes, & Ecclesiam  
triumphantem ciuib; eorum  
imitatoribus reparantes.

64 Surrexisse, iam sunt multa  
tem-

tempora, eorum Successores auctoritate, sed dissimiles a sanctitate, Romano Pontificatui se ingerentes, procurantes, vtinam ante promotionē nō paciscentes, et conuenientes, & promittentes; Aurū absque mensura cumulantes; Parētes ditātes, & exaltantes, & cōsanquinos promouentes; In delicijs viuētes; Amicos dignificantes, plurimumque alios conculcantes; Bona ecclesiarum dissipantes; Indignos promouentes; In mūdi potētia gloriantes; Tēporaliū minorū aliquoties terminos inuadēres; De salute animarum parum curantes. Et quid plura? Quæ carnis sunt sapientes. *Et tandem in hunc planctum prorumpit.* Vide Domine, & considera, quia spōsa tua (*Ecclesia*) nimis humiliata est; Eius in gentib⁹ potētia dimnuita est; Eius misericordia quasi extincta est. Ad cuius cōfugiemus auxiliū? Manda, remanda, Mitte quē missurus es, obsecro, sanctū Vicariū tuum aliquē Ecclesiam

fiam conformare. Et hæc de Vicarijs Christi satis, cum eorum venia, *Hæc ad verbum* Alvarus ante annos ferme trecentos.

65 *An iam Sanctitas vestra, si istorum Pontificum exempla imitaretur, aut Bonifacij Papæ Octavi Prædecessoris vestri Regem Franciæ sibi in temporalibus, & spiritualibus subiectum esse declarantis, et contrarium sentientes hereticos reputantis, doctrinam, quæ tot tumultus in Italia excitavit, tanto impetu propugnaret, se ab omnimoda culpa liberam esse existimaret? Nolite errare, Beatissime Pater, Deus non irridetur. Veniet dies, quando exactissimam coram supremo illo Iudice, qui personarum acceptor non est, de omnibus dictis, factis, et cogitatis vestris, atque de cunctis oppressionibus, quæ vel incuria vestra, vel sinistris eorum, qui vobis à Consilijs sunt, informationibus viris innocentibus acciderunt, rationem reddituri estis.*

66 Deniq;, ut iam tandem huic  
me.e



*mea Supplicationi finem imponam, tria sunt potissimum, quæ in ea à vestra Sanctitate, utpote communi omnium Catholicorum Patre, Pastore, ac Iudice spiritali supples peto.*

*Primum, ut quoniam Sanctitas vestra suis Breuibus Apostolicis iamdudum declarauit, multa in Iuramento fidelitatis contineri, fidei ac saluti apertè aduersantia, quæ tamen nobis Anglis Catholicis non adhuc satis innotescunt, nobis iam tandem quæ nam sint illa multa, vel vnum saltem è multis, quæ fidei, aut saluti ita aduersari constat, notum facere, promovere vestro Pastoralis dignetur, ut ita & conscientijs nostris, & Regiæ Maiestati, & vestræ etiam Sanctitati, quantum in nobis est, satisfacere possimus.*

*67 Secundū: ut quoniam Sacra Illustrissimorum Cardinalium Congregatio nupero decreto, ex mādato, ut aiunt, vestræ Sanctitatis factō, meā pro Iure Principū Apologiā, & Disputationē Theologicam de Iura-*

Iuramento fidelitatis prohibu-  
 it, & in Indice librorum prohibito-  
 rum reponendas esse declarauit, atque  
 etiam, nisi me quamplurimū pur-  
 gauerim, me Censuris, alijsque pe-  
 nis Ecclesiasticis omnino coer-  
 cendum esse denunciauit, nec tamen  
 aliquod crimen, vel speciatim, vel ge-  
 neratim, a quo me purgare deberem,  
 mihi indicauit (res quidem quoma-  
 gis insolita, eo maiori admiratione, ac  
 obseruatione digna) Sanctitas ve-  
 stra pro debita etiam vestra cura Pa-  
 storali, quænam sint illa dogmata, ob  
 quæ libri mei prohibiti sunt, ut ei  
 aut retractare, aut ab ijs me purgare  
 valeam, vel mihi significare, vel sal-  
 tem sententiam illam ex mala infor-  
 matione, maloue verborum meorum  
 intellectu aduersus me, meosq; libros  
 latam reuocare, meamq; famam inde  
 grauiter lesam in integrum restitu-  
 ere velit: Alioquin verendum est, ne  
 supremus omnium Iudex de iniusta  
 hac mea oppressione vestra authorita-  
 te, vestroq; ut aiunt, mandato facta  
 rationem

*rationem a vobis aliquando exposcat.*

68 Tertium: *ut quoniam prædictum Sacre Congregationis decretum ex sinistra quorundam, præsertim Card. Bellarmini (qui in libro suo, ut fama publica est, sub Adolphi Sculckenij nomine euulgato, plurima dogmata ex mea pro iure Principum Apologia collegit, quæ me, ut ait ipse, h;rese sacculant, & omnino reum peragunt) informatione, & importuna eiusdem sollicitatione factum esse vix vlla apud viros prudentes dubitatio esse potest, Sanctitas vestra sequentem Appendicem, in qua vniuersa illa dogmata sincerè expenduntur, & meras esse calumnias, atq; eiusdem Schulckenij imposturas manifestè conuincitur, serio perlegere, ac diligenter examinare velit, ut ita non ex aliorum, qui vestra Sanctitate, iustitia, ac caritate abutuntur, relationibus, sed ex vestra propria scientia grauissimam hanc controuersiam expendere, & quod rectum, ac iustum est, iudicare possitis.*

Pag. 2.

*Neque*

*Neque enim iam, Beatissime Pater, informationibus aliorum, quique presertim in hac causa partes sunt, fidem adhibere, cum tam inuste, tamq; rationabiles causæ dubitandi, se malè in hac controuersia informatam esse, vestræ Sanctitati non occurrere non possint, legitima apud cælestem Iudicem excusatio erit, neque vestrâ Beatitudinem inculpata reddet, nisi Sanctitas vestra, an res verè ita se habeat, prout informatores illi vestra Beatitudo ini referunt, diligenter etiam inquirat.*

69 *Quòd si Sanctitas vestra huic mee Supplicationi, in qua nihil, quàm quod iustissimum est, postulo, aures patefacere noluerit, sed adhuc, uti non spero, aut Card. Bellarmini mihi in hac causa Aduersarij, aut eorum, qui illi fauent, informationibus fidem adhibere, neque dogmata illa, ob quæ libri mei prohibentur, mihi, ut ea vel retractare, vel ab eis me purgare possim, indicare, neque illam Sacræ Congregationis sententiam aduersus*

ſus meos libros ex mala informatione  
latam reuocare, neque fama mea inde  
grauiter laſa recuperanda proſpicere  
voluerit, ſed me pro innocentia mea  
deſcendenda, pro veritate in hac quæ-  
ſtione grauiffima inueſtiganda, et pro  
veſtra Sanctitate malè de me infor-  
mata omni reuerentia debita melius  
informanda conſcribentem, per ef-  
ſrenata quorundam, præſertim  
leſuitarum, ora, qui famam me-  
am quotidie lacerant, nouasque ca-  
lumnias mihi indices imponunt,  
tanquàm hæreticum, Apoſtaram,  
atque Eccleſia Catholica, Sedisque  
Apoſtolica hoſtem traduci impu-  
nè permiferit, hæc aſſidua mea  
conſolatio, hæc frequens medita-  
tio, hoc potiſſimum, præter di-  
uini numinis implorationem, op-  
preſſionis meæ leuamentum erit,  
conſolantia illa Chriſti Domini  
<sup>d</sup> verba dies, noctesque recolere,  
Beati eſtis, cum maledixerint  
vobis, & perſequuti vos fuerint, et  
dix-

**e** Qui enim  
pro testimo-  
nio veritatis,  
aut iustitiæ  
persecutionē  
patitur, pro  
Christo, qui est  
veritas, & iu-  
stitia, patitur.  
Nam quicumq;  
pro veritate te-  
stimonium de-  
derit, & omnes  
causas cum iu-  
stitia iudicaue-  
rit, quicquid  
pro testimonio  
veritatis, vel  
iustitiæ pertule-

rit, totum ei Dominus pro martirio computabit. Augustinus  
serm. 232. de tempore.

dixerint omne malum aduersum  
vos mentientes propter me,\* gau-  
dete, & exultate, quoniam merces  
vestra copiosa est in Coelis.

Deus Opt. Max. *supremus om-  
nium Index, cælesti sua gratia, vestra  
Beatitudinis mentem ita illuminet,  
gubernet, ac regat, ut quod iustum  
est, iudicet, atque ut sic transeat per  
bona temporalia, ut non amittat  
æterna.*

E Musæolo, Calendis Ianuarij.  
Anno Domini 1616.

# A P P E N D I X

## ad *Supplicationem* præcedentem.

*In quo*

Plurimæ calumniæ cum insigni fraude,  
& maledicentia coniunctæ, quas *Adolphus*  
*Schulckenius* Doctor Theologus *Rogero*  
*Widdringtono* ad eum hereseos  
accusandum falso, summamque per  
iniuriam imposuit, clarè ac  
perspicuè deteguntur.

E T

*Idem Schulckenius in manifesta calumnie*  
*indicium à Widdringtono*  
*adducitur.*


---

IS A. 5.


*Ve qui dicitis malum bonum, & bonum malum,*  
*ponentes in tenebras lucem, & lucem in tene-*  
*bras, ponentes amarum in dulce, & dulce in*  
*amarum.*

---

Excusum anno Salutis, 1616.







# APPENDIX

ad Supplicationem  
præcedentem.



**V***T Sanctitas vestra*  
clarissimè perspiciat,  
quàm turpiter, & in-  
verecundè *Doctor*  
iste, quem Illustrissi-  
mum Cardinalem  
*Bellarminum* esse, multi, illi etiam  
amicissimi, cum glorioſa quadam  
ostentatione satis inconsideratè præ-  
dicare non verentur, tum mea inno-  
centia, tum vestra *Beatitudine*, tum  
vniuerso etiam orbe Christiano in  
tam graui, ac periculosa controuersia  
abuti ausus fuerit, & quàm falsas, &  
manifestas calumnias, vt me & vestræ  
*Sanctitati*, & *Principibus* Christianis  
A 2 odiosum

odiosum reddat, atque apud fideles  
subditos fidem mihi detrahat, impo-  
nere non erubuerit, non abs re esse  
censeo, illius fraudes, & imposturas in  
fine huius meæ *Supplicationis*, & vestre  
*Beatitudini*, & toti mundo patefacere,  
vt *Sanctitas* vestra istiusmodi homi-  
num dolos, ac imposturas tandem de-  
prehendens, illorum sinceritati post-  
hâc non nimium confidat, sed eorum  
informationes diligentius examinet,  
neque eorum assertionibus, quæ præ-  
sertim ad viros Catholicos, sub spe-  
cioso potestatis Pontificiæ propugnân-  
dæ, & Religionis Catholicæ promo-  
uendæ prætextu, dedecorandos ten-  
dunt, maiorem, quàm par est, fidem  
deinceps adhibeat: atque insuper, vt  
omnes videant, vtrum *Angli Catholici*  
in dictis talium hominum, qui, vt *Ad-  
uersarium, hæreses accusent, & omnino  
reum peragant*, eius sententias de insti-  
tuto deprauant, conscientias suas, &  
bona omnia temporalia non tantum  
sua, sed totius etiam posteritatis, tuto  
reponere queant.

I

*Calumniæ prima Adolphi  
Schulckenij detegitur.*

---

§. I.

I. **I***n primis igitur, ut ab illis istius  
hominis imposturis, quas alibi*  
*a annotavi, initium sumam, a in Disputat.*  
*Doct̃or iste, ut me Principibus Theolog. Ad-*  
*Christianis odiosum reddat, in Epistola monit. ad Lect.*  
*sua Dedicatoria non longe à fine, quod num. 3. & seq.*  
*etiam versus finem sui libri b denuo b Pag. 563.*  
*repetit, hæc verba habet.*

*Aterum est, quod idem Adversarius  
noster, Widdringtonus, qui pro suo  
commodo plenis faucibus vociferatur,  
Principum potestatem diuinam esse,  
ab ipso Deo per legem naturæ san-  
ctissimè ordinatam, subditos iure di-  
uino debere Principibus obedientiã ;  
Idem, inquam, quando ita vsui videtur,  
clamat, subditos habere potestatem sibi  
insitam, & ex iure tum diuino, tum natu-  
rali debitam, quam nunquam possunt  
amittere, aut à se transferre, supra Re-  
ges, eos iudicandi, deponendi, alios eligendi,*

*Regna transferendi, modum regiminis immutandi. Ita Widdringtonus num. 439. & 460. Hæc Doctor ille.*

2. Sed miror sanè, quòd Doctor iste tam manifestam calumniam mihi imponere non erubuerit. Nusquam enim ego asserui, *Subditos habere potestatem supra Reges, aut potestatem habere eos iudicandi, deponendi, alios eligendi &c.* Hoc solum eo loco<sup>c</sup> affirmavi, quotiescunq; Imperatores imperium pro derelicto habent, neque illud protegere curant, sed Regnum ab hostibus diripiendum relinquunt, atque adeo supra populum ampliùs regnare, eorumque Imperatores, & Protectores vlteriùs esse nolunt (vt ex sententia *Lupoldi Babengergij*, & *Michaelis Coccinij* contigit, quando Summus Pontifex, populusque Romanus Imperium transtulerunt ad Francos) *intali casu Pontificem, Senatam, populumq; Romanum ex tacito saltem aliorum omnium Occidentalium, qui Imperio subiecti sunt, consensu, plenam ius, ac potestatem (quam per nullam consuetudinem, aut Sedis Imperij translationem, utpote sibi congenitam, &*

c Num. 437.  
& seq.

ex iure natura debitam, amittere poterant) etiam iuxta doctrinam Card. Bellarmini iam<sup>d</sup> traditam, habere novum d Num. 432. Imperatorem sibi constituendi, & con- & seq. sequenter Imperium, quod Græci Imperatores in partibus Occidentalibus solo nomine tenebant, ad Carolum Magnum, eiusq; Successores, aut ad alium quemcunque, Imperij Sede in illis partibus tunc quasi vacante, transferendi.

3. Ex quibus constat, me hoc solum ibidem asseruisse, ipsam Rempublicam, in casu, quo nullum supra se Principem habet, cum iam ipsa suprema sit, & non subdita, (& non populum subiectum, aut subditos, ut Doctor iste fingit,) posse Regem, non dico indicare, aut deponere, ut ipse comminiscitur, cum Respublica in eo casu Regem non habeat, sed Regem sibi constituere, aut modum regiminis immutare, quod sanè verissimum est, neque ullam planè rimulam seditionibus, conspirationibus, rebellionibus, aut defectionibus aperire satis manifestum est, ut ibidem ex principiis ipsiusmet Card. Bellarmini clarissime comprobaui.

## §. 2.

1 **S**ecundo, Doctor iste versus finem  
 sui libri \* aliud longè periculo-  
 sius mihi falsè affingit, illudque orati-  
 one magis virulenta exaggerat. Cum  
 enim ego ad exemplum *Athalia* iussu  
*Ioiadæ* Pontificis occisæ, quod Card.  
*Bellarminus* ad potestatem Principes  
 auctoritate Pontificia deponendi  
 comprobendam attulerat ( ex quo  
 etiam exemplo posse Principes au-  
 ctoritate Pontificia trucidari pari  
 cum facilitate probare posset ) res-  
 pondens, scripseram, *Ioiadam Pontifi-*  
*cem occidendo Athalias nihil aliud*  
*effecisse, quàm quod fidelem quemque*  
*subditum in tali casu prestare oportuerat*  
 ( quod ea de causa asserui, vt ibidem  
 b explicauì, quoniam *Ioiada* Pontifex,  
 b Num. 368. non propria auctoritate, sed Regis, &  
 Reipublicæ nomine præcepit, vt *A-*  
*thalia* vsurpatrix, quæq; tunc aduersus  
 verum, & legitimum Regem. quique  
 à tota Republica vt talis agnitus, &  
 acceptatus erat, coniurationem ciere  
 moliebatur, clamans, vt Scriptura  
 refert,

refert, *c* *Insidie, Insidie; Coniuratio, Coniuratio*) *Doct̃or* iste ita verba mea traducit, ac si ego affirmasset, quemlibet fidelem subditum, si solum *reputet*, aliquem malo titulo inualisse Principatum, *posse, nec posse modo, sed & omnino debere talem Principem interficere*, atq; insuper addit, me *temerarie populorum leuitati Reges subijcere*: & tandem ita exclamat;

*c* 4. Reg. 11. &  
2. Paralip. 23.

*Ecce Reges, & Principes, habetis, qui vestra studeat securitati. Ita obseruantes sunt Maiestatis Regie, violatores, & calumniatores potestatis Pontificie. Quilibet subditus inquit Widdringtonus, non modo potest, sed & debet in tali casu facere, quod Ioiada fecit. O miseram Principum conditionem, quorum Regnum, & vita singulorum principum iudicio obnoxia? Quod si Card. Bellarminus tale quid scripsisset, quas non Aduersarius Widdringtonus cerneret turbas, quos non excitaret clamores?*

2. Sed ubi est conscientia istius *Doct̃oris*? ubi candor? ubi sinceritas? Quid mentem eius adeo occæcauit, vt tam apertam calumniam mihi imponere non pudefieret? An *Ioiada* solum

solum reputauit, & non certò etiam cognouit, *Athalia* malo titulo inuasisse regnum? An non etiam certò cognouit, *Ioas* puerum septennem, verum Regni hæredem, quem ipse ab interfectione liberauerat, superstitem in domo Domini apud se manere? An non priusquam *Ioas* in Regni possessionem miserat, & *Athalia* trucidari fecerat, iniit fœdus cum Centurionibus, qui circumeuntes, vt ait

d 4. Reg 11. & Scriptura, <sup>d</sup> Iudam, congregauerant *Leuitas de cunctis urbibus Iuda,*  
2. Paralip. 23.

& *Principes familiarum Israel, venerantq; in Ierusalem, iniitque omnis multitudo pactum in Domo Dei cum Rege,* vt nimirum *Ioas* Regem legitimum à Regni possessione iniuste detentum in possessionem mitterent, & *Athalia* vsurpatricem, si præsertim coniurationem in Regem faceret, Regis nomine, & autoritate deleri curarent. *Ioiada* enim non sua, sed Regis autoritate, & nomine *Athalia* trucidari præcepit. *Ioiada*, inquit *Abulensis*, <sup>e</sup> gerebat vices Regis, licebat Regi iubere occidi *Athalia*, qua vsurpauerat Regnum: Ideo etiam liceret *Ioiada*,

<sup>e</sup> In 4. Reg. cap. 11. q. 10.



*qui gerebat vices eius in omnibus.*

3. Dicat nunc, obsecro, *Doctor* iste, an non quilibet fidelis subditus *in tali casu*, id est, non priuata, vt ipse fingit, sed publica veri *Regis*, & qui vt talis, non solum *reputatus*, vt ipse comminiscitur, sed *certò cognitus* est, auctoritate, consentiente etiam *Re-publica*, non *reputatam* tantum, sed *notam* etiam *usurpatricem*, & quæ coniurationem aduersus verum *Regē* machinatur, interficere licite possit, & debeat? Neque hæc doctrina rebellionibus, & conspirationibus viam aperit, aut *Principum* vitam priuatorum iudicio obnoxiam relinquit.

4. Veruntamen *Doctor* iste hoc eodem in loco latissimam seditionibus, & defectionibus viam patefacit, dum satis incautè affirmat, consensum populi satis esse, ad legitimum regnandi ius alteri, quàm hæredi legitimo, quique in nulla planè re deliquerit, conferendum. *Athalia*, inquit, <sup>f</sup> *sine dubio tyrannicè regnum innasit, sed*

Pag. 558.

*cum sex annis pacificè imperauerit, credibile est, paulatim assentiente populo legitimum ius in Regnum acquisuisse.*

Et

Et nihilominus *Doctorem* istum latere non poterat, *Ioas*, verum, & legitimū iure hæreditario *Regem*, saluum, & incolumem in domo Domini tunc temporis permanisse. Atque hæc seditiosa eius doctrina, forsan vna inter cæteras causa erat, quòd liber eius *Lutetie* publice combustus fuerit.

5. Et propterea prudenter *Becanus*, qui in *Controuersia Anglicana* primum à se edita, & publico Sacræ Congregationis decreto condemnata, donec expurgata esset, hanc eandē doctrinam tradidit, Pag. 120. in posteriori Editione a se recognita, aucta, atque in hoc etiam expurgata (ta-

g Nam cum metli nonnullis alijs, & quæ vel ad-  
antea pag. 102. iunxit, vel expunxit, magis conspurca-  
scripsisset, sibi ta fuerit) errorem suum recognoscens  
certum esse, sententiam illam expungendam cu-  
Regem nostrū sententiam illam expungendam cu-  
Serenissimum rauit.

JACOBVM

esse legitimum Regem Angliæ, Scotiæ, & Hiberniæ, & in  
ijsdem Regnis supremum Dominum in temporalibus, in noua  
Editione, illud vocabulum, supremum, & quod deterius est, legi-  
timum, expunxit, & Regem Angliæ Summi Pontificis feudata-  
rium esse, ob rationes debilissimas affirmare non dubitauit. Vide  
Disputat. Theologicam in Admonit. ad Lectorem num. 9. & seq.

## §. 3.

I. **T**ertio, Doctor iste, ut me quoq; tanquam apertè hæretica docentem apud vestram *Sanctitatem* traducat, vestramque indignationem in me concitet, affirmare non dubitat. me omnem omnino Summi Pontificis, quà Pontifex est, in temporalibus potestatem, etiam Principibus Secularibus in rebus temporalibus in ordine ad bonum spirituale imperandi, denegare. Ita enim in capite sexto suæ *Apologie* pag. 256. & 258. scribit.

*Secunda Conclusio ; Hæreticum est dicere, Pontificem, ut talem, & ex iure divino non habere ullam potestatem in temporalibus. Hac est contra Aduersarium Widdringtonum, Lutheranos, Calvinistas.*

*Tertia conclusio: Hæreticum est, Pontificem, ut Pontificem, & ex iure divino non habere ullam potestatem imperandi Principibus Secularibus in rebus temporalibus saltem in ordine ad bonum spirituale. Hac est contra Aduersarium Widdring-*

Widdringtonum, *Lutheranos*, *Calvinistas*.

2. Et nihilo minus scripta mea contrarium apertissime clamant. Neque enim obiter, sed de industria, neque semel, aut iterum, sed sapissime disertis verbis doceo, repeto, atque inculco, penes Summum *Pontificem* esse potestatem intemporalibus, non quidem de illis disponendi (vt dispo- nere ab imperare distinguitur) aut *Principes* Seculares suis Dominijs, Regiaue auctoritate per sententiam priuandi, sed *Principibus* Secularibus in ordine ad bonum spirituale impe- randi.

Adeo vt mirum profectò sit, quòd *Doctòr* iste, vt me apertè hæretica docere *Lectori* persuadeat, tam falsò, & contra Christianæ charitatis, atque iustitiæ leges asserere non erubescat, me illud negare, quod ijsdem planè verbis, non semel, aut iterum, sed frequentissime, idque de industria assermo.

Atque hæc, quædam sunt calumniæ ex plurimis, quas *Doctòr* iste sparsim in suo libro mihi falsò imposuit, quas  
que

quē ego in *Disputatione mea Theologi-*  
*ca* hannotaui; Nunc ceteras eius frau- <sup>h In Admoni.</sup>  
 des & calumnias, quas ipse in ipsomet <sup>ad Lectorem in</sup>  
 libri sui exordio, de industria, vt Le- <sup>initio.</sup>  
 ctoris animum a me, meisque libris  
 in totum auerteret, & præiudicatam  
 de mea doctrina opinionem habere  
 facilius persuaderet, in vnum quasi  
 fasciculum congeffit, eodem planē  
 ordine, quo ab ipso positæ sunt, per-  
 spiciuē detegemus.

§. 4.

1. **Q**uartò igitur *Doct̃or* iste libri  
 mei *Inscriptionem* falsò cri-  
 minatur, quæ hæc est:

*Apologia Card. Bellarmini pro*  
*iure Principum aduersus suas ip-*  
*sius rationes pro auctoritate Pa-*  
*pali &c. Auctore Rogero Wid-*  
*dringtono Catholico Anglo.*

*Hæc Inscriptio, ait Doct̃or iste, duo* a Cap. i. pag. i.  
*continet, titulum libri: nomen & titu-*  
*lum Auctoris. Titulus libri impuden-*  
*tissimus simul. & mendacissimus est, &*  
*Auctori*

*Auctori suomet repugnans. Auctor in Praefatione sic loquitur: Illustrissimum Card. Bellarminum, ut omni honore, & obseruantia dignissimum veneror, atque suspicio: In Inscriptione idem Auctor tam leuem, & inconstantem eundem Illustrissimum Card. Bellarminum fingit, quasi aduersus suamet ipsius scripta aperte pugnet, & ex professo palinodiam canat.*

2. Certe Apologiam aduersus proprias rationes, nisi aut mentis inops, aut ebrius nemo scribit. Quod si ita ludere venerari est, & suspicere, veneratur Bellarminum, & suspicit Rogerus: sin autem ita ludere illudere est, ut reuera est, miror utrumq;, & quod eò Auctor procefferit temeritatis, ac impudentiae, in animū ut induxerit suum, viro sanctitate, eruditione, dignitate illustrissimo, quem omnes verè Catholici multis nominibus meritò venerantur, & suspiciunt, affecta iam praesertim aetate, ita pueriliter, ne dicam scurriliter illudere: & si ullus vir cordatus tam ludricam Inscriptiōem sine stomacho possit legere.

3. Grandia quidem haec verba sunt, & è stomacho bili repleto profecta;

fecta ; Sed si *Doctor* iste iram , quæ  
mentis aciem obtundit, è corde suo  
depulisset, facile profectò perspicere  
potuisset, *Inscriptionem* hanc, neque  
impudentem, neque mendacem, ne-  
que mihi met vlllo modo repugnan-  
tem esse, *Titulus* enim hic, atque *In-*  
*scriptio* fini, scopo, & materiæ ipsius  
libri consentiens est, & propterea non  
magis impudens, aut mendax cen-  
sendus est, quàm liber ipse, neque  
magis, quàm liber ipse cuiquam dis-  
plicere potest. Hoc enim in mea *pro*  
*iure Principum Apologia* institutum  
mihi erat, vt rationes, & argumenta  
Card. *Bellarmini*, quibus probare con-  
tendit, non tam *sententiam*, quàm *he-*  
*resim* esse affirmare, penes Summum  
*Pontificem* non esse potestatem Prin-  
cipes deponendi, ex eius principijs  
confutarem, atque ad rem *fidei demon-*  
*strandam* minimè sufficientia esse, ex  
ipsius doctrina sparsim tradita com-  
monstrarem; quod utrùm verè præsti-  
terim an non, atque in ijs confutan-  
dis mendax fuerim, æquis rerum æsti-  
matoribus iudicandum relinquo.

4. Et quid aliud, obsecro, est ra-

B

tiones

tiones Card. *Bellarmini* ex suis ipsiusmet principijs confutare, quàm *Apologiam* Card. *Bellarmini* contra suas ipsius rationes conficere? quem titulum, utpote scopo, & argumento libri accommodatum, idcirco apposui, ut viri eruditi ipsum librum, quem cunctis fidelibus, *Pontificibus*, *Regibus*, ac *Subditis* pernecessarium esse iudicavi, & avidius perquirerent, & maiori cum attentione, ac diligentia eum perlegere, atque examinare velent.

5. At *Apologiam* aduersus proprias rationes, nisi aut mentis inops, aut sobrius nemo scribit, ait Doctor iste. Fateor. Sed quod aliquis *Apologiam* alterius contra proprias eius rationes conficiat, hoc aut rationi, aut sobrietati dissentaneum esse, nemo nisi mentis inops, aut ebrius affirmare potest. *Apologiam* Protestantium pro Ecclesia Romana scripsit Ioannes Breuelesius, hinc tamen nemo vir sobrius concludet, *Protestantes* aut ebrios, aut mentis inopes esse. At si aliquis *Protestantium* *Apologiam* pro Ecclesia Romana, quamdiu ipse eam impugnat,



pugnat conscripſiſſet, certè aut mentis inops, aut ebrius merito conſendus eſſet: Et ſimiliter ſi Card. *Bellarminus Apologiam* pro iure Principum aduerſus ſuas rationes conſeciſſet, quādiu hanc Principum poteſtatem, ſeu Ius ita acriter impugnat, procul dubio aut mentis inopem, aut ebrium eum eſſe omnes merito exiſtimarent. Veruntamen ego duntaxat aſſerui, non ipſum *Bellarminum*, ſed me *Apolo- giam Card. Bellarmini* contra ſuas ipſius rationes conſcripſiſſe, atque rationes, & argumenta ipſius ex proprijs eius principijs confutaſſe, quod ſanè veriſſimum eſſe, Lector eruditus qui Card. *Bellarmini* argumenta, meaſque Reſponſiones ex eius principijs petitas diligenter expendet, ſtatim perſpiciet, atque abſque vlla impudentia, aut ludicra ſcurrilitate a me dictum eſſe, illico animaduertet.

6. At titulus iſte mihi metipſi repugnans eſt, ait Doct̃or iſte: Aio enim, me *illuſtriſſimum Bellarminum*, ut omni honore, & obſervantia digniſſimum, venerari, atq; ſuſpicere: atqui in hac Inſcriptione tam leuem, & inconſtantem

*eundem illustrissimum Cardinalem Bellarminum fingo, quasi aduersus suamet ipsius scripta aperte pugnet, & ex professo palinodiam canat.*

7. Sed inprimis hæc nequaquam pugnantia sunt. Veneror enim Illustrissimum *Bellarminum*, cumque, ut omni honore, & obseruantia dignissimum, suspicio: Sed non in omnibus eius dictis, scriptis, atque actionibus eum veneror, neque propter omnia illa quæ dixit, scripsit aut egit, eum omni honore, & obseruantia dignissimum esse censeo. Fateor equidem, eum eruditione, atque dignitate illustrissimum esse, atque suis, de Controversijs Christianæ fidei, Disputationibus, quas ex diuersis Scriptoribus collegit, atque in vnum quasi corpus miro ordine redegit, Rempublicam Christianam mirifice illustrasse, quibus nominibus eum venerandum, ac suspiciendum esse, & maximas illi gratias ab omnibus Catholicis habendas ingenuè profiteor. Sed cum in multiloquio non desit peccatum, & in multis libris conscribendis nonnulla saltem per inconsiderantiam

derantiam viris etiam eruditis obrepere possunt, quæ recognitione indigeant, quandoquidem *aliquando bonus dormitet Homerus*, nihil mirum, quòd Card. *Bellarmino*, cum homo sit, & humanæ inconsiderantiæ, ne dicam, ignorantiae subiectus, sicut cæteri, in tam multis, ac magis voluminibus conscribendis aliqua exciderint, quæ neque aliorum iudicio vera, neque sibi satis constantia sint, atque adeo ulteriores etiam nunc recognitionem deposcant.

8. Nec propterea Card. *Bellarminus* leuem & inconstantem, sed humanæ fragilitati, & inconsiderantiæ, ne dicam ignorantiae, subiectum esse affirmo, sicut neque *S. Augustinus*, levis & inconstans censendus est, quòd cum iunior esset, quædam non ita consideratè scripserit, quæ postea in suis Retractionum libris de industria reuocauit. Quod autem Card. *Bellarminus* ex professo palinodiam cecinerit, & nonnulla, quæ iunior scripsit, iam senior de industria retractauerit, non quidem ex titulo meæ *Apologiae*, sed ex ipsiusmet *Recognitionibus*

nibus rectissime concludi potest. Neque idcirco leuitati, aut inconstantia hoc illi, sicut neque S. *Augustino* verendum esse censeo, dummodo ab antiqua sua doctrina, quam olim matura cū deliberatione approbavit, postea leuiter, & absq; sufficienti ratione, de quo in præsenti non disputo (hoc enim non leuem in illo inconstantia argueret) nequaquam ex instituto recesserit.

b Part. 3.

9. Denique, quod Card, *Bellarminus* nonnunquam aduersus suam ipsius scripta, aperte tamen non de industria, sed per incogitantiam aut expressè, aut tacitè pugnet, partim in mea *Apologia*, partim in confutatione *Thomæ Fitzherberti*, ubi quasdam eius assertiones adinuicem repugnantes recensui, sæpius commonstravi.

c Lib. 5. de.  
Rom. Pont. cap.  
7. & in Tract.  
contra Barcl.  
cap. 13. & Dr.  
etor iste pag.  
195. 199.

Vt exempli gratia, ne Lectori fucū facere, atque istud illi gratis imponere videar, ait *Ecclesiam*, cuius caput est Summus Pontifex, ex potestate temporalis, & spiritali conflata esse, & *Respublicam politicam, & Ecclesiasticā, unam totalem Rempublicam, quæ est Ecclesia*, cuius caput est Summus Pontifex

fex, *constituere*. Et nihilominus alibi <sup>d</sup>affirmat, *Summum Pontificem ex institutione Christi nullam habere propriam temporalem potestatem, neq. Ecclesiam ex temporali potestate, quæ formaliter temporalis est, sed ex sola spiritali potestate constitui.*

<sup>d</sup> in Tract. contra Barcl. cap. 12. p. 137. & Doctor ista pag. 203.

Item ait, <sup>e</sup>S. Paulum merito Cæsa- rem appellasse, eumq. Iudicem agnovisse, cum accusaretur seditionis, & tumultus in populo excitati: Et nihilominus alibi <sup>f</sup>affirmat, *causam, ob quam S. Paulus ad Cæsarem appellavit, fuisse spiritali, neq. ad Principem Ethnicum iure pertinere potuisse.*

<sup>e</sup> Lib. 2. de Rem. Pont. cap. 29.

Item ait, quod illis verbis Evangelij, Reges terræ à quo accipiunt tributum &c. videatur omnino repugnare, Christum non liberasse nominatim, & expresse Petrum, & Apostolos ab obligatione, qua tenebantur Ethnicis Principibus: Et nihilominus alibi <sup>h</sup>affirmat, *verissimum esse, non agi eo loco de tributo, quod Cæsari soluebatur, sed quod imposuerat Deus omnibus filiis Israel Exod. 30. in usum Templi.*

<sup>g</sup> in Tract. eodem cap. 3. pag. 49.

<sup>h</sup> Lib. 1. de Clericis cap. 28

Item ait, <sup>i</sup>improbabilem esse sententiam Alberti Pighij asserentis Apostolos

<sup>i</sup> in Tract. contra Barla. de cap. 21. p. 206.

k Lib 1. de  
Clericis cap. 28.

\* Vide infra  
§. 10. num. 4

de iure subiectos fuisse: Cæsari, & nihilominus alibi<sup>k</sup> affirmat, eam à doctissimis Theologis etiam recentioribus, quam ipse per multos annos propugnauit, (quinimo communi iam omnium Theologorum etiam Iesuitarum, sententia est,) \* approbatam esse: dicunt enim *personas Ecclesiasticas à potestate Principum Secularium iure diuino exemptas non esse.*

10. Ex quibus constat, *titulum* meæ *Apologie* ipsimet libro consentientem esse, neque mihi metipsum vlla tenet<sup>us</sup> repugnantem; Neque enim hæc ad invicem pugnant, quòd Card. *Bellarminum* eruditione, & dignitate illustrissimum, ut omni honore, ac obseruantia dignissimum venerer atque suspiciam, & quòd non in omnibus, nec pro omnibus, quæ scripsit, tali honore eum dignum esse iudicem; sicut neque *S. Augustinus*, tamen si omni honore, ac obseruantia ab eo tempore, quo Baptismum suscepit, dignissimus fuerit, non tamen aut in omnibus, aut pro omnibus quæ ab eo tempore scripsit, tali honore, atque obseruantia eum dignum fuisse Do-

ctor

Et or iste affirmare poterit.

II. Postremo, quod attinet ad *Sanctitatem* Card. *Bellarmini*, qua *Doctor* iste cum illustrissimum esse affirmat, nihil ego in præsentia dicam, illud Deo, supremo omnium Iudici, qui solus secreta hominum corda novit, iudicandum relinquens. Hoc unum asserere non dubito, quod si ego tam falsas, ac manifestas calumnias cum tam insigni fraude, ac maledicentia coniunctas, quas *Doctor* iste (qui Card. *Bellarminus* esse à multis prædicatur) mihi summam per iniuriam de industria imponit, aut Card. *Bellarmino*, aut alicui alteri Catholico imposuisssem, profectò *Doctor* iste, me non solum omni sanctitate, verum etiam charitate, iustitia, sinceritate, ac modestia Christiana omnino vacuum esse plenis faucibus conclamaret.

12 Quòd autem ego *adversus* Card. *Bellarmini*, *affectatam* etate, rationes, *Apologiam* ipsius confecerim, seu argumenta ipsius ex proprijs eius principijs confutaverim, ipsemet Card. *Bellarminus* in causa erat, qui verba illa [ *non tam sententia, quam hæresis* ]

*refis*] quæ ianior in prioribus operum suorum Editionibus prætermisit, affecta iam ætate in posterioribus adiungere non dubitavit; cum tamen nullam planè rationem vel ex verbo Dei, vel ex sacris Concilijs ad nouam illam hæresim *scilicet* refellendam de nouo adduxerit. Neque enim aut veritati Euangelicæ satis consonum, aut Principum securitati satis consultum esse iudicaui, vt noua fides Catholica in tam graue Religionis Catholicæ scandalum, atque in summam Regiæ dignitatis iniuriam in orbem Christianum absque ratione sufficienti inueheretur. Quæ verba, si Card. *Bellarminus* missa fecisset, neq; contrariam Catholicorū sententiam vt *hæreticam* condemnasset, sed cuius in propria sua, quam veriore arbitraretur, opinione absque *hæresis* nota persistere integrum permisisset, non habuisset iam *Widdringtonum*, vt alias<sup>1</sup> protestatus sum, qui sibi, quem multis nominibus veneratur, *affecta iam ætate* aduersaretur, aut qui eius rationes tanquam ad rem de fide certam *demonstrandam* minùs sufficientes ex suis

1 in *Prefat.*  
*Resp. Apolog.*  
 num. 10.



suis ipsius principijs evertere attentaret.

---

5.

I. **Q**uintò, quod ad nomen, titulumq; Auctoris spectat, ait Doctor iste, indigitare se Rogerum Widdringtonum Catholicum Anglum, quod quàm sincere, ac rectè faciat, paulo accuratius dispiciendum videtur. Rogerum Widdringtonum intelligo esse iuvenem Catholicum, & nobilem: at hunc Auctorem multa sunt, quæ heraseus accusant, & omnino reum peragunt, ut mox videbimus.

Quare non levis multorum est suspicio, Auctorem huius libri non esse Rogerum Widdringtonum, sed aliquem alium impostorem, qui hereticus cum sit, velit sub nomine Catholici latere, ut viros Catholicos facilius circumveniat. Hæc Doctor iste pag. 2.

2. Veruntamen notum est, & hîc apud nos satis exploratum, tum Rogerum Widdringtonum quinquaginta ferme

fermè annorum iuvenem, quiq; viginti octo ab hinc annis in celeberrima Cantabrigienſi Academia literis operam dedit, & *Catholicum* eſſe, & ſe huius libri *Auctorem* eſſe palam agnoſcere; tum etiam illum alium, qui iſtius libri *Auctor* eſſe *Rome* prædicatur, & verè *Catholicum* eſſe, & plura pro fide Catholica, quam publicè profitetur, (abſit invidia verbo) ſuſtinuiſſe, quàm *Doct̃or* iſte, pace eius dixerim, hucvſque ſuſtinuit, aut vnquam fortalſe ſuſtinebit. Quin potiùs *Doct̃orem* iſtum, qui fidem ſuam Catholicam tam glorioſè venditat, & aliorũ fidẽ tam contumelioſè calumniatur, ſi fide verè Catholica, quæ infallibilis omnino eſt, neque errori obnoxia, ſed in omnibus verè Catholicis vna, & eadem, firmiter credat, vti prætendit, *Romanum Pontificem* Concilio Oecumenico ſuperiorem eſſe, & res fidei per ſemetipſum ſolum certò definiendi, atque *Principes ſupremos* ſuis dominijs priuandi poteſtatem habere, quæ apud viros verè Catholicos controuerſa ſunt, atque in opinione poſita, & proinde fide verè Catholica, quamdiu

quamdiu controuersa sunt, minimè credenda, non leuis tantum quorundam suspicio, sed magna etiam plurimorum dubitatio est, se verum, & sincerè Catholicum esse probare nequam posse.

3. Enimuerò si *Rogerus Widdringtonus*, si quicumque alius, ( parum enim refert, quo nomine nuncupet, dummodo causa, quam tueor, iusta sit, & fidei Catholicæ principiis consentanea ) quicumque sum, Catholicus sum, & talem me esse sæpius professus sum, & quæ scripsi, pro communi totius Christianitatis bono conseruando, pro perpetua inter *Regnum*, & *Sacerdotium* concordia stabilienda, & pro vera, ac debita fidelium omnium obedientia, qua *Deo*, & *Cæsari*, *Pontifici*, & *Regi* ex *Christi* lege astricti manent, quamque absque æternæ salutis discrimine, vt alia pericula mittam, ignorare non possunt, perdiscenda scripsi.

## §. 6.

I **S**exto, ait Doctor iste, quòd  
 hic Auctor, nempe Widdringio-  
 nus, titulum Catholici sibi ascribens,  
 iniurià, nec satis consideratè faciat. Nam  
 siue Auctores, quos sequitur, siue dogma-  
 ta, quæ asserit, examines, nihil viro sincerè  
 Catholico dignū inuenies. Pro suis, quos  
 sequitur, Auctoribus non paucos addu-  
 cit, quos Ecclesia Catholica à sua com-  
 munionem reiecit. Dogmata aduersus  
 eandem Ecclesiam non pauca defendit.

Nam num. 4. pro suis Auctoribus  
 agnoscit Gulielmum Occamum, &  
 Dantem Aligherium cum alijs, quos  
 citat Azorius tom. 2. Instit. moral.  
 lib. 4. cap. 19. q. 1.

Ioannes autem Azorius primo loco  
 nominat Marsilium Patavinum, qui  
 manifestus hereticus fuit, & in primam  
 classē Indicis librorum prohibitorum  
 relatus. Dantem Aligherium ob hoc  
 ipsum dogma, quod Aduersarius defen-  
 dendum suscepit, ab Ecclesia Catholica  
 hæresis damnatum, testatur Bartholus  
 in

in leg. 1. ff. de requirendis reis. §. vltimo ad finem. Et vero eius Monarchia, ubi hanc sententiam docet, expressè in Indice librorum prohibitorum interdictur.

Quamvis autem Aduersarium puduerit Marsilium nominare, doctrina tamen, quam in hoc libro statuere conatur, eadem est omnino cum ea, quam ex Marsilio refert Azorius. Quare, cum vel heretici, vel de heresi valde suspecti sint, quos Widdringtonus cum Magistros sue doctrine sequitur, de heresi non suspectus esse non potest, & videtur illud Prophetam in illum quadrare, Radix tua, & generatio tua de terra Chanaan, pater tuus Amorrhæus, & mater tua Cethæa. Ezech. 16. *Mali corni malum onum.* Hæc Doctor iste. Pag. 4.

2. Veruntamen, quàm falsè, contumeliosè, inscitè, parumque consideratè Doctor iste hoc argumento ad me hereseos accusandum, & omnino rem peragendum usus fuerit, quis non videt? Nam imprimis falsum est, me, aut Dantem, aut Occamum pro meis Auctoribus produxisse; cum cuius opinionis Occamus fuerit, quod ad hanc

hanc quæstionem spectat ( tam dubie, & inconstanter, nunc in unam, nunc in aliam partem propendens, loquitur ) nondum sciam ; Et *Dante* temporalem *Summi Pontificis* Monarchiam, & directum eius in temporalibus dominium in eo libro tantum impugnasse probè nouerim ; & propterea non ego eos pro mea sententia eo loco allegaui, sed à *Ioanne Azorio* in fauorem illius sententiæ citatos esse duntaxat asserui.

3. Et tamen eos, non quidem solos, sed cum alijs plurimis Catholicis pijs, ac eruditis, quos ibidem recensui, quorum libri neque prohibiti sunt, neque ipsi de hæresi suspecti, coniunctos, pro meis *Auctoribus* produxissem, hanc tamen planè ineptam me de *hæresi* suspectum reddendi causam esse manifestum est ; cum

<sup>a</sup> *Tom. I. instit.*  
*lib. 2. cap. 14.*

*Ioannes Azorius* <sup>a</sup> *Gulielmum Occamum* inter Doctores classicos, & secundæ classis Theologos ponat, & *Franciscus Suarez*, *Gabriel Vasquez*, alijq; Theologi etiam recentiores ( nam *Gabriel Biel*, cæterique antiquiores Theologi, quos *Nominales* vocant, eum tanquam

Ducem,

Ducem, Principem, & primum suæ doctrinæ *Auctorem* sequi non verentur) eum inter *Authores*, & propugnatores suæ sententiæ sæpius numerare non reformident: Quin & *Nicolaus Sanderus*, <sup>b</sup> illud, quod de paupertate Christi, & Apostolorum *Occamus* docuit, ob quod à *Ioanne* <sup>b</sup> *Lib. 7. de* *visib. Monarchia ad annum* *Pa-* <sup>1316.</sup> *pag. 22.* excommunicatus, & de hæresi suspectus erat, benignè interpretatur, ipsumque in eo tantum reprehendit, quod *Summi Iudicis decreto suum qualemcunque sensum non subiceret.*

4. Quod autem ad *Dantem* spectat, quem *Doctores* iste, ut solito suo more authoritati illius detrahat, ac si hanc detemporalis *Summi Pontificis Monarchia* quæstionem tractans *rebus Theologicis*, quas minime norat, se immisisset, <sup>c</sup> eum tanquam purum <sup>c</sup> *Pag. 64.* *Poetam*, & *Sacræ Theologiæ* penitus ignarum depingere non erubescit <sup>d</sup> (sicut ob eandem causam, <sup>d</sup> *Ibidem*, & ut aliàs <sup>e</sup> admonui, *Sigebertum*, & *Io-* <sup>e</sup> *pag. 130.* *annem Trithemium*, ceu *meros Historicos*, & *Laurentium Vallam* ceu *merum* <sup>e</sup> *In Confutat. Thomæ Fitz-* *Grammatistam*, atque *Theologiæ* <sup>herb.</sup> *ex-*   
 *C* *pertes*

perdes describere non est veritus, quos tamen omnes, doctos etiam fuisse Theologos, atque in diuinis literis exercitatos, ipsum latere non potuit) satis constat, *Dantem*, & verè *Catholicum fuisse*, & spiritualement Summi Pontificis in Principes Christianos potestatem agnouisse, fatque insuper, tamen si *Poeta* fuerit præstantissimus, & nulli ætate sua inferior, insignisque Philosophus, fuisse tamen eum etiam in Diuinis Scripturis omnium suo tempore studiosissimum, valdeq; eruditum *Ioannes Trithemius* in libro suo de Scripturibus Ecclesiasticis verbis disertissimis testatur.

f In fine sue  
Monarchiæ.

g Ad annum  
1321.

5. Sed *Dantem*, ait Doctor iste, ob hoc ipsum dogma, quod *Widdringtonus* defendendum suscepit, ab Ecclesia Catholica hæresis damnatum testatur *Bartholus*.

Veruntamen Doctor iste neq; satis cautè, neque sibi satis consone istud *Bartholi* testimonium aduersus me producit. *Bartholus* enim eo loco tantum affirmat, *Dantem post mortem suam* (nam si dum in viuis esset, liber eius condemnatus fuisset, ipse procul dubio



dubio ab hæresi se purgasset ) quasi fuisse damnatum de hæresi, quòd Imperium ab Ecclesia dependere negauerit, seu temporalem Summi Pontificis Monarchiam, & directum eius in temporalibus dominium impugnauerit. Et quod magis mirandum est, Doctor iste paulo inferius<sup>h</sup> refert, *Comarru- h Pag. 224.*  
*niam, & Nauarrum ob hoc ipsum reprehendisse temeritatis Bartholum, & quosdam alios, qui dicunt, hæreticam sententiam illam esse, qua docet, Papam non habere potestatem temporalem ex iure diuino nisi in ordine ad bonum spirituale: Verba Covarruix hæc sunt<sup>i</sup>.*

6. *Quartò, planè inde colligitur Peccatum 2. nimis audacter Bartholum in leg. 1. ff. de requirendis reis dixisse, contrariam opinionem communi sententia hæreticam esse: Hoc etenim falsum est. Nec enim Bartholus videtur rectè intellexisse, quid sit hæresis, dum ita propere viros doctissimos hac nota dignos esse censuit. Sic & Antonius à Rosellis itidem errauit, scribens, & hæreticum esse asserere, Romanum Pontificem temporalem potestatem à Deo habuisse, & habere, eamque Imperatori tradere. Modestius enim*

<sup>i In Regulam,</sup>  
<sup>part. Relect.</sup>  
<sup>S. 9. num. 7.</sup>  
<sup>k In tract. de potest. Papæ, & Imperat. fol. 8. §. ne prolixius.</sup>

fecissent hi Doctores, si heresis nomen, & notam, Ecclesia definitioni reliquissent. Siquidem etsi opinio communis falsa censeri possit, hereticamendies, donec ab Ecclesia contrarium fuerit definitum, absque temeritatis nota minimè valet. Hactenus enim nihil certum in hac controuersia Ecclesia Catholica definivit, proptereaque disputationi locus est absque ulla hereseos suspitione.

7. Quapropter, si Doctor iste fidem Bartholo hac in re adhibendam esse velit, ipsemet etiam Card. Bellarminus, qui hoc ipsum dogma, quod Dantes defendendum suscepit, & teste Bartholo ab Ecclesia damnatum est, totis viribus propugnat, non solum de heresi suspectus, sed & conuictus, & planè hæreticus censeri debet. Sed eadem Bartholi verba, dum Widdringtono aliquam hereseos notam inurere possunt, Doctor iste nequaquam reprehendit, sed dum Card. Bellarminum aut hæreticum, aut de heresi suspectum esse perspicuè commonstrant, statim temeraria censenda sunt. Ita cautè, & consonè scilicet, Doctor iste istud Bartholi testimoniū, quod

quod Card. Bellarminum hærescos accusat, & omnino reum peragit, aduersus Widdringtoni doctrinam producere non formidauit.

7. At *Dantis Adonarchia*, ait Doctor iste, <sup>1</sup> *expresse in Indice librorum prohibitorum interdicitur, & ob hunc ipsum errorem, quem Widdringtonus defendendum suscepit, ab Ecclesia Catholica proscripta est.* 1 Pag. 4. 64.  
& 130.

Sed imprimis, si *Bartholo* credendum est, *Dantis Monarchia*, ob doctrinam, quam Card. Bellarminus simul cum *Dante* docet, ab Ecclesia proscripta, atque de hæresi damnata est.

8. Deinde, non me latet, *Dantis Monarchiam*, & plures alios Catholicorum libros de potestate Summi Pontificis in temporalibus tractantes, veluti *Sigiberti* Responsiones ad duas epistolulas *Gregorij* Papæ septimi, & *Paschalis* secundi; librum de *Vnitate Ecclesie* *Venerico* Episcopo Vercellensi ascriptum; *Disputationem* inter Clericum, & Militem de Iurisdictione Regia, & Sacerdotali *Carolo* quinto Francorum Regi *dedicatam*, vt alios

nunc taceam, in Indice librorum prohibitorum expresse interdici : Sicut & meam *pro Iure Principum Apologiam*, atque *Disputationem Theologicam de Iuramento fidelitatis vestræ Beatitudini* nuncupatam in eodem Indice ex decreto Sacræ Congregationis reponendam esse omnes norunt : Attamen neque *Dantis Monarchiam*, aut prænominatos libros ab Ecclesia Catholica proscriptos esse, sicut *Doctor* iste affirmat, nisi *Ecclesiam Catholicam* ad paucos quosdam Cardinales, & Theologos Romanos, qui à *Sede Apostolica* librorum *Censores* constituti sunt, coangustare quis velit, hætenus scio, neque etiam causam, ob quam, vel *Dantis Monarchia*, vel similes libri proscripti sint, hucusque novi : Sicut neque ego crimen aliquod, ob quod libri mei prohibiti sunt, quantumvis illud à vestra *Sanctitate*, ut ab eo me purgare queam, summis precibus deprecatus fuerim, ad hunc usque diem addiscere possum.

9. Sed quam ob causam crimina hæc, ob quæ libri Catholicorum, qui inde gravem suæ famæ iacturam patiuntur,

tiuntur, interdici solent, in secreto paucissimorum quorundam *Censorū* pectore latitare, neq; iuxta antiquum libros prohibendi morem, in ipsomet decreto, vt, & eorum *Authores* ab ijs sepurgare, & *Lectores* ab illis criminibus cauere possint, exprimi debeant, sed per alios buccinatores, quibus neq; libros prohibendi munus concreditū est, neque etiam veras, ob quas tales libri prohibentur, causas ferunt, sed ipsi ex suo cerebro, & pro suo comodo, prout propria cuiusq; opinio, aut affectio eum ducit, causas, ob quas eiusmodi libri proscripti sunt, imaginantur, talia crimina prædicari permissum sit, magnum sanè mysterium est, & paucis, vti opinor, reuelatum. Sed tale profectò arcanum est, quod iustam viris Catholicis, quorum nomen antea venerandum ex tali *Indice* infame redditur, ipsum *Indicem expurgatorium*, nisi clarior, & expurgatior prodeat, quàm hactenus prodierit, & *Censores* à libris Catholicorum, qui de rebus controuersis tractant, more tam insolito, nullo planè crimine, ob quod prohibentur, indica-

to, tametsi *Author*, vt ab eo se purgare possit, illud maximè efflagitet, proscribendis desistant, in contro- uersiam vocandi, eiusq; auctoritatè, accuratiùs quàm antea, examinandi occasionem procul dubio submi- nistrabit.

10. Neque tamen propterea existi- mo, aut *Indicem expurgatorium*, e- iusque auctoritatem a viris Catholi- cis paruè pendendam esse, aut decreta *Illustriſſimorum Cardinalium* libros prohibentium, tametsi iniusta, atque vel in falsa informatione, maloque sententiæ alicuius intellectu, vel in fallibili opinione, quam nemo sequi tenetur, fundata sint, neque in con- scientia obligent, esse à Catholicis contemnenda: Sententiam enim Pa- storis iniustam, quantumuis non sem- per obseruanda sit, nunquam tamen contemnendam esse censeo. Fateor etiam cum doctissimo, & deuotissimo Gersone, <sup>m</sup>sententiam Papa ligare om- nes ad non dogmatizandum contrarium, nisi per illos, aut apud illos, qui manife- stum contra fidem deprehendunt erro- rem, & scandalum grande fidei suo silen-

in In tract. de  
examinat. Do-  
ctrin. §. 2.  
veritas.

*nio fieri, si non opponerent se, cognoscunt. Quod si fieret prosequutio sententiarum, & penarum contra eos, sciant beatos esse, qui persecutionem patiuntur propter iustitiam.*

**II** Quam magnum autem scandalum ex nouis huiusce fidei dogmatibus (quæque alioquin supremis *Principibus* adeo iniuriola, & sudditorum conscientijs tam periculosa sunt) absq; auctoritate sufficienti, aut vlla Ecclesiæ definitione, quæ sola iuxta communem Theologorum sententiam, rem, apud Catholicos controuersam, de fide certam, contrariamque doctrinam hæreticam, atque ita ab omnibus habendam reddere valet, orbi Christiano, sub Religionis Catholice velo, quasi per vim obtrusis, atque modo ita indebito propugnatis, fides Catholica in hoc præsertim Angliæ Regno passa sit, & adhuc etiam sustineat (cum pauci tantum Catholici *Regi* nostro Serenissimo constantes subditi, sed ad arbitriū tantum Summi *Pontificis*, in cuius arbitrio est iuxta nouam huius *Doctores* Catholicam fidem *Regem* nostrum hodie, vel cras deponere,

deponere, & subditos illius a sua fidelitate absolueret a *Protestantibus* iudicentur) nemo, qui posterioris huius seculi res gestas vel leuiter expenderit, ignorare potest.

12. Præterea, tametsi *Marsilius Patavinus* (quem tamen ego pro mea sententia, cum viros tantum Catholicos proferre decreuerim, nequaquam produxi) aut alius quicumque hæreticus in ea opinione fuerit, quòd Summus *Pontifex* nullam ex *Christi* institutione *Principes* deponendi potestatem habeat, hoc tamen neque ad doctrinam istam vt hæreticam confundendam, neque ad mee de causa de hæresi suspectum reddendum sufficiens argumentum esse potest, nisi vel soli hæretici doctrinam istam propugnarent, vel idcirco ab Ecclesia condemnati essent, quòd eam pro-

n *Apologia* nu.

4. & seq. in

*Disp. Theol. cap.*

3. sec. 3. in con-

futat. *Thomæ*

*Fitzherberti*

part. 1. & supra

in *Supplicat. nu.*

28. & seq.

pugnare ausi fuerint, cum notum sit, quoscunque hæreticos in pluribus fidei dogmatibus vnà cum Catholicis conuenire. At clarum est, non solos hæreticos, sed plurimos etiam Catholicos, quos alibi <sup>n</sup> recensui, hanc doctrinam propugnare, & de hac re

certare



*certare Scholasticos, & adhuc sub Indice  
litem esse, vt ait Trithemius, ° an Papa  
possit Imperatorem deponere.*

o In Chronico  
Monast. Hir-  
saug. ad annum  
1106.

13. Quapropter falsissimum est,  
quod *Doctor* iste adeo confidenter, ne  
quid grauius dicam, affirmat; nempe  
*Principem, & Magistrum mea doctrina  
fuisse Marsilium hereticum*, ac si ipse  
primus huius doctrinae Auctor, ac  
Magister fuerit, cum ego (vt alios Ca-  
tholicos *Marsilio* antiquiores, & com-  
plures etiam ex Patribus antiquis,  
quos ibidem recensui, nunc taceam)  
*Sigebertum* virum pietate, & doctrina  
clarissimum, qui per trecentos ferme  
annos ante *Marsilij Patavini* obitum  
floruit, pro mea doctrina compro-  
banda protulerim; quique, propte-  
rea quod primus omnium nouam  
*Gregorij* Papae septimi, & ante ea se-  
cula inauditam, de *Principibus* autho-  
ritate *Papali* deponendis praxim, qua  
ipse *nouitatem*; ne diceret, *heresim*, ap-  
pellare non est veritus, validis Patrum  
testimonijs confutauerit, *primus* isti-  
us doctrinae, etsi non *Auctor*, cum  
plures alij ante eum, etiam ex Sanctis  
Patribus illam satis aperte tradiderint,  
tamen

tamen ex instituto propugnator merito dici potest.

14. At quinam vnquam Scriptores *Sigebertum*, aut hæreticum, aut de hæresi suspectum, aut etiam Schismaticum ante Card. *Baronij* tempora, qui *Sigeberto* notam *Schismatis* falsæ, summamque per iniuriam, vt

p. Inconsuet.

Thome Fitzher.

part. 1.

q. In Annalib.

ad annum. 774.

alias ostendi, inussit, & reputarunt? Aut quinâ Doctores Theologi *Henricum* quartum, *Fredericum* secundum, *Ludovicum* Bauarum Imperatores, *Philippum Pulchrum* Regem Francorum, aliosque Reges, aut Imperatores, eorumque sequaces, eo quod eiusmodi potestatem Summi Pontificis Reges deponendi impugnaverint, hæreticos iudicarunt? Aut quinam ex ijs omnibus Auctoribus, qui de hæresibus scripserunt, & *Marsilij* errores nominatim retulerunt, hanc *Marsilij* doctrinam inter hæreses, aut errores ab Ecclesia condemnatos recensuere?

15. Adeo vt, & parum cautè Doctor iste hoc argumentum ad doctrinam meam, vt hæreticam, aut de hæresi suspectam, refellendam, ex quo contrarium potius apertissimè deducitur

citur, attulerit, atque etiam *Sanctitas* vestra perspicuè videre poterit, qualè fidem Catholicam, quod ad hanc doctrinam spectat, antiquiores Theologi amplexati sint, priusquam pauci quidam recentiores, *Iesuite* præsertim, infirmis fundamentis nixi, & nulla Ecclesiæ definitione fulti, nouam fidem Catholicam procudere, & vi magis, ac terroribus vestræ *Sanctitatis* authoritati confisi, quàm solida ratione, & firmis argumentis ducti, eam orbì Christiano obtrudere tentaerunt.

16 Scio, non paucos doctissimos Theologos hanc Summi Pontificis potestatem *Principes* abdicandi totis viribus propugnasse, eam; ex verbo Dei, ex Concilijs Oecumenicis, ex Sacris canonibus, ex Summorū Pontificum factis, alijsq; rationibus Theologicis deducere conatos esse, sicut in alijs Disputationibus Scholasticis mos est (vt patet in quæstionibus de auxilijs diuinæ gratiæ, de prædestinatione, de immaculata Dei paræ conceptione, de potestate Papæ, & Concilij, atque similibus) verum paucissimi ex illis reperiuntur,

periuntur, qui contrarium sentientibus *hereseos* notam invrere, seque ab illis in fidei, aut Sacramentorum communione separare ausi sunt. Modestus sane, & Christianæ humilitati magis cōsonum esset, ita vnumquemque sapere, vt alios desipere non existimet, ita propriam opinionem amplecti, vt aliorum iudicium non facile condemnet, cum fieri possit, vt, quod hodie certum nobis apparet, cras vix probabile videatur, & quod iuniores scripsimus, seniores effecti retractemus, quod ipsemet Card. *Bellarminus*, vir alioqui doctissimus, suis *Recognitionibus* comprobauit, qui plura quæ scripsit iuuenis, retractauit senex, & plura etiam, saltem in quibus sibi apertè, vt aliàs<sup>r</sup> ostendi, contradicit, se honoris sui gratia retractaturum speramus. Atque hæc de duobus illis suspectæ fidei *Auctoribus* à me ad meam sententiam confirmandam, vt *Doctor* iste affirmat, allatis, quos ipse tropicè admodum *non paucos* appellauit, dicta sufficiant.

<sup>r</sup> Vide supra  
§. 1. nu. 9.

17 Quæ autem *Doctor* iste ex *Propheta* de mea radice & generatione in  
fine

sine subiungit, cum ad conuitia spectent, Responsionem non merentur, atque totidem planè verbis in ipsum Card. *Bellarminum*, retorqueri possunt. *Dantes* enim, *Marsilius*, atque *Occamus* primi fere, & præcipui ex illis Auctoribus fuerunt, qui directam Summi Pontificis in temporalibus Monarchiam impugnarunt, quam Monarchiam Card. *Bellarminus* in suis Controuersijs vehementer etiam impugnat.

18 Quamuis autem Card. *Bellarminum* puduerit *Dantem*, *Marsilium*, atque *Occamum* nominare; Doctrina tamen, quam Card. *Bellarminus* in suis Controuersijs statuere conatur, eadem est omnino cum ea, quam illi propugnant. Quare cum vel hæretici, vel de hæresi valde suspecti sint, quos Card. *Bellarminus* ceu magistros suæ doctrinæ sequitur, de hæresi non suspectus esse non potest; & videtur illud Prophetæ in eum quadrare: *Radix tua, & generatio tua de terra Chanaan: pater tuus Amorrhæus, & mater tua Cethæa.* Ezech. 16. *Mali cornu malum ouum.* Sed cum huiusmodi conuitia

conuitia magis mulierculas rixantes, quàm Theologos disputantes deceant, an ridenda magis sint, quam deploranda, vix iudicare scio. Hæc in genere de *Auctoribus*; nunc *dogmata*, quæ *Doctor* iste me *hærescos accusare*, & *omnino reum peragere* affirmat, *summatim* etiam *lustramus*.

## §. 7.

1. *Septimò* igitur *Doctor* iste affirmat, me in *Prefatione* hoc *dogma* statnere: Iure diuino deberi obedientiam Principibus hæreticis in rebus politicis, non obstante quacunque sententia Excommunicationis, vel depositionis à Summo Pontifice contra eiusmodi Principes hæreticos lata.

*Contrarium* est hoc *dogma*, ait *Doctor* iste (ut alia nunc omittam) *canoni*, Nos *sanctorum*. 15. q. 6. *Qui* est à Summo Pontifice in *Concilio Romano* editus, *vbi* iubentur *fideles* non obedire Principi à *Sede Apostolica* excommunicato.

Itaque

Itaque Romana Ecclesia prohibet obedientiam præstari Principi a Sede Apostolica excommunicato. Aduersarius hanc Ecclesia doctrinam cum iure diuino pugnare, & iure diuino deberi obedientiam Principi, etiam si ob hæresim sit excommunicatus, affirmat, & tamen se Catholicum, id est, eiusdem Ecclesie filium pronunciat. Maledictus a Deo qui exasperat matrem Eccles. 3. Si Ecclesiam non audierit, sit tibi sicut Ethnicus, & Publicanus *Math. 18.* Ita Doctor iste pag. 5.

2 Fateor equidem, dogma istud totius inter me, & Card. Bellarminum controuersie caput esse. Aio enim eo loco, doctrina Catholica principis non repugnare, quin potius consentaneum esse, quòd Principibus etiam hereticis, non obstante quacunque Excommunicationis, aut deprivationis sententia a Summo Pontifice contra illos lata (utpote cui potestas tantum spiritualis, & non secularis, qualis est Principes deponendi, ex Christi institutione competit) sit a populo illis civiliter subiecto obedientia in rebus politicis iure diuino exhibenda,

3 Quapropter verus istius inter  
D me,

me, & Card. *Bellarminum*, quod ad doctrinam speculatiuam attinet, quaestionis status est, an certum sit, & de fide, adeo ut contrarium Catholicae doctrinae principijs repugnet, & a nullo sincerè Catholico defendi queat, esse in Summo Pontifice ex Christi institutione potestatem *Principes* Seculares per depriuationis sententiam deponendi, eorumque subditos a fidelitate temporali illis iure diuino aliàs debita absoluedi. Card. enim *Bellarminus* partem affirmatiuam mordicis tuetur, ego negatiuam constanter teneo. Dixi, quod ad doctrinam speculatiuam attinet, nam si semel admittatur, non esse certum, sed apud Catholicos contrauersum, an *Papa* possit *Principes* deponere, certum est, & absque controuerfia, non posse *Principem* per *Papam* depositum, quod ad praxim attinet, e legitima Regni sui possessione, lite pendente, absque manifesta iniuria deturbari.

4 Vero igitur huius controuersiae sensu ita declarato, *Respondeo* inprimis, hoc ipsum argumentum, quod *Doct̃or* ille ex can. *Nos sanctorum* hinc contra



contra meam doctrinam vrget, ab  
 ipsomet inferius <sup>a</sup> perspicue satis dis- <sup>a</sup> Pag. 259.  
 solui Nam cum vt doctrinam meam,  
 hæreticam esse comprobaret, simile  
 argumentum ex cuiusdam Concilij  
 Romani sub Gregorio etiam septimo  
 anno 1076. celebrati auctoritate de-  
 sumptum produxisset, in quo Concilio  
 Doctor ille, Leonardum Lessium, <sup>b</sup> vi-  
 rum alioqui eruditissimum, sequutus, <sup>b</sup> In Disp. A-  
 falso, inscitè, & absque vlla ferme, vt <sup>poloq. pro potest.</sup>  
 alias <sup>c</sup> euici, probabilitatis specie affir- <sup>Sum. pont.</sup>  
 mat, conclusum, & definitam fuisse, <sup>part. 2. sect. 3.</sup>  
 quod Pape liceat Imperatores deponere. <sup>pag. 396.</sup>  
 Item quod a fidelitate iniquorū subiectos <sup>c</sup> In Disput.  
 possit absoluerè, huic argumento ita <sup>Theol. cap. 3.</sup>  
 respondet. <sup>sect. 1.</sup>

5 At inquit Widdringtonus, etsi  
 quidem definitiones Conciliorum genera-  
 lium a Pontifice approbatorum, & con-  
 firmatorum sunt fide Catholica tenende,  
 non tamen definitiones Pontificum sunt de  
 fide, quas Pontifex vel solus, vel in Con-  
 cilio particulari definit. Sed Romanum  
 illud Concilium sub Gregorio septimo  
 fuit particulare.

5 Hanc autem meam Responsi-  
 onem, quam ego in præfatione Respon-  
 sionis

d num. 27. &  
seq.

*sionis Apologetica* adhibui, *Doct̃or* iste ita frigide refellit, vt eam potius admittere, quam improbare videatur.

*Respondeo*, inquit, *communissima* fere *omnium Catholicorum sententia* est, *Pontificem* non posse ullo modo (sive cum Concilio, sive sine Concilio definiat) errare, cum definit aliquid ex Cathedra, quod videlicet est a tota Ecclesia credendum. Ita enim docent *D. Thomas*, *Thomas Waldensis* &c.

6 Sed quis istius *Doct̃oris* inconsiderantiam non admiretur, qui adeo indocte ex *communissima* fere *omnium Catholicorum sententia* contrariam Catholicorum sententiam *hereticam* esse concludere, & contra notissima *Dialecticæ* principia ex præmissis de fide non certis conclusionem de fide certam deducere non erubescit? Quis enim alicuius notæ, & nominis *Doct̃or Theologus* *communissimam* fere *omnium Catholicorum sententiam* vt *D. Thoma*, *Thoma Waldensis* &c. rem illam; quam opinantur, si alij contra pugnant viri Catholici, de fide certam esse vnquam affirmavit?

6 Nam Theologorum Scholastico-  
rum,

rum, ait Canus, <sup>e</sup> etiam multorum <sup>f</sup> Indicta  
testimonium, vt alibi <sup>f</sup> annotaui, si <sup>præfat. nu. 12.</sup>  
aliq contra pugnant viri docti, non plus  
valet ad faciendam fidem, quàm vel ra-  
tio ipsorum, vel grauior etiam authoritas  
comprobarit. Vnde in Scholastica Dispu-  
tatione plurium auctoritas obruere Theo-  
logum non debet, sed si paucos viros  
modo graues secum habet, poterit sanè  
aduersus plurimos stare.

Et pulchrè Nanarrus, & Non vide- <sup>g</sup> In Enchirid  
tur, inquit, una opinio appellanda com- <sup>cap. 27. num.</sup>  
munis ad effectum præiudicandi alteri, eo <sup>289.</sup>  
solo quòd plures eam sequantur, tanquam  
ones alie alias, quæ præcedunt sine iudicio  
sequentes, velut aues, quæ unam volan-  
tem alie omnes sequuntur, (sicut in hac  
quæstione de temporali Summi Pon-  
tificis in Principes Seculares potesta-  
te contigisse, quiuis, qui primam hu-  
ius controuersie originem, & pro-  
gressionem diligenter expendet, per-  
spicue videre poterit.) Communio-  
rem enim ad hoc existimarem illam, quam  
sex, vel septem Auctores classici rem ex  
professo tractantes assererent, quàm  
probatam a quinquaginta, sola fere aucto-  
ritate aliorum ductis. Opinio enim com-  
munis

*munis non ex numero opinantium, sed ex pondere auctoritatis sit. Quin & arbitror utramque ad hoc posse dici communem, quando utraque habet octo, vel decem assertores graues, & cum iudicio eam diligentes.*

*h Prima secunde disp. 62. cap. 4.*

7. Quin etiam Gabriel Vasquez huius tantum viri docti sententiam, qui non parum in studiis laborauit, quiq; optimè vixit rationes contrariae partis, easq; omnes examinauit, & expendit, iudicantis contra ceteros, qui ipsum praecesserunt Scriptores, posse esse probabile, atq; in praxi tutam, adeo ut & eam amplecti, & secundam illam rectè operari possit, disertis, ut aliàs obseruari, verbis pronunciat.

*i In Dissuti. Theolog cap. 10. Sec. 2.*

An non Alphonsus Salmeron, & Franciscus Suarez pro immaculata B. Virginis conceptione confirmanda totius ferme Ecclesiae Catholicae consensum producant, & nihilominus contrariam sententiam absque vlla haereseos, erroris, aut temeritatis nota defendi posse, tum ipsi apertè asserunt, tum absque graui scelere denegare non possunt? Nos, inquit Salmeron, <sup>k</sup> *uniuersa penè Ecclesia consensum opponimus.*

*k Ad Rom. 5. di p. 51. § Deinde.*

opponimus. Et Suarez<sup>1</sup>, Secundum, inquit, fundamentum ex Ecclesie auctoritate sumendum est: Et primum, totius fere Ecclesie vniuersalis consensus: Et praesertim ab hinc ducentis annis ferme omnes Ecclesiastici Scriptores, Episcopi, vniuersae fere Religiones, & Academiae subscripserunt.

<sup>1</sup> Tom. 2. disp.  
<sup>3</sup> Sect. 5.

8. Quapropter esto, communissima fere omnium Catholicorum sententia sit, Pontificem non posse villo modo ( siue cum Concilio, siue sine Concilio definiat ) errare. At contraria sententia est etiam grauissimorum, pijssimorum, & doctissimorum Catholicorum communis: Ita enim docent Doctores illi, qui Concilium generale superius esse Romano Pontifice arbitrantur, vt Adrianus Papa sextus, <sup>m</sup> Cardinalis Cameracensis, <sup>n</sup> Card. Cusanus, <sup>o</sup> Card. Panormitanus, <sup>p</sup> Card. Florentinus Panormitani magister, <sup>q</sup> Ioannes <sup>r</sup> Patriarcha Antiochenus, <sup>s</sup> Alphonsus Tostatus <sup>t</sup> Episcopus Abulensis, Ioannes Parisiensis, Ioannes Gerson, Ioannes Maior, Iacobus Almainus <sup>u</sup>, & tota ferme Parisiensium Schola. Quin etiam quidam ex

<sup>m</sup> In q. de  
Confir.  
<sup>n</sup> In tract. de  
auctorit. Eccles.  
<sup>o</sup> De concord.  
Cath. lib. 3.  
cap. ult.  
<sup>p</sup> In cap. significasti extra de  
electione.  
<sup>q</sup> Ibidem.  
<sup>r</sup> Citatus a  
Maiore.  
<sup>s</sup> Incap. 18.  
Matth. q. 108.  
& in defensorio  
part. 2. cap. 69.  
<sup>t</sup> In suis tractatib.  
de potest. Eccles.

istis, qui Concilio Constantiensi interfuerunt, quique propterea mentem Concilij in hac re minimè ignorarunt, ut Cardinalis *Cameracensis*, Card. *Cusanus*, Patriarcha *Antiochenus*, & *Ioannes Gerson* affirmare non dubitant, doctrinam hanc, de superioritate Ecclesiæ, seu Concilij Generalis in *Summum Pontificem*, fuisse in eo Concilio definitam.

9. Deinde, tametsi communissima fere omnium Catholicorum sententia esset, Romanum Pontificem esse Oecumenico Concilio superiorem, neque posse villo modo errare, siue cum Concilio, siue sine Concilio definiat, non tamen communissima, nec communis, sed paucissimorum tantum sententia est, doctrinam hanc esse *de fide certam*. Vnde *Navarrus*, nostri temporis Scriptor, idemque Theologus insignis, & Iuris Canonici scientissimus, apertissimè docet, de hac re inter Romanos, & Parisienses Theologos adhuc probabiliter disceptari, neque ipse magis in vnam, quam in aliam partem propendet.

u In cap. *Novit*.  
de Iudicijs no-  
tab. 3. num. 84.

10. *Est*, inquit, *maxima discordia Romanorum,*

Romanorum, & Parisiensium, cui principalis potestas Ecclesiastica fuerit à Christo collata, an Ecclesie toti, an vero ipsi Petro. Illi enim tenent, Petro, & Successoribus datam esse hanc potestatem, atque ideo Papam Concilio esse Superiorem: Hi verò, quibus Gerson adheret, totam datam esse toti Ecclesie licet exercendam per unum, atque ideo in aliquot saltem casibus Concilium esse supra Papam. Quarum illa scilicet Romanorum videtur placuisse S. Thomæ, Thomæ à Vio, ubi aliis omnibus, & profundius hoc demonstrare conatur. Altera verò placuit Panormitano, qui pro Parisiensibus est, quem frequentius nostri sequuntur, ut tradit Decius. Quam mordicus tuetur Iacobus Almainus è Sorbono Theologus, qui respondit Thomæ à Vio libello iusto, & Ioannes Maior, qui idem facit, aiens, Romæ nemini permitti tenere Parisiensium, & Panormitani sententiam, nec rursus Academiam illam Parisiensem pati, ut contraria assertetur in ea.

Et nihilominus satis constat, eosdē Theologos Parisienses in Ecclesiastica fidei Catholicæ, & Sacramentorū communione

communione tunc temporis, quando inter se de hac re maxime dimicabant, coniunctos fuisse.

**II** Sed multo clarius doctissimus *Victoria*, tametsi alioquin *S. Thomæ* discipulus, & defensor acerrimus, *de comparatione*, inquit, <sup>x</sup> *potestatis* Papa est duplex sententia, altera est *S. Thomæ*, & sequacium multorum, & aliorum Doctorum tam in Theologia, quam in Iure Canonico peritorum, quod Papa est supra Concilium; Altera, est communis sententia Parisiensium, & multorum etiam Doctorum in Theologia, & Canonibus, ut Panormitani, & aliorum contraria, quod Concilium est supra Papam. Non est locus nunc disputandi, quæ illarum sit verior, quia de hoc non agitur. Puto utramque esse probabilem. Idem etiam tenet *Alphonsus de Castro* vir doctissimus, & huius seculi Scriptor eximius lib. 1. aduersus hæreses cap. 2. Vide etiam *Ioannem Vignarium* virum eruditissimum, Ordinis *S. Dominici*, & huius seculi insignem Theologum, cap. 10. Institution. Theolog. §. 3. vers. 13. ubi docet, Summum Pontificem, ut priuatam personam errare posse,

<sup>x</sup> Relect. de  
potest. Papa &  
Concil. propos. 3.



posse, non autem si procedat, & pronunciet, ut Summus Pontifex. Tunc autem operatur, & pronunciat, ut Summus Pontifex, siue ut Papa, quando obseruatum in concilijs Apostolorum, & Sanctorum Patrum definitionibus obseruari solum: ut puta quando vocat concilium Seniorum, hoc est, Episcoporum, & instat, instareq; facit orationibus, & inuocat Spiritum sanctum, cuius assistentia Ecclesie promissa est: Sedes enim Romana Concilio rite congregato directam determinationibus fidei, & bonorum morum confirmata est, ut errare non possit. Vnde Petro, dictum est, Ego rogaui pro te Petre, ut non deficiat fides tua, & tu aliquando conuersus confirma fratres tuos. Ex quibus verbis apparet Christum non orasse pro fide Petri, ut priuata persona erat, cum defecerit, sed orauit pro fide Petri, hoc est, Ecclesie Petri, que est vniuersalis, &c.

12. Quin etiam ipsemet Bellarminus, non satis meo quidem iudicio in hac re sibi cōstans, hanc ipsā doctrinā, de Superioritate Concilij in Summū Pontificem, esse probabilem, atque apud Catholicos controuerſam, perspicue

y Lib. 2. de Con-  
cil. cap. 13.

spicue admodum his verbis confir-  
mat, *Et quamvis postea in Concilio Flo-  
rentino, & Lateranensi ultimo videatur  
questio (de superioritate Papæ in Con-  
cilium) definita; tamen quia Florenti-  
num Concilium non ita expresse hoc de-  
finiuit, & de Concilio Lateranensi, quod  
expressissime rem definiuit, nonnulli du-  
bitant, an fuerit verè Generale, ideo usq;  
ad hanc diem questio superest etiam inter  
Catholicos.*

13. Nam tametsi *Christus* Domi-  
nus pro *Petro* orauerit, ut fides eius non  
deficeret, hanc tamen *Christi* oratio-  
nem Doctores Parisienses vel ad so-  
lum *Petrum*, & non ad eius Successo-  
res pertinuisse affirmant, atque aiunt,  
*Christum* Dominum pro *Petro* orasse,  
ut tametsi cum ad vocem ancillæ ex-  
terius præ timore denegaret, interius  
tamen in fide non deficeret, sed con-  
stans permaneret: Vel si eam oratio-  
nem ad eius etiam Successores perti-  
nere quis velit, eam aut de *Petro*, quæ  
*Petrus* repræsentabat Ecclesiam, iuxta

2 Tract. 50 in

Ioh. ad cap. 12.

a In Psal. 108.

illud S. *Augustini*, <sup>2</sup> *Petrus quando  
claves accepit, Ecclesiam sanctam re-  
præsentauit: Et iterum, a Quadam di-  
cuntur,*

cuntur, quæ ad Apostolum Petrum pertinere videntur, nec tamen habent illustrem intellectum, nisi cum referuntur ad Ecclesiam, cuius ille agnoscitur in figura gestasse personam propter primatum, quem in discipulos habuit, sicuti est, Tibi dabo claves, & si quæ eiusmodi; aut de Petro, quæ Petrus est Ecclesiæ caput cum cæteris omnibus eius membris, quæ Pastores Ecclesiæ simul congregati repræsentant, coniunctum, eam Christi Domini orationem intelligendam esse volunt; Ita enim Romanum Pontificem ex Cathedra definientem, id est, in œcumenico Episcoporum Concilio sedentem, & aliquid de fide credendum toti Ecclesiæ ex eorum consilio proponentem in fide errare non posse nullus Catholicus inficias ibit.

14. Neque Christus Dominus, pro Petro tantum orauit, <sup>b</sup> ut fides eius non <sup>b</sup> Luc. 12. deficeret, verum etiam pro cæteris Apostolis Patrem deprecatus est, <sup>c</sup> ut <sup>c</sup> Ioh. 14. illis mitteret spiritum veritatis, qui illos doceret omnem veritatē, & cum illis permaneret in æternum: atque insuper ipsam Ecclesiam columnam, & firmamentum

d 1. Tim. 3.

mentum veritatis esse S. Paulus affirmat, <sup>d</sup> quam tamen Ecclesiam absq; vlllo Romano Pontifice per tres totos ferme annos permansisse historici tradunt, quo tamen tempore firmitamentum veritatis esse debuisse, aut spiritum veritatis eam dereliquisse, non solum fide Chatholica credendum non est, sed meo sane iudicio vix est credibile, si præsertim finem, cuius gratia *Christus* Dominus S. *Petrum* Ecclesiæ suæ Pastorem constituit, vt nimirum *Petrus* esset propter *Ecclesiam*, & non *Ecclesia* propter *Petrum*, diligenter consideremus.

15. Quapropter, neque hæreticū, neque erroneum, neque temerarium temeritate opinionis (nam illam *inobedientie temeritatem*, quam *Andreas Danallius* <sup>e</sup> excogitauit, sicut etiam temeritatem scandali, & aliorum criminū adiungere potuisset, posito, quod ipsamet opinio, seu doctrina non sit *temeraria*, sed *probabilis*, omnino fictam, & imaginariam esse satis constat) est asserere, Romanum Pontificem, si absq; Concilio generali definiat, errare posse, quin potius valde temerarius

e De *suprema Rom. Pont. &c.*  
part. 4 q. 7. in  
fine.

temerarius censendus esset ille, qui tot grauiissimos, doctissimos, & pijs-  
simos Catholicos hoc ipsum affirman-  
tes, temeritatis labe aspergere non per-  
timeſceret.

Atq; hæc Responsio ad Canonem  
illum, *Nos sanctorum*, in Concilio Ro-  
mano ab illis tantum Episcopis, qui  
partes *Gregorij* Papæ VI I. contra Im-  
peratorem fouebant, sancitum suffi-  
ciens esse potest.

16. Veruntamen ego alias etiam  
Responsiones in Disputatione mea  
Theologica f ad hunc *canonem* adhi- f *Cap. 6. sec. 3.*  
bui. Et primò, cum Pontifex in illo *num. 1. 2. & seq.*  
*canone* nullam Supremorum Princi-  
pum mentionem faciat (sicut paulo  
ante in alio eiusdem Concilij decreto  
*Reges* comprehendere volens eos sub  
proprio *Regum* nomine expreſſerat)  
sed verbis tantum generalibus vtatur,  
*decretum* illud *Reges & Principes supre-*  
*mos*, qui in materia odiosa generali-  
bus etiam *Dominorum* nominibus, vt  
antea & ex *Andraæ Dunalio* obseruaui, g *In Supplicat.*  
intelligi non solent, nequaquã com- *num. 34.*  
prehendere, sed in Ecclesiæ tantum  
territorijs, in quibus *supremus Domi-*

nus est Summus Pontifex, quique proinde pœnam temporalem decernendi auctoritatem habet, cui *Principes* omnes, qui eius sunt Vasalli, subijcere potest, *canonem* illum vim obligandi habere.

17. Deinde, Canonem istum in probabili ad summum *Gregorij* Papæ VII, qui *primus omnium Romanorum Pontificum* prater morem maiorum Imperatorem deponere ausus est, existimantis, talē subditos à fidelitate absoluedi potestatem sibi ex Christi institutione competere, fundatū esse eo loco affirmavi. Hinc tamen certò colligi non potest, eum reuera talem absoluedi subditos potestatem habuisse, sed solum eum existimasse, talem absoluedi subditos auctoritatem sibi à Christo Domino collatam esse. Sicut etiam tamen si aliqui huius Seculi Pontifices suorum Prædecessorum, immò & ipsius Sancti *Gregorij Magni* <sup>h</sup> vestigijs inhærentes, suis decretis, Breuib<sup>us</sup>, seu literis Apostolicis in corpore etiam Iuris Canonici consignatis, statuerent, quod quidam insignioris notæ Sacerdotes, qui Episcopi non sunt, Sacra-

h L. 3. epist.  
26. & habetur  
dist. 95. c. 11.  
peruenit.

Sacramentum Confirmationis auctoritate Apostolica conficere possent (vbi quidam tales hisce diebus ex concessione Pontificum illud administrant) nihilominus non posset hinc certo concludi, Summum Pontificem tales licentias concedendi auctoritatem habere, cum plures Theologi eruditi, non obstantibus huiusmodi Pontificum concessionibus, arbitrantur, talem auctoritatem non esse Summo Pontifici a *Christo Domino* communicatam.

18. Pari ratione, quantumvis quidam Pontifices suorum Prædecessorum exempla sequuti in solenni castitatis voto dispensauerint, non tamen hinc firmiter deduci potest, talem auctoritatem Summo Pontifici ex *Christi* institutione verè concessam esse, sed ad summum hinc colligitur, Summos Pontifices existimasse, talem auctoritatem sibi a *Christo Domino* tributam esse; quod tamen nihil impedit, quo minus alij Theologi, qui rationibus probabilibus permoti contrarium sentiunt, possint has Pontificum opiniones licitè rejicere, & tales

E                      dispen-

i In Summula  
q. 12. ar 7.

dispensationes iuri diuino contrarias  
esse cum Maldonato, i & alijs affirma-  
re, & tuta etiam conscientia, si  
opus fuerit, iurare, se profiteri, testi-  
ficari, credere, declarare, atque in  
conscientijs suis resolui, quod talis  
auctoritas in solenni castitatis voto  
dispensandi non sit Summo Pontifici  
a Christo Domino communicata.

\* De potest. Ec-  
cles. consed 4.

19. Veruntamen si doctissimus,  
ac deuotissimus Gerson huius fuisset  
opinionis, quam ipse quosdam, quos  
eo nomine nequaquam reprehendit,  
sequutos esse affirmat, \* nempe penam  
ultimam, quam potestas Ecclesiastica ex  
institutione Christi sola primaria inflige-  
re potest, esse Excommunicationem, sic  
quod non extenditur ad in carcerationem  
nec ut aliquis adiudicetur morti vel fla-  
gello corporali, sed facit hoc Ecclesiasti-  
cus dum facit ex concessione Principum,  
facillimè se ab isto canone, & alijs si-  
milibus expediuiſſet, ad eum modum,  
quoad iura canonica, quæ decretum  
Petri de Luna dicti Benedicti decimi  
tertij de subiectione Concilij gene-  
ralis ad Romanum Pontificem con-  
firmare videntur, responderet; Et si di-  
CATUR,



catur, inquit, <sup>k</sup> quod multa iura canonica, multa constitutiones Papales videntur sonare pro hac constitutione; Respondetur, quod illa iura sunt reuerenter glossanda, interpretanda conformiter & ad inuariabilem legem Christi. Aut si velit aliquis illa tenere in suis terminis proteruè & rigide, nos cum omni libertate talia scripta negabimus esse vera, & per consequens nec iura Canonica, quoniam nullum ius esse censendum est, quod diuine legi conuincitur contraire.

<sup>k</sup> In Articulis specialibus contra Petrum de Luna.

20. Eodē etiam modo Respondit Ioannes Maior, <sup>l</sup> quando doctrina hac apud Catholicos magis controuersa erat: & addit; Adducantur iura diuina, vel Sanctorum auctoritates, quibus fides adhibenda est in hac parte; propterea non mirabere, si domi in hac parte aliquas expositiones, quæ Pontificum textibus prima fronte videbuntur alienæ; Sic enim in multis materijs problematicis, cum sint rationes, vel auctoritates hinc inde apparentes, quid mirum si non semper eamus ad corticem verborum: & ad hoc quod verba prima fronte pretendunt, multi passus Pontificum dari possint, qui omnino oppositum insinuent, ita quod Commenta-

<sup>l</sup> In Comment in Mat: ca: 18.

tores dicere solent, ecce argumentum, quod Concilium sit supra Papam, sicut & e converso.

m In Dictionario verbo  
Electio.

21. Sed *Albericus Roxiatus* paulò liberius ad hunc Canonem responderet, ad eum modum, quo ad caput, *Ad Apostolica*, quod est decretum *Innocentij* quarti præsentis Concilio *Lugdunensi* latum, in quo Pontifex *Fredericum* Imperatorem deposuit, & ad quasdam alias similes Decretales respondet, m nempe *Pastores Ecclesia* eas condentes *falcem* misisse in *messem alienam*, easq; saluo meliori consilio, non esse iuri consonas, sed proditas esse contra iura & libertatē Imperij. Non omnino dissimilem responsionem tamen in casu dissimili affert *Iacobus Almainus* in tract. de auctoritate Ecclesiæ cap. 8. Respondens enim ad canonem illum *Papæ Paschalis* in cap. significasti de electione ubi dicitur, quod omnia Concilia per *Romana Ecclesia* auctoritatem robur accipiant, ait, omnes auctoritates, quæ regulariter adducuntur, ipsorum esse *Summorum Pontificum*, qui (ut in plurimum fimbrias suas extendentes) sibi attribuerunt quod est Ecclesiæ, addi similiter

militer posset, *potestatis politicae proprium.*

22. Veruntamen ego huiusmodi Responsiones nequaquam adhibui, sed Canonem illum cum omni reuerentia iuxta propriam, & vsitatam verborum significationem explicavi. Sed ea de causa has *Gersonis, Maioris, Alberici, & Almaini* espōsiones adduxi, ut *Sanctus* vestra cernere possit, quid viri doctissimi ad tales canones, & Summorum Pontificum decreta, nisi vel in doctrina indubitata, & nequaquam controuersa fundentur, vel ab Ecclesia vniuersa approbentur, respondere non pertimescant.

23. Præterea, aduertat, obsecro, *Sanctus* vestra, quam egregie *Dottor* iste, cæteri; vestræ potestatis Principes deponēdi defensores in hac quæstione grauissima tergiuersari soleant. Nam tametsi hanc suam assertionem, quam *de fide certam* esse frustra contendunt, cum hac limitatione [*saltem in causa fidei, & propter heresim*] proponere soleant, vix tamen aliquod Summi Pontificis factum, exemplum, aut decretū ad eam confirman-

dam proferunt, in quo Principes ob hæresim, (cum paucissimi Principes ob hæresim depositi fuerint,) sed propter alia crimina suis Regnis priuati, & subditi ab eorum fidelitate per sententiam Summi Pontificis absoluti fuere. Atq; ita *Doctor* iste hunc Canonem *Nos sanctorum* ad hanc nouam eius fidem Catholicam stabi- liendam præ cæteris elegit, in quo *subditi, qui excommunicati*, ob quod- cunque crimen excommunicati fue- rint, & quod mirabilius est, siue ex- communicatio ab homine, siue a iure, siue a Romano Pontifice, siue ab in- feriori Episcopo lata fuerit, (neque enim hæc in canone isto distinguun- tur) *aut sacramento, aut fidelitate astricti sunt, absolvuntur, ut ne eis fide- litatem obseruent, omnibus modis probi- betur.*

24 Denique illud *anathema*, quod *Doctor* iste, qui suas sententias ma- ledictis concludere solet, mihi com- minari nempe, *Maledictus a Deo qui exasperat matrem, & si Ecclesiam non audierit sit tibi sicut Ethnicus, & Publicanus, Bartholus* pari cum faci- litate

litate Card. *Bellarmino*, qui temporalem Summi Pontificis Monarchiam impugnât, quæ eius doctrina ab Ecclesiâ, teste *Bartholo* condemnata est comminari etiam posset. Et ipsemet etiam *Bellarminus* idem prorsus maledictum in *Maldonatum* suum, aliosque viros doctissimos, qui Summorum Pontificum in solenni castitatis voto dispensationis iuri divino contrarias esse affirmare non dubitant, totidem planè verbis conijcere posset. Sed quoniam *Doctor* iste *no-*  
*nam* suam fidem Catholicam rationibus, & argumentis solidis comprobare non valet, eam minis, clamoribus, & maledictis per vim obtrudere totis viribus contendit.

Iam reliqua illa suspectæ fidei dogmata expendamus.

## § 8.

1. **O**stendo igitur, cum ego num.  
40. & 95. meæ Apologie as-  
seruerim, nullam pœnam temporalem à  
potestate spiritali infligi posse, quemad-  
modum neque vlla pœna spiritalis in-  
fligi potest a potestate temporali, Doctor  
ille hanc meam assertionem, quam  
Iacobum Almainum, & plerosq; Docto-  
res, vt Almainus ait, sequutos esse ibi-  
dem commonstrauit, ita refellit.

Hoc dogma astruitur ab Hæresiarcha  
Ioanne Caluino disertis verbis lib. 4.  
Instit. cap. 11. §. 5. & contrariatur di-  
rectò doctrina Sanctæ matris Ecclesiæ, &  
canonibus, tñ nouis tum antiquis, vt per-  
spicuum est ex Concilio Tridentino sess.  
24. c. 8. & sess. 25 c. 3. Item Concilio  
Lateranenli generali sub Innocentio  
tertio cap. 3. & multis capitibus in tit. de  
hæreticis tit. de voto. tit. de homicidio &  
alijs, quæ infra asseruntur. Quæ decreta  
Ecclesiastica non nisi ab hæreticis con-  
temnuntur. Widdringtonus itaque se  
Catholicum pronunciat, & Caluini Hæ-  
resiarchæ

refiarche damnatam doctrinam mordicus defendit, Catholica Ecclesia sententiam, & sacrosanctos canones reijcit. Ita Doctor iste pag. 6.

2 Sed Doctor iste nunquam me calumniandi, & Lectorem eludendi finem faciet. Nam dogma istud neq; a Sancta Matre Ecclesia, neq; ab vlllo generali, aut Prouinciali Cō ilio, aut ab vlllo Sūmo Pontifice vllibi est condemnatum: Neque a *Caluino* tantum, sed etiam (vt alios iam taceam) ab *Almaino*, & a plerisque Doctoribus, vt *Almainus* ait, cuius verba eo loco recensui (quæ tamen Doctor iste, ne Lector fraudem eius aduerteret, dolose tacuit) est propugnatum. Veruntamen Doctor iste, vt Lectori terrorē inculciat, Sanctam matrem Ecclesiam, Concilia generalia, Sacrosanctos canones sæpius personare solet, cum tamen priuatum suum spiritum, suamque Conciliorum, sacrorumque canonum interpretationem, pro spiritu veritatis, pro doctrina Catholica, pro definitione Ecclesiastica, pro sacro sanctis Canonibus nobis obtrudat, ac si vox Ecclesiæ, doctrina Catholica,

tholica, sensus Conciliorum, atque  
sacrorum canonum, ex vnus Card.  
*Bellarmini*, alteriusue cuiuscunque  
*Doctoris*, qui fallere potest, & falli  
sensu, sententia, atque expositione  
deponderet.

3. Dicat enim, obsecro, *Doctor*  
istes, in quo Concilio, in quo Canone,  
a quo Pontifice vnquam sancitum  
fuerit, a potestate Ecclesiastica, non  
dico a personis Ecclesiasticis, pœnam  
temporalem infligi, non dico impo-  
ni posse? Aut quis vnquam Theolo-  
gus *Iacobum Almainum*, cuius senten-  
tiam plerique *Doctores*, vt ipse ait am-  
plectuntur, verbis expressis affirman-  
tem, de ratione potestatis Laica esse,  
posse pœnam ciuilem infligere, vt sunt  
mors, exilium, bonorum priuatio &c.  
sed nullam talem pœnam ex institutione  
diuina infligere posse potestatem Ecclesi-  
asticam, immo nec incarcerare, vt  
plarisque *Doctoribus* placet, sed ad solam  
pœnam spiritualem extendi, vt puta Ex-  
communicationem, reliquas autem pœ-  
nas, quibus utitur, ex iure purè positino,  
seu, vt *Gerson* ait, <sup>a</sup> ex Principum priui-  
ilegijs esse, quis, inquam, *Almainum*,  
ceterosque

<sup>a</sup> De potestat.  
Eccles. confide.  
141. 4.



cæterosque illos *plerosque Doctores* aut hæreticos, aut suspectæ fidei *Doctores* eorumine vnquam reputauit?

4 Sed *Doctor* iste, qui vt *Lectorem* facilius circumueniat, sententias, ac propositiones certas cum incertis, claras cum ambiguis, veras cum falsis, permiscere solet, inter *potestatem* Ecclesiasticam, & *personas* Ecclesiasticas, quæ & potestate spiritali ex *Christi* institutione, & potestate ciuili ex priuilegijs *Principum* præditæ sunt, non distinguit, neque inter *impositionem* pœnæ tēporalis per modū *directionis* seu præcepti, & *inflictionem* eiusdē per modū *coercitionis* discrimen cōstituit.

5 Quis enim dubitat, posse pastores spirituales, quā potestate spiritali præditi sunt pœnas temporales, vt ieiunia, verbera, exilia, eleemosynas, mulctasque pecuniarias in pios vsus applicandas, tam in satisfactionem, quā ad emendationem delictorum per modum *directionis*, seu præcepti iniungere, atque etiam posse eos, quā temporalem potestatem ex priuilegijs, & ex expressa, aut tacita *Principum* concessione sibi communicatam

nicatam habent, easdem poenas per modum coercionis infligere? Atque hæc duo duntaxat, & nihil aliud omnia Summorum Pontificum, & Conciliorum, siue *Tridentini*, siue *Lateranensis*, siue cuiuscunque alterius canones, & decreta, vrgeat ea *Doëtor* iste quantum poterit, comprobare valent.

6 Sed tota difficultas est, quam auctoritatem Pastores Ecclesiæ ex *Christi* institutione habeant, seu quod in idem recidit, ad quid ipsa *potestas* Ecclesiastica, non dico *persona* Ecclesiastica, quæ & spirituali, & tēporali potestate, vt diximus, sunt præditæ, extendatur; Vtrum scilicet, si filij spirituales Pastorum spiritualium præcepta adimplere neglexerint, neque in exilium pergere, eleemosynas tribuere, bona sua in pios vsus distribuere voluerint, provt Pastor spiritualis illis iniunxit, & ipsimet fortasse etiam polliciti sunt, vtrum, inquâ, in his casibus, Pastor spiritualis, quâ talis, seu quâ spirituali potestate præditus est, illis cibum, aut potû adimendi, eos proprijs manibus verberandi, è Regno aut ciuitate

ciuitate per vim extrudendi, bonisque suis dispoliandi, eaque pauperibus, aut pijs locis elargiendi, & deniq; pœnis quibuscunque temporalibus eos coercendi potestatem habeat; vel vtrum Censuris tantum Ecclesiasticis eos ad præcepta sua adimplenda constringere possit. Hic punctus, hic cardo, hic totius controuersia nervus est.

7 *Ioannes enim Parisiensis,* <sup>b</sup> & <sup>b</sup> *De potest.*  
quidam alij apud *Gersonem,* <sup>c</sup> *Iacobus* *Reg. & Pap.*  
*Almainus,* <sup>d</sup> & *plerique,* vt ipse ait, *cap. 14 ad. 20.*  
*Doctores,* ( vt cæteros omnes a me su- <sup>c</sup> *De potest. po-*  
pra<sup>e</sup> *relatos,* qui potestatem Summi *test. Eccl. ill.*  
Pontificis Principes deponendi, eosq; *confid. 4.*  
pœnis temporalibus coercitiuè casti- <sup>d</sup> *De Demino*  
gandi negant, nunc taceam ) hoc *nat. civili &*  
postremum defendunt, quos propte- *Eccles. in probat.*  
rea non esse suspectæ fidei Theologos *2a. conclus.*  
aduersus *Doctorem* istum iam con- *e In supplicat.*  
tendo, quin potius *Doctorem* istum, *nu. 28.*  
qui tam grauem calumniam illis im-  
ponere non veretur, à magna pernicio-  
sæ temeritatis nota excusari non  
posse confidenter affirmo.

8. Nec denique verum est, me  
Ecclesiæ Catholicæ sententiam, aut  
sacrosanctos canones reijcere, vt  
*Doct.*

*Doctor* iste more suo fraudulento, & virulento falsissimè concludit, nam ego Ecclesiæ Carholicæ sententiam, & sacrosanctos canones, cum omni, quæ par est, reuerentia veneror, colo, amplector, sed istius *Doctoris* sententiam, suamque sacrorum canonum expositionem, tanquam diuinum aliquod oraculum, cui falsum subesse nequit, stomachetur ideo quantum voluerit, nequaquam admitto.

9. Sed quoniam *Doctor* iste sacrosanctos canones crebro conclamitat, eorumque contemptum mihi sæpius exprobrare non dubitat, nec tamen viam, qua sacri canones à non sacris distinguendi sunt, *Lectori* ostendit, sed cum in tenebris ambulare gratum habere videatur, vt *Lector* clariùs intelligat, quinam canones *sacri* sint, & quos nemo Catholicus reijcere potest, & quinam *non sacri* sint, & quibus repugnare licet, ( neque enim eo ipso quòd *canon* aliquis in corpore Iuris Canonici registratus sit protinus *sacrosanctum Canonem* censendum esse omnes eruditi norunt ) nonnulla ex ijs quæ <sup>f</sup> alibi aduersus quosdam, qui *sacros*

f In Disput.  
Theol. cap. 6.  
sect. 3. num.  
18. & seq.

*sacros canones* toties vociferantur, & me tanquam *sacrorum canonum* violatorem, ( cum tamen ipsi fortasse *sacros canones* à *non sacris* discernere nesciant ) calumniantur, obseruaui, hic denuò annotare non abs re esse censeo.

10. Atque imprimis definitiones Conciliorum generalium, quæ legitimè vocata sunt, & à Summo Pontifice confirmata, in quibus doctrina aliqua, vt de fide ab omnibus credenda, toti Ecclesiæ proponitur, tanquam sacrosanctos canones, & infallibiles fidei regulas, & quibus nulli Catholico repugnare licet, omnibus Catholicis accipiendas constanter profitemur, non tamen omnes Catholicorum Doctorum, qui hunc vel illum alicuius Concilij sensum esse contendunt, expositiones in sacris Canonibus, & quibus repugnare non licet annumerandas esse audacter affirmamus.

11. Et propterea hanc cautionem eo loco adhibui, quod tametsi ego, cum Ecclesiæ Catholicæ Romanæ filium me esse profitear, illud omne, quod

quod Concilia generalia à Summo Pontifice approbata, quæ Ecclesiam Catholicam repræsentant, de fide necessario credendum fidelibus proponunt, & quem verum Conciliorum sensum esse certò, & euidenter constat, libentissimè amplectar, nihilominus non omni illi doctrinæ, quam vel Card. *Bellarminus*, pace eius dixerim, vel alius quicumque Doctor (cum certa Catholicæ fidei regula à Deo constituti non sint) Catholicam esse, vocem Ecclesiæ esse, Scripturarum, aut Conciliorum sensum esse vociferantur, si præsertim aliqui Doctores Catholici contrarium sentiant, indubitata fide assentior. Illos quidem, ut par est, debita veneratione suspicio, ipsorumque authoritati plurimum tribuo, sed quòd omnes illæ collectiones, quas ipsi ex Scripturis, aut sacris Concilijs euidenti ratiocinatione deduci opinantur (cum sæpe & fallantur, & fallant, & quæ iuniores scripsere seniores reuocare possint) pro indubitatis fidei dogmatibus habendæ sint, & contraria Catholicorū opinio, non tam sententia, quàm hæ-

ræsis.

resis æstimanda, istud profectò æquo animo ferre non possum.

12. *Secundo*, Conciliorum generalium canones, seu decreta, quæ ad mores, atque externum Ecclesiæ regimen spectant, si generaliter recepta fuerint, in sacrosanctis Ecclesiæ Catholicæ canonibus & decretis, quibus repugnare nisi in casibus in iure expressis, aut alias permissis nemini licet, ab omnibus Catholicis annumerandos esse nemo inficias ibit. Hæc enim propriè Catholicæ, seu vniuersalis Ecclesiæ decreta, seu canones

appellantur, quæ ab vniuersa Ecclesia communiter recipiuntur. Nec quisquam procul dubio eas leges, & præcepta amplecti obligatur, quæ in loco ubi habitat, à populo non obseruantur iuxta illud *Gratiani* in corpore Iuris Canonici conscriptum, § *Leges instituuntur, cum promulgantur, firman-*  
*tur, cum moribus utentium approbantur,* *sauri cap. 5.*  
 Et hæc opinio, ait *Ioannes Azorius*,  
 num. 24.:

<sup>h</sup> cum quo *Nauarrus*, <sup>i</sup> *Covarruvias*,  
<sup>k</sup> *Valentia*, <sup>l</sup> *Sayrus*, <sup>m</sup> *Salas*, <sup>n</sup> *Suarez*,  
<sup>o</sup> & alij consentiunt, communis est Canonici, & Iuris civilis Interpretum, & concl. 3.

g *Dist. 4. can.*  
 in istis §. *Leges.*  
 h *Tom. 1. Instit.*  
 lib. 5. cap. 4.  
 i *In Enchirid.*  
 cap. 23. num. 41.  
 k *Lib. 2. var.*  
 resol. c. 16. n. 6.  
 l *Tom. 2. disp. 7.*  
 q. 5. punc. 5. q. 4.  
 m *Lib. 3. The.*  
 sauri cap. 5.  
 num. 24.:

n *Dist. 13. de*  
*Leg. Sec. 1.*  
 o *Lib. 4. de*  
*Leg. cap. 169*  
 concl. 3.

*Iuri Canonico, & civili consentanea,*  
nempe legem tam Ecclesiasticam,  
quàm civilem vsu non receptam vi  
carere, quamuis sit autoritate Prin-  
cipis constituta, & legitimè promul-  
gata.

13. *Tertiò*, decreta, seu canones  
Summorum Pontificum, de quibus  
potissimùm difficultas est, in triplici  
sunt differentia, quædam constitutiuæ  
sunt, quædam declaratiuæ, quædam,  
quæ neque propriè declaratiuæ, neque  
constitutiuæ sunt, sed aliquid de vtrîsq;  
participant.

*Constitutiuæ* sunt, quæ ex se nouam  
obligationem inducunt, neque rem,  
quam præcipiunt, aut prohibeant, pri-  
ori aliqua lege præceptam, aut pro-  
hiberi tam esse supponunt, vt sunt de-  
creta de carnibus certis diebus non  
comedendis, de operibus seruilibus  
in Dominicis, alijsque diebus festis  
non faciendis, de Sacro ijsdem diebus  
audiendo, de sacro non celebrando  
coram excommunicatis, aut sine  
vestibus sacris, de libris, absque ex-  
pressa eaque in scriptis habita Ordini-  
narij licentia, non imprimendis, &  
quibusdam



quibusdam libris, qui alioqui licitè legi possent, absque simili licentia non legendis, & eiusmodi: Atque hæc decreta, seu canones in locis ubi recepta sunt, decreta, seu canones *sacri*, quibus ut plurimum repugnare non licet, rectissimè appellantur.

13. Dixi, ut *plurimum*, quia nullam legem, seu constitutionem humanam in necessitate extrema, seu quando mortis, mutilationis, grauis infamiae, magnæque bonorum iacturæ periculum imminet, obligare communis est Theologorum opinio, ut tradit *Salas* disp. 11. de Legibus Sect. 1. cum præsertim lex diuina positiua non obliget communiter cum tali periculo. ut patet in *Dauid*, qui in necessitate comedit panes propositionis, p quos p 1. Reg. 20. laici iuxta legem q non poterant man- q Num. 18. ducare, quod factum defendit *Christus* Math. 12. eodem modo excusans discipulos, qui spicas Sabbato colligebant, & eum, qui Sabbato bouem, aut asinum è fouea extraheret. Similiter *Machabæi* sine peccato contra hostes in Sabbato pugnabant. Neq; tenetur quis Baptismum, ait *Sayrus* <sup>r</sup>, r *Loco citato*.

aut alia Sacramenta cum periculo mortis suscipere. Quin etiam fas est propter vitæ periculum, aut etiam infamiam, quæ inde complici in crimine prouenire potest, aliquod peccatum in confessione Sacramentali cælare, neque tunc erit confessio dimidiata formaliter, sed tantum materialiter, vt Theologi exponunt.

14. *Declaratini* canones, seu decreta sunt, quæ nullam obligationem ex se inducunt, sed priorem legem, & obligationem tantummodo supponunt, atque declarant; Atq; hæc decreta, eadem certitudine, aut probabilitate, *sacra* aut *non sacra* censenda sunt, qua certum, aut probabile est, talem legem, & obligationem, quam decretum declaratiuum supponit, & declarat, reuera præcessisse. Huius generis sunt literæ vestræ *Apostolicæ* ad Anglos Catholicos directæ, in quibus *Sanctitas* vestra declarat, Iuramentum fidelitatis recēns hîc in Anglia stabilitum, illicitum esse, eò quod multa contineat, quæ fidei, & saluti, aperte aduersentur: Nam eadem certitudine, aut probabilitate decretum illud

illud *sacrum*, aut *non sacrum* esse credendum est, qua certū, aut incertum est, aliqua in prædicto iuramento, quæ fidei & salutis repugnant, sicut *Sanctitas* vestra declarauit, contineri.

15. Atque hæc decreta, seu decretales Summorum Pontificum litteræ in triplici sunt differentia. Nam *primò*, quædam sunt, quæ in doctrina erronea, at falsa fundantur, & hæc decreta non *sacra*, sed *sacrilega* censenda sunt, illisque repugnare quilibet Catholicus & licitè potest, atq; etiam tenetur.

Huius generis est *canon* ille *Celestini* tertij, qui olim in corpore Iuris Canonici extabat, in quo *Celestinus* decreuit & iuxta *Alphonsum* de Castro, et etiā vt Papa declarauit, *per hæresim* ita Matrimonium dissolui, vt liceat ei aliud coniugium inire, cuius prior coniux in hæresim lapsus est; qui *Canon*, cū in doctrina falsa, & iam in *Concilio Tridentino* apertè condemnata fundatus sit, non in *sacris*, sed potius in *sacrilegis* *canonibus* annumerandus est.

¶ In cap. *Laudabilem* de conuers. coniug.  
¶ Lib. 1. de hæresibus cap. 4.

¶ u Sess. 24. de Reform. can. 5.  
¶ x Can. A quod. 7  
¶ Iudeo de consecr.

Eiudem generis est *canon* ille *Nicolaï* Papæ primi, qui decreuit, eos, cap. 24.

x Lib. 4. de  
Rom. Pont.  
cap. 12.

qui in *Christi* tantum nomine baptizati sunt, non esse denuo baptizandos, qui *Canon*, cum in doctrina quam Card. *Bellarminus* y falsam esse affirmare non dubitat, nempe, Baptismum in nomine tantum *Christi* collatum absq; expressione trium personarum, validum esse, fundatus sit, inter  *sacros canones* non est recensendus.

16. Atque in istorum numero collocandum esse censeo alium etiã *canonem Urbani* secundi in cap. Excommunicatorum, 23. q. 5. in quo Pontifex se *arbitrari* affirmat, eos non esse homicidas, quos aduersus excommunicatos zelo *Catholica matris* ardentes, aliquos eorum trucidasse contigerit; quæ etiam *Urbani* verba Card. *Baronius* in suis *Annalibus Ecclesiasticis* 2 absque 2 *Tom. II. ann. 1089. num. 11.* aliqua eorum explicatione referre non dubitauit: qui *Canon*, si in eo sensu quo verba sonant, intelligantur, cum in doctrina falsissima, & meo iudicio aperte hæretica & notissimis *Catholicæ fidei* principijs, quæ quamlibet occisionem, etiam Tyranni manifesti tametsi ob zelum, finemque bonum factam, improbant, repugnante

repugnante fundetur, non *sacri*, sed *sacrilegi*, & perniciosissimi *canonis* nomine insigniri meretur. Et quantumvis *canon* ille de illis tantum excommunicatis, qui & auctoritate spirituali, a communione Ecclesiastica, & auctoritate civili a communione politica separantur, & proscripti sunt, ita ut cuius illos occidendi potestas à *Principe* politico concedatur, intelligi possit, donec tamen hæc, vel similis benigna interpretatio ad intelligentiam huius *canonis* à Summo Pontifice adhibeatur, cum interim ad infinita homicidia, ac etiam paricidia perpetranda viris zelo Catholicæ matris ardētibus causā præbere possit, & utinam non præbuerit, inter omnium *Canonum* perniciosissimos, & maximè sacrilegos recensendum esse censeo.

17. *Secundo*, quædam sunt decreta seu *canones* declaratiui, quæ in doctrina ad summum probabili fundantur, atque hæc decreta non magis *sacra* sunt, neque magis obligant, quam doctrina ipsa cui innituntur *sacra* sit, & ad eam sequendam fideles obligare queat. Huius generis est decretum,

quo *Sanctitas* vestra Iuramenti susceptionem prohibet, eo quòd multa in se contineat, quæ fidei, & salutis apertè aduersantur, quæ prohibitio, si in ea doctrina seu opinione, quam Card. *Bellarminus*, & quidam alij approbant, fundetur, nempe quòd potestas excommunicandi, ligandi, & soluendi, iuramenta relaxandi, in hoc iuramento abiureretur, & Primatus regius in spiritualibus agnoscat, & quædam alia, quæ ego in *Disputatione* mea Theologica retuli & confutauimus, ad decreta primi generis reuocari debet, cum clarum sit, & apertum, nihil tale in Iuramento contineri. Si autem hæc prohibitio huic doctrinæ innitatur, quòd penes Pontificem sit potestas Principes deponendi, & subditos ab eorum fidelitate absoluendi, non magis *sacra* dicenda est, neque magis obligat, quàm ipsa doctrina speculatiua, quam supponit, quæ cum probabilis ad summum sit, neminem ad eam sequendam obligare potest. Dixi, *doctrina speculatiua*, nam ipsam *praxim*, quamdiu *doctrina speculatiua* apud Catholicos controuersa est, omnino illicitam

illicitam esse, & ab omnibus Catholicis, quamcunque opinionem *speculatiuè* tueantur, improbandam, ut sæpe affirmauimus, igenuè profiteamur.

18. *Tertiò*, alia sunt decreta, seu *canones* declaratiui, quæ in doctrina aliqua certa, indubitata, neque apud Catholicos controuersa fundantur; atque hæc decreta procul dubio *sacra* sunt, neque illis repugnare ulli Catholico licet. Huiusmodi sunt decreta illa, quæ furta, adulteria, homicidia, & similia crimina prohibent, quæ illicita esse omnes Catholici profitentur. An verò illa decreta, in quibus Summus *Pontifex* absque Concilio generali taliquid ex *Cathedra* definit, id est, toti Ecclesiæ necessariò credendum proponit, ac præcipit, de quo inter Catholicos erat antea controuersum, *sacra* sint, an non, inter *Romanos*, & *Parisienses* Theologos plurimum disceptatur, & propterea talia decreta, quamdiu certant Theologi, an *Pontifex* talem definiendi potestatem habeat, quiuis Catholicus absq; fidei Catholicæ abnegandæ periculo improbare potest. Nihilominus, ut sapius

fæpius diximus, nullus Romanus *Pontifex* vnquam ex *Cathedra* definiuit penes eum esse potestatem *Principes* deponendi, & subditos à temporali sua fidelitate absoluendi.

19. *Postremò*, tertij generis decreta, tametsi propriè neq; constitutiua, neque declaratiua decreta sint, cum nihil præcipiant, aut prohibeant, vel aliàs præceptum aut prohibitum esse declarent, doctrinam tamen, aut certam, aut incertam supponunt, quòd in Pontifice sit vera potestas ita decernendi. Huius generis sunt decreta illa, in quibus Summus *Pontifex* quædam priuilegia concedit, de quibus aut certò constat, aut dubitatur, an talia concedendi potestatem habeat. Item decreta, in quibus *Pontifex* in votis dispensat, aut alteri facultatem in eis dispensandi concedit. Nam hæc decreta, si de voto solenni loquamur, cum incertum sit, an *Pontifex* talem dispensandi potestatem habeat, incertum etiam erit an talia decreta, *sacra*, vel *non sacra* dici debeant, & consequenter nemo talia decreta, tanquam *sacra* approbare tenetur. Eiusdem



iussdem etiam generis sunt decreta, in quibus Pontifex Principes supremos suis Regnis, ac Dominijs priuat, & subditos ab eorum fidelitate absoluit. Cum enim saltem incertum sit, si *de doctrina speculativa* loquamur, penes Summum Pontificem talem esse potestatem, incertum etiam erit, an talia decreta *sacra*, vel non *sacra* dici debeant, & consequenter nemo talia decreta tanquam *sacra* approbare teneatur. Dixi, si *de doctrina speculativa* loquamur, nam si doctrinam *speculativam* ad *praxim* reducere uelimus, talia decreta, quæ *praxim* imperant, cum doctrinam planè fallam, & meo iudicio improbabilem supponant, nempe, posse aliquem lite pendente e re illa, quam legitimè possidet, inuitum deturbari, non *sacra*, sed *prophana* decreta esse, & ab omnibus Catholicis improbanda confidenter affirmo.

Atque ex his cuius vel mediocriter erudito facillimum erit iudicare, quinam canones, seu decreta Summorum Pontificum *sacri* censendi sint, illisque repugnare non liceat, quinam

nam *non sacri*, & quæ approbare Catholici non teneantur, & qui demum *prophani & sacrilegi*, & quæ improbare omnes debeant.

## § 9.

1. **N**onò, Doctor ille ait, me num. 60. & sequentibus, & alibi asserere, *Christiano populo, etiamsi vires adsunt, fas non esse debellare Principes infideles Ecclesiam persequentes.*

*Hanc assertionem, ait Doctor ille, docuit Hæresiarcha Martinus Lutherus, cum scripsit, non esse pugnandum contra Turcas, & repugnat omnibus principibus testamenti veteris, & noui, qui aduersus persequentores Religionis gloriosissime bella gesserunt.*

2 Sed quis effrænatam istius Doctoris calumnandi licentiam non obstupefcat, qui in retam graui, & verba, & mentem Aduersarij, vt eum hæreses accuset, & omnino reum peragat, peruertere

peruerrere non erubescit? Neq; enim vnquam vel per somnium mihi venit in mentem, non licere Christianis Principibus Turcas, similesque Religionis Christianæ persecutores armis debellare. Verba enim mea solum de Pastore spirituali, quā pastor spiritualis est, & de subditis Christianis, seu de populo subiecto apertissimè loquuntur, & *Doctor* iste, pro pudor, ea ad Principes Christianos transfert: *Repugnat*, inquit, *omnibus sanctis Principibus testamenti veteris, & noni, qui aduersus persecutores Religionis gloriosissimè bella gesserunt.* Verba mea hæc sunt.

3 Quartum argumentum sumitur ex!praxi totius Ecclesiæ ab ipsis  
“ primor dijs per multa deinceps se-  
“ cula: Nusquam enim in Scriptura  
“ sacra, vel apud antiquos Patres vlla  
“ fit mentio de potestate vel Pontifi-  
“ cis, vel populi Christiani Principes  
“ Ecclesiā persequentes aut occiden-  
“ di, aut principatu priuandi; sed ad  
“ crucem *Christi* tollendam, & perse-  
“ quutiones pro fide *Christi* toleran-  
“ das, atq; ad obedientiam Principi-  
“ bus

"bus etiam infidelibus exhibendam  
 "tum Christus ipse, tum Apostoli,  
 "tū Sancti Patres vnaui consensu  
 "Christianos passim adhortantur; at  
 "si vel Summus Pontifex, vel populus  
 "Christianus aliquo legis Euangeli-  
 "cæ præcepto tenerentur, quando  
 "vires illis suppetunt, Principes Ec-  
 "clesiam deuastantes è principatu  
 "eijcere, profectò de tali præcepto,  
 "quod tanti ponderis est, aut *Christus*  
 "ipse, aut Apostoli, aut aliqui saltem  
 "ex Sanctis Patribus Ecclesiæ primi-  
 "tiuæ, quorum plurimi singulari tam  
 "doctrina, quàm zelo sunt præditi,  
 "pro debito suo officio Pastoralis fi-  
 "delem populum instituisent, neque  
 "verisimile est, voluisse *Christum* im-  
 "ponere fidelibus necessitatem Prin-  
 "cipibus, qui tunc Ecclesiam perse-  
 "quebantur, tributa pro temporali  
 "principatu illis debita soluendi, &  
 "necessitatem, qua Christiani obli-  
 "gantur, ad auferendum a Principi-  
 "bus principatum, si vires adsint, ta-  
 "cere voluisse.

4 Quis iam *Doctor* Christianæ  
 charitatis, iustitiæ, verecundiæ leges  
 non

*Adipos. Schult. Remy. delegit. 17. 179.*  
non ignorans, hæc mea verba, quæ  
tantum de auctoritate vel pastorum  
spiritualium, quàm tales, vel subdito-  
rum fidelium. Principes suos infide-  
les Ecclesiam persequentes aut  
occidendi, aut è principatu pellendi  
apertè loquuntur, vt me *hereseos* om-  
nino reum peragat, ad auctoritatem  
Principum Christianorum Turcas,  
aliosue Principes infideles Ecclesiã  
persequentes debellandi transferre  
voluisset?

Quare mirum non est, quòd libri  
mei prohibiti fuerint, si tam iniquos,  
tamq; inuerecundos & mentis meæ,  
& verborum meorum deprauatores  
habuerint, qui eorum Censores sunt,  
atque de ijs sententiam ferre, & simul  
Testes, & Accusatores esse velint.  
*Sed mea est ultio*, ait supremus om-  
nium Iudex \* & ego retribuam eis in \* *Deuter. 32.*  
*tempore.*

a Pag. 7.

I **D**Ecimè, Doct̃or iste ait, a me num. 70. & alibi sæpe admittere, Episcopum iudicari posse a Principe politico in rebus politicis.

*Hec assertio, ait, Doct̃or iste, contrariatur doctrinæ Ecclesiæ Catholice in Concilio Constantiensi sess. 31. & Lateranensi sub Leone decimo sess. 9. ubi sic legimus. A iure tam. diuino, quàm humano Laicis potestas nulla in Ecclesiasticas personas attributa est.*

2 Verumtamen stupenda huius Doct̃oris inuerecundia me planè stupefactum reddit. Nam si hæc assertio eo modo, quo eam proposui, quem modum Doct̃or iste perperam dissimulat) *contrariatur, ut ipse ait, doctrinæ Ecclesiæ Catholice, profectò communem Theologorum sententiam, quam olim etiam Card. Bellarminus sequutus est, b tamen si eam absq; sufficienti*

b In prioribus librorum suorum Editionibus, lib. 1. de Clericis cap. 28. p. oppositio 5.

sufficienti ratione, vt alias ostendi, c In Confutatione Thom. Fitzherberti part. 2. cap.  
 iam retractauerit ( vt mirum sit  
 quòd *Doctòr* iste talem, tantum-  
 que virum, qualis est *Card. Bellarmi-*  
*nus*, sanctitate, ac eruditione illustris-  
 simus, atque huic etiam *Doctòri* a-  
 micissimus, assertionem aliquam, quæ  
*contrariatur doctrinæ Ecclesiæ Catholi-*  
*cæ* pertam multos simul annos pro-  
 pugnassee, affirmare ausus fuerit ) etiã  
 doctrinæ Ecclesiæ Catholicæ contra-  
 riam esse nimis manifestum est, quod  
 quàm summè *temerarium* sit asserere  
 satis constat, neque *Doctorem* istum,  
 nisi immoderata calumniandi libido  
 densam mentis suæ oculis caliginem  
 offudisset, latere utique potuisset.  
 Ita enim eo loco scripsi.

3. Et certe si à iure Ecclesiastico,  
 “ & priuilegijs Principum abstra-  
 “ mus, non videtur negari posse, quin  
 “ Prælati inferiores, vt Episcopi,  
 “ possint à supremis Principibus,  
 “ quibus ciuilitè subiecti sunt, in  
 “ causis ciuilibus iudicari, si vera sit  
 “ opinio communis Theologorum,  
 “ quam olim expressissimis verbis ap-  
 “ probauit *Card. Bellarminus* in prio-  
 “ ribus

"ribus operum suorum editionibus,  
 "qui asserit, *exemptionem Clericorum*  
 "in rebus politicis a *Secularium Prin-*  
 "cipū potestate iure humano introductā  
 "esse nō diuino. Et propterea idem *Bel-*

d Lib. 2. de Rō.  
 pont. cap. 29.

e Lib. 5. de Rom.  
 pont. cap. 3.

*larminius* alibi docuit, <sup>d</sup> *S. Paulum tam*  
*de iure, quā de facto Cæsari subiectum*  
*fuisse, & legem Christianam neminem*  
*privare suo iure, & dominio.* <sup>e</sup>

4 Hæc est assertio mea, quum  
 non ego tantum, sed omnes commu-  
 niter Scholastici, siue Iesuitæ, siue alij,  
 qui a temporibus Concilij, *Constanti-*  
*ensis, & Lateranensis* vltimi floruerunt,  
 (vt antiquos Ecclesiæ Patres a me ali-  
 bi<sup>f</sup> relatos nunc taceam) vnanimiter  
 defendunt; vt *Caietanus*, qui tempore  
 Concilij Lateranensis floruit, *Sotus*,  
*Ledesmus, Victoria, Bannes, Ioannes*  
*Medina, Salon, Nanarrus, Conarruias,*  
*Gregorius de Valentia, Ludonicus Mo-*  
*lina, Lessius, Ioannes Salas*, quos om-  
 nes, & plures alios *Salas* <sup>g</sup> recenset,  
 atque olim etiam ipsemet Card. *Bel-*  
*larminius*, tametsi iam relictis Schola-  
 sticis, & Societatis suæ Theologis ad  
*Canonistas* nulla sufficienti, vt alibi <sup>h</sup>  
 monstraui, ratione motus confugerit.  
 Quam

f In Apologia  
 a num. 5. & in  
 Confutat Tho.  
 Fitzherbii. part.  
 2. cap. & infra  
 §. 17. num. 14.

g Disput. 14. de  
 legib. sect. 11.

h In Confut  
 Tho. Fitzherb.  
 loco iam citato.



Quàm ingens ergo temeritas hæc est, concordem Theologorū doctrinam, tanquam Ecclesiæ Catholicæ doctrinæ contrariam condemnare? ut mirum non sit, quod *Doct̃or* iste me tanquam de hæresi suspectum, quin & hæreseus omnino reum reprehendat, cum vniuersos ferme, & antiquiores, & recentiores Scholasticos (ut de Sanctis Patribus nihil dicam) quin etiam Societatis Iesu Theologos tanquam dogma hæreticum, & doctrinæ Ecclesiæ Catholicæ contrariū propugnantes traducere non erubescat. Audi enim quid scribat *Alphonsus Salmeron* vnus è decem primis *Iesuitis* Disp. 4. ad Rom. 13. *Potestas*, inquit, *Ethnici principatus nondum Ecclesiæ incorporata subditos habet omnes, qui ad eam rempublicam, cui præsident, tanquam membra pertinent, siue Ethnici, siue Christiani, siue Laici, siue Clerici, siue Episcopi, siue Apostoli, & hoc ex iure nature; ut modo Turcarum Princeps super Christianos, & Episcopos est, qui in suis locis resident. Et paulo supra affirmat, S. Petrū subesse Principibus in civilibus, antequā in Ecclesiā intrarent.*

5 Ad illud autem Concilij *Lateranensis*, & *Bonifacij Papæ Octavi*, qui similia verba habet, nempe, *Cum clerici iure diuino, & humano sint exempti*, & similia, respondent Theologi, & particulatim *Valentia*, talia verba in hoc sensu intelligenda esse, quòd *Dei nutu, & conuenienter*, atque conformiter iuri diuino Clerici per sanctiones Ecclesiasticas, & Principum privilegia exempti sint; quatenus iure diuino sunt alijs in spiritualibus rebus prepositi, propter quod decet, ut eximantur potestate Seculari, idque iuxta exemplū etiam Iosephi, qui instinctu diuino Sacerdotes voluit liberos esse.

6 Addit secundo *Valentia*, forte *Bonifaciū* fuisse in illa Canonistarū opinione, nihil in ea re deficiente, sed obiter inquiringentem; Cum clerici iure diuino & humano sint exempti, sic enim loquitur. Eodem modo loquitur *Leo* decimus in illa Reformationis Bulla, Cum a iure tam diuino, quàm humano Laicis potestas nulla in Ecclesiasticas personas attributa sit, innouamus omnes, & singulas Constitutiones scilicet record. *Bonifacij Papæ Octavi* &c. Hæc enim sunt illius verba,

ba. Sed *Doct̃or* iste optimè sciens, rationes, quæ in Concilijs adducuntur, non esse de fide, in quibus, ait *Canus*, Pontifices quandoque falluntur, <sup>k Lib.6.de locis cap.8.</sup> sed tantum ipsa nuda decreta, & ea non omnia, sed tantum ea que proponuntur tanquã de fide, vt ipsemet *Bellarminus* docuit, <sup>l Lib.2.de concil. cap.12. ad 4.</sup> illam particulam [*Cum*] quæ clarè ostēdit, Pontificē nihil de hac re ibi definiuisse, sed illis verbis rationem tantum sui decreti assignasse, dolosè prætermisit, & prædicta Pontificis verba ita refert, ac si ipse definiendo sententiam illam pronuntiasset.

7 Denique, vt alias solutiones nunc taceam, Concilium *Constantiense* nihil planè circa exemptionem Clericorum statuit, sed solum exemptos esse præsupponit, sed an iure diuino, vel humano Concilium non loquitur. Concilij autem *Lateranensis* auctoritatem, quàmuis rem clarè definiuisset, ipsemet Card. *Bellarminus* sufficienter euertit, dum ad aliud illius Concilij decretum ita ref- <sup>m Lib.2.de concil. cap.13.</sup> pondet. <sup>m</sup> Et tametsi Concilium *Lateranense* expressimè rem definiuit, tamen quia nonnulli dubitant an vere fuerit ge-

*nerale, ideo usque adhuc diem, qua-  
sitio superest etiam inter Catholicos.*

---

## §. II.

**V**Ndecimo, Doctor iste ait, me  
num. 93. & num. 154. scri-  
bere, iniustam administrationem spiri-  
tualium ad tribunal Principis tempora-  
lis pertinere.

<sup>a</sup> Pag. 7.

At quid, inquit, <sup>a</sup> hec est aliud, quàm  
Principem temporalem facere Iudicem  
rerum spiritualium, ac per hoc Principē  
politicum facere verè caput Ecclesie?  
Atqui hanc heresim in Anglia nuper ex-  
ortam Catholica Ecclesia semper exhor-  
ruit. Et infra <sup>b</sup>, in feruore spiritus sui,  
à Deo, an aliunde procedentis imple-  
met viderit, doctrinam hanc planè into-  
lerabilem esse, nec ab homine prodire  
posse, nisi in reprobum sensum dato affir-  
mare non dubitat.

<sup>b</sup> Pag. 108.

2. Sed quis intolerabilem istius  
Doctoris maledicentiā æquo animo  
ferre potest, qui vt Aduersario fidem  
de rahat, & falsum *hereseus* crimen  
illi intendat, tam falsa, tam calumni-  
osa, atque à Christiana, Doctoris  
præsertim

præsertim Theologi, & Sacerdotis venerandi modestia penitus aliena effutire non reformidat. Fallit procul dubio seipsum *Doct̃or* iste, neq; enim huiusmodi contumeliæ causam suam iuuant, sed nocent, & apud viros prudentes suspectam reddunt, neq; honorem illi, sed dedecus afferunt, nisi rem tam grauē, non tam rationibus, quàm maledictis agere gloriæ ducat.

3. Atque imprimis *Doct̃or* iste, vt huic eius calumniæ aliquod probabilitatis specimen daret, duplici, in prædicta mea assertionem proponenda, fraude vsus est. Neque enim ego hanc assertionem, quod *iniusta administratio spiritualium ad forum Principis temporalis pertineat*, ita absolutè, vt *Doct̃or* iste refert, sed cum duabus limitationibus, quæ assertionem ipsā quàm maximè illustrant, & quas *Doct̃or* iste sciens prætermisit, posui.

4. Prima hæc erat, *si naturas potestatis Ecclesiasticæ, & civilis consideremus, abstrahendo scilicet ab Ecclesiasticis sanctionibus, & Principum privilegijs:*

quam limitationem idcirco appofui, vt Lector veram vtriusque poteftatis naturam, & proprietates verè dignofceret: Neque enim mihi institutum erat fingula priuilegia, quæ vel Sacri canones, vel Principum Chriftianorum decreta circa personas, aut bona Ecclefiasticorum piè ordinauerunt, tunc examinare.

5. Altera limitatio erat, quod iniufta fpiritualium adminiftratio non abfolutè, quatenus crimina fpiritualia funt, fed quatenus pacem publicam iniuriofè perturbant, & feditiones ac tumultus in Republica excitant, quæ ratione naturas criminum ciuiliū fortiuntur, ad tribunal Principis politici cum prædicta limitatione, [ *fi naturas poteftatis Ecclefiastica & ciuilis consideremus* ] pertineat. Atque vt *Sanctitas* veftra, hæc quæ afferui, veriffima eſſe perſpiciat, illam meam, quam poſui, aſſertionem ad verbum referam. Ita ergo ſcripſi.

6. Cum igitur finis poteſtatis politica ſit pax publica, & Eccleſiaſtica ſalus animarū, vt ſæpius diximus  
ex Card. *Belarmino*, & plærūq;  
contingat,

“contingat, eandem numero actio-  
“nem, exempli causa peierandi, tum  
“quieti publicæ, tum animarum sa-  
“luti detrimento esse, fit, vt quatenus  
“peccatum est, seu offensa Dei, vt fi-  
“nis saltem supernaturalis, & saluti  
“spirituali nocet, potestati Ecclesi-  
“asticæ subiaceat, & ab ea iudicari,  
“& castigari oporteat, vt vero pacis  
“publicæ est violatio, potestati poli-  
“ticæ subijciatur, & ab ea iudicari,  
“ac puniri debeat. Ex qua doctrina  
“sequitur, quòd quemadmodum  
“Princeps politicus in rebus, quæ  
“ad animæ salutem pertinent, à  
“Principe spirituali dirigi, iudicari,  
“atque puniri debet, ita Princeps spi-  
“ritualis ( si rerum naturas inspicia-  
“mus ) est in ijs, quæ ad pacem pub-  
“licam spectant, à Principe politico  
“dirigendu, iudicandus, atque ca-  
“stigandus.

7. Quinimo sicut administratio  
“temporalium in ordine ad bonum  
“spirituale, id est, quatenus spiritua-  
“li saluti aduersatur, qua ratione na-  
“turam criminis spiritualis induit,  
“ad forum Principis Ecclesiastici  
“spectat,



“ spectat, in quo corrigi, & iudicari  
 “ debet, ita iniusta spiritualium ad-  
 “ ministratio, veluti Excommunica-  
 “ tio Principis notoriè iniusta, aut  
 “ Interdictum Regni manifestè ini-  
 “ quum ab Episcopo, qui tali Princi-  
 “ pi ciuilitè subiicitur, latum, qua-  
 “ tenus pacem publicam perturbat,  
 “ & seditiones, ac tumultus in Re-  
 “ publica excitat, qua ratione natu-  
 “ ram criminis politici sortitur, ad  
 “ tribunal Principis politici pertinere  
 “ videtur. Et propterea, si ipse etiam  
 “ Summus Pontifex, qui nullum Su-  
 “ periozem in rebus temporalibus re-  
 “ cognoscit, per Excommunicatio-  
 “ nes, aut alias Censuras manifestè  
 “ iniustas, Reipublicæ politicæ pa-  
 “ cem temporalem perturbaret, pos-  
 “ set Princeps politicus iniuriam illa-  
 “ tam vijs licitis, atque intra fines  
 “ potestatis politicæ comprehensis  
 “ propulsare, & Principem Ecclesi-  
 “ asticum vi, & armis constringere,  
 “ vt per illicitas actiones spirituales à  
 “ Reipublicæ suæ tranquillitate tur-  
 “ banda desistat.

8. Neque videtur posse aliqua  
 esse



“ esse controuerfia (si naturas pote-  
“ statis Ecclesiasticæ, & ciuilibis con-  
“ sideremus) quin licet Respublica  
“ Ecclesiastica potest quascunq; op-  
“ pressionibus, sibi à Republica politica  
“ factas, quæ bono spirituali obli-  
“ stunt, propulsare, ita etiam penes  
“ Rempub. politicam sit potestas  
“ suis ciuibus, eorumque tranquilli-  
“ tati temporali consulendi, atque à  
“ quibuscunque violentijs etiam spi-  
“ ritualibus, quæ pacem suam publi-  
“ cam iniuriosè perturbant, defen-  
“ dendi. Quia, vt rectè ait *Victoris*,  
“ “ *Respublica ciuilibis est perfecta, & sibi* c Relect. 1. de potest Eccles.  
“ *sufficiens, ergo potest se defendere ab* sec. 7. §. octaua  
“ *iniuria cuiuscunq; propria auctoritate.* propositio.  
“ Et confirmatur, nam possunt Principes  
“ seruare propriæ Respublicas ab iniu-  
“ ria aliarum Rerumpublicarum non so-  
“ lum per modum defensionis, sed etiam d Notanda sunt  
“ auctoritatine, d ergo etiam ab iniurijs hac verba, non  
“ Clericorum. Et propterea, licitum solum per mo-  
“ est Principi, vt optimè inquit *Ioan-* onis, sed etiâ  
“ *nes Parisiensis*, c *ab usum gladij spiritu-* auctoritatie.  
“ *alibus repellere eo modo quo potest, eti-* e Depotest.  
“ *per gladium materiale, præcipuè ubi* Regia, & Pa-  
“ *usus gladij spiritualis vergit in malum* pali cap. 21. ad  
“ Reipub- 37.

*“ Reipublica, cuius cura Regi incumbit,  
 “ aliter enim sine causa gladium portaret.*

9. *“ Sed totius controuersia ner-  
 “ vus est, quænam sint pœnæ vtriuf-  
 “ que potestatis, Ecclesiasticæ præ-  
 “ fertim propriæ, quibus iniurias sibi  
 “ illatas vindicare poterit. Nemo e-  
 “ nim inter Catholicos negabit, quin  
 “ penes Ecclesiâ sit potestas puniendi  
 “ peccatores, etiam Imperatores, &  
 “ Reges Christianos pœnis, & Cen-  
 “ suris Ecclesiasticis, quia ille modus  
 “ castigandi proportionatus est Ec-  
 “ clesiasticæ potestati. Sed tota dif-  
 “ ficultas est, an priuatio bonorum  
 “ temporalium, & de positio à tem-  
 “ porali Principatu, atque eiusmodi,  
 “ in pœnis, quæ à potestate Ecclesia-  
 “ stica, vt talis est, infligi possant, sint  
 “ annumerandæ. &c.*

10. Iam quis Theologus, aut ali-  
 us quicumque vel mediocriter doctus,  
 nisi *Doctor* iste, quo spiritu ductus  
 ipse viderit, ex hac mea assertionem  
 concluderet, me *Principem temporalem*  
*facere Iudicem rerum spiritualium, &*  
*per hoc eum facere verè caput Ecclesie?*  
 aut hanc meam doctrinam, quæ sanè  
 verissima

verissima est, non nisi ab homine in reprobum sensum dato prodire posse, ita inuerecundè affirmaret. Neque enim hinc colligi potest, Principem politicum Iudicem esse rerum spiritualiū, sed temporalium; neq; Ecclesiæ, id est, corporis Christi mystici, & spiritualis eius Regni, seu rerum Ecclesiasticarum, sed corporis politici, & rerum politicarum, & quæ politicarum naturas sortiuntur, caput esse.

II. Et tamen in Ecclesia, quatenus Ecclesia pro corpore Christi mystico, & Regno eius spirituali ex spirituali tantum potestate consistens usurpatur, duo suprema Ecclesiæ, id est, rerum spiritualium, & quæ ad spiritualia reducuntur, capita visibilia, latera, aut humeros reperiri monstruosum esset, & doctrinæ Catholicæ dissenteaneum; Attamen neque absurdum, neque Catholicæ fidei principijs dissensum est affirmare, in Ecclesia, quatenus Ecclesia pro toto Christiano orbe, seu Republica Christiana ex potestate spirituali, & simul temporali conflata, seu pro aggregato quodam corporis Christi mystici, & corporis politici

politici nulli vni in terris capiti, sed Deo tantum capiti eius inuisibili subiecto accipitur, duo esse capita visibilia, duo latera, duos Principes, Reges nempe, & Pontifices, qui in gradu suo, Reges nimirum in temporalibus, & Pontifices in spiritualibus supremi sint, soloque Deo minores, neque vllum omnino in terris siue temporalem, siue spiritualem, in ijs rebus, in quibus Supremi sunt, Superiorem recognoscant.

12. *Huius corporis*, ait *Hugo de S. Victore*, <sup>f</sup> *latus sinistrum sunt Laici, qui* <sup>f</sup> *eram. fid. pari. 2.* *terrena curant, latus dexterum sunt Clerici, qui spiritualia ministrant.* Et infra: *Terrena*, inquit, *potestas caput habet Regem, spiritualis potestas habet Summum Pontificem. Ad potestatem Regis pertinent, quae terrena sunt, & ad terrenam vitam facta omnia, ad Potestatem Summi Pontificis pertinent, quae spiritualia sunt, & vitae spirituali attributa vniuersa.* Quae *Hugonis* verba referens *Thomas Waldensis*, <sup>h</sup> *Ecce*, inquit, *duae potestates, & duo capita potestatum.*

<sup>f</sup> Lib. 2. de Sa-  
cramentalibus ar. 3.  
cap. 3.  
§ Cap. 4.

<sup>h</sup> Lib. 2. do-  
ctrinalis ar. 3.  
cap. 78.

13. Ex quibus constat, ex hac mea assertionem nequaquam sequi, Re-  
ges

ges Christianos *Ecclesie*, id est, corporis Christi mystici, sed corporis tantum politici, & Regni terreni capita, & Principes esse. Sed ô infœlices horum temporum Scriptores, qui tam parum æquos librorum suorum Censores, Iudices, & Expurgatores habent.

---

## §. 12.

1. **D***V*odecimò, Doct̃or iste ait, me num. 156. & sequentibus asserere, ipsam etiam *Euangelicam* predicationem, & similes spirituales actiones potestati politica subijci posse, quando qui mittuntur ad predicandũ modo iuxta sententiam hostium fidei licito pacem perturbant. Et ait, me etiam addere, posse Principem infidelem arcere Predicatores *Euangelij*, & obedire recusantes morte mulctare, quando rationalibus argumentis arbitraretur, eam predicationem *Reipublice* suae noxiam esse : Neq̃ Martyres esse dicendos, qui inuitis eiusmodi

*modi Principibus predicantes occiden-  
tur.*

2. Hac assertionem, ait Doctor iste, iustificat Widdringtonus omnes persecutores, & condemnat omnes Martyres. Nam nemo fere fuit persecutorum, qui non probabili aliquo argumento ductus existimaverit, Christianam Religionem statui suo noxiam esse. Itaque iustificat Caipham, condemnat Christum: Iustificat Neronem, Domitianum, Diocletianum, & similes pestes Ecclesiam Christi persequentes; condemnat Apostolos, ceterosque pios Martyres patientes: Iustificat Regem Anglia Predicadores fidei Catholica à Regno suo eicientem, & nisi pareant, crudeliter necantem; condemnat Catholicos predicadores, qui pro honore Dei, & salute animarum indignissimo supplicio vitam exponunt: Et cum Widdringtonus hoc faciat, Catholicus & dici, & haberi affectat. Ingenstemeritas eum pari impietate coniuncta. Armat Principes infideles, & instigat contra predicadores fidei: Deterret viros Catholicos à predicando Evangelio: Sanctos Christi Martyres, quos impij persecutores spoliaverunt vita, ipse spoliare co-

*natur gloria, & apud Deum, & apud homines. Vide quæ scripsimus infra in responsione ad hunc locum. Ita dicit, seu potius maledicit Doctor iste. pag. 8.*

3. Sed hæc calumnia multo grauior, & acerbior, nec minus falsa aut fraudulenta quàm præcedens est. Quæ enim maior calumnia excogitari potest, quàm virum Catholicum, non solum vt non Catholicum, verum etiam, vt Ecclesiæ Catholicæ persecutorem, quinimo omnium persecutorum, Caiphæ, eorumque qui *Christum* Dominum crucifixerunt, defensorem, à viro Catholico, & Sacerdote alioquin venerando ita calumniosè traduci? Magna procul dubio huic *Doctori* bilis erat, alioquin Christiana, si non charitas, saltem verecundia calami sui asperitatem aliquantulum temperasset

4. Atque in primis *Doctor* iste duplici etiam, in hac assertionem proponenda, fraude usus est. Neq; enim ego absolute, sed cum prædicta limitatione, quam *Doctor* iste tacet, [*si naturas potestatis Ecclesiasticæ, & politice consi-*

H

deremus,



*deremus, abstrahēdo ab Ecclesiasticis sanctionibus, & Principum privilegijs,] asserui, illicitam Euangelij prædicationem, similesque iniquas spirituales actiones, quatenus pacem publicam iniuriose perturbant, potestati politicæ subijci posse.*

4. Neque secundo absolute affirmavi, prædicationem Euangelij, similesque actiones spirituales iuxta sententiam hostium fidei illicitas, & pacem publicā iniquè perturbantes, potestati politicæ subijci posse, aut posse Principem infidelem arcere Prædicatores Euangelij, quando rationalibus argumentis persuasus arbitraretur, talem illicitam prædicationem Reipublicæ suæ noxiam esse, sed hanc particulam [verè] de industria addidi, quàm *Doctor* iste, propterea quòd hæc particula [vere] calumniam eius manifestam redderet, dolose prætermisit: vt sensus meæ assertionis sit, ipsam Euangelij prædicationem, similesque actiones spirituales, quatenus iuxta sententiam hostium fidei *verè* probabilem, atque adeo rectè rationi consonam illicitæ sunt, pacemque



cemque publicam iuxta sententiam eorundem *verè* probabilem iniuriose perturbant, potestati politicæ cum prædicta limitatione subiectas esse: atque etiam posse Principem infidelem arcere Prædicatores Euangelij, quando argumētis *verè* rationalibus, atq; adeo rectæ rationi consonis ductus arbitratur, eos alijs vijs indebitis, quàm ex licita Euangelij prædicatione, quæ nemini iniuriosa esse potest, pacem publicam perturbaturos, & seditiones, ac tumultus in Republica excitaturos esse.

6. Sed quoniam *Doct̃or* iste more suo solito sententias meas fraudulentè detruncat, vt ita eas calumniandi, atque in pessimum sensum trahendi aliquem colorem habeat, adeo vt mirum non sit, quòd in libris meis prohibendis, ne præstigiæ eius statim Lectori innotescerent, adeo desudauerit, ipsam meam assertionem, eo integro modo, quo eam posui, nihil planè addens, vel diminuens, ante oculos vestræ *Sanctitatis* ponam, vt ita *Sanctitas* vestra, & totus mundus clarè perspicere possit, quàm insignis

calumniator sit *Doctor* iste, & quam egregiè, ac inuerecundè & mea innocentia, & vestra *Sanctitate*, & vniuerso Christiano orbe in rebus tam grauissimis, scriptisque tam publicis abuti ausus fuerit. Hæc igitur expressissima mea verba sunt.

7. “ Similiter potestas Ecclesiastica subiecta est ciuili per accidens in rebus tantum temporalibus, & non in spiritualibus, nisi in casu, quo spiritualia in perniciem Reipublicæ temporalis, & finis illius malè administrata, ratione iniuriæ temporalis, quæ Reipublicæ politicæ infertur, naturam temporaliū sortiuntur. Per se tamen neutra potestas alteri subiicitur, aut ab altera dependet in esse suæ potestatis, sed vtrique potestas habet suos Principes supremos, & absolutos, qui nulum Superiorem Iudicem recognoscunt in ijs causis, & negotijs, quæ vnicuique Reipublicæ sunt propria.

8. “ Si tamen contingat, potestatem ciuilem abuti temporalibus in damnum Reipublicæ spiritualis, & finis

“ finis illius, qui est animarum salus,  
“ per accidens subijcitur potestati  
“ spirituali, cui commissa est cura  
“ spiritualium, & consequenter po-  
“ testatem Iurisdictionis habet super  
“ omnes actiones externas, quæ fi-  
“ nem spirituales iniuste impediunt.  
“ Et pari ratione si eueniat, potesta-  
“ tem spirituales male vti spirituali-  
“ bus in perniciem Reipublicæ tem-  
“ poralis, & finis illius, qui est pax  
“ temporalis, per accidens subditur  
“ potestati politicæ, cui cura tempo-  
“ raliū incumbit, & consequenter  
“ potestatem Iurisdictionis habet su-  
“ per vniuersas actiones externas, quæ  
“ pacem temporalem iniuriose per-  
“ turbant.

9. “ Hæc autem quæ diximus in-  
“ telligenda sunt, vt alias <sup>a</sup> monuimus, *a In Apologia*  
“ iuxta ipsas potestatis Ecclesiasticæ, *num. 80.*  
“ & politicæ naturas, abstrahendo ab  
“ Ecclesiasticis legibus, & Princi-  
“ pum priuilegijs, quæ personas Ec-  
“ clesiasticas, deuotionis ergo, & vt  
“ maior illis exhiberetur reuerentia, à  
“ tribunalibus Magistratuum Secula-  
“ rium exemerunt.

“ 10 Atque hinc colligi potest,  
“ ipsam etiam Evangelij prædicationem  
“ (quod idem de similibus acti-  
“ onibus spiritualibus intelligendum  
“ est) quatenus fit modo illicito, ini-  
“ què perturbando pacem publicam,  
“ aut per prædicatores Statui politico,  
“ cui prædicare mittuntur, alioqui  
“ inimicos, potestati politicæ subijci  
“ posse. Quo fit, ut si Papa aliquas  
“ personas mitteret ad prædicandum  
“ Christi Evangelium in Regno ali-  
“ cuius Principis infidelis, quas Prin-  
“ ceps ille argumentis *verè* rationa-  
“ libus ductus arbitraretur Statui  
“ suo politico inimicas, non tenere-  
“ tur tales Prædicatores admittere,  
“ sed posset tum eas sub pœna capi-  
“ tis e Regno suo excludere, tum  
“ subditis sub eadem pœna interdice-  
“ re, ne eas hospitio excipiant, & si  
“ post debitam Principis admoniti-  
“ onem discedere nollent, extremo  
“ supplicio eas afficere licitè posset.

“ 12 Nec propterea tales Prædi-  
“ catores, qui ob eiusmodi inordina-  
“ tam Evangelij prædicationem pœ-  
“ na mortis mulctarentur, essent a  
Christianis

“Christianis Martyres iudicādi, quo-  
“niam Princeps infidelis solum tene-  
“retur, tales Prædicatores tolerare,  
“quos ipse rationibus *verè* probabi-  
“libus persuasus iudicaret, non fore  
“statui suo politico inimicos, aut sibi  
“in licita temporalium administrati-  
“one *verè* aduersarios. Neque enim  
“quælibet Euangelij prædicatio lici-  
“ta est, sed ea solum, quæ ex nulla  
“praua circumstantia redditur vi-  
“tiosa.

“12 Immo posset Princeps ille  
“infidelis cogere Summum Pontifi-  
“cem intra limites potestatis politi-  
“cæ, ne tales prædicatores in suum  
“Regnum mittat, quos Princeps  
“matura, ac probabili habita delibe-  
“ratione existimaret, fore Statui suo  
“politico turbulentos, & seditiones  
“in Republica excitaturos. Cum  
“enim *talium* Prædicatorum missio  
“sit Reipublicæ politicæ, eiusque  
“Principi iniuriosa, potest Princeps  
“ille Summum Pontificem admo-  
“nere, vt *tales* Prædicatores *inmul-*  
“tuosos è Regno suo euocet, & ne  
“vlteriùs mittat eos, quos Princeps

“ *rationabiliter* iudicat, Reipublicæ  
 “ suæ quietem alijs machinationibus  
 “ illi citis, quàm ex *pura* prædicati-  
 “ one Evangelica perturbaturos.  
 “ Et si Pontifex debite admonitus, a  
 “ *talibus seditiosis* Prædicatoribus  
 “ mittendis non desistit, potest  
 “ Princeps vim vi repellere, & iniuri-  
 “ am sibi illatam armis propulsare,  
 “ cum quilibet ex lege naturæ ius ha-  
 “ beat ad se a quibuscunque etiam  
 “ Summi Pontificis iniustis aggressi-  
 “ onibus cum inculpæ & tutelæ mo-  
 “ deramine defendendum.

13 Ecce, *Beatissime Pater*, assertio  
 illa, in quam *Doctores* iste adeo debac-  
 chatus est, a me, iisdem planè verbis,  
 nihil prorsus addito, aut subtracto,  
 fideliter expressa. Quam quidem as-  
 sertionem, quando primùm mea *A-*  
*pologia* in lucem prodijt, quidam  
 noster conterraneus *Parisis* tunc a-  
 gens, quibusdam Scholæ Parisiensis  
 Doctoribus examinandâ proposuit;  
 expectans (nam in eum finem eorum  
 placitum exposcebat) eam aliqua sal-  
 tem censura, quæ non leui ignomi-  
 niæ mihi esset, ab iisdem Doctoribus  
 notandam

notandam fore. Sed postquam illi singula mea verba diligentius expendissent, tale illi responsum, tametsi aliud expectanti, reddiderunt, *Illud a me verè quidem, sed audacter dictum esse.* Scio equidem veritatem nonnunquam odium, sicut etiam obsequium, ut in proverbio est, amicos parere: Sed quòd veritas condemnet Christum, Apostolos, cæterosque pios Martyres; & iustificet Caipham, Neronem, Domitianum, Diocletianum, & similes pestes Ecclesiam persequentes, hoc sanè in Christiani hominis cogitationem venire nequaquam potest.

14 Sed quid in hac assertionem involui possit; quod huic *Doctori* adeo displiceat, & Catholicæ fidei principiis adeo repugnans sit, sicut ille vociferatur, magis particulatim inquiramus.

Et *primò*, an forsan Catholicæ fidei principiis repugnans est asserere, quòd Prædicatores Evangelij pacem publicam iniquè perturbare; seditiones, ac tumultus in Republica concitare, cum capitalibus Regni, eiusque

eiusque Principis hostibus Regis, Regnique interitū molientibus conspirare, atque in hunc finem sub prætextu Euangelij prædicandi conuentus agere, & subditorum animos, aut prece, aut pretio a debita suo Principi fidelitate abducere, atque ad proditiones in eius personam, ac coronam moliendas incitare, quin etiam si eiusmodi conspirationes deficiant, ipsum Principem palam, aut per insidias, gladio, aut veneno, sicut in duobus ultimis Franciæ Monarchis non ita pridem contigit, interimere ipsi possint?

15 Et cum hoc nemo, nisi planè desipiat, affirmare possit; An forsan *secundo* Catholicæ fidei principijs repugnans est asserere, quod Prædicatores Euangelij, si ab Ecclesiasticis sanctionibus, & Principum priuilegijs abstrahamus, tam quoad personas, quàm quoad bona potestati Principum Secularium subiecti sint, & ob læsam Maiestatem, & perduellionis crimen, ab iisdem pœnis temporalibus castigari licite queant?

16 Et cum hoc affirmare, atq; ita concordem



concordem Theologorum sententiam ( qui disertè pronunciant, *Ecclesiasticos, tam quoad personas, quàm quoad bona iure tantùm humano, ac Principum privilegijs, & non diuino a potestate, ac tribunalibus Secularium Magistratum exemptos esse* ) vt hæreticam, aut temerariam condemnare ingens temeritas esset, vt suprà indicauimus; An forsantertio Catholicæ fidei principijs repugnans est asserere, quòd Princeps infidelis ab iniurijs quorumcunque etiam Clericorum non solum per modum defensionis, sed etiam *auðtoritative*, vt loquitur *Victoria*, se defendere, et Prædicatores Euangelij, qui manifestas seditiones, ac tumultus alijs vijs, quàm explicita Euangelij prædicatione excitant, atque Principis, ac Reipublicæ ruinam *reuera* moliuntur, quantumvis ipsi prædicationem Euangelij prætendant, è Regno suo excludere, ipsosq; pœnis temporalibus, si discedere nolint, coercere licitè possit?

17. Et cum hoc nemo vir doctus affirmare possit, & contrarium ex ipsis Ecclesiasticæ, & politicæ potestatis

statis naturis, atque ex expressa, *Ioannis Parisiensis*, & *Francisci Victorie* doctrina superius manifestè euicerim, An forsàn *quartò*, aut Catholicæ fidei principijs, aut rectæ rationi, & prudentiæ morali repugnans est alserere, quòd, vt Princeps infidelis contra Prædicatorum iniurias, ac cruentas eorum in vitam eius, ac Statum machinationes se defendat, suæque, ac Reipublicæ suæ, iuxta prudentiæ, ac rectæ rationis normâ, securitati consulat, non oporteat, vt argumenta omnino clara, manifesta, & planè cõvincentia, quæq; rem perspicuè demonstrant, habeat, sed satis sit, quòd argumenta habeat *verè* rationabilia, & rationes *verè* probabiles, quæq; propterea rectæ rationi consentaneæ sunt, & viro cuiusq; prudenti, quamcunq; religionem profiteatur, prout recta ratio, & vera prudentia dicat, persuadere valent, tales Prædicatores, quantumcunque puram Euangelij prædicationem præ se ferant, Principis ramen internecionem, atq; Reipublicæ interitum *re* quidem *vera* machinari?

18 Et cum hoc nemo vir doctus, aut prudens cum aliqua probabilitatis specie affirmare possit, An forsan *quinto* Catholicæ fidei principijs repugnans est asserere, quod recta ratio, veraque prudentia Christianæ Religioni contraria non sit, aut quod nemo rationibus *verè* probabilibus, & argumentis *verè* rationalibus duci possit ad credendum, Religionem Christianam non veram, sed falsam Religionem esse, aut puram, ac licitâ Euangelij prædicationē Statui politico iniuriam inferre, aut debitam in Republica temporali pacem perturbare posse.

19. Et cum hoc affirmare impium sit, cum apud omnes Catholicos satis constet, Religionem Christianam, fidemque Catholicam non contra, sed supra naturam, non contra, sed supra rationem naturalem esse, neque *puram* Euangelij prædicationem, & cum debitis circumstantijs factam Statui politico *verè* iniuriosam esse: An *denique* Catholicæ fidei principijs repugnans est asserere, quod Prædicatores, Euangelij, qui pro crimini-  
bus

bus spiritualibus, quatenus temporalia sunt, & pacem publicam iniuriose perturbant, veluti qui contra iustas Regni leges nocturnis temporibus, atque armata manu, nulla necessitate cogente, Euangelium prædicarent, aut Sacram Eucharistiam veneno delibutam Principi exhiberent, non quia Euangelij prædicatio, aut Sacramenti administratio præcisè sumpta, sed quia iniusta, quia illicita, qua pacem publicam iniuriose perturbat, aut Principi summam per iniuriam necem affert, morte afficerentur, neque Martyres sint, neque tales à Catholicis censeri debeant?

20. Atqui hoc à nullo Catholico absque ingenti impietate, atque immani sacrilegio affirmari potest, cum nemo, nisi pro causa iusta mortem sustineat, Christi Martyr censeri debeat. Causa enim, non supplicium, aut persona Martyrem facit. Et propterea causa, ob quam quis morte afficitur, ad hoc ut Martyr dici, aut non dici debeat, potissimum attendenda est. Aliud enim est pro iustitia, aut innocentia, & aliud iniuste, aut innocentem

innocenter mori, cum possit quis de furro, homicidio, perduellione iniuste accusari, atque etiam per falsa, aut insufficientia testimonia de eisdem criminibus in foro externo conuinci, & morte etiam mulctari, qui tamen si innocentissime re quidem vera condemnatus sit, non tamen idcirco Martyr, nisi pro iustitia, aut veritate defendenda passus fuerit, existimari debet.

21. Atque hæc sunt, *Beatissime Pater*, præcipua omnia, quæ ex illa mea assertione, in quam *Doctor* iste ita calumniose inuehitur, quantumcunque quis in minutissimas quasque partes eam distribuere voluerit, extrahi rectè possint.

Iudicet iam *Sanctitas vestra*, an hæc mea assertio ita generatim tradita, neque à me ad casum aliquem particularem applicata, iustificet omnes persecutores, & condemnet omnes Martyres, iustificet Caipham, & condemnet Christum, iustificet Neronem, Domitianos, Diocletianos, similesque pestes Ecclesiam persequentes, & condemnet Apostolos, ceterosque  
pios

pios Martyres parientes, vti *Doctor* iste calumniatur; vel potius vtrum *Doctor* iste, insignis calumniator habendus non sit, quique eo quòd & vestra *Sanctitate*, & mea innocentia, totoque mundo, tam manifestam, tamque horrendam calumniâ mihi, meæque doctrinæ, quæ sanè verissima est, in re tam graui, scriptisque tam publicis imponens, adeo inuercundè abuti ausus fuerit, pœnis meritiſſimis castigari non mereatur.

22. Nemo enim vnquam fuit persequutorum, qui vlla ratione *verè* probabili, vilo argumento *verè* rationabili, atque rectæ rationi *verè* consentaneo ductus existimare potuerit, Christianam Religionem, aut puram Euangelij prædicationem Statui suo temporali, aut licitæ temporalium administrationi aduersantem esse. Sed *Doctor* iste illud [ *verè* ] dolo malo de industria prætermisit ne Lector eruditus, cui lectio libri mei, eo potissimum procurante, prohibita est, illius fraudem statim animaduertet.

23. Veruntamen causam illam,  
ob

ob quam *Doctor* iste prædictæ meæ assertioni adeo obstrepat, tantosque in eam excitet clamores, non admodum difficile est coniectare: Quia nimirum illa mea assertio, tametsi verbis tantum generalibus à metradita sit, viam tamen aperit, lucemque non modicam tribuit, qua *Sanctitas vestra*, aut quicumque etiam alius æquus rerum æstimator eam ad casus particulares applicare possit, & clarissimè dijudicare queat, an *P. Henricus Garnettus* Iesuita, qui non ita pridem in Anglicano Martyrologio à quodam Iesuita *Wilsono* nuncupato, & quondam in Collegio Anglorum Romæ *P. Parsonij* Scriba, confecto, in Sanctorum Martyrum Catalogo conscriptus est, verus Christi Martyr, an verus Patriæ, & Principis sui proditor, an neque Martyr, neque Proditor, sed iniuste tantum condemnatus sit, & haberi debeat.

24. Et quantumvis hanc meam assertionem, quam *Doctor* iste adeo insectatur, istius *P. Garnetti* exemplo illustrare, me, tum *Doctoris* istius, tum cæterorum etiam Iesuitarum invidia



in me concitaturum optimè sciam;  
 Quia tamen & *vestra Sanctitatis*, &  
 Ecclesiæ etiam Catholicæ, *que co-*  
*lumna, & firmamentum est veritatis*,  
 plurimum interesse mihi certò per-  
 suadeo, vt ita veritas in re tam gra-  
 uissima omnibus innotescat, neque  
 falsa pro veris, aut Proditores pro  
 Martyribus in magnum fidei Catho-  
 licæ scandalum Christiano populo à  
 quibusdam priuatis hominibus, pro  
 priuato suo interesse, & non pro  
 communi Christianæ Reipublicæ  
 comodo obtrudantur ( vt intole-  
 randas huius *Dòctoris* & mentem, &  
 verba mea turpiter deprauantis ca-  
 lumnias taceam, quæ me volentem  
 nolentem meæ innocentia tuendæ  
 gratiâ ad illud compulerunt ) rem  
 totam verè, sincerè, & quanta possum  
 cum breuitate ante oculos *vestre San-*  
*ctitatis* proponere planè necessarium  
 esse duxi.

*Ita ergo res se habet.*

25. P. *Henricus Garnettus* Iesuita-  
 rum tunc in Anglia Superior Pro-  
 uincialis in publico multorum Regni  
 Procerum, & qui etiam *Regi nostro*  
*Serenis-*



*Serenissimo* à Consilijis secretis erant, ( multis millibus hominum, inter quos quamplurimi etiam Catholici aderant, tunc adstantibus ) confessu, accusatus, condemnatus, & postea extremo supplicio affectus est, quòd horrendissimæ illius conspirationis puluerariæ consultor, consentiens, aut saltem conscius esset. Multa argumenta duodecim viris *Inratis* ( qui more Anglicano suffragia sua, an qui pro tribunali sistitur, illius criminis de quo accusatur, reus sit necne, ferre debent, priusquam Iudici sententiam proferre licitum sit ) ab Aduocato Regio, alijsque illustrissimis Dominis à Regio Maiestate deputatis, qui pro tribunali sedebant, proponebantur, quæ dictum *P. Garnettum* illius prodicionis consultorē, complicem, aut saltem conscium fuisse arguebant.

26. Et quoniam nimis longum esset, ea omnia argumenta particulatim recensere, quæ tum ex literis eius manu propria scriptis, quæ in manus Regij Consilij peruenerant, tum ex libera eius confessione coram *Domi-*

*nis delegatis* ante iudicium facta, & propria etiam manu consignata (nullo enim tormenti genere, quod valde obseruandum est, ad veritatem dicendam sicut apud omnes nationes in usu est, adigebatur, sed ea tantum, quæ ipse sua sponte confiteri vellet, ab eo excipiebant) tum ex ipsorum coniuratorum, & ex D. *Anne Vaux* nobilis fœmina, quæ illi valdè intima, ac familiaris erat, testimonijs petita aduersus eum obiecta erant, quæque partim in publicis in eum Actis typo mandatis, partim in *Responsione* ad M. *Tortum* ab *Episcopo* tunc *Cicestriensi*, nunc autem *Eliensi*, qui rem totam accuratius examinat, facta fuisse habentur, <sup>b</sup> ego pauca tantum quædam ex plurimis referam quæque à viris Catholicis, qui P. *Garnetti* iudicio præsentés aderant confirmata audiui, de quibus ipse vel palam conuictus, vel in publico iudicio confessus est, quæque abundè sufficient, ut *Sanctitas vestra* clarè dijudicare possit, an P. *Garnettus* verè Christi Martyr & pro iustitia, an verè proditor, & pro sua iniquitate, an neque Mar-

b Pag. 270.  
& seq.

tyr,

tyr, neque proditor, sed iniuste tantum, & absque sufficiente probatione de Conspiratione illa pulveraria condemnatus sit, & haberi debeat.

27. Inprimis igitur, plurima argumenta duodecim viris *Iuratis* proponebantur, quæ P. Garnettum illius conspirationis conscium fuisse euidenter conuincere videbantur; Et propterea ipse in publico iudicio coram omnibus adstantibus primò confessus est, se illius coniurationis notitiam generatim quidem extra confessionem habuisse à Catesbeio, qui ex coniuratis primus, ac præcipuus erat, quando Catesbeius P. Garnettum consulendi gratia adiit, eum interrogans, an fas esset in aliquo casu innoxios simul cum noxijs internecioni dare? Quam quidem quæstionem, ait P. Garnettus, primò putari otiosam quanquam postea ipsum aliquod monstri alere reuera suspicarer. Cui tamen quæstioni P. Garnettus respondit, posse absque dubio, & licere, cum noxijs innoxios deleri, si tantum ex ea re boni prementurum esset, quantum aliquot innocentium necem

*compensare posset.*

28. *Secundo* confessus est P. Garnettus, se totā coniurationem speciatim à Catesbeio intelligere potuisse, qui particularem suae machinationis narrationem illi facere voluit, quam tamen P. Garnettus auscultare noluit: sed se à Catesbeio semel atque iterum petijisse, ut de incepto suo Papam certiores faceret, P. Garnettus affirmavit. Cui tamen Catesbeius respondit, se Papae voluntatem ab ipso audire nolle, cum de illius animo nequaquam dubitaret.

29. *Tertio*, confessus est, se totam coniurationem speciatim à P. Oswaldo Tesmondo Iesuita, alias Greenwelloin confessione accepisse, cui tamen strictè iniunxit, ait P. Garnettus, ut & ipse ab incepto desisteret, & ne ceteri coniurati ulterius progredirentur, omnem operam daret.

30. Sed huic eius Responsioni occurrit primò Regius Advocatus, hanc confessionem, non fuisse veram, sed fictam, & deambulatoriam, atq; sub fuco confessionis palliatam. ( Nam circa hanc confessionem P. Garnettus coram Dominis Delegatis mirum in modum

modum vacillauit. Nam iussus seriò respondere, an reuera in confessione rem totam speciatim accepisset ; *Respondeo*, inquit P. Garnettus, *deambulasse nos, & Tesmondum*, seu Greenwellum enunciasse mihi rem totam sub Sigillo maximo, quod ego de Sigillo confessionis accepi, quanquam ille fortasse de minore aliquo intellexit, neque possum pro certo affirmare illi animum fuisse eam, narranditamquam sub Confessione.]

31. Deinde occurrit Comes Salisburienfis, nullam fidem simplici eius affirmationi aut negationi adhibendam esse : Cum antea P. Garnettus coram Dominis Delegatis de manifesto periurio cum maximo eius rubore conuictus esset. Nam cum post secretum ipsius cum P. Oldcorno Iesuita, alias Hallo, in carcere colloquium (ab alijs tamen subauditum) à Dominis Delegatis interrogatus, & absque æquiuatione respondere rogatus esset, an aliquod cum P. Oldcorno colloquiū in carcere habuisset, P. Garnettus anime sue salutē testatus illud pertinaciter negauit, idq. tantis, & tā horrendis execrationibus repetijt, ait Comes, Vt

*audientium animus gravissimū inflixisse vulnus videretur. Et tamen quamprimum P. Oldcornus fallus est, se cum eo colloquium habuisse, erubuit P. Garnettus, misericordiam à Dominis Delegatis postulavit, & se deliquisse agnovit, nisi ipsum Equivocatio tueretur.*

Et postea P. Garnettum idem Comes rogavit, ut vel unicum præter simplicem eius negationem argumentum produceret, quod viro alicui prudenti persuadere poterit, se coniurationi illi assensum suum nequaquam præbuisse. Cui P. Garnettus ne verbum quidem respondit.

32. *Secundo, quòd P. Garnettus illius conspirationis non solū conscius, sed etiā consentiens esset, hac inter cetera argumenta erant. Primū, taciturnitas eius, ac reticentia, qui illam in genere à Catesbeio intellexit, & speciatim etiam intelligere potuit, & noluit, nec tamen revelavit. Qui enim tacet, quod reticere non debet, in illud consentire dicitur, & qui non impedit quod revelando impedire potest, ac tenetur, cū in illud consentire notū est*

33. *Secundum, persistentia P. Testi-  
mondi,*

mondi, *P. Ioannis Gerardi Iesuitarum*, nec non cæterorum coniuratorum in incæpto, qui ex istorû Patrû, maxime *P. Garnetti* auctoritate omnino dependebant, in scelere incæpto: sicut & verba *P. Oldcorni Iesuitæ*, ad *Humfredum Littletonum*, post delectam coniurationem habita quando ei renunciauit, *Catesbeium*, & alios pulvere tormentario ex improviso accenso, fuisse miserè fauciatos, seque grauitè, & acerbè ferre, insumptam tot dierum operam iam in fumos euauisse, & ad exitum adeo deplorandum abiisse. Quem *P. Holdcornius* a-  
alacriori animo esse iussit, neque causa equitatem ex euentu indicare. Et senim undecim tribus Israeliticæ, peculiari etiã Dei præcipientis voce concitata, semel atque iterum cum fratribus è tribu Benjamin manus conseruerint, utroque tamen commisso prælio redierant. Sic *S. Ludovicus Rex Gallorum* immerosum conflauit exercitum, & in bellum Sacrum potèrè profectus contra Saracenos, licèt causa fretus optima, profligato tamen exercitu denictus erat. Christiani itidem Rhodum, contra Turcarum insultus vi-  
riliter,



*riliter, & animosè propugnantes, nihilominus urbem hostibus expugnatam reliquere.*

34. Hæc enim omnia fati commonstrare videntur, P. Garnettum, nequaquam verè, & ex animo coniurationem illam detestatū fuisse, neque P. Tesmondo, & P. Gerardo, ut ab ea desisterent ex corde præcepisse, cum verisimilè non sit, eos, nisi P. Garnettum illi coniurationi consensisse optimè cognouissent, in tam horrendo scelere, quod semel detectum toti ipsorum Societati hîc in Anglia exitio foret, contra Superioris sui imperium persistere, neque P. Oldcornum illam etiam detectam tanquam bonum factum laudare, ausos fuisse.

35. Tertiò denique, quòd P. Garnettus illius prodicionis non tantum conscius, & consentiens, sed consultor etiam esset, hæc inter cætera argumenta erant.

*Primum*, ostensio duarum literarum Apostolicarum, seu Breuium Papæ Clementis octavi (quæ P. Garnetto missæ erant) *Catesbeio*, quarum una, *Dilectis filiis, Principibus, & Nobilibus*



*bilibus Catholicis, altera Dilecto filio Archipresbytero, & reliquo Clero Anglicano inscripta erat, in quibus literis Papa Anglos Catholicos hortatur, ne post obitum Reginae Elizabethæ ad Angliæ sceptrum tenendum susciperent, nisi eum, quantumcunque propinquitate sanguinis niteretur, qui fidem Catholicam non modò toleraret, sed omni ope, & studio promoveret, & more maiorum iureiurando se id præstiturum susciperet. His enim literis Catesbeius in scelere obfirmatus erat, & ex ijs tale argumentum concinnabat: Quos eicere tunc licuit, eicere iam licet: Aque licuit curare iam ne pergat potiri, atq; tum ne potiretur Rex, Curare nos Catholicos hoc voluit Clemens, igitur ea res cura iam mihi erit.*

36. *Secundum*, Responsio P. Garnetti ad quæstionem Catesbey de innoxijs simul cum noxijs interimendis. In his enim duobus fundavit se Catesbeius, atque super illis omnes intentiones suas exadificavit.

37. *Tertium*, persistencia P. Testi, & P. Gerardi in scelere suscepto, &

& laudatio P. *Oldcorni* illius, tanquam boni facti, etiam iam detecti, tametsi successum non habuerit. Neque enim credibile est, illos hæc facere aulos fuisse, nisi sui Superioris, P. nempe *Garnetti*, consilium, in re præsertim tam graui, & Societati suæ tam periculosa & expetiuiissent, & mentem etiam cognouiissent.

38. Et tandem P. *Garnettus* oratione *Comitis Northamptonia*, & *Salisburyensis* plurimum commotus, in hæc verba prorupit, *se plura cōmisisse, quàm quibus diluendis, iustam aliquam excusationem posset effingere: Et utinam coniurationis illius fulminalis negotium mihi nunquam innotuisset: Et demum, Deū & Regem supplex orauit, ne cum Catholicorum reliquis suam ob causam asperius ageretur.*

38. Atque ex his alijsque plurimis argumentis, quæ breuitatis causa nunc taceo, perspicuum esse videtur, Duodecimi viros *Iuratos*, & Primarium Angliæ in criminalibus Iudicem, seu Iusticiarium, ad quem vltimam vitæ, aut mortis sententiam proferre spectat, meritò existimare potuisse, P. *Garnettum*,

*Garnettum*, quòd prodicionem illam in genere extra confessionem intellexerit, nec reuelauit, & per eum etiam steterit, quo minus speciatim à *Catesbeio* non acceperit, vt ita reuelare potuisset, & quòd in confessione tantum eam speciatim cognouerit, simplex tantum eius assertio, cui in hac re fides adhibenda non est, cum præsertim de periurio antea conuictus esset, illius prodicionis non reuelatæ, si non consultor, & consentiens, saltem conscius, ac proinde iuxta antiquas Regni istius leges læsæ Maiestatis reum fuisse.

39. Igitur omnibus argumentis, & dictorum, factorumque probationibus, ac P. *Garnetti* responsionibus auditis, atq; delatis duodecim Iuratorum suffragijs, qui P. *Garnettum* huius cōspirationis puluerariæ, de qua accusatus erat, reum esse, Primarius Angliæ Iusticiarius hanc sententiam pronunciauit, vt traheretur, suspenderetur, & in partes dissecaretur.

Tunc Comes Salisburienfis P. *Garnettum* interrogauit, si quid amplius dicturus erat. Cui ille respondit.

dit. *Nequaquam mi Domine. Vestras autem Dominationes quàm possum demissimè rogo. ut vitam meam Regiæ Maiestati commendatam habeatis, pro cuius arbitrio aut mori, aut vivere, ipsique inferuire sum paratissimus.*

40 Atque hæc in publico P. Garnetti pro tribunali stantis iudicio acta sunt, quæque ego fideliter, tametsi non omnia eodem forsitan ordine quod dicta sunt, recensui; Quæ autem in supplicio eius acta sunt, hæc præcipua erant.

Cum ad locum supplicij ductus esset, atque in pegma in hunc finem fabricatum ascendisset, D. *Henricus Montague* Ciuitati Londini a *Memo-ria*, siue *Recordator*, qui a *Rege* iussus ibi adesse, P. *Garnettum* interrogauit, si quid haberet, quod populo circumstanti communicaret, nullam iam tempus simulandi monuit, cum eius crimina omnibus manifesta essent, itaque si modo vellet, vniuersis testaretur, quæ sui ipsius esset de seipso, & criminibus illis sententia, integrum enim esset sibi quæ haberet, loqui. P. *Garnettus* respondit, *vocem eius adeo esse*

esse submissam, viresque extenuatas, ut si populum alloqueretur, exaudiri non posset. Adstantibus autem in pegmate dixit, consilium fuisse sceleratum, & susceptum scelus fuisse immane, & eiusmodi, ut si peractum fuisset, non potuisse se non ex animo auersari. Addidit, se tantum a Catesbeio in genere intellexisse, & in hoc tamen peccasse quod cœlaverit, & prauertere neglexerit. Quæ autem in particulari nouit, dixit, se tantum sub sigillo Confessionis accepisse.

41 Recordator vero eum monuit, ut in memoriam reuocaret hæc quatuor, quæ inter alia Rex propria ipsius Garnetti manu consignata habuit.

- 1 Greenwellum seu Tesmondum illi rem significasse non ut peccatum, sed quam ipse prius intellexerat, idque consultandi gratia.
- 2 Catesbeium, & Tesmondum, ipsum accessisse, ut in scelere suscepto confirmarentur.
- 3 Tesmondum, & ipsum de particularibus in proditiōe illa per puluerem fulminalem colloquium satis longo

longo post tempore in Essexia habuisse.

- 4 Tesmondum interrogasse Garnettum, quis Regni Protector futurus erat? Garnettumque respondisse, id differendum esse, donec res esset acta, & transacta.

Hac evincunt scelera illa, aliunde quam ex Confessione tibi comperta fuisse, & hac tui ipsius manu consignata habentur. P. Garnettus respondit, quicquid sub manu sua consignatum fuerat, verum esse, quòdque sua sibi comperta Regia Maiestati non aperuisset, mortis sententiam iustissimè in eum fuisse pronunciatam, veniamque a Regia Maiestate precatus est. Hinc Recordator duxit eum ad pegmatis marginem, ut eius confessio a populo audiretur.

42 Tunc P. Garnettus inquit; Huc accessi hoc festo die Inventionis Sanctæ Crucis, ut finis imponatur omnibus crucibus, quas in hac vita pertuli. Supplicij mei causa vos minimè latet: me in Regem peccasse confiteor, quod mihi est dolori, quoad mali conscius fui, scilicet in reticendo; & hoc nomine veniam à Regia Maiestate supplex peto. *Machinatio*  
contra

contra Regem, & Regnum sanguinolenta erat, quamque si peracta fuisset, ego ipse intimis sensibus, & toto animo de testaturus eram. Doleo sanè maximè, & peracerbè fero, Catholicos tam atrox, & immane facinus suscepisse. Tunc a populo conuersus ad circumstantes Apologiam pro D. Anna Vauz instituit. De Breuibz illis Papalibus, Edmundi Baynham in exteras regiones profecti-  
one, & de machinatione illa cum pul-  
uere fulminali se ad actionem in ip-  
sum habitam, & suas ipsius Confessi-  
ones retulit, quia quicquid sub manu  
ipsius in Confessionibus, extat verū  
esse agnouit.

43 Ad mortem iam se accingens  
ad scalam, qua in patibulum ascen-  
dendum erat, in genua procubuit, &  
pecunctatus est, *an sibi liceret orare, &  
quamdiu.* Responsum erat, *sibi tempus  
ipse præscriberet, & quod nemo intertur-  
baret.* Cum iam surrexisset. Recordator  
ex gestu obseruans illum veniæ ex-  
pectatione quasi torqueri, monuit, ne  
ipse sibi, & animæ suæ fraudem face-  
ret, cum iam ad mortem adductus  
esset, & ipsi moriendum: simulque  
K postulauit,



postulauit, ne supremum iam spiritum æditurus æquiuocaret; sin aliquid, quod Regi, aut Regno fraudi esset nouerit, enunciaret. P. Garnettus respondit: *Non hoc tempus est æquiucandi, quousque æquivocare licitum, & quando, iam alibi sententiam explicauim meam, nunc autem minimè æquivoco, & plura quàm confessus sum, haudquaquam noui.*

44 Iam ad patibulum huiusmodi verbis vsus est. *Omnibus bonis Catholicis me commendatum habeo, Deum comprecor, ut Regiam Maiestatem, Regiam, Regiam sobolem; & Dominos a Sanctiori Consilio tueatur, quos quam officiossime saluto, & quibuscum simulate me egisse malè me habet. Verùm non putaram illos ea contra me indicia, & argumenta habuisse, donec coram produxissent. Tunc enim maiori honori mihi duxi confiteri, quàm antea meipsum subaccusasse. Quod ad fratrem meum Tesmondum, in votis habeo, ut veritas elucescat, falsi enim rumores illi maiora, quàm admisit crimina affingunt. Ego illum neutiquam accusaueram, nisi illum iam extra periculum esse existimasset.*

*Faxit*



*Faxit Deus, ne grauius cum Catholicis meo nomine agatur, eosque adhortor, ne eiusmodi prodicionibus, & rebellionibus contra Regem se immisceant: Tunc signans se signo crucis, & Sanctissimæ Trinitati, ac B. Virgini se commendans, scala submota suspendio vitam finiuit.*

45 *Atque hæc omnia, B<sup>me</sup> Pater, non clam, & in latebris gesta sunt, sed palam, & in propatulo, partim in publico eius Iudicio in Camera Londinensi, coram quinque Illustrissimis Comitibus, qui Actioni præfuerunt, quique Assessores habebant præter Prætorcm Londinensem, tres Primarios Regni Iudices, atque infinitam ferme hominum, inter quos quamplurimi etiam Catholici erant, multitudinem adstantem; partim in Supplicio, in media ciuitate, ante portam D. Pauli, quò etiam copiosa hominum turba confluebat, ita vt Sanctitas vestra, si forsan de aliquo istorum, quæ commemorata sunt, dubitet, neque tantæ Protestantium multitudini, (quos falsum dicere in re tam publica, de qua a tot Catholicis qui & Iudicio, & Supplicio*

P. *Garnetti* præsentes aderant, falsitatis, si qua esset, facile redargui possent, nequaquam credibile est) fidem adhibere nolit, ab ipsismet Catholicis, qui partes non sunt, sed quòd *Patres* illi tam horrendo sceleri se vlllo modo immiscuerint, ob maxima detrimenta, & scandala, quæ Religio Catholica inde passa est, summo dolore afficiuntur, ipsam rei veritatem, iam cum in viuis sint, in singulis quæ relata sunt, quæque ego ab ipsis etiam Catholicis, qui præsentes aderant, accepi, facillimè addiscere queat.

46 Duo tamen potissima argumenta sunt, quæ ad innocentiam P. *Garnetti* confirmandam a quibusdam adduci solent.

*Primum*, quòd ipse palam protestatus sit, se conspiracyem illam speciatim non nisi in confessione a P. *Tesmondo* accepisse.

Sed ad hoc alij respondent *primo*, P. *Garnettum*, in hac sua Responsione mirum in modum vacillasse, sibi que quodammodo cōtradixisse, cum tametsi se eam in confessione accepisse dicat, non tamen P. *Tesmondum*  
cam

eam tanquam sub Confessione narrasse affirmare ausus fuerit. *Secundò*, P. *Garnettum*, antea de periurio palam conuictum fuisse : & propterea nullam fidem eius protestationi iam adhibendam esse , nam semel malus semper præsumitur malus in eodem genere mali, nisi contrarium euidenter appareat ; sed præsumendum esse, eum ad se, & Societatem suam a tam graui infamia, quantum in se esset, excusandum æquiuatione usum esse, sicut ad prædictum periurium excusandum se æquivocasse affirmare non dubitauit. *Tertio*, tametsi prodictionis illius particularia in confessione accepisset, ipsam tamen prodictionem generatim extra confessionem satis intellexisse, atque per eum etiam scitasse, quo minus illam etiam speciatim a *Catesbeio*, extra confessionem non audiuerit, atque ita non præuerterit ; cum *Catesbeius*, ipsomet P. *Garnetto* attestante, rem totam illi pandere paratus fuerit, quam tamen ille ut audiret, atque ita reuelaret, adduci nullo modo potuit.

47 *Secundum* argumentum ex *stramine*,

*mine* quodam, ut aiunt, miraculoso, sanguine P. Garnetti consperso, in quo quardam humanæ faciei effigies apparet, desumunt, quod sanè miraculum P. Garnetti innocentiam plurimum confirmare illi arbitrantur.

Sed ad hoc Respondent alij *primò*, *stramen* hoc qualecunque miraculosum ex fide unius fœminæ, quæ Sartoris coniux est, & *Patribus Iesuitis* tunc plurimum deuota dependere; quæ ait, se *stramen* illud, libi a viro quodam cuius nomen ignoro, delatum, in arca sua per multum temporis reposuisse, in quo postea educto facies illa apparere visa est.

48 *Secundò*, *stramen* illud non esse miraculosum, cum vel arte, vel casu ex sanguinis aspersione, alijs naturalibus, contingere potuerit, sicut Pictor ille, qui spumam in ore equi efformare non poterat, tamen si in ea per multum temporis desudauerit, eam fortuito lapsu penicilli perfectissimè deijxit. Et plurimas alias effigies magis mirandas in radicibus herbarum, atque in lapidibus indies cerni posse.

49 Tertiò, effigiem illam esse valde imperfectam, neque ab aliquo vix cerni posse, neque rotundam P. Garnetti faciem referre : at opera Dei miraculosa perfecta sunt, & facies hominum diuino penicillo miraculose efformatae, non ita obscurae, imperfectae, & prototypis absimiles esse solent.

Quartò, in *stramine* illo non vnam tantum, sed duas facies, vnam subtus aliam, a diuersis visas esse, vt a viris fide dignis, qui *stramen* illud viderunt, & duas in eo facies obseruarunt, accepi.

50 Demum, quod caput est, dato, quòd miraculosa sit effigies, siue vna sit, siue plures, vnde constat, effigiem hanc ad innocentiam P. Garnetti, magis, quàm ad noxam eius demonstrandam a Deo efformatam esse? quando quidem facies illa in *stramine sanguinolento* appareat, vt forsitan ostenderet, P. Garnettum virum sanguinolentum fuisse, atque in tot innocentium hominum, qui simul cum cæteris sufflari debuissent, sanguinem innoxium saltem sua taciturnitate consensisse :

Vel si duæ erant facies; ut forsan indicarent, P. *Garnettum* duplicis faciei hominem fuisse, qui externa facie sinceritatem, veritatem, & sanctitatem præ se ferebat, cum tamen intus in corde contrarium latitaret, quandoquidem de manifesto periurio palam conuictus, & de conspiratione hac reticenda, ob quam se in *Regem* peccasse sæpius affirmavit, & pro qua veniam *Regia Maiestate* precatus est condemnatus, atque suspensus fuerit.

51 Atque hæc sunt, *B<sup>me</sup> Pater*, potissima omnia, quæ in P. *Garnetti* causa in vtramque partem adduci solent, a me fideliter enarrata. Quid autem de hac re tota meo iudicio sentiendum sit, ego inuidiæ declinandæ causa nihil in præsentem asseram, sed prædicta argumenta *Vestra Beatitudini*, cuius potissimum est, quinam sint veri, aut falsi Martyres, quæ vera, aut straminea miracula authenticè declarare, proponenda esse duxi, ut exijs *Sanctitas vestra* clarè perspicere queat, an P. *Garnettus* iuste, an iniuste, an pro iustitiâ passus fuerit, & an mea assertio, quæ verissima est, ipsum iustificet,

iustificet, vel condemnet. Constat enim meam assertionē ita vniuersim traditam, neque ad casum aliquem particularem applicatam, neminem iustificare, aut condemnare, tametsi ad verè dignoscendū quis iustificandus, aut condemnandus sit, qui mortem patitur, lucem non exiguam tribuere, eamq; *vestra Sanctitati* plura in *P. Garnetti* causa examinandi iustissimam occasionem ministrare, e- quidem inficiari non possum.

52. Et *primò*, an prædicta argumenta, & cætera quæ breuitatis causa omisi, sufficientia erant ad duodecim viris *Iuratis* iuxta prudentiæ regulas persuadendum, *P. Garnettum* proditi- onis puluerariæ consultorem, consen- tientem, aut saltem conscium fuisse.

*Secundo*, cum ex plurimis testimo- nijs, eiusque confessione satis constet, eum generalem illius proditi- onis extra confessionem habuisse, atque per seipsum etiam stetitisse, quòd eam etiam speciatim extra confесси- onem non audiuerit, an duodecim viri *Iurati* nudæ illius assertioni tametsi iuramento firmatæ, affirmantis se par-  
ticularia



ticularia omnia illius prodicionis in confessione tantum accepisse, in foro externo fidem adhibere tenebantur, cum præsertim in hac etiã eius assertionem plurimum vacillauerit, & de manifesto etiã periurio publicè corã ipsis conuictus fuerit, vel potius an ipse tenebatur duodecim *Iuratis* manifestum facere, se omnia particularia illius prodicionis non alia via, quàm in Sacramentali cõfessione rescuuisse.

53. *Tertiò*, dato non concessio, quod argumenta illa, atque testimonia non adeo sufficientia essent, an nihilominus P. *Garnettus* Martyr censendus sit, cum ipse neque de iustitia, neque de confessione non detegenda accusatus, aut condemnatus esset, sed solum quod illam conspirationem generatim extra confessionem cognouerit, atque etiam speciatim si voluisset, à *Catechesio* intelligere potuerit, neque reuelare voluerit; quod quidem ipse sponte agnouit, & se in hoc peccasse, & mortis sententiã in eum iustè pronunciatam esse, quod cælauerit, & præuenire neglexerit, palam confessus est, veniamque à  
Regia



Regia Maieſtate ſuppliciter petijt, quòd quæ ſibi comperta eſſent, *Regie Maieſtati* non aperuerit : Adeò vt plurimi apud nos Catholici inſignè iſtorum Patrum, alloqui ſanè prudentium, audaciam non parum admirarentur, quòd abſque villa probabilitatis ſpecie, in graue Religionis Catholicæ ſcandalum, & non leuem ſux Societatis ignominiam, *P. Garnettum*, tamerſi ſe peccaſſe affirmauerit, & mortis ſententiam in eum iuſtiſſimè pronunciatam eſſe, palam aſſerere non dubitauerit, Martyrem tamen eſſe prædicare non pertimeſcant.

54. *Quarto*, ſi caſus iſte *P. Garnetti* cum prædictis omnibus circumſtantijs, ac probationibus ad conſpirationè aliquam de *veſtra Sanctitate*, totoque *Cardinalium* Collegio pulvere ſulphureo exſufflandis applicaretur, an *Sanctitas veſtra* mortis ſententiam in eum iuſtè proferre poſſit, & utrùm ipſe propterea Martyr, an proditor, an ſolum iniuſtè condemnatus cenſendus eſſet.

55. *Quinto*, an expediens ſit, vel potius Catholicæ Religioni maximè ſcandalolum,

scandalosum, & ipsimet *P. Garnetto* valde iniuriosum, ut ipse à suæ *Societatis* hominibus Martyr esse palam prædicetur, in Catalogo Sanctorum Martyrum ab ipsis reponatur, eius ossa pro sacris reliquijs habeantur, & Imago ipsius in medallijs, in templis, super altare tanquam Sancti Martyris effigies collocetur, & ipse interim devotis fidelium suffragijs, quibus forsasse plurimum indiget, priuatur, priusquam *Sanctitas vestra* causam eius examinaverit, & utrùm verè Martyr, & pro iustitia, vel verè Proditor, & pro sua iniquitate, vel neque Martyr, neque Proditor, sed iniuste tantùm passus fuerit, sicut nonnullos pro latrocinijs, atque homicidijs iniuste per falsa, aut insufficientia testimonia condemnari sæpe contingit, quos tamen Martyres esse nemo affirmare audet, palam ac publice declarauerit.

56. *Sexto*, quid sentire possit *Rex* noster *Serenissimus*, totumque Angliæ Regnum, quòd *P. Tesmondus* Iesuita, quem præcipuum illius puluerariæ prodicionis Ducem, & Consultorem fuisset

fuisse pro certo habent, *Roma*, tametsi mutato nomine, & *vestra* *Beatitudine* fortassis nesciente, post fugam arrip- tam per multum temporis vixerit, at- que *vestra* *sanctitatis* in templo *S. Petri* publicus *pœnitentiarius* fuerit, & nunc etiam fortasse sit : (Sicut etiam & *P. Gerardum* circa idem fere tempus, in eodem *S. Petri* templo confessiones publicè accipientem quamplures vi- derunt ) Sed hoc ideo à *Patribus Ie- suitis* providè factum esse, non levis multorum, qui eos optimè norint, coniectura est, ut ipsi ad *P. Garnetti*, *Tesmondi*, & cæterorum innocentiam comprobendam aliquod argumen- tum, si cætera deficerent, ex *vestra* saltem auctoritate, postquam *Sancti- tas* *vestra* ex hac vita migrauerit, tra- here possint. Ita enim tunc temporis, quando à *vestra* *Sanctitate*, utpote de- functa redargui nequeunt, argumen- tari possunt ; *Vestram* *Sanctitatem*, nisi illorum *Patrum* innocentiam satis compertam, & exploratam habuisset, *P. Tesmondum*, qui præcipuus illius Conspirationis Consultor est habi- tus, *Roma* tamdiu vivere, atque pub-  
licum

licum in templo S. Petri vestra Sanctitatis Pœnitentiarium agere, permittere nullatenus voluisse, cum tamen Sanctitas vestra neque P. Tesmondum, neque P. Gerardum, aut vestrum Pœnitentiarium, aut etiam Romæ à tempore delicti sceleris vixisse fortassis cogitauerit.

57. Atque hæc sunt, B<sup>me</sup> Pater, quæ à vestra Sanctitate sedulo expendenda paulò sanè illubentius proposui, sed ignominiosæ istius Doctoris, quæ Patris Iesuitæ cum tantò applausu admirantur, contumeliæ, qui me, tanquam omnium mortalium nequissimum, nempe Persequutores omnes iustificantem, omnesque Christi Martyres condemnantem tam iniuste, inconsiderate, & per summam calumniam traducere non pertimescit, me volentem nolentem, tum meæ innocentia defendendæ, tum veritatis in re tam graui ab omnibus cognoscendæ, tum perniciosissimæ fallitatis detegendæ gratia, ad ea commemoranda, quæ sibi non placent, gratias sibi met referant, coegerunt. Iam reliquas eius calumnias prosequamur.

§. 13.

1. **D**Ecimò tertio, Doctor iste ait, *menum. 229. docere peccata,* quatenus perturbant pacem publicam, pertinere ad forum Principis Secularis : *Quatenus sunt offensa Dei, pertinere ad forum Principis spiritualis.*

Hac sententia, ait Doctor iste, pri-  
mum confundit fora. Nam facit omnia <sup>a Pag. 9.</sup> fere peccata graviora esse misti fori. Itaq;  
ex hac sententia sequitur, homicidia, &  
furta pertinere ad forum Ecclesiasticum,  
quia sunt offensa Dei. Heresi verò per-  
tinere ad forum Seculare, quia perturbat  
pacem publicam. Deinde pugnat hac sen-  
tentia cum praxi Ecclesia.

2. Veruntamen assertionem meam  
esse verissimam, & quod Doctor iste  
in contrarium obijcit, meram calum-  
niam esse nimis manifestum est. Ille  
etenim fora confundit, qui aut idem  
planè delictum ad vtrumque forum,  
Ecclesiasticum & Seculare, eodem  
planè respectu pertinere, aut eiusdem  
planè generis supplicio in vtroq; foro  
per

perfe mulctari posse affirmat. Neq;  
*Doct̃or* iste, vti opinor, existimat, ead-  
 em prorsus perduellionis, rapinæ,  
 homicidij &c. crimina, quæ ad Secu-  
 lare forum spectare omnes norunt,  
 pœnis etiam Ecclesiasticis, quatenus  
 notabile animarum saluti damnum  
 afferunt, ab animarum Pastore casti-  
 gari posse. Neque etiam audet ipse,  
 quicquid iam, vt notam aliquam mi-  
 hi inurat, præcipitanter dicat, inficia-  
 ri, quæcunque peccata in prædicto  
 sensu misti fori esse, seu, quod idem  
 est, eadem peccata, quæ ad forum  
 Seculare spectare noscuntur, pœnis  
 etiam spiritualibus, quatenus spiritu-  
 ali saluti nocent, a Pastore spirituali  
 coerceri posse; & peccata etiam spiri-  
 tualia, vt hæresis, Schisma &c. qua-  
 tenus pacem publicam inter Christia-  
 nos perturbant, à *Principe* temporali  
 pœnis temporalibus punienda esse.  
 Atque hoc ipsum praxis *Ecclesie*, &  
*Principum* Christianorum perspicue  
 confirmat.

3. Quis enim ignorat, Regicidia,  
 perduelliones, incendia, homicidia,  
 latrocinia, concubinarum, duella, ra-  
 pinas,

pinas, & eiusmodi crimina, ad Seculare forum pertinere, & pœnis temporalibus à Principe Seculari puni-  
enda esse? Atqui hæc etiam crimina  
pœnis spiritualibus à Pastoribus ani-  
marum castigari solere, nemo, qui  
Ius Canonicum vel oscitanter perle-  
gerit, ignorare potest.

4: In Concilio Toletano quarto <sup>b ex. b Can. 75. & in</sup>  
<sup>communicantur omnes ex Hispania popu-</sup> <sup>Toler. 6. can. 18</sup>  
lis, qui qualibet coniuratione, vel studio,  
sacramentum fidei suæ, quod pro patriæ,  
gentisq; Gothorum statû, vel conservatio-  
ne Regiæ salutis polliciti sunt, temerare,  
aut Regem necesse attrectare, aut potestate  
Regni exuere, aut Præsumptione Tyran-  
nica Regni fastigium usurpare præsu-  
munt.

5. In Constitutionibus Angliæ, <sup>c ex. c Lib. 5. de</sup>  
<sup>communicantur omnes illi, qui pacem,</sup> <sup>sent excom. cap.</sup>  
& tranquillitatem Domini Regis, & <sup>Cum malum,</sup>  
Regni iniuriosè perturbant, seu perturba-  
re præsumunt; & qui iura Domini Re-  
gis iniuste detinere contendunt. Item,  
latrones publici omnes, pariter ac prado-  
nes, ac quicunque Regni iustitiam temerè  
impugnantes. Item, qui falsum perhi-  
bent testimonium, vel perhiberi procu-  
rant



rant ad exheredationem alicuius hominis procurandam. Item, qui gratia lucri, odij, vel fauoris maliciosè alicui crimen imponunt, unde infamatus sit apud bonos, & granes, ut sic ei purgatio indicatur, vel alio modo grauetur.

6. *Incensarios*, & qui illis Consilium, aut auxilium scienter tribuunt, excómicandos esse statuit *Innocentius secundus* <sup>d</sup>, atque eos, qui de loco ad locum iter faciunt, & ibi rapinas, & depredationes peragunt, excommunicandos esse *Concilium Meldense* decernit. <sup>e</sup> *Homicidis* pœna Irregularitatis imponitur, <sup>f</sup> & non posse eos ad Sacros Ordines promoueri, *Concilium Tridentinum* decernit: & quod etiam excommunicari possint, nemo vir doctus inticiari potest. Item *Alexander tertius* in *Concilio Lateranensi* generali statuit, ne manifesti Vfurarij ad communionem Altaris admittantur: Et posse etiam fures, & qui res deperditas non reuelant, ab Episcopis excommunicari supponit *Concilium Tridentinum* <sup>i</sup>: Atque *Concubinarios* etiam ab Episcopis locorum Excommunicationis gladio feriendos esse  
idem

<sup>d</sup> *Can. pessimam. 23. q. vltima.*

<sup>e</sup> *Extra cap. I. de raptoribus.*  
<sup>f</sup> *In cap. I. de homicidio.*  
<sup>g</sup> *Sess. 14. c. 7.*

<sup>h</sup> *Can. quia in omnibus extra de Vfuris.*

<sup>i</sup> *Sess. 25. c. 3.*  
<sup>k</sup> *Sess. 24. c. 8.*



idem *Concilium* decernit. Denique  
 ut infinitas huiusmodi Excommuni-  
 cationes nunc taceam, in eodem *Con-*  
*cilio Tridentino* Raptores mulierum,  
 illisque consentientes, <sup>1</sup> & qui in du- <sup>1 Sess. 24. cap. 6.</sup>  
 ello pugnant, <sup>m</sup> ipso facto sunt ex- <sup>m Sess. 25. c. 19</sup>  
 communicati.

7. Ex his igitur satis constat, Ec-  
 clesiæ praxi, & Conciliorum genera-  
 lium decretis, quæ non idcirco fora  
 confundere censenda sunt, consonum  
 esse, quòd peccata Secularia, quæ  
 absque dubio ad forum Seculare spe-  
 ctant, ad forum etiam Ecclesiasticū,  
 ad hoc ut Censuris Ecclesiasticis, qua-  
 tenus salutis spirituali obsunt, coerceri  
 queant, pertinere.

8. Neq; etiam dubiū esse potest,  
 quin peccata spiritualia, ut hæresis,  
 aut Schisma, saltem quatenus pacem  
 publicam perturbant, pœnis etiam  
 temporalibus à *Principibus Christianis*  
 castigari posse, atque in hoc sensu ad  
 forum Seculare, ut pœnis capitalibus  
 coerceantur, pertinere, *Potest, ac de-*  
*bet Pontifex,* ait Card. Bellarminus, <sup>n</sup>  
 omnibus Christianis ea inbere, ad qua <sup>n Lib. 5. de</sup>  
 quilibet secundum suum statum tenetur, <sup>Rem. Pont. c. 7.</sup>  
 id

id est singulos cogere, ut eo modo Deo ser-  
uiant, quo secundum statum suum debent,  
debent autem Reges Deo servire defen-  
dendo Ecclesiam, puniendo hereticos,  
& schismaticos, ut Augustinus<sup>o</sup>, Leo<sup>p</sup>,  
& Gregorius<sup>q</sup> docent.

o In epist. 50.  
ad Bonifac.

p Epist. 75. ad  
Leon. August.

q Lib. 2. Epist.  
61. ad Mauri-  
tium.

r In 4. d. 29. q.  
1. ar. 4.

9. Cum Matrimonium, ait Domi-  
nicus Sotus,<sup>r</sup> sic sit Sacramentum, ut sit  
etiam civilis contractus, nil vetat, quò  
minus, ut priori ratione ad forum Eccle-  
siasticum spectat, posteriori, civili etiam  
aliquatenus subdatur. Non quòd Princi-  
pes ea possint, quæ sunt de Matrimonij  
substantia, demutare, sed tamen quòd  
valeant contrahentes mulctare, ubi in  
bonum publicum contrahentes delique-  
rint: Nam possunt delictis, quorum  
iudicium ad Ecclesiasticum tribunal  
pertinet, supplicia etiam, quatenus pacem  
Reipublicæ perturbant, decernere. Quid  
clarius ad meam assertionem com-  
probendam dici potuit?

s In Disp. The-  
olog. cap. 7. sec.  
2. in fine.

10. Atque hoc Soti pronuntiatur,  
ut alibi<sup>s</sup> obseruavi, pari, omnino ra-  
tione ad hæresim applicari potest, quæ  
cum sic spiritualis offensa sit, ut etiam  
Reipublicæ civilis pacem tempora-  
lem perturbet, nil vetat, quò minus,  
vt

vt priori ratione ad forum Ecclesiasticum spectat, posteriori, ciuili etiam aliquatenus subdatur: Non quòd *Principes* possint, quid sit hæresis determinare, sed tamen quòd valeant hæreticos mulctare, vbi in bonum publicum hæreticas propositiones defendendo deliquerint: Nam possunt delictis, quorù iudicium ad Ecclesiasticum tribunal pertinet, supplicia etiam quatenus pacem Reipublicæ perturbant, decernere. Atq; ita Imperatores Christiani plurima edicta grauissimas pœnas continentia aduersus hæreticos conscripserunt, quorum legibus Sacra Inquisitio nixa hæreticos pœna capitali etiam *Rome* castigat, vt ex literis Apostolicis *Innocenti* quarti, *Alexandri* quarti, & *Clementis* quarti aperte colligitur.

Rex enim, ait Dominicus Bannes, *punit hereticos vt hostes seditiosissimos contra pacem Regni, quæ sine unitate Religionis seruari non potest.* Et paulò inferius, *Ex quo, inquit, sequitur, quòd Rex Secularis possit condonare aliquando pœnâ capitis, & hereticos punire alio modo.*

t Habentur inter literas Apostol. in fine Directorij Inquisit. p. 18. 27. & 44. u 24. 22. q. 11. ar. 4. q. 1: in fine

11. Non igitur ego, sed *Doctor* iste fora confundit, dum pœnas, ex quibus fora potissimum distinguuntur, quascunque temporales, tam criminales, quam ciuiles, & quod mirabilius est, extremum etiam mortis supplicium, ad forum Ecclesiasticum ex *Christi* institutione pertinere posse affirmat. Sed mea doctrina ex pœnis fora rectissimè distinguit, & ex natura sua, *Christi*q; institutione, actibus, officijs, pœnisque distincta esse optimè commonstrat. Quæ autem pœnæ ex sententia *Almaini*, quæ, ut ipse ait, *plarisq; Doctoribus placet*, foro Ecclesiastico ex *Christi* institutione competant, superius \* indicauimus. Nam quas pœnas ius positium, & *Principum* priuilegia foro Ecclesiastico concesserunt, non est mihi institutum iam examinare.

§. 7. num. 3.

## § 14.

1. **D**ecimo quarto, Doctor iste  
ait, <sup>a</sup> me num. 245. asserere a Pag. 9.  
probabilem esse opinionem, quod Exodi  
20. prohibitum sit facere quasunque  
Imagines.

Hac assertio, inquit ille, repugnat  
Scripturæ, & Patribus, ut in Responsi-  
one ad istum locum ostendemus, & fauet  
hæreticis Iconomachis.

2 Veruntamen Doctor iste in hac  
mea assertionem, et recensenda, & im-  
pugnanda fraudulenter agit. Verba  
“enim mea hæc sūt. Sicut etiā ob pe-  
“riculū Idololatriæ omnis Imaginū  
“usus ipsis Iudæis interdictus erat  
“Exod. 20. ut multi doctissimi Theo-  
“logi, quos refert, & sequitur Gabri-  
“el Vasquez, <sup>b</sup> probabiliter existi-  
“mant; neque tamen inde sequitur,  
“præceptum illud fuisse morale, &  
“consequenter iam Christianos ob-  
“ligans, ne vllas omnino Imagines

<sup>b</sup> Tom. 1. in  
3<sup>a</sup> part. disp.  
104. cap. 2. sen.  
lib. 2. de Ado-  
ratione disp. 4.  
cap. 2.

“scilicet ad vsum depingant: Similem  
 “enim prorsus rationationem pos-  
 “set quis conficere.

“ 3 Prohibetur populus Iudaicus  
 “Exod. 20. villas Imagines aut statuas  
 “( ad vsum scilicet, ita enim opinio-  
 “nem Vasquez superius retuli ) effin-  
 “gere, ut probabilis fert opinio, ne vide-  
 “licet Iudaei inde ad Idololatriā pertra-  
 “herentur, ergo propter idem periculum  
 “prohibentur Christiani Imagines villas,  
 “aut statuas (ad vsum scilicet) effin-  
 “gere. Nam illud præceptum morale est,  
 “& naturali equitate nititur. Hæc  
 sunt verba mea eo loco num. 244. &  
 245.

4 Iam quod ad primam partem  
 huius meæ assertionis circa Imaginum  
 \* Cap. 9. pag. 425. 426. 428. vsum spectat; Doctor iste in eo loco, &  
 ad quem Lectorem remittit, affirmat  
 tria hic a me referri, quæ omnino vera  
 non sunt.

Primo, verum non esse, præceptum  
 Decalogi, quo prohibetur Imaginum v-  
 sus, non esse omnino morale, & Christia-  
 nas etiam obligans. Nam illo præcepto  
 non prohibetur omnis Imago, sed solum  
 illa, quæ potest dici Idololum, id est, Ima-

go, quæ habetur pro Deo, vel quæ representat, tanquam Deum, eam rem, quæ non est Deus. Cum enim dicitur, Non habebis Deos alienos, prohibetur actus interior idololatriæ: cum autem additur, non facies tibi sculptile; prohibetur actus exterior.

Itaque hoc præceptum naturale, siue morale est, & Christianos æquè, ac Iudeos obligat. Vide Card. Bellarminum

\* lib. 2. cap. 7. de Ecclesia triumphante, ubi ostendit ex Patribus, omnia præcepta decalogi esse moralia, excepto præcepto de Sabbato, quod partim est morale, partim ceremoniale. Et si præceptum, Non facies tibi sculptile, & omnem similitudinem, non intelligeretur ad colendum ea, fore undecim, vel duodecim præcepta: cum tamen Scriptura disertis verbis dicat, esse verba decem.

\* Vide etiam Vasquez hoc loco, qui omnia argumenta Card. Bellarmini vel ex Patribus, vel aliunde desumpta perspicuè dissolvit. Sed Doctor iste Responsiones, quas Vasquez adducit, fraudulenter tacet.

5 Secundo, verum non esse quòd Widdringtonus dicit, a Vasquez citari multos doctissimos Theologos, qui existimant, omnem Imaginum usum ipsis Iudeis interdictum esse. Vasquez enim dicit quidem multos Auctores in ea esse sententia, & citat omnino quatuordecim, tamen ex illo numero detrahit quinque, præcipuos, Alexandrium,



Alexandrum, Bonaventuram, Albertum, Marfilium, & Abulensem. *Mihi quoque, ait Doctor iste, Dominicus a Soto, Martinus de Aiala, & Alanus Copus (quem falso Cardinalem appellat) ex illo numero eximendi sunt. Remanent igitur, ait Doctor iste, sex omnino obscuriores, & cum ceteris nullo modo conferendi, qui contra communem Patrum, & recentiorum sententiam loquuntur: ex quibus Henricus quodl. 10. q. 6. ante medium, obiter tantum, & quasi per transennam eius rei uno tantum verbo meminit [In veteri, inquit, Testamento non erat Imaginum usus] & vix dubito, quin eodem modo explicandus sit, alioquin nimis crasse erraret, & sacris literis expresse repugnaret.*

6 Tertiò, *verum non esse, quod dicit Widdringtonus, Gabrielem Valquez sequi sententiam eorum, qui docent, illo praecepto prohibitum omnem Imaginum usum. Sic enim loquitur; Respondeo igitur, non fuisse vetitam omnem similitudinem, aut effigiem quomodocunque, sed omnem cultum, & adorationem ipsius, atque adeo omnem*

nem



nem quoque Imaginem, seu effigiem modo accommodato adorationi erectam, aut constitutam. Hæc Vasquez; qui in eo quod dicit, Imagines non esse prohibitas nisi in ordine ad adorationem convenit cum sententia cōmuni: in eo verò quod videtur affirmare, fuisse prohibitam, non solum adorationem propriam Deo, sed omnem cultum etiam non proprium Deo, est opinio eius singularis, nec video quare ratione defendi possit, cum Deus ipse explicet quod dixit, cum ait, Deos aureos, & argenteos non facietis vobis Exod. 20. ubi solum prohibentur Imagines, quæ habeantur pro Dijs. Et præterea satis constat ex Patribus, apud Hebræos aliquas Imagines venerationem habuisse religiosam, quamvis non divinam. S. Hieronymus in epist. ad Marcellam sub nomine Paula, & Eustochij dicit, ab Hebræis adorari solitam Arcam, in qua erant Cherubin. Et S. Augustinus lib. 3. de Trinit. cap. 10. inter signa, quæ habebant religiosam venerationem ponit serpentem æneum, quem aspicientes sanabantur. Vade etiam Ioannem Damaſcenum lib. 4. de fide cap. 17. Hæc Doctor iste.

7 Sed hæc omnia confutare facillimum est. Ad *primum* enim Respondeo. An *absolute verum*, vel *falsum* sit, præceptum Decalogi, quo prohibetur Imaginum vsus, non esse omnino morale, & Christianos obligans, non erat mihi tunc, nec iam est animus, cum præfenti instituto parum inseruiat, affirmare. Hoc solum obiter, & quasi per transennam eo loco asserui, *probabilem esse sententiam*, quam *Vasquez* sequitur, & pro qua multos doctissimos Theologos citat, quòd scilicet omnis Imaginū vsus iplis Iudæis Exod. 20. prohibitus fuerit. Neque hanc meam assertionem falsum esse, aut probar, aut probare potest *Doctor iste*.

8 Negat enim *Vasquez*, illius tantum Imaginis vsum ibi prohibitum esse quæ habetur pro Deo, aut illa verba, quæ in fine capitis habentur, *Deos aureos, & Deos argenteos non facietis vobis*, esse explicationem illorum, *Non facies tibi sculptile*, aut in his verbis, *Non facies tibi sculptile, neque omnem similitudinem &c.* ( id est nullā, ait *Vasquez* ) *Non adorabis ea neque coles*

coles, prohiberi tantum exteriorem actum Idololatriæ, qui & Iudæis, & Christianis naturali iure interdictus est. Sed *Vasquez* ait, illis verbis prohibitum fuisse Iudæis, ob periculum Idololatriæ, in quam propensissimi erant, ne ullam omnino Imaginem, etiam ipsius Dei veri aut facerent, aut adorarent. Vnde *Deuteron* cap. 4. scriptum est, *Non vidistis aliquam similitudinem in die, qua loquutus est vobis Dominus in Horeb de medio ignis, ne forè decepti faciatis vobis sculptam similitudinem, aut imaginem masculi, vel femina, similitudinem omnium iumentorum que sunt super terram &c.*

9. Quibus verbis, ait, *Vasquez*,<sup>d</sup>, d cap. 3. num. 10 planè indicat Scriptura, non solum prohibuisse id quod iure naturali non licebat (colere scilicet Imaginem pro Deo) sed etiam ipsum Deum verum in aliqua eius similitudine adorare; atque adeo omnem usum imaginis ipsius Dei abstulisse &c. Quamvis ergo finis precepti fuerit, ne populus ad idololatriam, ad quam nimis erat propensus, declinaret, substantia tamen illius fuit, usum quemlibet Imaginum auferre. Vide *Vasquez* eo loco, vbi

vbi hunc locum *Dent.* fufe prosequitur.

e Lib. 4. contra  
hares cap. 31.

f Lib. 19. contra  
Faustum c. 18.

g lib. 2. contra  
duas Epistolas  
Pelagij cap. 4.  
g cap. 7.

10. Ad auctoritatem autem *Irenaei*, qui asserit, <sup>e</sup> omnia praecepta Decalogi esse naturalia praecepta praeter illud de Sabbati sanctificatione, quod caeremoniale est, & *Augustini* qui docet, <sup>f</sup> adhuc à Christianis Decalogum observari, praeter illud de Sabbati sanctificatione; Vaquez <sup>g</sup> respondet, omnia praeter illud Sabbati verè esse iuris naturalis, & adhuc à Christianis observari, etiam primum. Esse enim aliquid caeremoniale in primo praecepto, veluti additamentum illius, quod iam cessauerit, nihil obest, quo minùs dicatur praeceptum naturale, & adhuc permanere, quia id quod in eo precipuum est, adhuc persenerat, scilicet, Non coles Deos alienos; cuius veluti appendix est, Non facies tibi, id est, ad usum tuum, sculptile, quod sub eodem praecepto contineri diximus. Quare Catarmus fatetur, & omnes Auctores posterioris sententiae concedere tenentur, primo praecepto aliquid etiam caeremoniale additum fuisse, tamen si ipsum fuerit naturale, secundùm id, quod in eo precipuum est.

11. Ad

11. Ad illud autem de decennario præceptorum Decalogi numero Vasquez <sup>h</sup> respondet primò, non sine probabilitate dici posse, esse quidem decem præcepta, etiamsi primum illud in duo diuidatur, ita tamen ut decimum illud Non concupisces, non distribuatur in alia duo, ut graues quoque Doctores arbitrantur, Iosephus lib. 3. antiquit. cap. 6. & 8. Origenes hom. 8. in Exod. Ambrosius, & Hieronymus in cap. 6. ad Ephesios, Procopius, & Rupertus, in cap. 20. Exodi.

12. Sed quoniam Vasquez existimat, illud vltimum præceptum, Non concupisces, in duo distinguendum esse, ob rationem, quam ibi declarat, Respondet secundo, duo illa, Non facies sculptile, neque vllam similitudinem, & non adorabis ea, pro vno & eodem præcepto poni, cum eodem perpetuo tenore verborum proferantur, & ad eandem virtutem Religionis observatio utriusq; & ad idem peccati sacrilegi transgressio utriusq; pertineat. Nam quamuis facere sculptile ex se non sit contra Religionem, lege tamen positum id prohibente in materia sacrilegi contra religionem constituitur.

tutur. Hanc enim vim habet positiva  
lex, ut id, quod precipit, in materia  
necessaria illius virtutis ponat, cuius  
intuitu aliquid iubet; contra vero in ma-  
teria oppositi peccati id quod prohibet.  
Cum ergo lex divina positiva prohibuerit  
facere statuas, vel Imagines, ne essent  
ocasio Idololatriæ, in materia religionis  
observationem illius posuit, & contra in  
specie sacrilegi ipsam transgressionem.  
Atque hæc de primo istius Doctoris  
dicto sufficiant.

13. Ad Secundum respondeo.  
Verissimum etiam est, quod eo loco  
asserui, nempe, multos doctissimos The-  
ologos à Vasquez citari, qui existimant,  
omnem Imaginum usum ipsis Iudeis in-  
terdictum esse. Octo à Vasquez in hanc  
sententiã citari concedit Doctor iste;  
Et quã fieri potest, ut iam adeo sui im-  
memor octo Auctores multos dici posse  
inficietur, qui antea duos tantum, aut  
tres Auctores non paucos appellare  
non dubitavit. An autem tres illi,  
quos Doctor iste è numero illorum  
octo eximit, verè eximendi sint necne,  
iam non disputo; ad quæstionem e-  
nim præsentem parum refert, & suffi-  
cit

iSupra S. 6.  
num. I.

cit mihi, quòd Vasquez ex sententia etiam istius Doctoris octo citauerit, & propterea verissimum esse, quod dixi, multos in hanc sententiam à Vasquez citari, cum præsertim Doctor iste duos, aut tres Auctores, non paucos Auctores superius appellauerit.

14. Quod autem Richardus de Mediavilla, vir in diuinis Scripturis ap- primè doctus, vt Posseninus <sup>k</sup> ex Sixto Senensis refert, Henricus de Gandauo, propter insignem doctrinam, vt ait idem Posseninus, <sup>l</sup> à Soto commendatus, & in Parisiensi Academia Doctor solennis cognominatus, Dominicus à Soto, summus Theologus, teste Sixto Senensi, <sup>m</sup> Ambrosius Catarinus, quem idem Sixtus ob vitæ Sanctitatem, & singularem eruditionem plurimum extol- lit, <sup>n</sup> Martinus de Aiala, Franciscus Horantius, Iodocus Clichtovæus, Alanus Copus, seu quicumque illorum Dialogorum Auctor sit, quos omnes à Vasquez in hanc sententiam citari, Doctor iste concedit, viri etiam doctissimi omnes fuerint, nemo nisi planè indoctus affirmare potest.

<sup>k</sup> In verbo Ri-  
chardus de  
Mediavilla.

<sup>l</sup> In verbo Hen-  
ricus de Gan-  
dauo.

<sup>m</sup> Lib. 4. Bi-  
blioth. sanct.

<sup>n</sup> in verbo Do-  
minicus à

Soto.

<sup>n</sup> Ibidem in  
verbo Ambro-

siius Cathari-

mus.

15. Sed non sunt cum ceteris, qui

M oppositum



oppositum sentiunt, *ullo modo confendi*, ait *Doctor* iste. Primum esto. Sunt tamen omnes viri doctissimi, quorum proinde sententiã tanquam omnino improbabilem, eosque tanquã nimis crassè errantes, cū præsertim omnia argumenta in vtramque partem allata & viderint, & examinauerint, nemo absque crassa temeritate condemnare potest. Deinde, etiam cum cæteris Auctoribus, qui contrarium sentiunt, esse *conferendos*, neque *inferioris notæ* censendos, ipsemet etiam *Vasquez*, vt statim apparebit, disertis verbis affirmat. Sed pudet me profectò, ac piget in huiusmodi friuolis argumentis confutandis tempus consumere.

16. Ad *tertium* Respondeo. Verissimum etiam est, quod ibidem asserui, nempe, Gabrielem *Vasquez* sequi sententiam eorum, qui docent illo præcepto Exodi 20. prohibitum esse *Iudeis omnem Imaginum usum*: Sunt enim hæc expressissima ipsius *Vasquez* verba, vt mirum sit, qua fronte *Doctor* iste Lectorem tam turpiter deludere non erubescat. *Non pauciores*, inquit



quit Vasquez, ° nec inferioris nota Au-  
 ctiores oppositam opinionem, que mihi ° cap. 2.  
 multo probabilior semper visa est, am-  
 plectuntur, Iudeis nimirum, non solum  
 adorationem illam Gentilium, qua natu-  
 rali iure prohibita est, verum etiam quē-  
 libet usum Imaginum, & statuarum  
 præcepto Dei posuino Exodi 20. fuisse  
 interdictum. Quid clarius? Et infra,  
 Non ergo, ait Vasquez, solum cultum  
 Idololatriæ, sed quamvis adorationem, &  
 usum Imaginū lex illa Iudeis prohibuit.  
 Quæ verba sæpe sæpius ibidem repe-  
 tit. Qua ergo fronte audet Doctor  
 iste ita inuerecundè affirmare, verum  
 non esse, quod dicit Widdringtonus,  
 Gabrielem Vasquez sequi sententiam  
 eorum, qui docent, illo præcepto prohibi-  
 tum omnem Imaginum usum.

17. Quomodo autem Doctor iste  
 hanc Vasquez sententiam opinionem  
 illius singularem rectè appellet, ego  
 sanè non intelligo, cum quinq; saltem  
 viros pereruditos hanc etiam Vasquez  
 sententiam sequi ipsemet fateatur. Et  
 tametsi Doctor iste affirmet, se non  
 videre, qua ratione defendi possit, qui  
 tamen Vasquez legere, eiusq; doctri-

nam & qua lance expendere voluerit, clarè videre poterit, quòd optima ratione defendi possit; eamq; *Vasquez* defendat. Nam & suam sententiam ex Sacra Scriptura, Sanctisq; Patribus optimè confirmat, & argumenta omnia, quæ vel à *Doctore* isto, vel à Card. *Bellarmino* in suis controuersijs afferuntur, perspicuè dissoluit. Quin etiam suam sententiam auctoritate ipsiusmet *Damasceni*, qui pro præcipuo contrariæ sententiæ Auctore citari solet, ita corroborat.

p Orat. I. de  
Imaginibus.

18. *Hæreticis enim obijcientibus Imaginum prohibitionem in veteri Testamento factam Damascenus his verbis respondit.* P Vides quomodo vitandi simulachrorum cultus gratia, Imagines fieri vetat? *Cultum* intellige latriæ, de quo ante locutus fuerat; existimant ergo ad euitandum cultum latriæ, Imaginibus exhibitum tanquam *Dij*, hoc est idololatriam, ad quam illi erant propensi, usum Imaginum ipsis non fuisse concessum. Et paucis interpositis: Iudæis igitur, ait *Damascenus*, quoniam ad simulachra colenda erant propensiores, hæc iussa sunt; nos autem, quibus,

bus, ut Theologicè loquar, datum est, ut supersticiosum errorem fugientes, & veritatem cognoscentes, purè cum Deo versemur, eique soli seruiamus, infantiamque prætereuntes, in virum perfectum euadamus, non sumus amplius sub Pædagogo. *Intel- ligit ( sub lege & antiqua prohibitione )* Hactenus Damascenus.

19. *Qui si existimaret, ut Doctores prioris sententia docent, non quemlibet usum Imaginum, sed solum cultum idololatriæ Iudeis fuisse prohibitum antiqua lege, non diceret, nos amplius non esse sub Pædagogia legis, sub qua illi fuerunt, ut nobis iam Imagines concederentur. Cum enim ad cultum idololatriæ nullo iure fuerint permisse, sed omni lege etiam naturali prohibita, adhuc nos essemus sub hac legis pædagogia, sicut & populus ille ex hac parte sub illa fuit. Cū igitur dicat nobis cessasse legis pædagogiam, qua populus ille institutus aliquando fuit, planè loquitur de lege positiva ceremoniali, que omnem etiam licitum usum Imaginum vetabat. Non ergo solum cultum idololatriæ, sed quamvis adorationem, & usum Imaginum lex illa Iudeis prohibuit.*

20. *Quare cum* Damascenus lib. 4. de fide cap. illo 17. *propriari sententia citatus dixit, Scripturam solum insecrari eos, qui adorant sculptilia, & dæmonijs sacrificant, non putavit hoc solum lege veteri prohibitum fuisse, sed ostendit, hunc fuisse finem illius, vitare videlicet Idololatriam, ob quam causam Deus in uniuersum prohibuit omnem similitudinem, & picturam, ne populo illi ad hoc genus peccati propenso occasio esset ruine, Quæ ratio in populo Christiano adeo benè instructo locus non habet.*

q Cap. illo. 2º. *Hæc Vasquez 9.*

21. *Ad illud autem de Arca, Cherubinjs, & Serpente auro, quibus cultus aliquis exhiberi videbatur, ait Vasquez primo, & responderi posse cum Catharino, eas omnes figuras, seu Imagines factas fuisse iussu Dei, qui præcepto suo omnino, aut ex parte derogare potuit. Solo enim positiuo Dei præcepto diximus, prohibitum fuisse in eo populo Imaginum usum, ut ita, inquit Catharinus, Deus ostenderet, ex se malum non esse imagines, aut similitudines effingere.*

f Cap. 4.

22. *Secundo, Vasquez discrimen assignat inter cultum Imaginum, & Arca.*

*Arce.* In veteri enim Testamento, ait Vasquez, Deus potius prohibuit, Imaginum cultum, quam Arce, & Propitiatorij, optima quidem ratione. Oportebat enim proponere illi populo aliquod sensibile, in quod cultu, & adoratione moueretur: Multo autem commodius fuit, in ea forma & figura proponere, in qua nullum erat Idololatriæ periculum; tales fuit forma Arce, & Propitiatorij. Nulla enim iam barbaranatio unquam fuit, quæ Arcam ut Deum adoraret: at Imagines, & statuæ multis Gentibus pro Idolis, ac Dijs fuerunt: oportuit ergo illas non exhibere populo in Idololatriam propenso.

23. Tertiò, Serpenti aneo nullum cultum à Iudæis exhibitum fuisse Vasquez opinatur. Ità enim scribit, *Verum ex Scriptura solum constat, Cap. 5.* Serpentem aneum propositum fuisse populo aspiciendum; cumq; ille aspectus, etiam gratia recipiendi sanitatem, non videatur esse aliqua submissionis nota, non erit dicenda adoratio; nullus verò alius cultus iussu Dei illi exhibebatur; Signum ergo est, illum nunquam fuisse adoratum; id quod mihi maximè probabile fit. Quoniam cum populus ille nimis esset in Idolo-

latriam propensus, & ne in illam laberetur, Deus ipsi interdixisset omni Imaginū usu & veneratione, ut probatum manet, credendum non est, eodem cum periculo, immo cum maiori, Serpentem aneum adorandum exposuisse: Maiori, inquam, cum periculo, quoniam si ei adorationis nota exhiberetur, & se illi populus submitteret, recipiens ab eo integram sanitatem, facilius ipsum tanquam Deum haberet, quam aliam Imaginem, à qua nullum beneficium recipere videretur. Iussit ergo Deus eos erectos, & stātes absq; ulla submissionis nota, & adoratione in ipsum aspicere ut tota animi reuerentia, & affectus in Deum Auctorem illius ferretur, nullam vero corporalem adorationem, aut submissionis notam in eum dirigerent.

24. Quare, quando Ezechias ipsum confregit, quod videret ei incensum adoleri, cum tamen in solam memoriam prateriti beneficij à Deo accepti in populo illo seruaretur; non ideo fecit, quia existimaret, à populo pro Deo iam coli, & adorari, sed quod aliquem cultum, qualem etiam Imaginibus deferre nos consueuimus, qui omnino erat illi populo prohibitus, videret ei adhiberi. Adolebant enim illi incensum

ensum; nec aliam causam, ob quam Ezechias ipsum confregit, Scriptura nobis exposuit: at incensi oblatio non est proprie sacrificium soli Deo debitum, sed quæ etiam rebus inanimis, aut Imaginibus deferitur, ut notaui disput. 96. cap. 7. Quare nisi Ezechias vidisset, omnem cultum, & adorationis signum illi populo fuisse prohibitum, non confringeret Serpentem, quia solum videret ipsi incensum adoleri. Sciebat enim etiam in lege veteribus inanimis iussu Dei incensum offerri: Siquidem Sacerdos ingrediebatur tabernaculum cum thuribulo, & Arca, atq; Propitiatorio incensum adolebat, non tamen propterea ipsi sacrificabat.

25. Nec solum post præteritum illud sanitatis recuperata beneficium in deserto non licebat Serpentem adorare, verum etiam nec refert Scriptura, in deserto incenso, aut alio signo reuerentiæ. Serpenti exhibitam fuisse adorationem, sed simpliciter aspicendum populo fuisse propositum. Postea verò in solam beneficii recordationem seruatum esse satis apparet, cum nec Scriptura usquam referat, aliquem ei cultum delatum, immo nec publicè, ut aspiceretur à populo ad recipiendam sanitatem.



*tem amplius propositum fuisse. Quod verò Philaster cap. de hæresi ob æneum Serpentem, dicit, ideo ab Ezechia confectum, quia ei populus sacrificabat, non de sacrificio soli Deo debito, sed de oblatione illa incensi, quæ quodammodo dicitur sacrificium, intelligi debet. Atq; ex eo quoq; argumentum sumi potest ad probandum, Serpentem non fuisse tanquam Deum adoratum, quod ei nunquã populus animalium sacrificium obtulit, sed solum incensi; cum tamen Idolis, quæ pro Dijs habentur, sacrificia animalium ab ipsorum cultoribus immolentur. Atq; ex verbis S. Augustini non posse probari, aliquem cultum religiosum Serpenti æneo actu à Iudæis exhibitum fuisse ostendit Vasquez eo loco.*

*α Cap. 6:*

*26. Quarto, Vasquez affirmat, neq; Cherubinis, neq; alijs figuris in templo factis aliquem cultum fuisse delatum, sed ad ornamentũ tantum, & Maiestatem Arce, quæ Dei gloriam, & thronum representabat, & non ad recordationem exemplarium, quæ in ipsis colerentur, positas esse. Ex quo etiam infert, nunquam Cherubinis aut ex auro fusili, aut ex lignis olivæ, à Summo Sacerdote ingre-*  
*diēte*



diente semel in anno Tabernaculum, honorem, aut adorationem adhibitam fuisse, aut osculo, aut genuflexione, aut oblatione thuris, aut alio signo peculiari ad ipsos directo, sed totum illius cultum, & venerationem in Arcam ipsam, & propitiatorium, tanquam in thronum, & suppedaneum ipsius Dei fuisse relatum: ita ut signa honoris externa Arca, & Propitiatorio exhiberentur, animus autem Sacerdotis in Deum, qui ibi sedebat, & responsa dabat, non in Angelos ipsos, qui erant exemplaria illarum figurarum, esset intentus. Nec quisquam nisi ex suo cerebro, & absq; ullo fundamento contrariū poterit affirmare.

27. Cum vero Damascenus lib. 4. de fide cap. 17. videtur asserere, Cherubinibus exhibitam adorationem, nihil aliud docere voluit, quam ipsis non separatim à toto Propitiatorio, tanquā Imaginibus Angelorum, sed coniunctim cum tota Arca, tanquam throno Dei, honorem aliquem exhibitum fuisse, quod non inficiamur. De adoratione enim illorum per se ratione sui exemplaris nunc solum disputamus. Hoc ipsum ex epistola 17. Hieronimi ad Marcellā nomine Pauli  
&

§. 14. *Calumnia decima quarta*

& Eustochij, & nihil aliud colligitur. Nec enim ibi tantum dicitur, Sancta Sanctorum in veneratione illi populo fuisse, quia ibi erant Cherubin, sed additur etiam, & Propitiatorium, & Arca Testamenti, manna, & virga Aaron, & altare aureum. Non quia per se Cherubin adorarentur, sed quia hac omnia simul, ut diximus, venerandum efficerent totum tabernaculum, ut omnibus simul una adoratio corporalis exhibita in Deum Auctorem omnium spiritu directa transiret.

28 Id quod clarissime testatur Athanasius, cuius verba refert Damascenus, ostendens enim modum, quo nos Imagines colimus, inquit; Sicut & Iudæus olim legistabulas, & duo Cherubin aurea, & sculptilia quondam adorabat, non lapidis, auriue naturam colens, sed Dominum, quia ea ut fieret præceperat: Ubi non dicit, per statuas illas adorasse ipsos Angelos, quos representabant, sed Deum Auctorem, in cuius laudem, & maiestatem cum Arca, & reliquis omnibus posita erant. Hæc, & plura alia Vasquez respondet ad auctoritates illas Sacra Scripturae de Arca,

x Lib. de quest.  
ad Antiochum  
cap. 38.

y Orat. 3 de  
Imaginibus.

*Arca, Cherubinis, atque serpente aneo:*  
Sed prima responsio *Catharini* ad argumentum huius *Doctōris* inde desumptum diluendum abundè sufficiet.

29 Quod ad alterâ partē meæ assertionis attinet, nempe *Iudæis prohibitum esse Exodi. 20. vllas Imagines, aut statuas effingere*, nimirum per se solas, aut ad vsum, vt cultus aliquis illis exhiberetur, in quo sensu ego, & *Vasquez*, qui sæpius affirmat, non licuisse *Iudæis* vllas Imagines, aut statuas effingere, assertionem illam intelleximus, *Doctōr iste ait, non esse opinionem probabilem, cum repugnet Scriptura, Sanctis Patribus, & faueat Iconomachorum errori. Certè Moyses iussu Dei fecit serpentem aneum &c. Vide Bellarminum lib. 2. de Ecclesia triumphante cap. 7. & seq.*

30 Sed in primis, quòd opinio hæc non sit probabilis, aut Sacræ Scripturæ, Sanctisque Patribus repugnet, aut Iconomachorum errori faueat, sicut *Doctōr iste* absque sufficienti fundamento affirmat, falsum omnino est, & ipse viros tam eruditos temeritatis

<sup>1</sup> Lib. 4. contra  
Marci. nem  
cap. 22.

<sup>2</sup> Lib. 4. contra  
Celsum.

<sup>b</sup> Lib. 1. & 2.  
contra Appia-  
nem.

<sup>c</sup> Lib. 5. Hi-  
storia.

temeritatis labe adeo temerè còdem-  
nans a magna temeritate excusari  
non potest. *Primo* enim *Vasquez* hanc  
suam sententiam ex Scriptura sacra, &  
ex antiqui Patribus & Scriptoribus  
*Tertulliano*, <sup>2</sup> *Origine*, <sup>3</sup> *Iosepho*, <sup>b</sup> atque  
*Corneleo Tacito* <sup>c</sup> confirmat. *Apud*  
*quos*, (*Iudæos*) ait *Origines*, nullum  
aliud numen erat receptum, quàm *Deus*  
huius rerum uniuersitatis *Præses*, procul  
ablegatis omnibus simulacrorum opisci-  
bus. Nam in ciuitate eorum nullus pictor  
admittebatur, nullus statuarium (qui  
nimirum *Imagines* aut *statuas* per se so-  
las, & adorationi accòmодatas effin-  
geret) legibus totum hoc genus arcenti-  
bus, ne occasio præberetur hominibus tras-  
fis, neque animi eorum a *Dei cultu* au-  
carentur.

31 Deinde, *Vasquez* omnia argu-  
menta, quæ vel *Doctor* iste hoc loco,  
vel *Card. Bellarminus* in suis Contro-  
uersijs in contrarium adducunt, per-  
spicue dissoluit, atque commonstrat,  
nullam *Imaginem* in Testamento ve-  
teri factam esse, quæ vel speciali *Dei*  
iussu, qui in illo præcepto *Exod. 20.*  
cum posituum sit, dispensare potuit,  
fact

facta non sit, vel non ad vsum & cultum, sed tanquam appendicem, & ornamentum aliarum rerum, & non per se solam, quod vtrique nunquam negavi, factam esse.

32 Præterea, quod hæc *Vasquez* opinio Iconomachis faueat, illisque arma subministrare videatur, falsum omnino esse ipse ostendit. <sup>d</sup> Nam *ramessi* illis concedamus, ait *Vasquez*, in veteri lege omnem Imaginum vsum, & cultum fuisse prohibitum, hinc non licet deducere, iure quòque naturali vetitum fuisse; nam & multa alia fuerunt in ea lege prohibita, quæ iure naturali permissa erant.

Hæc sunt, B<sup>mc</sup> Pater, potissima omnia argumenta, quæ contra doctrinam *Vasquez* de cultu Imaginum Iudæis in veteri lege prohibito, a me exempli tantum gratia, & quasi obiter in mea Apologia allatam adduci solent, & Responsiones pariter, quas *Vasquez* eisdem adhibet, a me fideliter enarratæ; in quibus recensendis paulo prolixior fui, ut Sanctitas vestra perspicue intelligat, quàm parum sincere Doctor iste in hac controuersia pertractanda

tractanda se gesserit, & quàm iniurio-  
se & me, & *Vasquez*, (qui, si iam in  
viviis esset profecto *Doctör* iste ita eum  
insectari nequaquam auderet) tan-  
quam *crasse errantes*, & *doctrinam*, qua  
*Scriptura sacra*, *Sanctisque Patribus*  
*repugnet*, atque *Iconomachis* fauceat,  
*propugnantes* traduxerit, cum illa tan-  
tüm *argumenta*, quæ *Vasquez* contra  
seipsum obijcit, nudè proponat, &  
*Responsiones*, quas *Vasquez* eisdem ar-  
gumentis affert, omnino dissimulet,  
ac si *Lectori* persuadere vellet, *Vas-*  
*quez* *argumenta* sua aut non vidisse,  
aut diligenter non expendisse.

---

§. 15.

I. **D**Ecimò quintò, ait *Doctör* iste,  
*me num. 465. Docere non esse*  
*obediendum Summo Pontifici*, nisi con-  
*stet*, eum habere auctoritatem iubendi  
id, quod iubet.

*Atque hinc me multa perniciofa col-*  
*ligere* ait *Doctör* iste. *Nec enim nisi per-*  
*niciosum*

nicioſū ex tam vitioſo principio deduci poterat. Hoc enim principiū euerſis omnem obedientiam. Nam ſi hoc principium verū eſt, poterunt ſemper omnes ſubdiſi in exquendis Superiorū ſuorū, ſive Seculariū, ſive ſpiritualium mandatis tergerſari, & petere, ut probet Superior ſe habere talia, vel talia iubendi auctoritatem.

2 Docens quidem Sancti Patres non eſſe obediendum Superiori, quando manifeſto conſtat, eum non habere iubendi poteſtatem, aut quod iniquum eſt iubere (ſiquidem Deo magis obedire oportere, quam hominibus Apoſtolicum axioma eſt Act. 5. At iidem Patres docent, ſemper obediendum eſſe Superiori, quando aut conſtat, eum habere auctoritatem iubendi, & iuſta mandare, aut non conſtat, eum non habere iubendi auctoritatem, aut iniuſta precipire. Nam in re dubia ſtandum eſt iudicio Superioris. Vide quæ dicuntur infra ad hunc locum.

3 Demū is Widdringtoni toto libro ſcopus eſt, ea intentio, ut ſacroſanctā Sūmi Pontificis, Chriſti Vicarij, Eccleſie in terris capitis poteſtatem diminuat, atque altera ſui parte truncet. Contendet enim, nullam eſſe in Summo Pontifice poteſta-



tem disponendi de temporalibus, neque directè, neque indirectè, neque absolute, neque in ordine ad spiritualia, atque gladium non esse sub gladio, neque temporalem potestatem subijci spirituali.

4 Praclarus equidem labor, quo omnis erga Pastorem, filius erga Patrem, homo Catholicus erga Summum Pontificem, Christi Vicarium suum studium & subiectionem declaret, ac profiteatur. Agitur de potestate Summi Pontificis, quæ Pontificis, a Christo Deo, ac Domino ex primæva institutione illi collata. Eam Sacra litera, Sacra Concilia, Summi Pontifices, Sancti Patres, Theologi, Iurisconsulti omnes, uno ore, unanimi consensu verbo Dei innitentes, amplissimam esse, & summam asserunt, ita quidem ut non possit spiritualia duntaxat, verum etiam temporalia, quatenus ea spiritualibus subijciuntur, & ad ea referuntur, regere, & gubernare. Nec hac de re inter bonos Auctores controuersia est, licet nonnulla de modo sit discrepantia, dum alij eam potestatem directè ad temporalia extendi, alij indirectè, alij absolute, alij in ordine ad spiritualia docent.

5 *Hæretici Pontificiam potestatem*  
sepe



seſe vilo modo ad temporalia extendere negant. Ita Caluinus, Petrus Martyr, Centuriatores, Marſilius de Padua, & alij de quibus paulo poſt.

Aduerſarius Widdringtonus contra Sacras literas, doctrinam Conciliorum, & Summorum Pontificum, unanimenſenſum Patrum, & Doctōrum hereticis, Scismaticisq; in oppugnanda, & mutilanda Pontificia poteſtate ſe iungit: Et tamen Catholicus videri vult. Aut igitur deſerat caſtra, aut nomen. Cur quorū deſteſtatur nomen, eorū in caſtris militat? Quorū nomen præfert, eorū ſocietate aduerſatur? Hæc Doctōr iſte ſatis virulentè pro more ſuo pag.9. & ſeq.

6 Sed an mirandum magis, quàm dolendum ſit neſcio, quòd Doctōr iſte tam pravum aut falſè, aut malè dicendi habitum acquiſierit, vt vix aliqua eius ſententia, qua meam doctrinam impugnat, in toto eius libro reperiatur, quæ aliqua, aut fraude, aut falſitate cum inuerecunda verborum acrimonia coniuncta, conſperſa non ſit. Etenim in hac etiam aſſertione & proponenda, & impugnanda, ſicut in præcedentibus magna frau-

§. 15. *Calumnia decima quinta*  
 de, & falsitate vfuseft. Neque enim  
 ego abfolutè affirmaui, *non effe in re*  
*dubia ftandum iudicio Superioris, aut,*  
*non effe obediendum Summo Pontifici,*  
*nifi conflet, eum habere auctoritatem in-*  
*bendi id quod iubet.* Scio enim in du-  
 bijs femper parendum effe Superi-  
 ori, quotiefcunque illi obediendo, le-  
 gem Dei fupremi omnium Superio-  
 ris transgrediendi nullum periculum  
 eft, fed ego prædictas assertions non  
 abfolutè tanquam principia generalia,  
 fed limitatè ad cafum particularem de  
 Principum de pofitione applicatas  
 pofui. Hæc enim funt verba mea <sup>a</sup>.

<sup>a</sup> Num. 464.  
 465.

“ 7 Inter has opinionum varie-  
 “ tates circa praxim hoc potiffimum  
 “ documentum obferuare fufficiet,  
 “ quòd iuxta regulam Iuris approba-  
 “ tam, *In caufa dubia* (fiue incerta)  
 “ *melior eft conditio poffidentis.* Si igi-  
 “ tur contingat, Summum Pontifi-  
 “ cem Principem quemcunque Chri-  
 “ ftianum, qui bona fide in Principa-  
 “ tus fui poffeffione manet, ob ali-  
 “ quod crimen per fententiam de-  
 “ priuationis è Principatu eijcere,  
 “ cum de eiusmodi Papali auctorita-

“ te

“te Principes Principatu priuandi  
“non adhuc satis constet, sed apud  
“Catholicos sit controuersum, non  
“licet absque crimine imminutz Ma-  
“iestatis Principem legitimum, non  
“obstante tali depriuationis senten-  
“tia, è Dominatus sui possessione  
“exturbare, donec quòd talem Pon-  
“tifex habeat auctoritatem Principes  
“deponendi, per Ecclesiæ definitio-  
“nem fuerit stabilitum.

“ Neque obstat *primò*, quòd *in du-*  
“*bys* *parendum sit Superiori*. Nam sicut  
“Summus Pontifex est Superior in  
“spiritualibus, ita in temporalibus  
“Princeps Secularis est omnium Su-  
“premus.

“ 8 Neque *secundo*, quòd *in du-*  
“*bys* *tutior pars sit eligenda*, multo  
“autem tutius videtur esse obtempe-  
“rare Principi spirituali, qui Salua-  
“toris nostri *Iesu Christi* Vicarius est  
“in terris, quàm iussu sequi Princi-  
“pis, præsertim hæretici, populo sibi  
“subiecto imperantis, vt ipsi obedi-  
“ant. Non enim securius, sed multo  
“periculosius est, *in tali casu* Principi  
“spirituali obedire, si non constar,

“cum talem habere auctoritatem  
 “Principes hæreticos deponendi, &  
 “subditos ab eorum obedientia ab-  
 “soluendi, & consequenter præcipi-  
 “endi, ne Principi hæretico in rebus  
 “licitis obtemperent, quàm parere  
 “Principi iusta imperanti, qui absque  
 “vlla controuersia Principatum suū  
 “legitimè possidet. Qui enim Princi-  
 “pem Secularem prorsus renitentem  
 “è Principatus sui possessione extru-  
 “dere conatur, in supremo ferme in-  
 “iustitiæ gradu, quæ omnium scele-  
 “rum contra virtutes morales est  
 “grauissimum, absque vlla contro-  
 “uersia delinquit; qui autem Ponti-  
 “fici præcipienti, ne Subditi suo  
 “Principi, quantumvis hæretico, in  
 “rebus honestis obediant, parere  
 “neglexerit, quamdiu apud Catho-  
 “licos, tum pios, tum eruditos incer-  
 “tum est, an ipse talem præcipiendi  
 “auctoritatem habeat, nulli omnino,  
 “nec leuissimo quidem crimini ob-  
 “noxius esse potest.

“9 Neque quenquam perterrere  
 “debet, quod Summus Pontifex sit  
 “Christi *Vicarius*, cum Princeps  
 “quoque

“quoque temporalis *Dei minister* sit,  
 “vt ait *S. Paulus* ad Rom. 13. atque  
 “etiam ipsius *Dei*, qui est *Rex Regū*,  
 “& *Dominus dominantium*, *Vicarius*  
 “in terris, vt *Anastasius* Papa in epi-  
 “stola ad *Anastasium* Augustum di-  
 “sertis verbis affirmat. Hæc ego eo  
 “loco.

10 Ex quibus constat, me non  
*absolutè*, sed solum *in tali casu* affir-  
 maste, non esse obediendum Summo  
 Pontifici Subditis imperanti, vt Prin-  
 cipi auctoritate Summi Pontificis de-  
 posito obedientiam non præstent, si  
 non constat, eum talem habere aucto-  
 ritatem Principes deponendi, & con-  
 sequenter præcipiendi Subditis, ne  
 tali Principi deposito in rebus alio-  
 quin licitis obtemperent. Causam  
 autem, & rationem huius meæ asser-  
 tionis paulo ante declaravi, quoniam  
*in dubijs melior est conditio possidentis*  
 Sed *Doctor* iste illud [*in tali casu*] more  
 solito dolose prætermisit, meamque  
 assertionem eo modo proposuit, ac si  
 ego *simpliciter*, ac *absolutè*, & absque  
 vlla *limitatione* asseruissem, in nullo  
 casu obediendum esse Summo Pon-

tifici, si non constat, eum habere auctoritatem iubendi id quod iubet, quæ quidem assertio perniciosa est, veramque obedientiam euertit. Sed ex mea assertione ad casum illum particularem applicata nihil perniciosum colligitur, neque vera obedientia euertitur, sed magis confirmatur, neque eam ullus ex Sanctis Patribus impugnavit, aut ab ullo erudito Theologo impugnari potest.

¶ Sed quoniam in obedientiam, quæ in dubijs Superiori debetur, iam incidit sermo, quid nonnulli Doctores Theologi de hac reseruant, paucis exponam. *Adrianus Papa sextus*, ut *Vasquez* refert, absolute docet, <sup>b</sup> non posse inferiorem obedire *Preposito*, & *Pralato*, quamdiu dubitat, an id quod precipitur licitum sit, vel non. Et hanc *Adriani* doctrinam etiam *Vasquez* sequi videtur <sup>c</sup>. Vnde paulo inferius <sup>a</sup> subdit; *Qua ratione & subditi in Religione, cum non apparet esse iniustum id quod precipitur, neque dubium aliquod secundum rationem oritur circa illud, iuxta ea que dicta sunt, parere debent Preposito, nec id quod ipse precipit examinare,*

<sup>b</sup> *Quod 2. punc  
3. ad 2. ad 2<sup>m</sup>.*

<sup>c</sup> *1<sup>a</sup> 2<sup>a</sup> disp.*

*67. cap. 9.*

*num. 51. num.*

*93.*

minare, nec causam illius exposcere, & in hoc casu laudatur a Patribus obedientia ceca, de qua alibi fusiùs disputandum est: Igitur ex Vasquez sententia in casu quo dubium aliquod secundum rationem oritur, quòd iniustum sit id quod præcipitur, non laudatur a Patribus obedientia cæca. Atque id ipsum Nauarrus, <sup>d</sup> Emanuel Rodriguez, <sup>e</sup> & nonnulli alij absolute affirmant.

<sup>d</sup> De pœnit. dist. 7. nu. 81.

<sup>e</sup> 114.

<sup>c</sup> Part. 2. cap.

9. de obedientia

12 Alij ut plurimum limitationem quandam adhibent, atque affirmant, quòd, quando Prelatus aliquid præcipit, de cuius præcepto ex probabili causa subditus dubius est, an sit iustum, necne, non semper tenetur subditus obedire, sed in eam partem inclinandum est, in qua est minus periculi, ita Dominicus Sotus, <sup>f</sup> Corduba, <sup>g</sup> Medina, <sup>h</sup> Salon, <sup>i</sup> Sayrus, <sup>h</sup> & alij quamplurimi. Veruntamen Sotus paulo accuratiùs, & distinctiùs rem totam declarat.

<sup>f</sup> De detegenda secret. memb. 3.

<sup>g</sup> 2.

<sup>g</sup> Lib. 3. qua- stion. 9. 8.

<sup>h</sup> Prima secundum

de q. 19 ar. 6.

dub 4. conclus. 4.

i Secunda se-

cunda q. 69 ar.

1. controuers. 3.

k Lib. 1.

Thesauri cap.

13. difficultas

octaua proposit.

13 Quando, inquit, præceptum Superioris est de re tuta, ubi nullum imminet periculum, aut bono publico, aut tertie persone, in re dubia ut plurimum obediendum est. Verbi gratia, præcipit mihi Prelatus studere, aut servire infirmis, 4.

que



qua sunt opera, ubi nullum imminet periculum, quanquam sit dubium, an id possit precipere, deo obedire. Addiderim tamen [ut plurimum], quia nec in uniuersum obediendum est in re dubia, quando nullum est periculum, ut puta si res est molesta nimis, & difficilis subdito. Si enim mihi Prælatus preciperet longum iter, & rem difficilem, dubiumque esset mihi ius precipiendi, non tenerer statim obedire.

I In respons. ad  
primum.

14 Et infra, idem Sotus, Prælati, inquit, & Iudices, non sunt in possessione respectu Subditorum, nisi quatenus iusta precipiunt, & ideo quando dubium est, an precipiant iustum, tunc si sit in praesudicium terti, quia ille tertius est etiam in possessione sue fame, & bonorum, in eam partem inclinandum est, ubi est minus periculi. Neque Prælati, qui precipiunt, unde nullum periculum Religioni, aut Reipublicæ, aut tertiæ personæ timetur, constringuntur rationem reddere, sed simpliciter parendum est illis etiam in dubio, ut supra dictum est quia tunc nullum est periculum, si præsumatur Iudex iuste precipere. Quando vero eiusmodi periculum imminet, tunc si subditus dubitat, nihil



*nihil facit contra obedientiam, si exigat à  
Pralato rationem precepti proponens hu-  
militer rationes dubitandi.*

15 Placuit hæc ex Soto ad verbum  
referre, eo quod *Doctores* huic placere  
videatur, vt *Lector* suus in tenebris  
ambulet, neque verum illius propo-  
sitionis, *In re dubia parendum est Supe-  
riori, eiusque iudicio standum*, sensum  
perspicue intelligat, sed nuda tantum  
ipsius assertioni ita generatim, & abs-  
que vlla declaratione eam affirmantis  
absque vltiori examine fidem in-  
cunctanter adhibeat.

16. At *Summus Pontifex*, ait *Doctor*  
iste, <sup>m</sup> *est Iudex in re spiritali, & in* m Pag. 617.  
*materia peccati, illiusque iudicio acqui-  
escendum est.* Fateor, si *iudicet* ex Ca-  
thedra in Oecumenico Ecclesiæ Pra-  
latorum concilio sedens, si *iudicet*,  
vt Caput Ecclesiæ cum cæteris illius  
membris in Synodo generali, quæ  
Ecclesiam Catholicam repræsentat,  
coniunctum, si *iudicet* eo modo, quo  
*Christum Dominum iudicandi pote-  
statem* illi consensisse omnes Catho-  
lici consentiunt, si pænas spirituales,  
( & non temporales qualis est *Princi-  
pum*

*pum* depositio, ob quodcunq; crimen siue spirituale, siue temporale fieri prætendatur) infligat. Vertuntamen si *Summus Pontifex* secundum opinionem tantum probabilem, quam nemo sequi tenetur, *iudicet*, si sententia declaratiua in probabili tantum *iudicio* fundata sit, nemo vir doctus illius *iudicio* standum esse, talique sententia declaratiue necessario acquiescendum, cum vlla probabilitatis specie affirmare potest.

17. *Iudicet* ergo *Summus Pontifex* cum *Concilio Occumenico*, definiat eo modo, quo definitionem, *iudiciumq;* ipsius *infallibile* esse omnes Catholici consentiunt, potestatem sibi competere Principes deponendi, & subditos ab eorum fidelitate verè absoluendi, & statim illius *iudicio* acquiescemus. Interim quamdiu de hac re certant Scholastici, & sub *Iudice* lis est, an Papa possit Principes deponere, affirmare non dubito, sententia Summi Pontificis Principem, qui Regnum suum legitimè possidet, deponentis acquiescendum non esse; quin potius, quod alias<sup>n</sup> inculcaui, eos omnes,

nes, qui talem Principem è Regni sui possessione, hac lite pendente, deturbare satagerent, summam illi Principi iniuriam irrogare, & si subditi sint, in manifestæ perduellionis crimen incurrere iterum, atque iterum inculcare non reformido.

18. Et quid si *Summus Pontifex* cum *Bonifacio* Papa octauo iudicaret, *Regem Francia*, tam in temporalibus, quam in spiritualibus illi subiectum esse, & contrarium sentientes hereticos iudicaret, an forsan *Doctor* iste affirmare auderet, *Regem Francia*, eiusq; subditos *Romani Pontificis* iudicio acquiescere oportere?

19. Illa verò, quæ in fine huius capitis *Doctor* iste subiungit, cum ad conuitia spectent, & falsissima etiam esse superius à me ostensum sit, cum multi Auctores Catholici, pij, ac eruditi, non solum de modo, sed etiam de re ipsa certent, an Papa possit Principes deponere, responsione vix indigent: Atque etiam *Bartholus* pari cum facilitate ipsimet *Card. Bellarmino*, qui ex *Bartholi* sententia doctrinā ab Ecclesia damnatam rotis viribus propugnat,

propugnat, & sacrosanctam Summi Pontificis Christi Vicarij, Ecclesia in terris capitis potestatem diminuit, atq; altera sui parte truncat, eandem planè calumniam intendere posset, atque etiam cum *Doctore* isto exclaimare: *Praclarus equidem labor, quous erga Pastorem, filius erga Patrem, homo Catholicus erga Summum Pontificem, Christi Vicarium suum studium, & subiectionem declaret, ac profiteatur.*

*Heretici directam Summi Pontificis in temporalibus Monarchiam sibi à Christo Domino concessam esse negant, talemque potestatem non veram, sed usurpatam, non à Deo datam, sed sibi ab hominibus delatam esse aiunt, Ita Calvinus, Petrus Martyr, Magdeburgenses, Marsilius de Padua, Dantes, Occam, & alij.*

20. Card. Bellarminus aduersus doctrinam ab Ecclesia approbatam hereticis, schismaticisque in oppugnanda, & mutilanda Pontificia potestate se iungit; *Et tamen Catholicus videri vult. Aut igitur deserat castra, aut nomen. Cur quorum detestatur nomen, eorum in castris militat? Quorum nomen praefet,*  
*eorum*

*eorum societatem auersatur?* Iam quid, obsecro, de hac *Bartholi* inuectiua sentiret Doctor iste: Sed tædet me profectò in istiusmodi calumnias, quibus liber huius *Doctoris* repletus est, repellendis tot chartas consumere. Neque enim aut *Calvinus*, aut *Petrus Martyr*, aut *Magdeburgenses*, aut *Marsilius*, aut *Dantes*, aut *Occam*, aut alius quicunque, eo quòd potestatem Summi Pontificis Principes deponendi, eiusque in temporalibus siue directè, siue indirectè dominium inficientur, aut hæretici, aut Schismatici à Catholicis Scriptoribus, qui de hæresibus scripserunt, vnquam sunt habiti.

21. Vanum autem, ne dicam ridiculum, illud est, quod *Doctor* iste, & o *Vide infra* hîc, & alibi sæpius tam crebro inculcat, nempe, *unanimum consensum Patrum* meæ doctrinæ aduersari; cum ipse ne vnum quidem ex antiquis Sanctis Patribus pro potestate Summi Pontificis Principes deponendi confirmanda producat. Summam quidem & amplissimam Supremi Pastoris auctoritatem esse Sancti Patres

Patres vno ore, ac vnamini consensu verbo Dei innitentes asserunt, sed spiritualement non temporalem, à vinculis peccatorum, non debitorum absoluendi, & regnum cæleste, non terrenum benemerentibus conferendi, atque ex ouili Dominico, non politico oues morbidas excludendi. Solum S. *Bernardum* ex antiquis Sanctis Patribus fere nouissimum, quippe qui post mille centum annos à Christo nato floruit, pro sua sententia confirmanda profert *Doctor* iste, quem tamen suæ doctrinæ apertissime refragari, & gladium materiale Summo Pontifici, quā tali, quoad *nutum* tantum, non quoad *usum* iure diuino subiectum esse, ab eo dirigendum non exercendum, pro Ecclesia, non autem ab Ecclesia, exercendum, alibi aduersus hunc Doctorem clarissime

p. *In Confutat.* commonstrauit.

*Tho: Fitzh.*

*part. 2. cap. 9.*

22. Quæ igitur huius *Doctoris* audacia est, *unaminem Patrum consensum* tam gloriose venditare, cum ne vnum quidem ex antiquis Sanctis Patribus proferre possit, qui hanc suam doctrinam vel ex illo *Pasce oues*

meas, vel ex illo, *Quodcumque solueris*, vel ex alio quouis Sacra Scripturae contextu vnquam collegerit, aut de hac Summi Pontificis potestate Principes deponendi vel per somnium cogitauerit.

23. *Concilia* item *Oecumenica* *Doctor* iste sæpius conclamitat, quibus tamen ego abundè satisfeci, atq; non *Concilia*, sed priuatū suū spiritū, & priuatam suam *Conciliorū* contra genuinū *Conciliorū* sensum explicationē pro ipsis *Concilijs* Christiano orbi eum obtrudere perspicuè comprobauī. Sed vtinam in vno aliquo argumento ad suam doctrinam propugnandam, meamque impugnandam, vel in *Sacra Scriptura*, vel in *Concilijs*, vel in quacunque alia ratione, aut auctoritate fundato *Doctor* iste semel insisteret, vt ita veritas statim innotesceret, & non in circulo semper ambularet, neque ab vna ratione ad aliam, ab vno *Concilio* ad aliud, ab vno *Sacra scripturae* contextu ad alium, vt ita *Lectoris* mentem confundat, ac defatiget, toties confugere veller.

O

Atque

24. Atque hæc sunt, *B<sup>me</sup>. Pater*, omnia illa dogmata, ob quæ *Doctor* iste in primo capite sui libri me *hereseos accusare*, & *omnino reum peragere* affirmavit. Veruntamen an dogmata hæc *heretica* sint, aut fidei Catholica principijs repugnent necne, vel potius an *Doctor* iste insignis calumniator sit, *vestraque Sanctitate*, totoque mundo turpiter abusus fuerit, vel propterea nulla fides illi deinceps adhibenda sit, & propterea poenis condignis castigari mereatur necne, tum *Vestra Beatitudinis* prudentiæ, atque iustitiæ, tum viris quibuscunque eruditius iudicandum relinquo.

Iam reliquas assertiones in *Prefatione* à me positas, quas *Doctor* iste in secundo capite sui libri collegit, & censura dignas esse asserit, breviter examinemus.



*Examen Praefationis.*

§. 16.

**D**ecimò sextò Doctor iste ait,  
*a Praefationem meam quinque  
 habere, quae censura digna videntur.*

a Pag. 12.

Primum. astruit Widdringtonus,  
*Principatum politicum Regum, aliorumq;  
 Principum huius mundi esse de iure di-  
 vino naturali. Nonsecus ac Pontificatus  
 Episcopi Romani est de iure divino E-  
 uangelico. Hoc quasi fundamentum ia-  
 cit suae falsae doctrinae, ex quo postea dedu-  
 cit, non posse Regem vlla de causa ab ho-  
 minibus quacunque potestate prae-  
 deponi, sed à solo Deo. Sed audiamus  
 ipsum loquentem.*

Cum duæ tantum reperiantur po-  
 testates, quibus principaliter mundus  
 hic regitur, actibus proprijs, & digni-  
 tatibus distinctæ, auctoritas nempe  
 sacra Pontificum à Christo Domino  
 instituta, & Principatus politicus ab  
 ipso Deo per legem naturæ, quæ suæ  
 sempiternæ participatio est, sanctissi-

mè ordinatus. *Hæc Widdringtonus, qui pro horum confirmatione ad marginem citat Gelasium, Nicolaum, Innocentium.*

b Pag. 13.

2. *Respondeo, inquit Doctor iste<sup>b</sup>. Fundamentum hoc falsum est, & absurdum: Proinde non mirum, si quæ superstruuntur, falsa, & absurda sint. Non enim verum est, potestatem politicam Regum, ac Principum esse à Deo, perinde ac potestas Pontificia est à Christo per legem Evangelicam. Latum inter utramque potestatem ratione originis discrimen est. Primo, Pontificia potestas immediate est à Christo vero Deo &c. Et tandem ita concludit Doctor iste<sup>c</sup>.*

c Pag. 15.

3. *Hinc sequitur, Principatum politicum non esse eo modo de iure divino, quo est Pontificius. Ita docent Catholici Scriptores, ut Dominicus à Soto lib. 4. de Iust. & Iure q. 4. ar. 1. ad cuius verba Widdringtonus hoc loco alluisse videtur, & alij &c. Neq. Gelasius, aut Nicolaus, aut Innocentius in margine à Widdringtono citati aliud dicunt. Solum dicunt, Principatum politicum distinctum esse ab Ecclesiastico, quod nemo inficias ierit; Principatum politicum*

*politicum esse immediate à Deo, sue de iure natura ne meminerunt quidem.*

4. Sed miror sanè quid huius *Doctōris* mentem adeo occæcauerit, ut prima omnia libri mei verbatam negligenter perlegerit, atque in ipsomet principio in tam paucis lineis tam multa quasi de industria deprauaret, neque etiam quid ipsemet Card. *Bel-larminus* ( cuius verba expressa ego etiam in hac mea *Apologia*<sup>d</sup> recensui ) d Num. 432. in suis *Controuersijs*, in quibus *Doctōr* iste versatissimus est, non obiter, sed de instituto scripserit, recordatus fuerit.

5. Nam in primis falsum est, me de principatu politico *Regum, aliorumq; Principum huius mundi*, ut *Doctōr* iste mihi imponit, sed de principatu tantum politico generatim considerato, non descendendo ad Monarchiam, Aristocratiam, aut Democratiam locutum esse : Illud [ *Regum, aliorumq; Principum huius mundi* ] à se additum, & è suo cerebro confictum, non à me dictum est.

6. *Secundo*, falsum etiā est, me in illis verbis affirmasse, Principatum politi-

cum esse de iure diuino naturali; *Non secus, perinde ac, seu eodem modo*, ut *Doct̃or* iste mihi affingit, quo Pontificatus Episcopi Romani est de iure diuino Euangelico. Solùm etenim ego asserui, duas tantùm supremas in hoc mundo reperiri potestates, actibus, officijs, & dignitatibus distinctas, nempe auctoritatem sacram Pontificum, & principatum politicum, sicut Gelasius, Nicolaus, & Innocentius, quos in huius assertionis confirmationem ad marginem citavi, affirmarunt; Et auctoritatem Pontificum esse à Christo Domino institutam, principatum autem politicum esse à Deo per legem naturæ ordinatum; quod etiam verissimum est, neque ab aliquo absque grauissima nota denegari potest: Sed quod principatus politicus sit à Deo per legem naturæ, *non secus, perinde ac, seu eodem modo*, quo potestas Pontificum est à Christo per legem Euangelicam, ego nequaquam affirmavi, Illa [ *non secus, perinde ac, seu eodem modo* ] à Doct̃ore isto mihi imposita, non autem à me posita sunt.

7. Deinde ipsemet etiam Card.

*Bellarminus*

*Bellarminus* expresse affirmat, principatum politicum, seu supremam potestatem politicam, generationi consideratum, non descendendo ad Monarchiam, Aristocratiam, vel Democratiam esse à Deo immediate, & de iure diuino naturali, quod tamen *Doct̃or* iste, immemor eorum, quæ *Card. Bellarminus* antea scripserat, quæque in mea Apologia relata videntur, hoc loco inficiari videtur. Sed audiamus *Bellarminum* loquentem.

c Lib. 3. de  
Laicis cap. 6.

Potestas politica in uniuersam considerata, non descendendo ad Monarchiam, Aristocratiam, vel Democratiam immediate est à solo Deo. Nam consequitur naturam hominis, proinde est ab illo, qui fecit naturam hominis. Præterea hæc potestas est de iure natura, & immediate in tota multitudine, tanquam in subiecto, & transfertur à multitudine in unum, vel plures eodem iure natura.

f In relect. de  
potest. civilis  
num. 8.

8. Sed tamen si ego cum *Victoria*<sup>f</sup>, & *Conarruua* <sup>g</sup>, quorum etiam sententiam *Andreas Duuallius* <sup>h</sup> sequi videtur asseruissim, ipsam politicam Regum potestatem esse immediate à Deo, & de lege naturæ, & non ab homini-

g Cap. 1. præ-  
dict. quæst.

num. 6.

h De suprema  
Rom. Pont. &c.

part. 1 q. 1.

pag. 66.

i Num. 157. &  
seq.

bus, tametsi potestatis titulus, seu designatio personæ in Regem sit ex consensu hominum, non posset rigidus iste *Censor* hanc assertionem, quam paulò fusiùs declaratam *Lector* in *Responsione mea Apologetica* videre poterit, aut absurdam, aut etiam falsam comprobare. *Dico*, ait *Victoria*, *Reges etiam a iure diuino, & naturali habere potestatem, & non ab ipsa Republica, aut prorsus ab hominibus. Et probatur &c.* *Regia potestas*, ait *Conarrunias*, *ceterorumq; Principum civilis auctoritas non hominum est inuentum, sed ab ipso Deo per legem naturalem, quæ suæ sempiternæ participatio est, sanctissima fuit ordinatio. Eadem verba habet Dominicus Sotius lib. 4. de Instit. q. 4. ar. 1. Et Concilium Meldense anno. 845. celebratum can. 15. ait, potestatem Regiam iuxta Apostolum non esse nisi à Deo.*

9. *Dicam obiter*, ait *Andreas Duallius*, *electionem populi, aut hereditariam successionem (quæ in prima sui origine a populo derivatur) non impedire quominus dici possit potestatem Secularem Regum & Principum à Deo esse immediate*

diatè (quod ad populum in officio contio-  
nendum maxime confert, ne factionibus,  
& rebellionibus à suo Rege legitimo de-  
sciscat. Cum enim credit populus, Regis  
sui potestatem non à seipso, sed à Deo solo  
derivari, eius dominationem multo tole-  
rabilius sustinet, eiusq; mandatis promp-  
tius, & facilius obtemperat) Ratio verò  
cur hac dicantur non impedire, quo mi-  
nus potestas Regis à Deo sit immediatè,  
est à simili. Sicut enim ex electione Pon-  
tificis, que fit per Cardinales totius Ec-  
clesiæ nomine, non sequitur, Pontificem à  
Cardinalibus, vel ab Ecclesia suam mu-  
tuari potestatem, cum à Christo solo eam  
accipiat, ita nec ex ordinatione Pontificis,  
aut electione populi nisi aliud accedat (ut  
accidit in Regibus Siciliae, & alijs Prin-  
cipibus Ecclesiæ vasallis) sequitur Reges  
ab ijs, & non à solo Deo suam tenere po-  
testatem, ideoq; designabunt quidem illi  
electores personam Regiam, cui tamen  
supremam politicam potestatem nullo in-  
termedio Deus ipse conferet. Hæc au-  
tem falsa & absurda esse Doctor iste,  
quicquid hîc dicat, comprobare non  
valet. Videat Lector *Responsionem*,  
*meam Apologeticam* loco citato.

10. *Tertio*, illud etiam, quod *Doct*or iste affirmat, me prædictam assertionem *tanquam fundamentum meæ doctrinæ* iacere, atque ex eo postea deducere, non posse *Regem* vlla de causa ab hominibus quacumq; potestate præditis, sed a solo Deo deponi, duo etiam manifestè falsa in se continet. *Primum* est, illud [*ab hominibus quacunque potestate præditis*] Neque enim ego de potestate Reipublicæ temporalis in suum Principem, sed de sola potestate Pastorum spiritualium Principes Seculares deponendi disputationem institui, An autem Reges à Republica ob vllam causam deponi queant, quæ questio non tam Theologica, quàm philosophica est, iustis de causis, vt alibi sæpius <sup>k</sup> affirmavi, de industria declinaui, & illam tantum, An Summus Pontifex Principes supremos deponendi potestatem habeat, examinandam in me suscepi.

k In Apologia.  
nu. 410. & in  
Respons. Apolo.  
num. 58 59-50

11. *Secundum* est, hanc meam assertionem esse *fundamentum*, vt *Doct*or iste comminiscitur, ex quo postea deduco, non posse *Regem* vlla de causa ab hominibus deponi. Neq; enim hæc quæ-  
stio



stio de potestate siue Summi Pontificis, siue Reipublicæ temporalis Principes supremos deponendi, ex hoc fundamento, aut principio, quòd Principatus politicus sit à Deo per legem naturæ, vllatenus pendet, sed alijs fundamentis, ac principijs longè diuersis hanc quæstionem de Principum depositione nixam esse *Doctor* iste, nisi libros meos oscitanter perlegisset, ignorare non poterat.

12. Nam tametsi quis assereret, non tantum Regiæ potestatis titulū, seu designationem personæ in Regem, sed ipsam etiam Regum potestatem ab ipsa multitudine, seu Republica, tanquam à causa efficiente, quæ talem potestatem Regibus concessit, primum dimanasse, non subinde sequitur, posse Reges à Republica, postquam potestate sua se abdicauerit, eamque totam in Reges transtulerit, iudicari, atque deponi, nisi concedere quis velit, rationi consonum esse, quòd maior à minori, Superior à subdito iudicari, ac deponi queat.

12. Fundamentum igitur, ac Principium, ex quo Doctores colligunt,  
non

non posse Principes Supremos à Republica iudicari, atque deponi, est suprema Principum auctoritas, & subiectio Reipublicæ ad Principem, undeunque suprema hæc Principum auctoritas vel à Deo solo per legem naturæ, vel etiam à Republica in principio deriuata fuerit:

13. Fundamentum etiam, ex quo Doctores deducunt, neque posse Principes supremos à *Summo Pontifice* Principatu priuari, non omnino ablimile est, nempe suprema eorum in rebus temporalibus (quales sunt depositio, aut occisio Principum, ob quemcunque finem tamen si spiritua-lem fieri prætendantur) in quibus soli Deo subiecti sunt, auctoritas. Quod enim Principes Seculares authoritate Summi Pontificis deponi, aut occidi non possint, non ideo est, quia suprema Principum auctoritas illis à Deo solo, & non à Republica primum communicata fuerit, ad hanc enim questionem omnino impertinens est, utrum Reges à Deo solo, an à Republica supremam suam potestatem in principio acceperint: Sed ratio, ob quam

quam Reges à Pontifice deponi nequeant, hæc est, quia neque ex vtriusque potestatis natura (cum omnino distinctæ potestates sint, & vtræque in suo genere suprema sit, & temporalis spirituali in temporalibus non subiecta, & Principes supremi nullum Superiorem in temporalibus præter Deum solum recognoscant) neque ex Scriptura sacra, Ecclesiæ definitione, aut alia ratione conuincenti colligi possit, *Christum* Dominum talem Summo Pontifici Principes deponendi auctoritatem concessisse.

14. Non igitur ex hoc principio, & fundamento, quod Principatus politicus sit ab ipso Deo per legem naturæ, ego vnquam collegi, ut *Doctor* iste mihi affingit, Reges, neque à Republica, neque à Pontifice deponi posse, sed istud tantum eo loco in verbis immediate sequentibus ex hoc fundamento deduxi, ita cautè, & prudenter de vtræque potestate agendum esse, ut neque Pontificiæ dignitati quidquam detrabatur, neq; ei aliquid in Maiestatis Regiæ præiudicium plus æquo tribuatur, sed ut iuxta Christi Domini præceptum

*ceptum, & Cesari reddantur, quæ sunt Cesaris, & quæ sunt Dei, Deo. Quæ mea verba Doct̃or iste, ne Lect̃or fraudem eius statim aduerteret, omnino prætermisit.*

15. Cum itaq; perspicuè constet, *Doct̃orem* istum prima mei libri verba tam turpiter deprauasse, atque in tam paucis lineis quatuor quasi de industria mihi falsò imposuisse, qualem sinceritatem in reliquo eius libro, qui totus ex fraude, falsitate, conuitijs, cauillis, ac sophismatibus confectus est, vt breui, Deo dante, clarissimè patefaciam, prudens Lect̃or à viro tam parum sincero expectare poterit, ipsemet tum *vestra Sanctitati*, tum alijs quibuscunque iustam dubitandi occasionem subministrabit.

## §. 17.

I. **D**Ecimò septimò, secundum quod Doctor iste in Præfatione meæ Apologiæ censoria nota dignum esse affirmat, <sup>2</sup> illud est, quod asse- a Pag. 16. 17.  
ro, Card. Bellarminum auctoritatem Pontificis temporalem in Regie Maiestatis derogationem stabilire contendere: Quod ad invidiam, ait Doctor iste, Card. Bellarmino apud Principes huius Seculi conflandam dictum esse quis non videt?

2. Respondeo itaq;, ait Doctor iste, iniuriâ, & per calumniam Card. Bellarmino hoc affingitur. Primo quidem non derogat Regie Maiestati, sed colit, & observat, colendamque, & observandam esse docet Card. Bellarminus, tribuitque omnem eminentiam, quam Sacra literæ, & Sancti Patres tribuunt. Illud addit, Regiam Maiestatem & omnia temporalia inservire debere Ecclesie Dei, & salutis animarum, seu referenda esse ad finem

nem spiritualem, & vitam aternam. Ideo a Christo Deo, & Domino subiecta esse Vicario suo, supremo in terris Principi spirituali, quem super uniuersam familiam <sup>b</sup> suam loco suo constituit, <sup>c</sup> & cui pascendas <sup>d</sup> oues suas commisit, <sup>e</sup> ut ab eo dirigantur ad finem supremum aeternae uitae, & si aberrare contingat, corrigantur <sup>f</sup>. Ea autem non est derogatio Regie Maiestatis, aut politicae potestatis, sed est ingentissimum Dei beneficium, omnibus fidelibus apprime necessarium, & salutare, sed Regibus maxime, qui quo excelsores sunt loco, eo magis obnoxij sunt grauiori casui, eoque magis egent directione.

<sup>b</sup> Luc. 22.

<sup>c</sup> *Ut det illis in tempore tritici mensuram.*

<sup>d</sup> *Pascendas non maculandas.*

<sup>e</sup> Ioh. 21.

<sup>f</sup> *Correptione spirituali non temporali, Ecclesiastica non civili.*

3. Non minuitur Maiestas humana, cum diuine subieitur, sed adiunatur, dirigitur, illustratur magis, quam corpus à spiritu, luna à Sole; & docentur Reges sic regnare in terris, ut post hanc uitam cum Christo aeternum mereantur regnare in caelis. Gens enim, & Regnum quod Ecclesia non seruijerit, peribit, Isa. 60. Reges enim non sunt Pastores Ecclesiae, sed oues, non Patres, sed filij, & quidem filij primogeniti, non Praesides, sed subditi, nec quis è turba, sed nutritij Isa. 49. ut ei ministrent, eam uerbis suis lactent

laſcent, & eius muros ædificent Iſa. 60. id eſt, ut Religionem non Antiftitum, ſed Regum more, ac velut primogenitiſ Eccleſia filij procurent, tegendis inuandisque Pontificibus, ac populis in officio continendis. Hoc Regum officium eſſe docent Catholici, quod ſi ſtrennè exequantur, atque intra eius ſe limites contineant, beati ſunt Reges illi, donandi à rege Regū longè ſplendidiore immortalis Regni corona.

Illi derogant Regibus, qui per aſſentationem ita terrenam illorum poteſtatem extollunt, ut cœleſti gloria priuent. Læbet concludere hunc locum cum magno & Rege, & Propheta: Et nunc Reges intelligite, erudimini qui iudicatis terram, ſervite Domino in timore, & exultate ei cum tremore, apprehendite diſciplinam, ne quando iraſcatur Dominus, & pereatis de via iuſta. Pſal. 2.

4 Longa hîc & artificioſa oratione uſuſ eſt Doct̃or ille, ut Card. Bellarmini doctrinam, tanquam Regiæ Maieſtati nihil derogantem defendat, mihi calumniam imponat, & Lect̃ori ſub fallacibus verborum præſtigijs fucum faciat: Quasi verò Card. Bellar-

*minus* nihil aliud docuisset, quàm quod *Doctor* iste sub specioso verborum generalium colore *Lectorem* fallens tradidit: nempe [*Regiam Maiestatem*, & temporalia omnia ad finem spiritualem, & vitam æternam referenda esse, & a Pastore spirituali ad eundem finem dirigenda, & si errare contingat, corrigenda, atque Reges esse *Ecclesiæ* oves, non Pastores, filios non Patres, subditos non Præsides] Hanc enim doctrinam generatim traditam *Regia Maiestati* nihil derogare satis manifestum est. Sed nunquid *Card. Bellarminus* nihil aliud addit, quod *Regia Maiestati* derogat? Immo verò.

g Lib 5. de  
Rom. Pont cap.  
7. in prima  
ratione.

h Ita enim  
mentem eius  
interpretatur  
*Doctor* iste  
inferius pag.  
332. & 333.  
i In Confut.  
Tho: Fitzherb.  
part. 2. cap. 5.

5 Addit enim primò, & *Regiam Maiestatem*, & temporalia omnia, non solum ex intentione hominis Christiani, qui ex lege *Christi* tenetur se, suaque omnia ad Deum, atque æternam felicitàtem referre, verùm etiã per se, & ex natura sua ad finem spiritualem, & vitam æternam relata, atque ordinata esse, <sup>h</sup> vt inde argumento quodam sophistico, quod ego alibi i clarissimè confutavi, fictam quandam



dam, falsamque subiectionem, ac subordinationem non tantum *Principis* politici ad Ecclesiasticum, sed ipsiusmet etiam *potestatis* politicæ ad Ecclesiasticam stabiliret, atque ita tandem comprobaret *Reges & Principes* temporales, non solum in spiritualibus, verum etiam in temporalibus, quod utique directam Summi *Pontificis* in temporalibus Monarchiam confirmat, Pastoribus spiritualibus subiectos esse.

6 *Addit secundo*, <sup>k</sup> quod etiam <sup>k</sup> *Lib. 5. de* prædictam Monarchiam perspicue *Rom. Pont. cap.* corroborat, [*Ecclesiam Christi*, corpus eius mysticum, Regnumque spirituale, cuius caput est Summus *Pontifex*, non tantum ex spirituali, sed *7. & in Tract. contra Barcl. cap. 13. & Doctor iste inferius pag. 195. & 199.* etiam ex temporali potestate (tamen si in hoc non sibi constet) conflata esse; & Rempublicam temporalem, ac spirituales vnam totalem Rempublicam, quæ est *Ecclesia*, cuius caput est Summus *Pontifex*, cōstituere.] Et quid hoc est aliud, quàm Summum *Pontificem* totius orbis Christiani tam in temporalibus, quàm in spiritualibus *Monarcham*, atque su-

premiū caput efficere? Adeo ut ego hoc mysterium me ignorare fatear, ob quem finem Card. *Bellarminu* temporalem *Summi Pontificis Monarchiam* aduersus *Canonistas* verbis impugnet, & tamen ipsamet fundamentalis *Monarchia* reipsa iaciat, confirmet, atque stabiliat.

1 *In tract.*  
*contra Barcl.*  
*cap. 3. & ca. 21.*  
• Doct̃or iste  
*inferius pag.*  
339.

7 *Addit tertio*,<sup>1</sup> [personas Ecclesiasticas *Principibus* Secularibus subditas non esse, sed iure diuino a potestate *Principum* Secularium esse exemptas, neque ad vllas leges ciuiles obseruandas vi legis, ac subiectionis, sed vi tantum rationis, (qua ratione ipsemet etiam *Princeps*, qui eas condit, seruare tenetur) obligatas esse.] Quam doctrinam *Regia Maiestati* derogare, & altera suorum subditorum parte truncare quis non videt?

m *Lib. 5. de*  
*Rom. Pont. cap.*  
*7. & seq.*

8 *Addit quarto*,<sup>m</sup> [*Reges*, ac *Principes* supremos, si *Summi Pontificis* directionem sequi neglexerint, non poenis tantum spiritualibus, sed etiam temporalibus corrigi, ac castigari, Regnisque suis, ac dominijs temporalibus, quin etiam, quod horreo dicere, eos, qui vitæ ac necis gladium por-

tant

tant, vita corporali auctoritate Summi Pontificis priuari pariter posse. <sup>n</sup>]

9 Sed hîc nô se sistit Card. Bellarminus, vlteriùs progreditur, & aliud lôgè perniciosius docet, & quod *Regia Maiestati* multo magis derogare manifestû est *Addit enim quintò*, ° [ hanc suâ doctrinam, saltem de *Regibus* auctoritate Papali deponendis, certam, esse, indubitaram esse, fide Catholica tenendam, & contrariam omnino improbabilem, & non tã sententiam, quàm hæresim reputandam esse; ] neque licere *Regibus*, aut subditis Catholicis hanc Card. Bellarmini doctrinam in controuersiam vocare, neque suprema *Regia Maiestatis* iura contra prædictam Bellarmini doctrinam palam defendere, neque rationes & argumenta, quin potius cauillos, & sophismata ipsius, quæ *Regia Maiestati* derogare videntur, scriptis publicis, vt tum a viris eruditis, tum a vestra præsertim *Sanctitate* rite examinentur, commendare, quin etiam eiusmodi scripta, quamprimùm in lucem prodent, omnino prohibenda, & a nemine, ne fraudes eius, ac fallaciæ toti

n Doctor iste  
inferius pag.

144.413.490.

o Lib. 5. de  
Rom. Pont. cap.  
1. & in lib.  
contra Barcl.  
sapissimè &  
Doctor iste in  
suo libro fere  
per totum.

mundo innotescant, legenda, sub fucata potestatis Pontificiæ, atque fidei Catholicæ impugnandæ specie, pro ea, quæ apud *vestram Sanctitatem*, cæterosque *Illustrissimos Cardinales* doctrinæ, ac sinceritatis existimatione præualeat, protinus curat.

Et nihilominus *iniuriâ*, & *per calumniam*, ait *Doctör* iste, Card. Bellarmino affingitur, quod ipse auctoritatem Pontificis temporalem in Regiæ Maiestatis derogationem stabilire contendat. Stupidis sanè, ac slipitibus, hoc forsitan persuadebit *Doctör* iste, sed viris prudentibus atq; oculatis, qui rem totâ penitus inspicient, istud persuadere totâ suâ Rhetoricâ nunquâ profectò poterit.

10 *Meminerit* igitur *Doctör* iste, res omnes temporales non *per se* & *ex natura sua*, sed ex intentione tantum hominis, qui se suæque omnia ad æternam salutem referre debet, ordinatas esse, ut alibi *p* contra ipsum fulius comprobaui; & *Reges*, ac *Principes Christianos* in fide, ac religione Christiana, non in regimine temporali a supremo spirituali Pastore esse instituendos; & quomodo se, suæque omnia

*p* In Consut.  
Thom. Fitzherb.  
part. 2. cap. 5.

nia ad salutem æternam referre debeant, ab eodem edocendos, atque dirigendos, & si forsan errauerint, illiusque instructionem, ac directionem, sequi noluerint, pœnis quidem spiritualibus, non temporalibus castigandos, atque Regno Christi, quod est Ecclesia, non terrestri Regno, auctoritate Ecclesiastica priuandos esse.

II *Meminerit* etiam, *Reges*, & *Principes Seculares*, quantumuis gregis Dominici sint *oues*, non *Pastores*, spiritualis regni *subditi*, non *Præsides*, & Ecclesiæ, seu familiæ Christi *filij*, non *Patres*; attamen gregis Politici *Pastores* esse, non *oues*, Regnorum huius mundi *Præsides*, non *subditos*, & familiæ terrenæ *Patres* esse, non *filios*. Si igitur *Reges* errauerint, & spirituales directionem sequi contempserint, posse Supremum spirituales Pastorem eos ex ouili Dominico, è familiæ Christi, è Regno spirituali, quod est Ecclesia, cuius ipse est caput, eiicere, & tanquam Ethnicos, & Publicanos facere non inficiamur; sed eos ex ouili Politico, è familiæ terrena, è Regno temporali, in quibus

non ipse, sed ipsi *Pastores, Patres, ac supremi Praefides* constitututi sunt, excludere, ad *Summum Pontificem* spectare, neque ex sacris literis, neque ex Sanctis Patribus, neque alia ratione solida comprobari potest.

12. Quis enim ex Sanctis Patribus vnquam affirmavit, *Ecclesiasticos* non esse subditos *Principibus* Secularibus, sed eo ipso, quod tonsuram Clericalem acceperint, ab omnimoda subiectione, quam antea *Principibus* debebant, cum *lex Christiana*, teste *Bellarmino*, ¶ *neminem prius suo iure, & dominio*, iure diuino iam exemptos esse? *Omnis anima*, etiamsi *Apostolicus* sit, *Euangelista, Propheta, Monachus, Sacerdos, Antistes*, siue quisquis tandem fuerit, potestatibus sublimioribus subdita sit, neq. enim pietatem subuertit subiectio, ait *Chrysostomus, Theodoretus, Theophylactus, Occumenius*, ¶ *Pelagius Papa primus* <sup>r</sup>; & nomine potestatum ciuiles tantum intelligunt, ait *Salmeron* in disp. 4. in 13. *Rom.* *Adam Sasbout* ibidem. *Barth. Medina* 14. 24. q. 96. ar. 4. *Omnis anima potestatibus sublimioribus subdita sit: si omnis, & vestra.*

q Liq. 5. de  
Rom. Pont. c. 3.

r Ad Rom. 13.  
f In epiß. 16. ad  
Childebertum  
Regem Franco-  
rum, apud Bin-  
nium tom. 2.  
Concil. pag. 633

vestra. Quis vos excepit ab vniuersitate : Si quis tentat excipere, conatur decipere, ait S. Bernardus ad Archiepiscopum Senonensem<sup>t</sup>.

<sup>t</sup> Epist. 42. ad  
Henricum  
Archiep. Senon.

13. Quis item ex Sanctis Patribus illorum verborum, *Pasce oves*, hunc sensum esse vnquam asseruit, Præbe ouibus meis cœlestis vitæ pabulum, quod si accipere abnuerint, tērestris vitæ pabulum illis adime, easque non tantum à cæteris separa, & ex meo ouili eijce, vt tanquam Ethnici, & Publicani habeantur, sed macta, occide, bonis omnibus temporalibus, Regnis, Dominijs, atque vita etiam corporali, si opus fuerit, eas priua? Aut quis vnquam ex Sanctis Patribus affirmavit, illis verbis, *Quodcunque solveris* &c. S. Petro, eiusque Successoribus à Christo Domino promissam esse potestatem Imperia transferendi, Principes deponendi, subditos à temporali fidelitate absoluendi, & vincula quæcunque, non peccatorum tantum, sed etiam debitorum, non spiritualia tantum, sed etiam temporalia relaxandi, & de rebus omnibus temporalibus, de Regnis, Imperijs, de

de vita, & morte in ordine ad bonum spirituale disponendi ? Qui quidem sensus, si à Spiritu sancto intenti fuissent, non est verisimile, Sanctos illos, doctissimosque Patres latere potuisse, aut talem Pastorum spiritualiū potestatem, quæ tam salutaris, tamque necessaria omnibus fidelibus futura fuisset, sicut Card. *Bellarminus* prætendit, scriptis publicis commendare vllatenus dubitasse.

14. Hæc igitur *Sanctorum Patrum* vox consena, sententia concors, ac vnanimis consensus est, *Reges ac Principes supremos*, à Deo secundos, solo Deo minores, soli Deo pro delictis suis rationem reddituros esse, & à nemine præterquam à solo Deo pœnis temporalibus, & correctione temporalis, de qua duntaxat loquuntur, (neque enim eos à Pastoribus spiritualibus coercione spirituali corrigi posse negare intendunt) iudicandos, castigandos, atque coercendos esse. Ita *Ignatius* in epist. ad Smyrneneses. *Tertullianus* in Apologet. cap. 33. & ad Scapulam. *Chrysostomus* hom. 2. & 20. ad populum Antiochen. *Optatus* lib.



lib. 3. contra Parmenianum. *Irenæus* lib. 2. cap. 20. *Clemens Alexandrinus* lib. 4. *Stromatum*. *Arnobius* in psal. 50. *Hieronymus* epist. 36. ad Rusticum, & epist. 22. ad Eusto-  
chium. *Ambrosius* in Apolog. David. cap. 4. & lib. 2. epist. 7. & in psal. 118. serm. 16. *Cyrillus Alexandrinus* lib. 12. in Ioan. cap. 56. *Gregorius Magnus* lib. 2. Epist. 61. *Isidorus* lib. 3. sentent. cap. 5. *Beda*, *Euthymius*, *Cassiodorus* in illud psal. 50, *Tibi soli peccavi*, & plures alij. Et nihilominus *Doctor* ille affirmare non dubitat, *Card. Bellarminum* *Regie Maiestati omnem eminentiam tribuere, quam Sacrae literæ, & Sancti Patres tribuunt.*

15. Præterea, *Bartholus*, cæterique *Canonistæ*, qui *Summum Pontificem* temporalem totius mundi *Monarcham* constituunt, eodem verborum generalium tenore, affirmare non dubitant, se nihil derogare *Regie Maiestati*, sed eam colere, & obseruare, colendamque, & obseruandam esse docere, tribuereque illi omnem eminentiam, quam *Sacrae literæ*, & *Sancti Patres* tribuunt, neque hanc *Pontificis*

ficis Monarchiam, esse derogationē Regiæ Maiestatis &c. Communis hæc omnium Doctorum, qui de potestate Summi Pontificis, siue temporali, siue spiritali tractant, cantilena est, eiusmodi verbis generalibus uti : Quæ cum *Doctore* huic ita arri-  
deant, persuadeat ipse Summo Pontifici, *Theologos Parisenses*, quos ipse adeo infectatur, qui affirmant, *Summum Pontificem* Concilio generali subiectum esse, & si delinquat, & incorrigibilis maneat, vnde scandalizatur Ecclesia, ab eo iudicari, puniri, at etiam deponi posse, nihil derogare Pontificiæ dignitati, sed eam colere, & obseruare, colendamque, & obseruandam docere, omnemque eminentiam illi tribuere, quam Sacra literæ, & Sancti Patres tribuunt. Neq; hanc esse derogationem Pontificiæ dignitatis, sed esse ingentissimum Dei beneficium, omnibus fidelibus apprimè necessarium, & salutare, sed *Pontificibus* maximè, qui quo excelsiore sunt loco, eo magis obnoxij sunt grauiori casui, eoque magis egent correctione.

16. Denique, vt hunc etaim locum cum isto *Doctore* concludam, vtinam & *Reges*, & *Pontifices*, & *subditi fideles* intelligerent, ad quæ potestas *Regum*, & *Pontificum* ex *Christi* lege, se extendat, & quos limites vtrique potestati *Christus Dominus* constituit, vt ita omnes seruirent Domino in timore, exultarent ei in tremore, atque apprehenderent disciplinam, ne irascatur Dominus, quòd *Pontifex Regia*, aut *Rex Pontificia* potestati deroget, aut quòd subditi debitam vtrisque obedientiam non exhibeant. Hæc enim intelligere vniuersis fidelibus apprimè necessarium est, & salutare, eaque ignorare valdè periculosum. Et propterea quàm iniuriosum sit *Regibus*, *Pontificibus*, ac *subditis*, eorum Catholicorum libros prohibere, qui veritatis in hac quæstione grauissima, quæ ad debitam *Deo*, & *Cæsari* obedientiam præstandâ spectat, quamquæ neque *Reges*, neque *Pontifices*, nec *subditi* absque ingenti æternæ salutis discrimine ignorare possunt, prædiscendæ gratiâ, quid *Deo*, & *Cæsari*, *Pontifici* ac *Regi* iure diuino à subditis

à subditis fidelibus reddendum sit, clarè, sincerè, atque cum omni submissione debita examinant. tum *vestre Sanctitati*, tum *Regie Maiestati*, tum vniuersis Christi fidelibus iudicandū relinquo.

17. Deinde, *iniurià*, ait *Doct̃or iste*,

u *Par. 18.*

u & *per calumniam Card. Bellarmino affingitur, quòd is in derogationem Regie Maiestatis temporalem Pontificis potestatem stabilire contendat, quasi Bellarminus aut solus, aut primus sit, qui hoc dogma procuderit. Non est dogma Card. Bellarmini, sed est dogma Catholicæ Ecclesiæ, quòd Oecumenica Concilia, Summi Pontifices, Sancti Patres, Catholici Doctores ex verbo Dei acceptum semper afferuerunt. Qui contrarium docent, aut manifesti sunt Hæretici, aut Schismatici, aut certè de hæresi suspecti. Card. Bellarminus illos, quàm hos sequi mallet, quòd hîc crimen? Auctores, quos sequutus est, plurimos allegauit, rationes, quibus sententiam suam confirmauit, ab illis accepit, ac potissimum à Nicolao Sanderò Anglo, quem Auctorem nominauit eo loco, ubi rationes illas primum posuit. Vide, inquit lib. 5. de Rom. Pont.*

x Lib. 2. de  
sibili Monarch.  
cap. 4.

Pont. cap. 7. plura apud Nicolaum Sanderum lib. 2. de visib. Monarch. c. 4. ubi etiam multa ex ijs, qua diximus, inuenies. Hæc ibi Bellarminus.

18. Itaque mirum est, cur Widdingtonus, qui Anglus est, non contra Sanderum Anglum scripserit potius, quàm contra Bellarminum, qui & ab illo acceperat, & eandem questionem breuius tractauerat. Sed nimirum, ut Bellarminus Romanam Ecclesiam vnius instar omnium aduersus omnes eius hostes egregiè propugnat, splendoremque Illustrissimi nominis sui longè, latèq; diffundit; Ita fere nemo hostium Ecclesie Romanae hoc tempore, se vel eidem Ecclesie incommodare, vel apud homines innotescere posse sperat, nisi contra Bellarminum scripserit. Hæc Doctor iste.

19. Sed hæc calumnia omninò friuola est, neque ad eam contunden-  
dam longa oratione opus. Neque enim ego ea de causa affirmavi, Card. Bellarminum potestatem Pontificis temporalem in Regia Maiestatis derogationem stabilire contendere, quasi Bellarminus aut solus, aut primus sit, qui hoc dogma præcuderit, ut Doctor  
iste

iste fingit : Noui etenim, hoc dogma non à solo *Bellarmino*, sed à plurimis alijs à *Gregory Papæ* septimi temporibus propugnatam esse. Sed illud propterea affirmavi, quòd ex ijs, qui iam in viuis sunt, *Bellarminus* tum præcipuus sit, qui hanc quæstionem accuratiùs pertractauit, ac potissima argumenta ad hanc potestatem confirmandam ex *Victoria*, *Corduba*, *Sandero*, alijsque collegit; tum præsertim quòd primus ferme sit ex Theologis, (vt *Bartholomæus*, paucosque quosdam Canonistas, qui idcirco ab alijs temeritate notantur, missos faciam) qui dogma istud tanquam fidei Catholicæ dogma procudere, & contrariam Catholicorum sententiam, non tam sententiam, quam hæresim verbis expressis nuncupare non dubitauit.

10. Illam vero iam obsoletam huius Doctoris cantilenam, quam ipse Lectoris auribus tam crebrò infusur-  
rat, nempe quòd illud Card. *Bellarmini* dogma, sit dogma Ecclesiæ Catholicæ &c. falsissimam esse sæpiùs commonstrau-  
ui, neque dogma illud ex Sacris lite-  
ris, Sanctis Patribus, Oecumenicis  
Concilijs,

Concilijs, aut alia quacunque ratione  
sufficienter demonstrari posse, aut à  
solis hæreticis, Schismaticis, aut de  
hæresi suspectis, sed à pluribus Ca-  
tholicis pijs, ac eruditis, qui neque  
de hæresi, aut Schismate suspecti  
sunt, impugnatum esse, clarissimè  
comprobavi.

21. Ratio autem, ob quam ego  
Anglus potius contra Card. *Bellar-  
minum*, quàm contra *Sanderum* An-  
glum scripserim, in promptu est. *San-  
derus* enim in viuis iam non est, nec  
pro se respondere, aut nostras respon-  
siones confutare valet; neque etiam  
tam rigidus Censor erat, vt contrariâ  
sententiam tanquam manifestè hære-  
ticam condemnare ausus fuerit: At  
Card. *Bellarminus* adhuc superstes  
est, & pro se respondere, nostrisque  
difficultatibus satisfacere, nosque in  
*nona sua fide Catholica*, quam hucusq;  
ignoramus, melius instituere, aut sal-  
tem doctrinam suam (quod utique  
speramus) melius recognoscere, ne  
dicam, retractare potest. Neq; etiâ  
ego quidquam, Deus mihi testis est,  
aut adulationis, aut ostentationis  
Q causa

causa, sed gratia tantum veritatis in hac controuersia periculosa, quæ nunc inter *vestram Sanctitatem*, & *Regem nostrum Serenissimum* de iuribus vestris, spiritualia, an temporalia sint, existit, & cuius ignoratio tam corpora, quàm animas tot mille milium Christi fidelium in apertum discrimen conijcit, inuestigandæ conscripsi.

22. Ad ea autem quæ *Doct̃or* iste in laudem Card. *Bellarmini* ultimo loco subiungit, cum aut iactantiam nimiam, aut nimiam adulationem sapiant, respondere non est opus. Neque enim ipsius Card. *Bellarmini*, quem plurimum veneror, personam conuellere, sed doctrinam eius, salua semper omni reuerentia suæ personæ debita, refellere mihi est institutum. Quid enim impedit, quo minus vnus alteri licemintendat, vt sæpe inter fratres, & amicissimos contingit, absque eo quod se inuicem conuitijs lacerent, aut irreuerenter tractent?



## §. 18.

1 **D**Ecimò octavò , *Tertium*, quod Doct̃or iste in *Præfatione* Widdringtoni *reprehensionem* mereri affirmat, est, quòd hanc doctrinã de Pontificis potestate in deponendis Principibus novam esse dicit. Et tamen fatetur à Gregorio VII. depositum fuisse Imperatorẽ Henricum, quæ depositio facta est ante annos quingentos.

2. *Respondeo primum*, ait Doct̃or iste, novum dici non debet, quod ante tot sæcula capit in Ecclesia non solum doceri, sed etiam exerceri.

Deinde, etiamsi nova doctrina esset, modo ab Ecclesia Romana, quæ, teste ipso Widdringtono, columna est, & firmamentum veritatis, & infallibili iudicio pollet, probata sit, reijci vel impugnari à Catholicis non deberet. Multa enim declarantur ab Ecclesia posterioris temporis, propter novos exortos errores,

*quæ à prioris temporis Ecclesia declarata non fuerunt.*

*Quod autem Gregorius VII. Pontifex Romanus, cum ingenti Romano Concilio fecit, sine dubio Romana Ecclesia fecit, ac per hoc doctrina, & iudicium, quod inde processit, ut in columna veritatis fundata, à Catholicis hominibus in dubium reuocari non deberent. Hæc Doctor iste pag. 20.*

*§. 3. Veruntamen in hac etiam assertionem mea recensenda Doctor iste magna fraude, & falsitate usus est. In primis enim illam meam assertionem detruncat, & verba immediatè sequentia [ & prioribus seculis incognita ] quæ priora perspicua reddunt, quæq; etiam ad marginem ad ea explicanda de industria à me posita sunt, \*dolosè prætermittit. Neque enim mihi animus erat affirmare, doctrinam illam esse absolutè, & simpliciter, sed respectiuè, si puriora secula, & primitiuam Ecclesiam respiciamus, nouam, & Patribus antiquis omnino ignotam, atq; à Gregorio Papa VII. post mille centum annos à Christo nato in Christianorum*

*\* Vide infra  
§. sequenti  
num. 3.*

*Scholas*

Scholas inuectam.

4. Deinde falsum est, *me affirmasse*,  
vt *Doct̃or* iste comminiscitur, *Ecclesiã*  
*Romanam columnam esse*, & *firmamen-*  
*tum veritatis*; Ego enim *Catholicam*  
addidi, quod *Doct̃or* iste more suo  
fraudento tacet. Quis enim igno-  
rat, inter *Ecclesiam Romanam*, &  
*Ecclesiam Catholicam Romanam*,  
seu *Ecclesiam Catholicam*, cuius  
*Romanus Pontifex* supremus Pastor  
est, magnum discrimen constituen-  
dum esse, sicut etiam totum, & partẽ,  
vniuersale & particulare, valde distin-  
cta esse omnes norunt. Nam tametsi  
omnes Catholici assirment, *Ecclesiam*  
*Catholicam Romanam*, seu *Ecclesiam*  
*Catholicam*, cuius *Romanus Pontifex*  
caput est, seu *Concilium generale* legi-  
timẽ celebratum, in quo *Romanus*  
*Pontifex* præsidet, quod *Ecclesiam Ca-*  
*atholicam* repræsentat, esse *columnam*, &  
*firmamentum veritatis*, neque in rebus  
fidei certò definiendis errare posse,  
attamen plures Catholici, Scholæ  
præsertim Parisiensis Theologi, quo-  
rum doctrinam, vt hæreticam, erro-

riue proximam, erroneâ , aut temerariam condemnare , ingens meo iudicio temeritas est, cum asserant , Romanum Pontificem, nisi cum consensu, & approbatione *Concilij generalis* res fidei definiat, errare posse, affirmare etiam non dubitant, *Ecclesiam Romanam columnam, & firmamentum veritatis* non esse, aut infallibili iudicio pollere, & proinde illius definitiones, cum errori obnoxie sint, posse nunquam, si causa rationabilis adsit, à viris Catholicis , absque vlla hæreseos, erroris, aut temeritatis nota reijci, ac impugnari.

5. *Tertio*, falsum etiam est, doctrinam hanc de Pontificis potestate in deponendis Principibus ab Ecclesia Romana , seu ab aliqua Romana Synodo, quæ Ecclesiam Romanam repræsentat, quicquid dicat *Doctor* iste, vnquam definitam esse. Legi equidẽ *Henricum* quartum Imperatorem, à *Gregorio* Papa VII. in Romana Synodo excommunicatum, atque etiam Imperio priuatum esse ; Sed quòd in aliqua Romana Synodo à *Gregorio*,  
aut

aut quouis alio *Romano Pontifice* definitum fuerit, esse in *Romano Pontifice* potestatem *Reges*, ac *Imperatores* suis Regnis, & dominijs priuandi, nondū legi. Quod enim *Doctor* iste inferius, <sup>a</sup> illud ex *Lessio* <sup>b</sup> sumens, affirmat, conclusum, & definitum esse à *Sancto Gregorio VII. Romano Pontifice* in Concilio *Romano* anno 1076. Quod *Papa* liceat *Imperatores* deponere. Item, quod à fidelitate iniquorum subiectos possit absolvere, fabulam esse, & commentum ex proprio eius cerebro confictum in *Disputatione mea Theologica* perspicue commonstrauit.

<sup>a</sup> Pag. 259.

<sup>b</sup> In *Disput.*

*Apologes. pro*

*poteft. Summi*

*Pont. part. 2.*

*sect. 3 pag. 396.*

<sup>c</sup> *Cap. 3. Sec. I*

6. Quod autem Romanorum Pontificum facta, despositiones, dispensationes, concessiones, literæque decretales à Catholicis hominibus in dubium reuocari non possint, nullam profectò probabilitatis speciẽ habet, cum in factis, ac etiam decretis suis, quæ vel in falsa, aut fallibili opinione, & non in doctrina infallibili fundantur, eos errare posse nemo vir eruditus inficiari potest. Ego enim (ait Syluester <sup>d</sup>, ad obiectionem quandā

<sup>d</sup> *In Summa,*  
*verbo votum*  
*4. q. 5.*

Q 4

respon-

respondens , quòd Papa in solenni  
 castitatis voto de facto dispensauerit )  
*vidi Pontificem facientem maiora cum*  
*scandalo totius Christianitatis. Unde*  
*aliud est facere de facto , aliud determi-*  
*nare , quòd ita possit fieri de iure. Sed*  
 inueteratus iam huic Doctori mos est,  
 falsa pro veris, incerta, quæque à Ca-  
 tholicis impugnari possunt, pro certis,  
 quæque à Catholicis reijci nequeunt,  
 supponere, vt ita doctrinam suam à  
 Catholicis hominibus in dubium re-  
 uocari non posse confidentiùs voci-  
 ferari queat.

## §. 19.

I **D**ecimò nono , quartum , quod  
 Doctor iste in Præfatione mea  
 reprehensionem mereri affirmat , est,  
*quòd Widdringtonus scribit , se valde*  
*timuisse , ne reus esset cadum , aliorumq;*  
*infinitorum malorum , nisi liberè verita-*  
*tem diceret : Ideo conscientie exonerandæ*  
*causa ad scribendum animum appulisse.*

*Ac*

*Ac ne ambagibus uti velle videatur, disertis verbis confessionem suam ponit, dicens, Doctrinæ Catholicæ principijs non repugnare, quin potius consentaneum esse, quod Principibus etiam hæreticis, non obstante quacunque excommunicationis, aut deprivationis sententia a Summo Pontifice contra illos lata ( utpote cui potestas tantum spiritualis, & non sæcularis, qualis est Principes deponendi ex Christi institutione competit ) sit à populo illis civiliter subiecto obedientia in rebus politicis iure diuino exhibenda. ]*

*2 Respondeo, ait Doctor iste. Valde equidẽ tenere conscientie est Widdringtonus; & contrà crasse admodum conscientie fuisse necessum est S. Thomã, S. Bonaventuram, S. Raymundum, S. Antoninum, & infinitos alios doctissimos, sanctissimosque viros, qui sine scrupulo conscientie scripserunt, Principi politico a Summo Pontifice ob hæresim excommunicato, ac deposito non debere amplius a populis obedientiam ullam. D. Thomæ, qui agmen ducit, verba sunt hæc in 2. 2.*

*q. 12.*

q. 12. ar. 2. *Quam citò aliquis per sententiam denunciatur excommunicatus propter apostasiam a fide, ipso facto eius subditi sunt absoluti a dominio eius, & iuramento fidelitatis, quo ei tenebantur. Neque id ex capite suo S. Thomas finxit, sed ex Canonibus sacris accepit, quibus repugnare nullus Catholicus auderet. Hæc Doctor iste.*

3 Sed quid in hac mea assertione ullam planè reprehensionem mereatur, posito, quòd doctrina Card. *Bellarmini* de Principibus auctoritate papali deponendis, quam ipse *certam* esse prætendit, *certa* non sit, sed contraria *saltem probabilis*, & quod ex ea doctrina praxi mandata plurimæ seditiones semper in Republica ortæ fuerint, ego profectò non satis intelligo. Verissimum enim est, testem invoco Deum, me in principio de hac questione examinanda cogitantem magnis conscientiae stimulis, animiq; pressururis hinc inde agitatū esse. “Cum enim, ut verba mea eo loco  
“sincerè referam, serio mecum cogitare



“tare iam dudum cœpisssem, quanta  
 “pericula animarum, corporum, bo-  
 “norum, quos tumultus, quantasque  
 “seditiones, & coniurationes non  
 “Christianæ tantum perfectioni ad-  
 “uersantes, sed a feris etiam barbo-  
 “rorum animis plurimum abhorren-  
 “tes, doctrina hæc noua, <sup>a</sup> & <sup>p</sup>riori-  
 “bus seculis incognita de Principibus  
 “Secularibus per potestatem spiritu-  
 “alem deponendis, in orbem Chri-  
 “stianum inuexerit, simulque mihi  
 “certò persuasisse, eam nec Scriptu-  
 “ræ sacræ, nec Ecclesiæ primiti-  
 “praxi, nec Sanctorum Patrum au-  
 “thoritati, nec ipsi rationi naturali  
 “consentaneam esse, sed varijs simi-  
 “litudinibus plus iusto extortis, So-  
 “phisticis quibusdam argumentati-  
 “onibus, & quod caput est, nonnul-  
 “lis recentiorum Pontificum factis,  
 “atq; exemplis duntaxat fulciri (quæ  
 “omnia nullum certum huius tem-

a Nam Gre-  
 gorius VII.  
 fuit primus  
 omnium Pon-  
 tificum, qui  
 Imperatorem  
 deposuit, & v-  
 scribit Bellar-  
 minus lib. 5.  
 de Rom. Pont.  
 cap. 5. Primi,  
 qui temporalem  
 potestatem  
 Pontifici ex  
 Christi institu-  
 tione tribuunt  
 videntur esse  
 Hugo de S. Vict.  
 & S. Bernardus,  
 quem  
 sequuti sunt

Alexander, Bonauentura, Henricus, Durandus, & alii posteriores,  
 Sed quod neq; Hugo, neq; S. Bernardus, nec Alexander huic sen-  
 tentia de temporali Pontificii potestate faueant, inferius num. 124;  
 129. & 196. apparebit. Et propterea doctrina ista noua est, & pri-  
 oribus seculis incognita.

poralis

"poralis Pontificum super Principes  
 "potestatis argumentum viris erudi-  
 "tis, quique debitam ex lege *Christi*  
 "erga utrosque reuerentiam seruare  
 "cupiunt, exhibere valent) quantis  
 "conscientiæ stimulis, quibusque  
 "animi pressuris hinc, illincque  
 "derepente angebar, satis profecto  
 "explicare non possum.

" 4 Hinc enim timor, non Dei,  
 "sed hominum me a scribendo valde  
 "deterrebat; illinc Dei amor, & proxi-  
 "mi me ad scribendum denuo inuita-  
 "bat. Atque ita vndique mihi angus-  
 "tiae erant. Nam & verebar, ne scri-  
 "bendo Pontificis indignationem (*id*  
 "*quod exitus probauit*) cæteraque in-  
 "commoda, quæ inde nasci solent,  
 "incurrerem, & ne silendo Dei iram  
 "in me concitarem, ac perpetuum  
 "conscientiæ vulnus mihi metipso  
 "infligerẽ. Verum in hoc certamine  
 "illud S. Pauli <sup>b</sup> *Si hominibus placerem,*  
 "*Christi seruus non essem,* sapius  
 "reuoluens, tandem præualuit chari-  
 "tas, omnemque foras emisit timo-  
 "rem. Cuius legibus me omnino  
 obstrictum

<sup>b</sup> *Ad Gal. I.*

“obstrictum esse reputabam, vt post-  
“quam iam controuersia hæc de  
“Principibus auctoritate Papali de-  
“ponendis hinc inde magno impetu,  
“multoque sanguine agitari cæpta  
“est, ipsâ veritatem, quæ mentis meæ  
“oculis meridiana luce penè clarior  
“apparebat, non præ timore hominū  
“intus retinerem absconditam, sed  
“omnibus, qui eam diligenter inue-  
“stigare, & inuentam toto corde  
“amplecti cuperent, sincerè patefa-  
“cerem. Aliter enim metuebam, ne  
“infinite illis malis, cædibus innu-  
“meris, cæterisque omnibus periculis  
“obnoxius essem, quæ ex illius igno-  
“ratione tum ipsis Principibus, tum  
“populo etiam Christiano evenire  
“posse, ac solere, quotidiana experi-  
“menta, proh dolor, nimis luculenta  
“perhibent testimonia.

5 Iam quid in his verbis conti-  
neatur, quod reprehensione dignum  
sit, aut viris in neutram partem pro-  
pensis meritò displicere queat, ego  
profectò capere non possum. At  
*contrariam doctrinam sine scrupulo te-*  
*nere*

nent S. Thomas, S. Bonauentura, S. Raymundus, S. Antoninus, & infiniti alij doctissimi, sanctissimique viri, & propterea necessum est, ait Doctor iste, eos *crasse admodum conscientia fuisse*. Sed huiusmodi collectiones friuolæ sunt, & in conuitijs magis, quàm in argumentis recensendæ. Quasi verò nemo doctrinam aliquam S. Thomæ, alijsque nonnullis repugnantem amplecti, atque ad eam amplectendam rationibus verè probabilibus, quæque intellectum, & conscientiam eius prudenter moueant, duci queat, nisi S. Thomam, & alios contrarium sentientes, aut tanquam *crasse admodum conscientie homines*, aut tanquam *crasse admodum errantes* traducat. Ab huiusmodi indecoris contumelijs abstinendum esse Christiana tum charitate, tum modestia edocemur.

\* Lib. 5. de

Rem. Pont. cap. in 3<sup>a</sup> ratione.

6 An forsan quia Card. Bellarminus olim \* contra S. Thomam sensit, Principes infideles auctoritate Summi Pontificis suis Dominijs priuari non posse, & nunc quoque contra ipsum, & S. Bernardum etiam sentit, B.

*Virginem*

*Virginem* singulari Dei priuilegio a peccato originali præseruatam fuisse, atque etiam directum Summi Pontificis in temporalibus dominium, contra *S. Thomam*, *S. Bonauenturam*, *S. Antoninum*, si (*Franc. Bozio* \* credendum<sup>c</sup> est) & infinitos alios doctissimos, sanctissimosq; viros acriter impugnat, conscientia suæ procul dubio persuadens, se ad ita contra eos sentiendum iustis de causis impulsum esse, hinc rectè concludi posse *Doctor* iste affirmaret, *valde equidem teneræ conscientia esse Card. Bellarminum, & contra crassæ admodum conscientia fuisse necessarium est S. Bernardum, S. Thomam, S. Bonauenturam, S. Antoninum, & infinitos alios doctissimos, sanctissimosque viros, qui sine scrupulo conscientia contrarium scripserunt* Sed pudet me profectò in istiusmodi nugis immorari.

7 Sed illud, quod *Doctorem* istum adeo discruciat, est illa mea confessio, quam, ne ambagibus uti velle videar, ait *Doctor* iste, disertis verbis statim pono.

“Itaque

d Tanta est in-  
ter Doctores  
controversia de  
plenitudine Ec-  
clesiastica pote-  
statis, & ad  
que se extendat  
ut pauca sint in  
ea materia secu-  
ra, ita quòd, ut  
dicit Guilielm<sup>9</sup>  
Occam circa  
finem primæ  
partis Dialogi,  
summè necessa-  
rium foret, quòd  
per sapientes  
iuramentis, &  
horribilibus  
comminationi-  
bus ad veritatē  
dicendā arcta-  
tos declararen-  
tur, que ad ple-  
nitudinem pote-  
statis Ecclesiæ  
spectant. Ita  
Iacobus Al.  
mainus de Au-  
thoritate Ecclē-  
siæ cap. 3. in  
principio.

“Itaque rem Deo gratissimam,  
“proximo vtilissimam, propriæque  
“conscientiæ exonerandæ pernecef-  
“sariam præstare existimabam, si de-  
“plorando huius temporis statu per-  
“penso, in quo quamplurimi (quod  
“sciens, dolensque refero) quid circa  
“temporalem Pontificis potestatem  
“intus in corde sentiant, foras propa-  
“lare præ timore non audent, dip-  
“sam veritatem plurimorum Sophis-  
“matum inuolucris artificiosè con-  
“tectam apertè detegerem, atque  
“adeo tum populo Christiano notū  
“facerem, quàm firmo, ac immobili  
“fundamento nitatur obedientia,  
“quā in rebus ciuilibus Principibus  
“Secularibus iure diuinò debent,  
“tum ipsis etiam Principibus, ijs po-  
“tissimum, qui Romanæ Ecclesiæ  
“non adeo fauent, euidenter osten-  
“derem, quomodò doctrinæ Catho-  
“licæ principijs non repugnet, quin  
“potius consentaneum sit, quòd  
“Principibus etiam hæreticis, non  
“obstante quacunque Excommuni-  
“cationis, aut deprivationis senten-  
“tia

“tia à Summo Pontifice contra il-  
“los lata (vtpote cui potestas tantum  
“spiritualis, & non Secularis, qualis  
“est Principes deponendi, ex Christi  
“institutione comperit) sit à populo  
“illis ciuilitè subiecto obedientia in  
“rebus politicis iure diuino exhiben-  
“da. Ita enim neque fides subditi  
“à debita suis Principibus obedien-  
“tia præstanda vllatenus dimoueri,  
“aut ad seditiones in Republica po-  
“litica prætextu Religionis excitan-  
“das, cum summo tum sui, tum Rei-  
“publicæ periculo, nec cum minori  
“Religionis Catholicæ scandalo,  
“quorumcunque persuasionibus fa-  
“cilè induci poterunt; neque Prin-  
“cipes, qui erga Religionem Catho-  
“licam alioquin non bene sunt affe-  
“cti, quovsq; de subditorum suo-  
“rum fidelitate securi reddi queant,  
“erunt ignari, neque præ timore sta-  
“tus sui politici à Catholicis aut euer-  
“tendi, aut perturbandi, à fide Ca-  
“tholica vel amplectenda, vel saltem  
“permittenda meritò deterreri pos-  
“sunt. Hæc ego in dicta Præfatione.

R

§. Ille

8. *Iste enim mea pro Iure Principium Apologia finis*, hic scopus erat, ut quonoiam ab hac doctrina pro potestate *Summi Pontificis* Principes deponendi praxi mandata, tot bella, tot schismata, tot animarum, & corporum pericula in orbe Chritiano originem traxere, & nunc etiam hic in Anglia, Religio Catholica apud *Protestantes*, præter temporalis, & æternæ salutis discrimen, in quod Catholici quotidie adducuntur, tam graue inde scandalum indies sustinet, cum subditi Catholici iuxta hanc doctrinam, si eam de fide certam esse semel supponamus, verè, sincerè, & constanter fideles *Regi nostro Srenissimo* subditi esse nequeant, nisi ad arbitrium *Pontificis*, in cuius libera potestate est, *Regem* nostrum disparem illi Religionem profitentem è Regni solio deicere, & subditis, ne illi fidelitatem præstent, imperare, euidenter ostenderem, quomodo subditi Catholici erga *Regiam Maiestatem* in praxi se gerere debeant, si semel admittamus, doctrinam hanc pro potestate Papali Principes abdicandi non



non esse *certam*, & ab Ecclesia definitam, sed apud Catholicos pios ac eruditos controuersam esse.

9. Hoc enim semel concessio, eandē planē confessionem meam, quantumcunque huic *Doctori* non arrideat, iterum, atque iterum repetere non pertimesco, nempe, non posse à manifesta perduellione excusari subditū, (cū possessor bonæ fidei, iuxta receptissimam iuris regulam in lege naturali fundatam, non sit è possessione sua, quamdiu lis sub Iudice est, deturbandus) quamcunque opinionem circa potestatem Pontificis temporalem *speculatiuè* tueatur, qui *practicè* sub quouis etiam Religionis Catholicæ promouendæ pretextu, Principem suum legitimum, non obstante quacunque Excommunicatione, aut deprivatione Papali, è Regni sui possessione expellere niteretur.

10. Sed *contrarium*, ait *Doctor* iste, *S. Thomas tenuit*. Esto; neque enim ego de hac re cum *Doctore* isto in presenti contendam. Verū idcirco *S. Thomas* contrarium tenuit, quoniam

existimauit, iudicium *Summi Pontificis* in rebus fidei absque Concilio generali definiendis errori obnoxium non esse, & forsan etiam arbitratus est, doctrinam hanc pro Principibus auctoritate Papali deponendis fuisse in canone illo, *Nos sanctorum*, à Gregorio VII. sufficienter determinatam. Sed quòd neque doctrina illa de infallibili *Summi Pontificis* in rebus fidei definiendis iudicio certa sit, sed contraria apud grauissimos, doctissimosque Catholicos controuersa, neque hac de potestate *Summi Pontificis* Principes supremos deponendi fuerit in eo canone sufficienter determinata superius e commonstrauit.

e §. 7.

II. Attamen, quamcunque opinionem *S. Thomas* circa potestatem *Summi Pontificis* Principes abdicandi *speculatiue* sequutus fuerit, nunquam tamen *S. Thomas* hanc doctrinam tenuit, neque ab aliquo viro erudito teneri potest, quòd possessor bonae fidei è legitima sua possessione, lite adhuc pendente, ab aduersa parte licet excludi possit.

12. Sec

12. Sed *S. Thomas*, ait *Doctor* iste, *illud non ex capite suo finxit, sed ex sacris Canonibus accepit, quibus repugnare nullus Catholicus auderet.*

13 Veruntamen, quàm infirmæ sint rationes, quas *S. Thomas* ad potestatem Summi Pontificis subditos a fidelitate Supremis Principibus etiam infidelibus debita absoluendi confirmandum affert, *Ioannes Barclaius*, vir doctissimus, cui adhuc a Card. *Bellarmino* responsum non est, neque ei meo iudicio solidè responderi potest, nisi prohibitio sui libri, nulla causa, ob quam prohibita est, speciatim indicata, pro solida Responsione habenda sit, aduersus Card. *Bellarminum* clarissimè comprobavit<sup>f</sup>. Atq; etiam in quo sensu Canon ille, *Nos sancto- rum*, ex quo *S. Thomas* illud accepit, si canonem illius de supremis Principibus intelligendum esse quis velit, a- cer dicendus sit, sicut etiam quinam Summorum Pontificum canones sacri dicendi sint, vt eis repugnare nullus Catholicus audeat, quinam non sa- cri, quibus repugnare licet, & quinã

*f. In Vindicijs  
pro Guilielmo  
Barclai aduer-  
sus Card.  
Bellarm. in  
Prologom. in  
principio & ca.  
21. §. 5. & 6.*

g §. 8.

*sacrilegi*, quibus repugnare omnes tenentur, à me superius & explicatum est. Neque enim omnes Summorum *Pontificum canones*, tametsi in corpore Iuris *Canonici* reperiuntur *sacros* dicendos esse, ut eis repugare nullus Catholicus audeat, *Doctor* iste affirmare audet; Et propterea diligenter cauendum est, ne canones non *sacri*, prophani, aut *sacrilegi*, quibus repugnare quilibet Catholicus aut potest, aut tenetur, pro *sacris* canonibus, quibus repugnare non licet, a quopiam, sub fucato deuotionis erga *Sedem Apostolicam* prætectu, fidei populo obtrudantur.

## §. 20.

1. **V**igesimo, & ultimò, *Quintum, & ultimum*, quod Doctor iste in *Prefatione* reprehensionem mereri affirmat, est, quòd *Widringtonus* protestationem contrariam facto adiungat: In omnibus, inquit, me *Sanctæ Ecclesiæ Catholicæ Romanæ* censura, atque correctioni, cum omni, qua par est, submissione subijcio.

2. Respondeo, ait Doctor iste. <sup>a</sup> *Bona* <sup>a</sup> Pag 22. hæc sunt verba, & *Catholica viro* digna. *Vitam* facta verbis respondeant; nihil desiderabimus amplius. At verò cum toto libro *Romanæ Ecclesiæ* voces, & decreta contemnat, & hostibus *Ecclesiæ* coniunctis, potestatem & dignitatem eius totis viribus oppugnet, & si non penitus tollere, certè dimidiare conetur, non video, qua alia intentione hæc verba proferantur, quàm quâ illi percutiebant caput eius (*Christi*) *arundine*, & ponentes

*genua adorabant eum. Marc. 15. cap. Et veniebant ad eum, & dicebant, Ave Rex Iudeorum, & dabant ei alapas. Iob. 19. cap.*

3 Sed hæc mera calumniæ est, & vetus cantilena à *Doctore* isto sæpius decantata. Neque enim verum est, me Sanctæ Ecclesiæ Catholicæ Romanæ voces, & decreta contemnere, & hostibus Ecclesiæ coniunctum potestatem, & dignitatem eius totis viribus oppugnare. Illam cum omni, quæ par est, reuerentia, veneror, colo, atque suspicio, illiusque censuræ in omnibus me subijcio, & voces, ac decreta illius obseruo, & obseruandas esse doceo. Sed nihilominus neque istius, neque alterius cuiuscunque priuari Doctoris sacrorum Ecclesiæ decretorum expositiones, & commenta pro Ecclesiæ vocibus, ac decretis obseruandas esse ingenuè profiteri non pertimesco. Neque ego cum hostibus Ecclesiæ, sed cum viris Catholicis pijs, ac eruditis coniunctus affirmo, non esse certum, & de fide, sed de hac re certare Scholasticos, & adhuc  
sub

sub Iudice litem esse, An Papa possit Principes deponere.

4 Denique *Bartholus*, & alij Canonistæ, eandem omnino calumniam in Card. *Bellarminum*, qui ex *Bartholi* sententia doctrinam circa temporalem Summi Pontificis Monarchiam ab Ecclesia Catholica Romana condemnatam cum *Marsilio*, *Dante*, *Occamo*, *Luthero*, *Caluino*, & alijs propugnat, & dignitatem eiusdem, si non penitus tollere, certè dimidiare conatur, totidem planè verbis retorquere possent, atque cum *Doctore* isto exclamare, Card. *Bellarminum* *Romanæ Ecclesiæ* vocis, & decreta contemnere, & hostibus *Ecclesiæ* coniunctum potestatem, & dignitatem eius totis viribus oppugnare, & si non penitus tollere, certè dimidiare conari, adeo ut non videatur, qua alia intentione verba illa, quibus ipse se in omnibus *Ecclesiæ Catholicæ Romanæ* censuræ submittit, quin etiā eundem librum Summo Pontifici *Sixto V.* dedicat, ab eo proferantur, quam qua illi percutiebant caput eius (Christi) arundine, & ponentes genua adorabant e-

um. Marc. 15. cap. *Et veniebant ad eum, & dicebant, Ave Rex Iudeorum, & dabant ei alapas Ioan 19. cap.*

b Pag. 2.

5 Hæc sunt, B<sup>me</sup> Pater, vniuersa illa dogmata, quæ *Doctor* iste, ad me *hereseos accusandum*, quin etiam vt ait ipse, *ominino reum peragendum*, ex mea *pro Iure Principum Apologia* collegit, in quibus recensendis, atque impugnandis, quàm insigni fraude, & fallitate vsus fuerit, & quàm egregium conuictiorem, ac calumniatorem egerit, vestræ *Sanctitati*, totique mundo clarissimè patefeci.

6 Reliquum iam est, vt vestram *Beatitudinem*, supremum in spiritualibus Iudicem, appellem, atque ad vestræ iustitiæ tribunal de iniusta mea oppressione, aduersus *Doctorem* istū, quicumque ille sit, queritans, cumque in *calumnia*, ac *impostura* iudicium adducens, prouocem; vestram *Sanctitatem* obnixè deprecans, vt iustum iudicium iudicet: Et si forsan in aliquo me per ignorantiam errasse perspexerit (nunquam enim de industria, Deo protegente, in errorem inducar) illud mihi



mihî notum facere non dedignetur, & ego statim me corrigere, & pœnas præterea quascunque tali errori debitas lubenti animo subire paratissimum me esse profiteor.

7. Sin autem *Sanctitas* vestra *Doctorem* istum mihi crimina illa falso imposuisse, & manifestas calumnias, in re tam gravi, qualis est *heresis*, adhibuisse deprehenderit, ut illum tanquam egregium *impostorem*, & *calumniatorem*, qui & mea innocentia, & vestra *Sanctitate*, totæq; mundo adeo turpiter in graue *Religionis Catholicae*, *Sedisque Apostolicae* opprobriû scriptis tam publicis abuti ausus fuerit, deinceps habeat; neque in posterum illius informationibus absque diligenti examine fidem adhibeat, atque etiam ut sententiam illam *Sacrae Congregationis* aduersus me, meosque libros ex falsa istius *Doctoris*, uti verisimile est, informatione latam reuocare (neque enim sententiam ex mala informatione iniuste latam irritam reddere, ullius tribunalis, & præsertim *Vicarij Christi* dignitatem dedecere existimandum est)

est) & denique vt famæ, ac innocentia meæ inde grauitè læsæ restituenda omni meliori modo consulere velit, ne fortè supremus ille Iudex, qui *personam hominum non accipit*<sup>c</sup>, qui *non subtrahet personam cuiusquam*, nec *verebitur magnitudinem cuiusquam*, quoniam pusillum & magnum ipse fecit, & equaliter est illi cura de omnibus<sup>d</sup>, iniustam meam oppressionem vindicet, atque acerrimè in hac etiã vita, quod vtique non desidero, vlciscatur, nam procul dubio in die ira, & reuelationis iusti iudicij reddet unicuique secundùm opera eius<sup>e</sup>.

<sup>c</sup> Iob. 34. &  
Gal. 4.

<sup>d</sup> Sap. 6.

<sup>e</sup> Rom. 2.  
<sup>f</sup> Zach. 9.

<sup>g</sup> Ierem. 21.

<sup>h</sup> Leuit. 19.

Igitur iudicium verum indicate, <sup>f</sup> & eruite vi oppressum de manu calumniantis, & non consideretis personam pauperis, nec honoretis vultum potentis, sed iustè indicate proximo<sup>h</sup> vestro.



*In Supplicatione.*

**I**n titulo. lin. 7. lege *qua*. Pag. 8. l. 19. *Relator sit*.  
 p. 15. l. 25. *late*, & p. 18 l. 24. *temporalis*.  
 p. 24. l. 1. & Card. p. 27. l. 6. in margine cap. 6.  
 p. 31. l. 10 *depositiones*. p. 32. l. 1. *experientia*. p. 33.  
 l. 20. *poteſt*? p. 43 l. 15. in margine *temporalis*. p. 44.  
 l. 20 *contumaciam*. p. 46. l. 9. *iudiciū*. p. 49 l. 12 &c.  
 p. 50. l. 15. *putent*. p. 51. l. 11. *iniquum*. p. 55. l. 25.  
*inquam*. p. 58. l. 3. *caueat*. & l. 7. *religioni*. p. 62. l.  
 12 *quantam*. p. 65. l. 5. *declaratur*. p. 87. l. 22. *dimi-*  
*nuta* p. 92. l. 25. *indicare*.

*In Appendice.*

**I**n titulo. l. 4. *qui*. & l. 14. *iudiciū*. p. 8. adda-  
 tur in margine è regione lin. 13. *Si 7 ra ſit*  
*Cenſura illa, quam typis excuſam vidi, in qua Sacra*  
*Congregatio ex mandato ſua Sanctitatis die ter-*  
*tia Ianuarij 1613. Controverſiam Anglicanam*  
*pro deſenſione Illuſtriſſimi Card. Bellarmini*  
*Auctore R. P. Martino Becano omnino prohibet,*  
*& in ſecunda claſſe Indicis reponendam præcipit,*  
*donec corrigatur: eo quòd nonnulla falſa, temera-*  
*ria, ſcandalofa, & ſeditioſa reſpectuè in ea*  
*contineantur.* p. 29 l. 10. in marg. lege *part. 1. cap.*  
*1. & 6.* p. 41 l. 18. *eamque*. pag 60. l. 1. *deleatur*  
*pro.* p. 86. l. 19. *calumniandi*. p. 92 l. 10. *quam*. p.  
 105. l. 20. *rationabilibus*. p. 107. l. 8. *ac*. p. 108.  
 l. 16. *rationab. libus*. p. 109 l. 7. *rationabilibus*.  
 p. 112. l. 14. *rationallibus* p. 119. l. *rationabilibus*.  
 p. 125. l. 17. *Regia*. p. 126. l. 10. *ſemine*. p. 130.  
 l. 1. *animus*. p. 135 l. 8. *aſſertio ſit*. & l. 22. *eſſe aſ-*  
*firmabant*. p. 144. l. 19. *deleatur alijs naturali-*  
*bus*. p. 146. l. 11. à *Regia*. p. 166. l. 19. *falſam*  
 p. 171. l. 27. *non fuerint*. p. 187. l. 27. *contendit*.  
 p. 203. l. 6. ? p. 226. l. 2 *conſtituta*. p. 241. l. 17.  
*depoſitiones*. p. 242. l. 25. *deberi*. p. 244. in titulo  
*nona*. p. 245. l. 24. in marg. 124 p. 246. in tit. *nona*.

